

CURSUS THEOLOGICUS

Ad usum Tyronum elucubratus,

Et in Quotidianis Prælectionibus

A P. DOMINICO VIVA
SOCIETATIS JESU

SACRÆ THEOLOGIÆ PROFESSORE

Suis Auditoribus Traditus

In Palæstra Collegii Neapolitani ejusdem Societatis, .

DICATUS

EXCELLENTISSIMO DOMINO

BARTHOLOMÆO V.
DE CAPUA

MAGNO ALTAVILLÆ COMITI XIX.

Principi Ariciæ, Biccari Comiti, Duci Aerolanorum, Comiti Montis
Auri, & Rotelli, Marchioni Arpadii, Utili Domino Civitatis
Nicoteræ, Baroni Vallis Majoris, Plancatellæ, &
Arnoni, &c. Ex Magnatibus Hispaniæ,
Domino Domus Capuæ.

PARS OCTAVA

DE POENITENTIA UT VIRTUTE;
ET UT
SACRAMENTO.



PATAVII, Ex Typographia Seminarii, MDCCXXVL

Apud Joannem Manfrè.

Superiorum Permissu, ac PRIVILEGIO.

I N D E X

Q U Æ S T I O N U M

De Pœnitentia ut Virtute, & ut Sacramento.

DISPUTATIO I.

DE materiali objecto Pœnitentie. pag. 1

Q U Æ S T I O I.

IN quonam consistat essentia peccati habitualis? ibid.

ART. I. Refelluntur plurima sententia de continuo peccati habitualis. 2

ART. II. Stabilitur essentia peccati habitualis. 4

ART. III. Diluuntur objecta. 6

QUÆST. II. De Peccato Originali. 10

ART. I. Quid sit, & quomodo propagatur Peccatum Originale? ibid.

ART. II. An, & quomodo Deipara immunis fuerit ab originali, & a debito proximo illud contrahendi? 12

ART. III. Utrum Infans cum originali decedens puniatur æternum Pœna sensus? 14

QUÆST. III. Quid sit veniale, & an in inferno per accidens puniatur æternum. 16

QUÆST. IV. Quanam Peccata sint objectum materiale virtutis Pœnitentie. 21

DISPUTATIO II.

DE effectu Pœnitentie quoad Remissionem culpæ, & Reviviscenciam Meritorum. 24

Q U Æ S T I O I.

AN sit possibile peccatum essentialiter irremissibile? ibid.

QUÆST. II. An possit peccatum remitti absque prævia satisfactione peccatoris. 30

QUÆST. III. An possit peccatum remitti per condonationem extrinsecam. 33

QUÆST. IV. Utrum etiam denominatio Justitiae, & Sancti haberi possit in alio ordine per extrinsecam tantum Formam. 38

QUÆST. V. Utrum possit peccatum remitti dum sit, sive antequam fiat? 43

QUÆST. VI. Utrum possint remitti peccata divisibiliter, tum quoad se, tum quoad reatum suos? 48

QUÆST. VII. De Venialium Remissione. 52

ART. I. Quanam sit forma Venialium deletiva? & an pro iis possit condigne iustus satisfacere? ibid.

ART. II. Quanam alius supernaturales sufficiens ad venialium deletionem; & quomodo per Sacramentalia tollantur? 54

ART. III. An, & quomodo venialia post hanc vitam deleantur. 56

QUÆST. VIII. De meritum reviviscencia per Pœnitentiam, ac de Peccatorum reditu per lapsum. 58

ART. I. An, & quomodo merita per Pœnitentiam reviviscant? ibid.

ART. II. An peccata dimissa redeant, aut redire possint per lapsum? 60

QUÆST. IX. Utrum in priori ad infusionem Gratia deleantur mortalia per applicationem satisfactionum Christi Domini? 62

DISPUTATIO III.

DE natura, formali objecto, ac subiecto virtutis pœnitentie. 66

Q U Æ S T I O I.

AN Pœnitentia sit Virtus. ibid.

QUÆST. II. Utrum Pœnitentia sit virtus specialis? 68

Q U Æ

INDEX QUÆSTIONUM.

QUÆST. III. Utrum Penitentia sit virtus pure Fugæ?	72
QUÆST. IV. De objecto formali, & sub- jecto virtutis Penitentia.	76
QUÆST. V. Utrum Penitentia sit virtus pure reflexa?	79
QUÆST. VI. Utrum virtus Penitentia ex frequentatis aliis supernaturalibus acqui- sita sit supernaturalis?	82

DISPUTATIO IV.

D E Penitentia Sacramento.	84
-----------------------------------	----

QUÆSTIO I.

D E materia, & forma Sacramenti Peni- tentia.	
QUÆST. II. De dolore Sacramenti Peniten- tie constitutivo.	87
ART. I. Quid sit contritio, quid attritio? Ubi plura ad hosce actus pertinentia. ibid.	
ART. II. Utrum contritio perfecta sit forma iustificans?	91
ART. III. Num possit dari Sacramentum Pe- nitentia validum, & informe ex defectu doloris illimitati.	9
ART. IV. Utrum attritio sufficiat in Sacra-	

mento Penitentia, etiam quicumque Dei dilectionem excludat.	103
ART. V. Expenduntur plurima de dolore, ac proposito ad Sacramentum Penitentia re- quisitis.	107
QUÆST. III. De Confessione.	103
ART. I. Num detur obligatio confitendi cir- cumstantias mere aggravantes, & peccati complicem?	ibid.
ART. II. Num detur obligatio confitendi pec- cata dubia?	112
ART. III. An peccatum sibilonis in instanti Baptismi sit materia Confessionis? & quid de peccato pure putato?	118
ART. IV. Quomodo explicandus sit numerus peccatorum? & quomodo peccata numerica multiplicantur.	121
ART. V. Utrum subiiciendus sit clavibus ef- fectus proveniens ex peccato commisso, non so- lus ac actus externus peccaminosus.	123
QUÆST. IV. De satisfactione Sacramenta- li.	125
ART. I. Quid sit satisfactio, & quam ejus condiciones?	126
ART. II. De penitentia a Confessario injun- genda.	129
QUÆST. V. De forma absolutoria Sacra- menti Penitentia.	133

CURSUS THEOLOGICUS

Ad Usum Tyronum elucubratus.

PARS OCTAVA.

DE POENITENTIA UT VIRTUTE, ET UT SACRAMENTO.

PROOEMIUM.



Poenitentia, secunda Tabula post naufragium, ex nominis etymologia idem sonat, ac poenitentia, ut notat Augustin. lib. de vera, & falsa Poenitentia: & ex Isidoro lib. 3. Etymologiarum, est quasi poenitentia; importatque retractationem culpæ cum animi poena, seu dolore, ac proposito emendationis simul cum voluntate puniendi, ac satisfaciendi. Unde Greg. hom. 34. in Euang. ait: *Poenitentiam agere est perpetrata mala plangere, & plangenda non perpetrare.* Dedicata primum poenitentia fuit in Paradiso voluptatis, ut inciperet esse virtus, postmodum a Christo Domino consecrata fuit in Paradiso Ecclesiæ, & facta est Sacramentum: Propterea prius agendum de Poenitentia ut virtute, quæ uberiorem etiam discipulandi segetem subministrat; deinde de eadem quatenus est Sacramentum; præsertim quia nequit aliter huius Sacramenti doctrina percipi, nisi prius virtutis huius noticia habeatur; cum actus poenitentiae partes sint Sacramenti. Cum autem virtutis indoles dignosci nequeat, non explicato ejus objecto materiali, ac formali, idcirco prius agemus de objecto materiali poenitentiae, nempe de peccato; ac deinde ut ejus præstantia a posteriori suscipiamus, agemus de ejus effectibus, qui sunt remissio culpæ, & meritum reviviscencia: Tum de natura huius virtutis, ejusque formali objecto, ac subiecto: Postremo de Poenitentiae Sacramento.

DISPUTATIO I.

De materiali objecto Poenitentiae.

Quamvis ad hanc virtutem tres illi præcipue spectent actus, videlicet Odium, ac detestatio peccati, Dolor de peccato commisso cum proposito emendationis, & Vo-

luntas satisfaciendi pro offensa cum spe veniæ; formaliter tamen Poenitentia videtur consistere in actu doloris, qui est animi poena, radicaliter vero in odio, ac detestatione peccati, & complete in satisfactione. Porro illud, circa quod hujusmodi actus versantur, dicitur objectum materiale poenitentiae; cum universum objectum materiale virtutis sit id, quod per ejus actus amamus, vel odio habemus; objectum vero formale sit id, quod est motivum amandi, vel odio habendi, seu id, a quo impellimur ad prosequendum, vel averfandum objectum materiale. Cum autem omnes poenitentiae actus versentur circa peccatum, idcirco peccatum est objectum materiale huius virtutis. Inquirendum tamen est, utrum objectum materiale poenitentiae non solum sit peccatum actuale, sed etiam habituale, & originale; necnon veniale, & merè imperfectiones, quæ culpa vacante? Utrum etiam peccata dimissa, vel nondum commissa, aut peccata aliena? ex quibus multa inferuntur spectantia ad materiam remotam Sacramenti Poenitentiae, quæ ex Trident. est solum peccatum commissum post Baptismum. Ut autem hæc aliter percipiantur, Primo examinabimus, in quoniam consistat essentia peccati habitualis? Secundo, quid sit peccatum originale? quomodo propagetur, & in alia vita puniatur? Tertio quid sit veniale, & an puniatur in Inferno per accedens in æternum? quibus explicatis, decernemus, quanam peccata sint objectum materiale virtutis poenitentiae.

QUÆSTIO I.

In quoniam consistat essentia peccati habitualis?

Nemo est qui dubitet, tam peccatum actuale, quam habituale reddere hominem maculatum; unde Eccles. 31. dicitur: *Beatus dives, qui invenit sine macula:* & Psalm. 14. *Domine, quis habitabit*
in

in tabernaculo tuo, &c. qui ingreditur sine macula, hoc est sine ulloque peccato tum actuali, tum habituali. Multiplex autem est sententia de constituto peccati habitualis; Nos, rejectis celebrioribus, probabiliorem, & communiorē inter Recentiores stabilimus.

Q U Æ S T I O I.

Refelluntur plurimæ sententiæ de constituto peccati habitualis.

I. Prima sententia reponit habituale peccatum in qualitate, quam vocant morbidam, seu morbosam; & per illam constituit etiam peccatum originale, docet Ariminesis, & Okamus, putantes illam causari vel a serpente, qui allocutus est Evam, vel a pomo vetito, vel a Deo.

Hæc tamen sententia rejicitur communiter, quia etiam sublata hujusmodi qualitate, qui peccavit est maculatus moraliter, seu est reus odii, & pœnæ, nisi ad peccatum subsequatur satisfactio, aut remissio; ergo impertinenter se habet hujusmodi qualitas ad constituendum peccatum habituale, seu ad reddendum hominem maculatum.

Dices: Sine qualitate intrinseca, nempe sine gratia, homo non habet jus ad amorem Dei amicabilem, & ad vitam æternam; ergo sine qualitate physice intrinseca neque erit reus odii, & pœnæ.

Sed primo falsum est antecedens in mea sententia, qui cum Arriaga disp. 44. de Justificatione, Oviedo, & aliis censo, posse hominem per sanctitatem extrinsecam sanctificari, videlicet per puram Dei extrinsecam promissionem de dando amore amibili, & vita æterna. Secundo dispar est ratio inter amicitiam Divinam, & ininicitiam, seu inter jus ad amorem, & reatum odii: per hoc enim præcisè quod homo peccet, est dignus odio, ut patet in humanis; at non per hoc præcisè quod amet Deum, est dignus amore amibili, ut hic supponimus contra Vasquez putantem, actum charitatis iustificare formaliter; ergo ut sit dignus amore amibili Divino, indiget Gratia superaddita, quæ sit quædam externa Dei promissio de dando suo amore, & vita æterna; sed ut sit dignus odio, nulla indiget qualitate superaddita, sed sufficit, quod peccaverit, & non successerit condonatio, aut satisfactio.

II. Secunda sententia reponit peccatum

habituale in habitu vitioso relicto ex actu peccaminoso. Ita videtur sentire Gregorius in 1. dist. 30. qu. 2.

Sed hæc etiam sententia ex eodem capite refellitur, quia etiam secluso hoc habitu, potest homo esse maculatus moraliter: præterquamquod tam remanentibus habitibus vitiosis, sæpe per Sacramentum Pœnitentiæ, aut per contritionem tollitur peccatum habituale, quam sublato habitu vitioso, v. g. intemperantiæ per actus conarios temperantiæ, potest peccatum habituale remanere; ergo impertinenter se habet habitus vitiosus ad constituendum peccatum habituale.

III. Tertia est Scoti in 4. dist. 14. & Gabrielis ibidem docentium, peccatum habituale constitui per deputationem peccatoris ad pœnam; ita ut perseveret moraliter peccatum, quousque perseverat extrinseca Dei ordinatio, seu deputatio ad pœnam; unde idem sit hominem esse peccatorem, ac esse deputatum ad pœnam debitam subeundam, juxta illud D. Dionysii, cap. 4. de Divinis nominibus: *Puniri non est malum, sed fieri pœna dignum.*

Rejicitur tamen primo, quia sæpe post absolutionem sacramentalem remanet in peccatore aliqua obligatio pœnæ debite peccato, & tamen non remanet peccatum habituale, ne partialiter quidem, cum de fide sit, per absolutionem sacramentalem culpam penitus aboleri. Secundo, quia Trid. sess. 6. cap. 14. dicit, pœnam æternam remitti una cum culpa; ergo ex Trident. distinguitur remissio pœnæ a remissione culpæ; atque adeo culpa non consistit in solo reatu pœnæ, sed etiam in reatu odii Divini. Hinc damnata est propositio 53. Baii dicentis: *In peccato duo sunt, actus, & reatus; transiente autem actu, nihil remanet, nisi reatus, sive obligatio ad pœnam.* Ratio a priori est, quia reatus pœnæ est proprietas culpæ, & ad illam consequitur; unde si Deus solam pœnam remitteret, tolleretur reatus pœnæ, sed non tolleretur culpa, seu reatus odii Divini; sicut e converso sæpe dimissa culpa, remanet reatus pœnæ temporalis.

IV. Quarta sententia Thomistarum, Esparæ, & aliorum reponit peccatum habituale adæquate in privatione Gratiæ.

Sed hæc pariter rejicienda cum Manfrio disp. 6. de peccatis qu. 9. Arriaga tom. 3. disp. 4. Lugo disp. 7. de Pœnit. & aliis. Primo, quia si unice, & adæquate constitueretur per privationem Gratiæ peccatum ha-

habitualet sequeretur, quod non posset deleri per conditionem extrinsecam, aut per conditionem Christi satisfactionem peccatori applicatam; sed posset utroque modo deleri, ut hic supponimus; ergo.

Secundo, quia vel nomine privationis Gratia venit mera carentia physica Gratia in subiecto capaci; & hæc nullatenus posset peccatum habituale constituitur; nam in pura natura homo haberet huiusmodi carentiam, nec haberet peccatum habituale, quo diceretur reus odii Divini, & poenæ æternæ: Vel nomine privationis Gratia venit carentia Gratia Theologica, videlicet carentia Gratia dependenter a peccato præterito cum debito illam habendi, quod spectat ad theologiam considerationem; ergo peccatum habituale non constituitur adequate per carentiam Gratia, sed etiam per peccatum actuale præteritum, & per dependentiam privationis Gratia ab illo, ita ut præcise sublato peccato præterito, aut ea dependentia, carentia Gratia non redderet hominem reum odii Divini, & poenæ æternæ. Propterea enim carentia Gratia non reddit hominem odibilem in pura natura, quia ad illam peccatum non præsupponitur; & carentia Gratia in statu elevationis, si solum dependeat a voluntate Divina nolente illam peccatori restituere, neque reddit hominem odibilem: Ad eummodum, quo si ob crimen perduellionis privetur a Rege Princeps suo principatu, & deinde remissa culpa nolit principatum restituere, non per hoc carentia principatus redderet illum a Rege odibilem, quia huiusmodi carentia non dependeret a crimine jam remisso, sed a voluntate Regis, qui non teneatur principatum restituere.

Tertio si peccatum habituale unice constitueretur per privationem Gratia, sequeretur, quod non esset magis peccator, qui plura, aut graviora peccata commisisset; cum privatio Gratia eadem esset in qualibet peccatore: sicut cubiculum non est magis tenebrosius per hoc, quod lux impediatur a pluribus corporibus opacis.

Neque dicas, privationem Gratia ut connotantem plura peccata præterita, aut graviora, constituitur plura peccata habitualia, vel graviora. Nam multiplicationis peccatis, quæ veniunt in obliquo, non multiplicaretur rectum, nempe privatio Gratia; ergo non possent peccata habitualia multiplicari; ut patet in umbra, quæ eadem est, quamvis a multiplici, aut diverso corpore

opaco lux impediatur. Et ratio a priori est, quia concreta accidentalitas non multiplicatur nisi ad multiplicationem recti; unde homo habens plures aures, vel albedines, unus tantum est artifex, & unum album; essent autem plures artifices, si plures eandem artem haberent; ergo si rectum, quod constituit peccatum habituale, esset privatio Gratia connotans peccata præterita in obliquo, unum esset peccatum habituale, quamvis plura peccata præterita connotarentur.

Impugnatur denique hæc sententia tum paritate offensus in creatis, quæ non consistit in privatione proutinque amicitia, sed in reatu ad odium, & vindictam, ad quem consequitur, tanquam effectus, privatio amicitia: Tum paritate peccati venialis, quod non consistit in privatione Gratia, ut alterius boni intrinsicæ, sed in mero reatu alicuius indignationis Divinæ composibilis cum Divina amicitia, & in reatu poenæ temporalis.

V. Hic tamen advertendum, non negari a nobis, quod mera carentia Gratia sit constitutum inadæquatum peccati habitualis; quippe quod adequate constituitur, ut dicemus, per peccatum præteritum moraliter perseverans in reatu odii Divini, & poenæ æternæ, qui reatus unice habetur per negationem condonationis, & conditionis satisfactionis. Cum autem Gratia sit ipsa peccati condonatio physice intrinseca peccatori, ideo peccatum habituale constituitur etiam inadæquate per carentiam Gratia. Quod patet ex illo principio: Id, quo præcise sublato, tollitur aliqua denominatio, est constitutum illius; Atqui præcise sublata carentia Gratia in peccatore, tollitur denominatio peccatoris, & ipsum peccatum habituale: ergo per carentiam Gratia peccatum habituale inadæquate constituitur. sicut enim tenebrosius constitutum per carentiam cuiuscunque lucis sive A, sive B, constituitur inadæquate per carentiam lucis A, & inadæquate per carentiam lucis B; ut proinde qualibet ex his carentiis præcise sublata, tollatur denominatio tenebrosi; ita peccatum habituale constituitur tam per negationem condignæ satisfactionis, quam per negationem condonationis sive extrinsecæ, sive intrinsecæ, atque adeo etiam per negationem Gratia, sicut etiam per negationem unionis hypostaticæ, Maternitatis Dei, Visionis Beatificæ, si istæ supponantur esse formæ satisfactantes, adeo ut qualibet ex his negatio-

4 Pars VIII. Disp. 1. De Objecto materiali Penitentiae.

tionibus præcise sublata, tollatur peccatum habituale.

Ex quibus fit, non privationem Gratiae, sed meram Gratiae carentiam constituere inadæquate peccatum habituale, quia ad hoc constituendum impertinenter se habet, quod carentia gratiae sit etiam privatio gratiae in sensu Adversariorum, hoc est carentia Gratiae in subiecto positive apto ad illam, sive per elevationem, sive per obligationem, ac debitum habendi Gratiam. Etenim etiam in statu purae naturae, in quo non haberetur ista Gratia privatio, si mere tolleretur carentia physica Gratiae iustificantis, hoc est si in eo statu Gratia infunderetur peccatori, adhuc tolleretur peccatum habituale.

Deniq. advertendum cum Arriaga disp. 13. Gratiam iustificantem duo involvere, nempe condonationem peccati, seu reatus odii Divini, & poenae aeternae, & simul jus ad amorem Dei, & ad gloriam aeternam. Quatenus Gratia importat condonationem peccati, carentia Gratiae constituit inadæquate peccatum habituale; Quatenus vero Gratia importat amicitiam cum Deo, carentia Gratiae est potius effectus, seu proprietas, quam inadæquatum constitutivum peccati. Ideo enim Deus privat hominem sua amicitia, quia non vult condonare peccatum præteritum.

ARTICULUS II.

Stabilitur essentia peccati habitualis.

VI. Dico 1. Peccatum habituale constituitur per ipsum peccatum actuale physice præteritum, & moraliter perseverans in reatu odii Divini, & poenae aeternae importante negationem condonationis, & condignae satisfactionis. Ita Lugo disp. 7. de Penit. Arriaga tom. 3. disp. 49. Haunoldus, & alii communius.

Prob. tum ex reiectione aliarum sententiarum; tum etiam, quia in hac sententia apte salvantur omnia; praesertim quomodo peccatum actuale commissum non distinguitur ab habituali, quod remittitur; & quomodo tam peccatum actuale, quam habituale contrahant definitionem peccati traditam ab Augustino, videlicet quod sit *Delictum, factum, concupitum contra legem aeternam Dei*; ergo ita dicendum.

Confirm. tum paritate offensus habitualis in creatis, tum paritate voti moraliter perseverantis, tum paritate peccati venialis habitualis; quae pariter constituuntur per a-

ctum physice præteritum moraliter perseverantem in reatu consentaneo importante consimiles negationes. Hoc etiam videtur indicasse Augustinus lib. 1. de nuptiis, & concupiscentia dicens: *Si quis fecerit adulterium, vens est adulteri, donec reatus ipsius indulgentia remittatur.*

VII. Dico 2. Negationes istae condonationis, & condignae satisfactionis non veniunt de causali, sed de formali in ordine ad peccatum habituale constituendum. Ita communius RR. contra Vasquez, & Salas apud Lugo loco laudato.

Prob. Intantum istae negationes veniunt de causali, videlicet ut causa, aut conditio relate ad constitutionem peccati, inquantum præter has negationes daretur aliquid aliud, quod formaliter constitueret peccatum habituale, nempe ipse reatus odii, & poenae; atqui reatus odii, & poenae non est aliquid aliud realiter, & physice distinctum ab iis negationibus, & peccato præterito; ergo negationes illae veniunt de formali; non secus ac peccatum præteritum relate ad constituendum peccatum habituale. Minor supponitur ex dictis in de Iustitia, & Iure, ubi ostendimus, Jus, & reatum non esse entitatum modalem morale superadditam a tribus moralibus: sicut enim denominatio extrinseca cogniti, vel amati non habetur formaliter per ens logicum, seu diminutum resultans a cognitione, utpote essentialiter superfluum, sed formaliter habetur ab ipsa cognitione ad objectum terminata, ut dicimus in Logica; ita denominatio moralis peccatoris, seu habitus reatum odii, & poenae, quae pariter est denominatio extrinseca in peccatore habituali, non habetur formaliter per reatum odii, & poenae, qui sit entitacula quædam resultans ex peccato præterito, & negatione condonationis, aut satisfactionis, cum pariter entitacula ista sit essentialiter superflua; sed formaliter habetur ab ipso peccato præterito, & ab iis negationibus, quae proinde se habent de formali, non de causali.

VIII. Dices 1. juxta exemplum D. Th. qu. 18. de veritate art. 2. si quis projicit se in foveam, ideo perseverat in illa, quia non extrahitur; negatio tamen extractionis est solum conditio requisita, ut detur ea perseverantia, quae formaliter constituitur ab ubicatione in ea fovea; ergo si quis peccet, & in peccati fovea perseveret moraliter, negatio extractionis, seu condonationis non erit ipsa formalis perseverantia pec-

peccati, sed mera conditio; atque adeo negatio condonationis venit de causali, non de formali.

Reip. concessio antecedente, nego consequentiam. Illud enim interest inter effectum causæ efficientis physice, & moralis, quod effectus physicus realiter distinguatur a sua causa efficiente, effectus vero moralis, cum sit effectus causæ formalis, non distinguatur ab his contingentibus, quibus possit ipse confluere. Hinc sublata causa efficiente, non sequitur per locum intrinsecum, quod tollatur effectus; secus vero sublata causa moralis: sic sublato præcise sole, non tollitur per locum intrinsecum lux in aere, nec sublato per impossibile, aut non intellecto Deo, tollitur per locum intrinsecum creatura; cum creatura non constituitur a Deo, sed ab illo efficienter causetur: Contra vero sicut sublata præcise cognitione, tollitur per locum intrinsecum denominatio cogniti; ita sublata præcise negatione condonationis, tollitur denominatio peccatoris, seu peccatum habituale; quia sicut denominatio cogniti constituitur per cognitionem, ita peccatum habituale formaliter constituitur per negationem condonationis. Hinc fit, quod negatio extractionis a fovea non sit formalis destructio perseverantiae in fovea, sed sit destructio causalis: Contra vero negatio condonationis, seu extractionis a fovea morali peccati veniat de formali in ordine ad perseverantiam in fovea peccati: quia negatione condonationis præcise sublata, tollitur hæc perseverantia, seu peccatum habituale; at ut tollatur perseverantia in fovea physica, non solum debet tolli negatio extractionis, sed etiam ipsa ubicatio, quæ formaliter constituit eam perseverantiam.

IX. Dices 2. negationes condonationis, & satisfactionis venire de causali, quia sunt conditiones prærequisitæ, ut habeatur peccatum habituale formaliter constitutum per ipsam privationem Gratia Theologicam, seu per carentiam Gratia dependentem a peccato præterito.

Sed contra est, quia jam ostendimus, peccatum habituale non posse formaliter in hac privatione Gratia consistere. Et ratio est, quia privatio Gratia Theologica duo importat, nempe carentiam Gratia in subiecto capaci, & exigentem illam ratione elevationis, & simul dependentiam hujus carentiæ a peccato præterito, ita ut verum sit dicere, Ideo Peccator caret Gratia, quia peccavit: Propterea, ut tollatur hæc

privatio Gratia Theologica, sufficit, quod tollatur alterutrum ex his duobus. Univerſim enim ut tollatur cognitum, sufficit, quod tollatur unum tantum ex constitutivis: v. gr. ut tollatur homo, sufficit tolli solam unionem: sic ut tollatur privatio Principatus dependens a crimine perduellionis, sufficit, ut diximus, tolli solum hanc dependentiam, quin tollatur carentia Principatus: sic etiam ut tollatur umbra, quæ importat carentiam lucis dependenter a corpore opaco, sufficit tolli hanc dependentiam, atque adeo sufficit, quod destruitur corpus opacum, quamvis non producat lux; in quo casu essent tenebræ, sed non umbra; ergo similiter ut tollatur privatio Gratia dependens a peccato, sufficit tolli hanc dependentiam, quamvis non restituatur peccatori Gratia; cum autem dependentia ista sufficiat tollatur per condonationem peccati circa gratia infusionem, ideo peccatum habituale constituitur formaliter per negationem condonationis, non per privationem Gratia.

Confirm. dilucide. In statu puræ naturæ dari potest peccatum habituale, quin possit dari privatio Gratia Theologica, seu dependens a peccato; ergo peccatum habituale secundum se non consistit in hac privatione, sed in reatu formaliter constituto per negationem condonationis, & satisfactionis. Antecedens patet. Qui enim in statu puræ naturæ peccavit, non caret Gratia quia peccavit, sed quia non est elevatus ad illam. Gonetus, ut vim hujus difficultatis effugiat, respondet, peccatum in pura natura esse diversæ rationis, & importare non privationem Gratia, sed privationem conversionis ad ultimum finem. Hæc tamen responsio non solum est inaudita, & arbitraria, sed etiam inefficax, quia peccator etiam post peccatum ad Deum se convertat, potest non obtinere condonationem, atque adeo etiam sublata privatione conversionis ad Deum, potest peccatum perseverare; ergo moralis perseverantia peccati in statu puræ naturæ non constituitur per privationem conversionis ad Deum, sed per negationem condonationis, aut satisfactionis.

X. Explicandum superest, quid sit perseverantia moralis peccati, seu reatus odii, & vindictæ, in quo peccatum habituale reponitur? Ad quod sciendum, unumverſim idem esse, adum aliquem perseverare moraliter, ac in æstimatione morali, seu prudenter perinde se habere, ac si physice

existeret; sic Votum, Matrimonium, Profilio Religiosa, contractus dicuntur perseverare moraliter, quoties obligant, perinde ac si physice existerent. Quia tamen peccatum actuale praeiteritum tunc in estimatione morali perinde se habet, ac si physice existeret, reddendo hominem Deo odibilem, ac dignum pena aeterna, quando habetur negatio condonationis, & satisfactionis; ideo perseverantia moralis peccati, seu peccatum habituale dicitur constitui per huiusmodi negationes: sicuti quia votum praeiteritum tunc in estimatione morali perinde se habet, ac si physice existeret, reddendo hominem voti reum, quando habetur negatio dispensationis, vel adimpletionis, ideo votum dicitur perseverare moraliter per has negationes.

XI. Hinc habes, esse morale alicujus actus saepe differre ab esse physico: quod ex eo constat, quia saepe unum peccatum, quod est in unica specie physica, est in duplici specie morali, ut furtum sacrilegum, quod est contra iustitiam, & Religionem, & Phil. 1. Eth. 11. dicit, Fortunam amicorum conferre ad hominis felicitatem secundum esse morale, non secundum esse physicum, quia, ut interpretatur Angelicus, in estimatione prudentum ob unionem affectivam amicorum amicus est alter ego, & bona unus amici censetur bona alterius: sic etiam dedecus irrogatur imagini Principis in estimatione morali censetur esse Principis. Quare esse physicum desumitur a re secundum se accepta, esse vero morale desumitur a re, prout est in estimatione prudentum: & ideo esse morale definitur, *Ordinalitas minus ad aliud juxta regulas prudentiae*. Hinc res, quae secundum se non potest producere physice aliquem effectum, potest ponere illum moraliter, per hoc quod in estimatione prudentum possit ad talem effectum ordinari: v. g. peccatum, quod non potest producere physice penam, potest illam ponere moraliter per hoc, quod prudenter ad penam ordinetur. sic peccato ex voluntate Principis ordinatur ad commutationem cum rebus venalibus juxta taxam impositionis &c. Hoc itaque pacto peccatum physice praeiteritum moraliter se habet ut praesens per hoc, quod in estimatione prudentum perinde redat hominem odibilem, ac si esset physice praesens; quod peccato convenit, quoties conjungitur cum negatione condonationis, & satisfactionis; quando enim peccato praeterito succedit condonatio, aut satisfactio,

tunc juxta regulas prudentiae non se habet ut praesens, nec est amplius ordinabile ad odium Dei, & vindictam; unde illud esse morale, seu ordinabilitas ad hunc effectum deficit, deficiente illo physico, in quo fundatur: sicut Matrimonium, & profilio Religiosa perseverant, perinde ac si essent praesentia relate ad effectus suos, donec succedat irritatio, aut dispensatio, in quo casu illud esse morale cessat, quia cessat id, per quod constituitur, nempe negatio irritationis, seu dispensationis. Ecce quomodo bene intelligitur, peccatum praeiteritum sub negatione condonationis, aut satisfactionis habere esse morale constitutum physice per huiusmodi negationes, tanquam per formas extrinsecas.

ARTICULUS III.

Diluntur objecta.

XII. **O**bjic. 1. Si peccatum habituale constitueretur per peccatum praeiteritum, & negationem condonationis simul, & satisfactionis, sequeretur, quod Deus esset author peccati; consequens est absurdum; ergo & antecedens. Probatur sequela: Deus velet peccatum habituale, seu perseverantiam peccati, vellet enim negationem condonationis, in qua peccatum habituale reponitur: ergo Deus esset peccati author per hoc, quod nolle illud condonare, quandoquidem ex Augustino, *illo auctore cum dicimus, illo volente dicimus*.

Confirm. Deus esset author sui juris ad odio habendum, & puniendum peccatorem; ergo Deus esset author peccati habitualis constituti per hoc jus in Deo, & per reatum correspondentem in peccatore. Antecedens probatur, quia quodlibet Deo liberum est ipsi Deo imputabile, ejusque Deus est author, cum illud velit; sed huiusmodi jus esset Deo liberum, quandoquidem posset libere cedere tali juri; ergo Deus esset illius author.

Resp. Argumentum solvendum ad Adversarii, nam etiamsi negatio condonationis esset requisitum, & non causa formalis perseverantiae peccati, adhuc qui vult causam, seu requisitum, ad quod providet secutura effectum, censetur velle etiam effectum: v. g. qui praevidet in ebrietate secutura homicidium, volens ebrietatem censetur etiam velle homicidium, ergo si negatio condonationis esset causa, vel requisitum, ad quod consequeretur peccatum ha-

bi-

bituale, per hoc quod Deus nolit condonare, adhuc censetur velle peccatum habituale: Quod si dicatur peccatum consistere in privatione Gratiz, etiam hæc est libere volita a Deo; ergo adhuc in hac sententia difficultas est solvenda.

Directe dicimus, Deum velle peccati perseverantiam solum negative, quatenus non vult illam tollere per condonationem. sicut enim potest Deus peccatum actuale velle voluntate permissiva, hoc est non impeditiva; ita potest Deus velle peccatum habituale negative non condonando. Hinc non sequitur, Deum esse peccati auctorem, cum non velit illud positive, aut directe, sed solum velit non tolli ex suppositione, quod fuerit: sic non dicitur furti auctor, qui non vult cedere juri suo ad exigendam restitutionem, quia solum vult furtum manere moraliter in ratione furti ex suppositione, quod fuerit.

In forma nego sequelam. Ad probationem distinguo antecedens: vellet Deus perseverantiam peccati negative ex suppositione, quod peccatum fuerit, concedo; positive, & directe, nego antecedens, & consequentiam. Verumquidem est, Deum positive velle negationem condonationis, quæ peccati perseverantiam constituit: at non proinde positive vult peccatum habituale secundum id, quod venit in recto, & præbet fundamentum juris ad odium, & penam, in quo stat malitia peccati, sed tantum positive vult id, quod complet ordinabilitatem peccatoris ad odium, & penam, seu quod in constitutione peccati habitualis venit in obliquo: quod non sufficit ut Deus dicatur Auctor peccati: sicut non sufficit, quod Legislator positive velit prohibitionem, quæ peccatum constituit in obliquo, ut dicatur esse auctor peccati.

Ad confirm. nego antecedens; ad probationem distinguo similiter majorem; quodcumque Deo est liberum voluntate positiva, ponitur Deo auctore, concedo, voluntate negativa, seu non impeditiva, nego majorem, & distincta similiter minorem, nego consequentiam. aliter diceretur etiam auctor furti, qui post furtum non vult cedere juri suo: sicut autem non dicitur Auctor v. g. naufragii Angelus, qui non vult naufragium impedire, cum ad id non teneatur; ita nec dicitur auctor peccati Deus, qui non vult illud condonare, seu impedire, ne moraliter perseveret, cum nec teneatur Deus peccata semel posita condonare.

XIII. Objic. 2. Si peccatum habituale con-

Part. VIII.

stitueretur in recto a peccato physice præterito, & in obliquo a negatione condonationis &c. sequeretur quod denominatio peccatoris esset denominatio extrinseca, quando peccatum non amplius physice existit, si non sit condonatum; hoc autem videtur esse contra Triden. dicens, peccatum originale transfundi propagatione ad omnes, & inesse unicuique proprium: quomodo autem posset esse proprium, si non esset intrinsecum, sed haberetur per denominationem extrinsecam a peccato præterito Adami nobis imputato? Ergo peccatum habituale constitui debet a privatione gratiz nobis intrinseca, non vero a peccato præterito non condonato.

Confirm. primo, quia nemo potest dici malus, aut bonus de præfenti præfite, quia olim fuit malus, aut bonus, quod enim fuit, & non est de præfenti saltem in aliquo suo effectu, pro nihilo reputatur: ergo peccatum præteritum non potest denominare de præfenti hominem peccatorem, & moraliter malum.

Confirm. 2. quia peccatum est animæ macula, vulnus, mors; ergo est animæ intrinsecum; atque adeo per privationem intrinsecam gratiæ constituitur.

Resp. nego minorem. potest enim aliquid physice præteritum dare de præfenti denominationem moraliter, tantum intrinsecam: sic infamia præterita reddit hominem de præfenti infamem, sicut Filius dicitur etiam infamis ob infamiam Patris; ergo poterit pariter peccatum physice præteritum sive proprium, sive Adami nobis proprium interpretative reddere nos intrinsece maculatos moraliter.

Neque dicas, quod si peccatum præteritum potest reddere hominem peccatorem de præfenti, etiam sapientia, vel gratia præterita posset hominem reddere de præfenti sapientem, vel gratum, ac Dei amicum; quod nemo dixerit.

Nam non omnia entia physica possunt parere effectum morale, seu habere ordinabilitatem ad aliquem effectum juxta regulas prudentiæ. Infamia præterita, vel patris infamia potest reddere hominem, vel filium de præfenti infamem: At sapientia Patris non potest reddere filium sapientem, quia scilicet illa est forma, quæ juxta regulas prudentiæ potest ordinari ad denigrandum filium; sapientia vero non est forma, quæ potest ullatenus perficere filium: sic etiam peccatum præteritum potest in æstimatione morali ordinare hominem ad odium,

L 3 &

& penam, perinde ac si esset præsens; At Gratia Dei præterita non est forma, quæ possit ordinare hominem ad amorem Dei amicabilem, & ad felicitatem, perinde ac si esset præsens. Quod si ulterius petas, unde hæc veritas? Respondeo, quia illa est talis forma, & hæc est talis: sicut quare calor calefacit, & non calefacit frigus, ratio est, quia calor hoc habet ex tali sua natura, non frigus; propterea ista interrogatio est inepta. frustra enim quaeritur ratio prior prima, qualis est natura uniuscujusque, quæ est prima radix omnium prædicatorum, & proprietatum.

Ad primam confirmationem, sicuti ignobilitas, vel nobilitas Parentum transit ad posterum illos sedando moraliter, aut glorificando, ut notat Philosophus 1. eth. 10. & D. Th. ibidem; ita possunt actiones præteritæ redundare moraliter ad præsens dedecus, aut gloriam. Quare nego antecedens. Ad probationem: Illud pro nihilo reputatur quod fuit, & de præseuti nihil est etiam moraliter, non vero quod perseverat in aliquo suo effectu morali, ut votum, Matrimonium &c. si enim votum e. g. præteritum nihil esset de præseuti, ne moraliter quidem, quomodo per dispensationem tolleretur? Est autem de præseuti aliquid moraliter, quatenus votum præteritum sub negatione dispensationis est ordinabile ad exigendam rem Deo promissam.

Ad secundam: Reatus odii Divini est macula moralis animæ, vulnus, & mors, per hoc quod sit peccatorum intrinsecus, non quidem physice, sed moraliter, quatenus in asimatione morali peccatum præteritum sub eo reatu perinde se habet, ac si esset physice præsens in ordine ad reddendam animam maculatam, vulneratam, mortuam, ac Deo odibilem, & sine vita gratiæ.

XIV. Obijc. 3. Si peccatum habituale non constituitur æquale per privationem gratiæ, sed per peccatum præteritum non condonatum, nec compensatum, non posset assignari objectum actus Divini condonantis peccatum; ergo. Probat sequela, quia Deum condonare, est Deum velle, quod non exiit altem aliquid ex constitutivis peccati habituales, ut patet; non potest autem Deus velle, quod non existeret peccatum præteritum, posteo quod fuerit; nec vult, quod non exiit negatio condignæ satisfactionis; remanet ergo, quod solum vellet non existere negationem conditionis; atqui vellet quod non exiit negatio condonatio-

nis, est velle quod ipsa condonatio existat, eum duz negationes asserunt; ergo condonatio peccati vellet se ipsam; quod repugnat, atque adeo non posset assignari objectum donationis.

Confirm. quia reatus odii Divini non est peccatum, sed effectus peccati; ergo si reatus odii Divini haberetur per negationem condonationis constituentem peccatum habituale, sequeretur, quod negatio condonationis esset simul peccatum, & effectus peccati.

Resp. in quest. de possibilitate condonationis extrinsecæ assignandum esse in dispositione sequenti objectum condonationis Divinæ, quod est consilium objecto ab adversariis assignando in condonatione offensæ in creatis, debiti realis, peccati venialis, reatus pænæ temporalis, in dispensatione voti &c. Interim dicimus, quod condonatio peccati, sicut donatio libri v. gr. habeat pro objecto inadæquato se ipsam. sicut enim cognitio confusa omnium entium habet pro objecto inadæquato se ipsam necnon intentio in ministro ponendi Sacramentum, & institutio Sacramenti; Ita condonatio peccati dum vult non dari peccatum habituale, seu complexum hoc ex præteritione peccati, & negatione condonationis, aut satisfactionis, vult inadæquato se ipsam; non secus ac donatio libri volens in donatorio jus in librum, quod constituitur per ipsam donationem, & acceptationem, vult inadæquato se ipsam indirecte, & directe vult ipsum complexum ex singulis partibus constituentibus indivisibiliter sumptum: sed fusius hac de re in calce questionis 3. disputationis secundæ.

Ad Confirm. dist. antecedens: reatus odii Divini est effectus peccati actualis, concedo; habitualis, nego antecedens, & dist. eodem modo consequens. Non est novum, quod aliquid fit causa efficiens alicujus effectus, & quod simul cum tali effectu constituat aliquam denominationem. Sic actus internus malus est causa actus externi, qui ab illo actu interno denominatur malus moraliter, atque adeo per illum constituitur in ratione moraliter mali: sic institutio sacramentorum, & intentio ministri sunt causa efficiens partis sacramentorum, & simul cum his partibus constituitur Sacramentum, ut propugnavimus anno elapso; ergo potest etiam peccatum actuale esse causa reatus constituti per negationem condonationis, & simul cum tali effectu constituitur peccatum habituale, non secus ac si anima, & corpus phy-

physice causant unionem, possunt cum tali effectu hominem constituere.

XV. Objic. ult. si peccatum habituale constitueretur per negationem condonationis, sequeretur, quod in eodem instanti reali A, quo peccatum condonatur, daretur, & non daretur peccatum; ergo. Probatur sequela: & quidem quod non datur peccatum in eo instanti, patet, quia per condonationem destruitur: quod vero peccatum daretur, prooatur, quia in priori signo ad condonationem peccati dari debet potentia indifferens ad condonandum, vel non condonandum; ergo in illo priori signo nondum intelligitur condonatio, seu deletio peccati; atque adeo tunc daretur peccatum.

Confirm. Pro eo signo, quo Deus potest libere condonare, intelligitur etiam potens non condonare, atque adeo potens odisse, & punire peccatorem: Atqui pro quando Deus potest odisse peccatorem, tunc datur peccatum, seu reatus odii, ut patet; ergo pro illo priori signo daretur peccatum: ex altera parte non daretur, quia in eodem instanti datur condonatio destructiva peccati; ergo peccatum daretur, & non daretur in eodem instanti reali, licet pro diversis naturæ signis; quod tamen in omnium sententia repugnat. Major probatur, sicut enim qui potest donare, vel non donare v. g. librum, potest immediate librum destruere, seu comburere, quin debeat prius dicere, nolo donare, & deinde, volo comburere; ita qui potest condonare, vel non condonare peccatum, potest immediate odisse peccatorem, quin debeat prius dicere, nolo condonare, & deinde, volo odisse.

Resp. nego sequelam. Ad probationem nego, quod in priori ad condonationem, in quo signo intelligitur potentia indifferens ad condonandum, vel non condonandum, tunc intelligatur peccatum perseverare. tunc enim habetur mera præcisio ex parte intellectus: tum a peccato, tum a negatione peccati; sicut in priori ad lucem, quando intelligitur Sol potens ponere lucem, tunc neque intelligitur lux, aliter Sol non esset in priori; neque intelligitur negatio Lucis, aliter ista negatio Lucis haberetur in priori signo naturæ, & in secundo signo haberetur Lux, atque adeo in eodem instanti reali esset simul negatio Lucis, & Lux pro diversis naturæ signis; quod repugnat. Hinc omnes in physicis dicimus, quod in priori illo signo, quo intelligitur sol causa lucis, tunc intellectus præcindat ab utroque contradictorio, videlicet a luce, &

a negatione Lucis, quatenus neutrum intelligitur, quamvis a parte rei sit alterutrum ex contradictoriis: Eodem modo in casu nostro in priori illo signo naturæ, quo Deus intelligitur potens libere condonare, tunc habetur ex parte intellectus præcisio tum a peccato, tum a negatione peccati; ita tamen ut si pro secundo signo habetur condonatio, tunc intelligatur destructio peccati; si vero habetur negatio condonationis, tunc intelligatur peccatum pro toto illo instanti perseverare.

Ad confirm. negandum pariter, quod pro eo signo naturæ, quo intelligitur Deus potens condonare, vel non condonare, intelligatur potens odisse: præcinditur enim pro eo signo ab utroque contradictorio, videlicet a posse odisse, & a non posse odisse: si enim pro eo instanti in secundo naturæ signo datur condonatio, Deus pro toto illo instanti non potest odisse peccatorem; si vero non datur condonatio, potest odisse: quare cum datur præcisio pro illo primo signo a condonatione & non condonatione, datur etiam præcisio a posse odisse, & non posse odisse; ac proinde ut intelligatur Deus posse odisse, debet intelligi volens non condonare.

Non est tamen necesse, ut hos duos actus eliciat, & prius dicat, nolo condonare, & deinde, volo odisse, sed potest immediate dicere, volo odisse, quia hic actus illis duobus æquivaleret. Item dicendum ad paritatem adductam: quando enim volens donare librum dicit, volo illum comburere, tunc hic actus æquivaleret duobus, quorum alter sit in priori saltem exercite, & dicat, nolo donare, alter in posteriori, & dicat, volo destruere librum.

Exp. edictus alii huic argumento satisfaciunt supponendo ex tract. de Iustitia, & jure, quod nonnulli docent, videlicet quod donatio transferat jus in donatarium pro instanti sequenti ad donationem, non vero pro eodem instanti; & similiter quod condonatio extinguat reatum peccati pro instanti sequenti: in qua suppositione difficultas evanescit, quia peccatum in instanti condonationis daretur, & destrueretur in instanti sequenti.

XVI. Ex dictis sequitur 1. quod peccatum tam in pura natura, quam in statu elevationis constituitur per peccatum præteritum non condonatum, nec compensatum; ita ut non privatio, sed mera carentia condonationis constituat peccatum habituale inadæquare, etiam si supponatur

condonationem extrinsecam repugnare. Ratio est, quia praevis sublati carentia, seu negatione condonationis saltem intrinsecæ, peccatum habituale tollitur.

Sequitur 2. peccatum veniale habituale pariformiter consistere in veniali præterito moraliter perseverante in reatu aliquis indignationis Divinæ composibilis cum Divina amicitia, ratione cuius indignationis Deus subtrahit auxilia, & fervor gratiæ tepescit; Necnon in reatu poenæ temporalis pariter constituto per negationem condonationis, & satisfactionis.

QUÆSTIO II.

De Peccato Originali.

Inquiremus hic de originali: Primo quid sit, & quomodo propagetur? Secundo quomodo quod fuerit immuniis Deipara? Tertio an Infantes cum originali decedentes puniantur æternum poenæ sensus?

ARTICULUS I.

Quid sit, & quomodo propagetur Peccatum Originale?

I. **C**ulpa originalis est peccatum, quod ab omnibus Adæ posteris contrahitur, eo quod voluntas omnium posterorum fuerit moraliter inclusa in voluntate Adæ peccantis; eo modo quo Respublica moraliter includit voluntatem pupilli in voluntate tutoris: dicitur enim ad Rom. 5. *In quo (scilicet in Adamo) omnes homines peccaverunt*; & Psal. 50. *Ecce enim in iniquitatibus conceptus sum*. Et ad Ephes. 2. *eramus natura Filii iræ*, hoc est digni ira Dei. Non transfunditur autem originale per hoc, quod Animæ posterorum Adæ propagentur ex traduce, seu per hoc quod eadem anima Adæ infecta morali culpa cum sua macula propagetur; sicut anima vitis propagatur per suos traduces, & sicut imbecillitas v. g. Patris transfunditur in Filium, aut sicut corpora humana propagantur; quod suffe discit August. Epist. 157. ad Operarum, & 21. ad Hieron. sed propagatur per hoc, quod postea ea inclusione voluntatum nostrarum in voluntate Adæ, nos via generationis ordinariæ ab Adamo descendamus cum reatu odii Divini ob peccatum illud nobis interpretative proprium, ut habetur ex Tridentin. sess. 6. cap. 3. ubi

dicitur: *Sicut homines, nisi ex semine Adæ propagati nascerentur, non nascerentur iniusti; ita nisi ex Christo renascerentur &c.* & sess. 5. §. 3. de peccato Originali, ubi dicit: *Adæ peccatum, quod origine unum est, & propagatione, non imitatione transfusum, omnibus iusti unicuique proprium.*

Dubitatur hic 1. per quid constituatur? An per qualiterque morbidam, ut docuit Gabriel? An per peccatum Adæ posteris extrinsece imputatum, ut docuit Pighius, & Catarinus? An per privationem gratiæ ob peccatum Adæ, ut tenent Suarez disp. 9. de pec. sect. 2. Vasquez disp. 132. cap. 8. Salas, Tannerus? An per ipsum peccatum Adæ a posteris interpretative commissum, moraliter perseverans in reatu odii Divini, & poenæ damni, ut docent Lugo disp. 9. de Incarn. sect. 3. Conink, Granado, & alii apud Ovidium ex D. Th. Hic enim q. 85. art. 5. dicit: *Subtrahit iustitiam originalem habet rationem poenæ, sicut etiam subtrahit gratiam*. Atque adeo per Angelicum privatio gratiæ non est ipsum peccatum Originale, sed poena illius. Quamvis autem q. 82. art. 3. videatur docere, quod formale peccati originalis sit privatio iustitiæ originalis; ibi tamen pro formali peccati intelligit completivum, non constitutivum peccati, ut notat Martinez apud Gonetum.

II. Dico nunc primo. Peccatum Originale constitui non potest per qualiterque morbidam, ut constet ex dictis questione antecedente; Neque per peccatum Adæ posteris extrinsece imputatum, cum ex Trident. loco citato Originale sit unicuique proprium, atque adco iis moraliter intrinsecum: neque enim potest ex extrinseca Dei voluntate alicui peccatum imputari, nisi illi sit proprium saltem interpretative.

III. Dico secundo. Neque potest Originale consistere adæquate in privatione Gratiae, orta ex peccato Adæ interpretative proprio posterorum.

Prob. In statu naturæ puræ dari posset peccatum Originale, nec posset tunc dari illa Gratia privatio orta a peccato; siquidem in eo statu independentem a peccato homo careret Gratia; ergo simpliciter peccatum Originale constitui non potest adæquate per illam privationem Gratiae; quamvis inadæquate constituitur etiam in statu puræ naturæ per Gratia carentiam: hac enim prævis sublati, tollitur Originale.

Constat. Vel consideratur Gratia secundum

dum conceptum negativum, quatenus tollit odibilem, & inimicitiam cum Deo, vel secundum positivum, quatenus fert amicitiam Divinam; si consideretur secundum conceptum positivum, privatio Gratiæ non est peccatum Originale, sed pœna peccati: ideo enim homo privatur amicitia Dei, quia peccavit: si vero consideretur Gratiæ secundum conceptum negativum, carentia Gratiæ constituit inadæquate Originale, cum constituitur etiam per peccatum præteritum Adæ nobis interpretative proprium, & per negationem condonationis extrinsecæ, & satisfactionis: unde non potest adæquate constitui a privatione Gratiæ.

Confirm. 1. quia homo per peccatum redditur intrinsece maculatus, & malus moraliter; non potest tamen maculari, & reddi moraliter malus per carentiam boni indebiti, ut est Gratiæ: ergo peccatum non constituit in privatione Gratiæ. Minor patet; tum quia nemo dicitur maculatus, aut malus per hoc, quod careat unione v. gr. hypostatica; quippe quæ est bonum indebitum; Tum etiam, quia de facto per peccatum Adam amisit non solum Gratiæ sanctificantem, sed etiam integritatem naturæ, seu subjectionem appetitus sensitivi appetitui rationali, & iustitiam Originalem, seu immunitatem a morte, & a mortis vestigiis, nempe a Febri, & aliis pœnalitatibus. Quando deinde Gratiæ recuperavit, non recuperavit nec sibi, nec nobis integritatem naturæ, & iustitiam Originalem. Nec proinde dicebatur intrinsece maculatus, aut malus moraliter, quia non carebat bonis naturæ debitibus; ergo præcise per hoc, quod aliquis careat Gratiæ secundum conceptum positivum dandi jus ad amorem amicabilem Dei, quæ est bonum indebitum, non potest homo dici maculatus. Solum itaque maculatur per peccatum, quia fit reus odii Divini, & pœnæ æternæ, ac proinde indispositus ad assequendum ultimum finem. Universim enim illud dicitur bonum, & perfectum, quod est apud ad finem suum: v. gr. gladius dicitur bonus, si sit apud ad feriendum, dicitur malus, si ineptus; Cum autem homo sit ineptus, & indispositus ad finem suum præcise per reatum odii Divini, non vero per carentiam Divinæ amicitie; ideo dicitur moraliter malus per huiusmodi reatum, non per carentiam gratiæ, per quam solum est negative apus, non vero positive indispositus ad finem ultimum supernaturalem.

IV. Dico tertio cum postrema sententia: Peccatum Originale constituit in peccato præterito Adæ a posteris interpretative commissio, & perseverante moraliter in infantibus per reatum odii Divini, & pœnæ æternæ damni, constitutum per negationem condonationis, & satisfactionis.

Conclusio constat tum ex exclusione aliarum sententiarum; tum quia in hac sententia omnia salvantur, juxta dicta quæstione antecedenti.

Dices 4. Anselmum de conceptu Virginali cap. 26. ita loqui: *Hoc peccatum, quod originale dico, aliud intelligere nequeo in istis Infantibus, nisi ipsam per inobedientiam Adæ iustitiæ nuditatem, per quam omnes Filii sunt Itra*; ergo ex Anselmo constituit originale in privatione Gratiæ.

Resp. distinguo antecedens: Originale est iustitiæ nuditas, seu carentia Gratiæ, adæquate reddens infantes Deo odibiles, nego; tanquam forma inadæquata, & conditio, sine qua non perseveraret moraliter in infantibus peccatum in Adamo commissum, concedo antecedens, & nego consequentiam. diximus enim, ad constitutionem peccati tam originalis, quam habitualis pertinere inadæquate carentiam Gratiæ consideratæ secundum conceptum negativum excludens inimicitiam Dei, non vero secundum positivum includentis amicitiam.

Dices 2. ex Tridentino: Originale est mors animæ; sed mors constituit in carentia vitæ, seu Gratiæ; ergo originale constituit adæquate in Gratiæ carentia.

Resp. distinguo majorem: est mors animæ, ita ut sit formaliter animæ mors, per hoc quod reddat illam Dei inimicam, seu cum reatu odii, & pœnæ æternæ; causaliter vero sit mors animæ per hoc, quod privet illam Divina amicitia, seu gratia, concedo; ita ut sit formaliter mors animæ per hoc, quod privet hominem Gratiæ, nego majorem, & distinguo minorem: mors animæ habetur causaliter per carentiam Gratiæ, concedo; formaliter, nego minorem, & consequentiam. Formaliter enim habetur mors animæ per reatum odii Divini, unde sic indisposita ad assequendum finem ultimum.

V. Dubitatur ulterius, Utrum inclusio voluntatum nostrarum in voluntate Adæ facta fuerit a Deo per pactum explicitum cum Adamo, ut sit in Republica cum Tutore, an vero per pactum implicitum.

Ad quod dicendum, non fuisse necessarium pactum explicitum cum Adamo capite morali de privandis etiam posteris Gratiæ,

tia, si peccaret. potuit enim Deus tanquam Supremus Dominus alligare voluntati Adæ voluntates nostras in ordine ad hunc effectum: sicut potest Deus independentem a consensu Petri obligare illum ad contrarium Matrimoniale cum Berta, perinde ac si ipse consentiret. Et de facto non expectavit Deus consensum nostrum, ut nostras voluntates in Adæ voluntate reponeret. Præterea neque fuit necesse, quod id Adamo innotesceret. potuit enim Deus voluntates nostras voluntati Adæ alligare, non solum ipso inscio, sed etiam renuente. Communiter tamen docent, id Adamo innotuisse, quando dixit Deus Gen. 2. *In quacunque die comederis ex eo, morte morieris*. Ex communi enim Interpretum sensu facta fuit tunc comminatio Adæ tum mortis corporalis, tum spiritualis pro se simul, & pro posteris.

ARTICULUS II.

An, & quomodo Deipara immunis fuerit ab Originali, & a debito proximo illud contrahendi?

VI. **D**E Fide est, Christum Dominum fuisse Originalis immunem. ratione enim unionis hypostaticæ incapax erat peccati; Immo nec ullum debitum talis peccati contraxit aut proximum, aut remotum. In voluntate enim Adæ solum ex pacto fuerunt inclusæ voluntates eorum, qui ab ipso seminaliter descendunt: Christus autem non fuit conceptus via generationis ordinariæ per seminales rationem, ut loquitur Augustinus, & D. Thom. 3. p. qu. 15. sed solum secundum copulentiam substantiam; ideo nec debuit peccatum contrahere, etiam si unione hypostatica caruisset. Hinc dicitur caruisse debito proximo contrahendi Originali ratione unionis hypostaticæ, & caruisse debito remoto, quia non descendit ab Adamo secundum seminales rationem. Quæritur itaque solum a Theologis de B. Virgine, An, & qua ratione fuerit immunis ab Originali? & An etiam a debito proximo illud contrahendi ratione Divinæ Maternitatis?

VII. Dico equidem cum communissimo Ecclesiæ sensu, B. Virginem fuisse immaculatam conceptam. Hæc conclusio juxta Velaquez lib. 5. Sissimum, & alios non solum est certa, sed etiam proxime definibilis a Pontifice; tum quia Ecclesia non permittit, quod opposita sententia doceatur, tum quia in Extravaganti Sixti V. præ-

cipitur celebrari festum Conceptionis, & ex Bulla Alex. VII. quam fuse discutit Platel. tom. 2. num. 330. celebratur Festum B. Virginis non quidem sanctificatæ post primum instant, ut volebant Adversarii, sed sanctificatæ in primo instanti creationis animæ, quo, præveniente Spiritus Sancti Gratia, a peccato Originali fuit præservata, juxta sententiam, quam fere omnes Catholici amplectuntur: quamvis ibidem veteret asserere, quod propter hæc contrariam sententiam tenentes hæresis crimen, aut mortale peccatum incurrant.

Prob. conclusio 1. quia Ecclesia, adversus quam portæ inferi prævalere non possunt, errare non potest in iis, quæ ad Fidem, ad Religionem, & ad mores pertinent; ergo nequit declarare pium, ac laudabilem cultum superstitiosum, & falsum, seu de objecto falso. Atqui ex Bulla citata declaratur pius, ac laudabilis cultus Immaculatæ Conceptioni exhibitus; ergo verum est hujus cultus objectum; adeo ut possit proxime de Fide definiri, cum sit conclusio Theologica ex pio Ecclesiæ sensu, & Apostolicis constitutionibus evidenter deducta, & evidens evidentiæ magna morali.

Confirm. quia superstitio, ex Lactantio apud Laymam, est cultus falsi, non secus ac Religio est cultus veri: ergo si Beata Virgo non esset sine labe concepta, hujusmodi cultus esset superstitiosus, non Religiosus. Et quia omnis falsitas in materia Religionis est perniciofa, ex Aug. lib. de mend. can. 10. ideo hic cultus esset etiam perniciosus; Repugnat autem Sanctitati Ecclesiæ cultum superstitiosum, & perniciosum approbare, & præcipere, ergo.

Prob. 2. directe primo ex scripturis apud Platel. quibus SS. PP. passim Immaculatam Virginis Conceptionem ostendunt. Cant. 4. *Tota pulchra es, & macula non est in te*. Lucæ 1. *Gratia plena, Benedicta Tu inter mulieres*. Genes. 3. *Ipsa conteret caput tuum*. Esteris 15. *Non morieris*. non enim per te, sed pro omnibus Lex hæc constituta est. Deinde ex Trid. sess. 5. ubi declarat, non esse suæ intentionis in decreto de peccato originali includere Beatam, & Immaculatam Virginem, & Lancelus opusc. 11. c. 13. notat, Trid. edidisse decretum de Immaculata Virginis Conceptione; quamvis iustus de causis evulgationem distulerit. Tertio quia omnes Etates, & plurimæ Academicæ in hanc sententiam conspirant, ut videre est apud Cavellum, & Platel. 10.

loco citato. Quarto ex plurimorum Sanctorum consensu etiam Ordinis Praedicatorum, videlicet Patriarchae Dominici, qui apud Nierimberg, cap. 23. passim usurpabat dictum illud Sancti Andreae, & Concilii Francofordiensis: *Sicut Primus Adam formatus fuerat ex terra nondum maledicta, ita secundus Adam formatus fuit ex terra Virginea nunquam maledicta.* nec non Sancti Vincentii Ferrerii apud eundem cap. 24. dicentis: *B. V. a peccato originali, & actuali immunis fuit.* S. Ludovici Bertrandi, & ipsius etiam Divi Thomae. Juratus enim testatur Andreas de Puteo Soc. Jesu in serm. 4. de conceptione, quod dum Siculam Proviuciam moderaretur, essetque Melitae, in codice antiquissimo Angelici in Epistol. Pauli haec legerit: *Mulierem ex omnibus non inveni, quae a peccato omnino immunis esset, ad minus originali, vel veniali, excipitur purissima, & omni laude dignissima Maria.* Quinto ex revelationibus, & miraculis plurimis. Denique ratio radicalis est, quia posuit Deus Virginem ab originali praeservare: Decuit, cum esset futura Mater Christi; & consequenter voluit; unde sicut cum B. Virgine dispensavit in Lege Fomitis, & in illa Lege, *In dolore paries*, & in alia, *In pulverem reverteris*; ita in Lege peccati Originalis. Quamvis enim hujusmodi Leges fuerint universales, non tamen afficiebant omnes quoad actum secundum, sed solum quoad debitum incurrendi in illa ob peccatum Adae Progenitoris.

VIII. Objic. 1. D. Th. qui p. 2. q. 81. art. 3. haec habet: *Secundum Fidem Catholicam firmiter est tenendum, quod omnes homines, praeter solum Christum, contrahunt originale, aliquem non omnes indigeremus Redemptione; ergo etiam B. V. contraxit Originale.*

Resp. ipsum etiam Cajetanum, qui est in contraria sententia, ita interpretari hunc textum Angelici, quod solum velit secundum fidem esse, omnes praeter solum Christum contraxisse originale, quatenus omnes descendentes ab Adamo via Generationis ordinariae habuerunt debitum incurrendi in originale, sicut Lex illa, *In dolore paries; In pulverem reverteris*, intelligenda solum est de debito incurrendi in hunc dolorem, & corruptionem. Alter inepta esset ratiocinatio Angelici, (ut idem Cajetanus advertebat) dum dicit, quod nisi omnes contraxissent originale, non omnes indigeremus redemptione; siquidem tam indiget redemptione captivus, quam qui habet debitum incurrendi captivitatem: Hinc B.

V. indiguit Redemptione, quia captivatus erat obnoxia, & nobilissimo modo fuit redempta, per hoc quod fuerit a captivitate praeservata. Propterea Cajetanus ibidem subdit: *Haec bene notabis Tu Thomista, ne nimio zelo non secundum scientiam accensus erronea dicas, quae erronea non sunt, cum de Conceptione disputat.*

IX. Objic. 2. Mortem subijt B. V. ergo contraxit originale. Nam ex Apostol. ad Rom. 5. *per peccatum Morti.*

Confirmat. 1. Pius V. abstulit proprium officium Conceptionis, ubi dicebatur B. V. Immaculata, & praeservata. Secundo Praedestinatio, & reprobatio hominum facta fuit ex massa perditionis, ut loquitur Augustinus; ergo Praedestinatio B. V. supponit eam fuisse prius in illa massa. Tertio plures PP. cum Anselmo Ruperto hoc privilegium negarunt Deiparae.

Resp. quod sicut Christus mortuus est, & non in penam peccati proprii; ita B. V.

Ad primam confirm. Pius V. illud officium de medio sustulit, ut omnia ad antiquum morem revocaret, sicut expunxit e Calendario D. Sennam, & S. Rochum. Ad secundam. Praedestinatio B. V. utpote in Matrem Christi decreta, non fuit ex massa reliquorum corrupta. Ad tertiam. PP. & Schol. antiqui aliter loquentes aliquando interpretandi sunt, quod B. V. contraxerit originale, hoc est debitum aliquod, saltem remorum, incurrendi in illud, ut diximus de D. Th. aliquando, quod B. V. concepta fuerit in peccato non proprio Virginitatis, sed Parentum praesumptive, quatenus concepta fuit cum motu concupiscentiae, quae ab Apost. vocatur peccatum; non quia semper, sed quia saepe habet annexum peccatum aliquod, saltem veniale, ratione excessus libidinis, qui tamen a Parentibus B. V. longe abfuit, & ideo solum praesumitur: Aliquando, dum dicunt B. V. sanctificatam fuisse post animationem, intelligendi sunt de posterioritate naturae, non temporis.

X. Difficultas est, Num Deipara caruerit etiam debito proximo contrahendi originalem, quatenus ratione Maternitatis, ad quam erat destinata, non debuit ejus voluntas includi in voluntate Adae; unde non habuit debitum proximum contrahendi peccatum Adae, quamvis habuerit debitum remorum, per hoc quod via generationis ordinariae ab Adamo descenderit; unde fuisset inclusa in ejus voluntate, nisi destinata fuisset Mater Christi.

Communius cum Salazar, & aliis apud Arriagam tomo 6. disp. 16. docent, etiam hoc debito Deiparam proximo caruisse, cum non debuisset in voluntatej Adæ includi ratione Maternitatis, vi cuius prædita fuit sapientia, & Gratia longe majori, quam Adam. Sicut enim injuriam irrogaret Respub. pupillo valde sapienti, si ejus voluntatem includeret in voluntate tutoris minori prudentia, & sapientia præditi, ita in casu nostro.

XL. Quæritur etiam, num B. V. immunis ab originali fuerit etiam immunis a peccati fomite? Ad quod sciendum, fomitem in actu secundo esse moriones, seu actus appetitus sensitivi ad objecta sensibilia turpia, prævenientes rationem, & allicientes ad peccatum: Fomitem vero in actu primo esse ipsum appetitum sensitivum, a quo hujusmodi moriones causantur. In B. Virgine certum est non fuisse fomitem in actu secundo, ut docent communissime Theologi; cum istæ moriones sint indecentes, & mordinatæ, atque adeo indignæ Dei Matre. Quoad fomitem in actu primo, D. Th. dicit, ex privilegio in B. V. fuisse ligatum, quatenus numquam produxit in actum secundum. Sed clarius hoc privilegium explicat Scotus dicendo, fomitem in Deipara fuisse extinctum, quia non ex privilegio extrinseco, sed ex intrinseca exigentia Maternitatis numquam produxit in actum secundum; Sicut omnes docent, in Christo Domino fuisse extinctum, quia numquam produxit in actum secundum ex intrinseca exigentia unionis hypostaticæ; In iis vero dicitur ligatus, qui ex privilegio Dei extrinseco carent iis morionibus, ut de B. Aloysio Gonzaga testatur Sacra Rota Romana dicens: Numquam stimulus carnis passus est.

ARTICULUS III.

Utrum Infantes cum Originali decedentes puniantur æternum Pœna sensus?

XII. **M**ultiplex hæc in re est opinio. Prima docet, hujusmodi infantes puniri pœna ignis æterni. Ita Arimænsis, qui ideoque *Torres puerorum* appellatur, Driedo, & alii apud Vasquez disp. 134. & pro hæc sententia Sixtus Senensis laudat D. Augustin. lib. 4. contra Julianum, & D. Greg. lib. 5. moralium cap. 16. Secunda opinio cum Bellarmino, Valentia, Soto, & aliis apud Gonetum negat, In-

fantes passuros pœnam sensus; admittit tamen passuros tristitiam aliquam ex carentia Visionis Dei. Tertia cum Caterino, Salmirone, Salas docet, habituros Beatitudinem naturalem sitam in cognitione abstractiva, & dilectione Dei, ut Auctoritas naturæ, & super faciem terræ post diem Judicii futuros, tamquam in Paradiso Terrestri. Quarta cum D. Th. Scoto, Vasquez, Arriaga, & communis apud Haunoldum negat, subituros pœnam sensus, aut tristitiam ex carentia Visionis Dei; admittit tamen habituros pœnam damni, & carentiam Beatitudinis naturalis.

XIII. Dico equidem: Infantes sine Baptismo decedentes non puniuntur pœna sensus. Ita D. Th. in 1. dist. 33. q. 2. Bern. Ambros. necnon Aug. lib. 5. contra Julianum cap. 6. apud Parel. n. 367. quamvis enim Vasquez, & alii putent, D. Aug. & D. Greg. fuisse in opposita sententia; negat id tamen D. Th. q. 5. de malo, & alii. Solum enim docent mittendos in ignem Inferni tamquam reos, sumendo ignem pro pœna damni; sicut cum dicitur in Scriptura, *Transibimus per ignem, & aquam*, locutio est metaphorica. Conclusionem hanc communissime docuerunt Scholastici, qui a quingentes circiter annis scripserunt, ut notat Gonetus.

Prob. 1. ex Scripturis. Apoc. 18. *Quantum se glorificavit homo, & in deliciis fuit, tantum date illi tormentum, & luctum*; ergo cum parvuli non fuerint in deliciis, carebunt pœna sensus. Marci 9. de quibus dicitur, *Ignis eorum extinguetur*, dicitur etiam, *Vermis eorum non morietur*; ergo cum pueri non torqueantur vermi, seu remorsu conscientie, nec igne.

Prob. 2. ex cap. Major de Baptif. ubi Inn. III hæc habet: *Pœna originalis peccati est carentia visionis Dei; æstimalis vero peccati pœna Gehenna perpetua cruciatus*. Quod etiam docet Eugenius IV. in literis unionis Græcorum apud laudatos Auctores.

Prob. 3. ratione: tum quia æterna isthæc pœna sensus dissona divinæ clementie non est asserenda, nisi de ea ex revelatis, aut aliunde constet; Atqui de illa non constat; Immo ex dictis constat oppositum: quod etiam suadet, quia pœna sensus correspondet conversioni peccatoris ad bonum commutabile, & delectationi ab eo perceptæ; pœna vero damni correspondet aversioni a bono incommutabili: sed infantes non sunt conversi ad bonum commutabile per voluntatem propriam, aut

cum

cum ulla delectatione; ergo non sunt puniendi pœna sensus, sed damni.

Confirm. quia pœna sensus est quædam exprobratio culpe; ergo cui non convenit exprobratio, ac reprehensio propter culpam, nec competit pœna sensus; Pueri autem non possunt ob originale reprehendi, ut notat Augustinus lib. de duabus animabus cap. 11. cum non potuerint ipsi non peccare in Adamo; & propterea Theologi docent, ut notat Haunoldus, in Adulto, qui baptizatur, nec requirit, nec dari posse contritionem, & retractionem, si careat peccato actuali; ergo ut prius.

XIV. Obijc. 1. Parvulus dicitur in iudicio, *he in ignem æternum*; ergo puniuntur pœna sensus. Antecedens probatur, quia non possunt in iudicio esse a dextris; ergo debent esse a sinistris, atque adeo audiri sunt, *he in ignem*.

Confirm. 1. quia Apoc. 10. dicitur. *Aperius est liber vite, & qui non est inventus in illo, missus est in stagnum ignis*. Matth. 15. qui non congregantur in Horreum, ut triticum, sunt zizania igne comburenda. Adde quod Infantes in Scriptura dicuntur *Filii iræ*; ergo d.gni sunt ira Dei, atque adeo pœna sensus.

Confirm. 2. In Can. Firmissime dist. 4. de consecratione ex D. Fulgentio dicuntur parvuli isti ignis æterni supplicio puniendi; & D. Gregorius lib. 8. Moralium de iisdem loquens ait: *Licet ex proprio nihil egerint, tamen illis ad tormenta pervenimus*.

Resp. 1. cum D. Thom. in 4. dist. 47. quæst. 1. a. 3. Pueros istos in iudicio comparituros, non ut judicentur, sed ut videant gloriam iudicis; quod ex coparet, quia causa damnationis Reprobatorum habetur in illis verbis, *Esurivi, & non dedistis mihi manducare, &c.* quæ in pueros cadere non potest. Deinde transmissio cum eodem Aug. quod etiam parvuli iudicandi sint, iuxta illud 1. ad Cor. 5. *Omnes nos manifestari oportet ante Tribunal Christi*; & quod iis etiam dicatur, *he in ignem*: At nomine Ignis non semper intelligitur pœna sensus, sed quælibet pœna, ut docet Aug. q. 9. in Iosue, iuxta illud Psalm. 65. *Transivimus per ignem, & Aquam*. Quare satis est, quod Pueri damnentur pœna damni, quin tamen idem dici possit de Adultis ex communi Ecclesiæ sensu. Ex quibus patet ad confirmationes. Merito autem Infantes cum Originali dicuntur *Filii iræ*: quippe qui digni sunt ira Dei, hoc est pœna damni a Deo ultionis inflata: sic David iram suam

contra Absalonem ostendit 2. Regum 14. dicendo: *Peruntamen faciem meam non videbit*.

XV. Obijc. 2. Parvuli ob originale puniuntur in hac vita pœna sensus; ergo a fortiori in alia vita: Antecedens probatur, quia si non fuisset peccatum Abæ, in quo infantes peccaverunt, habuissent donum iustitiæ originalis, quod fert immunitatem a morte, & mortis veligiis.

Confirm. Homo puniuntur in alia vita pœna sensus ob veniale; ergo a fortiori ob originale, quod est mortale.

Resp. Pueros in hac vita non pati penam sensus strictè dictam, hoc est inflatam ob originale, sed improprie, quia subeunt incommoda propria naturæ humanæ, quibus in statu innocentie ex speciali dono caruissent. Quare ob originale solum carent bono indebito, nempe Impassibilitate, non vero directe in ultionem Originalis puniuntur. Quod etiam constat ex propositione 63. ex præscriptis Baii, quæ habet: *Nemo præter Christum est absque peccato Originali: Hæc B. Virgo mortua est propter peccatum ex Adam contractum, omnique eius afflictionis in hac vita, sicut & aliorum iustorum, fuerunt ultiones peccati actualis, vel originalis*.

Ad eorundem nego consequentiam. Et ratio est prima, quia originale adhuc puniuntur gravius quam veniale, quamvis non puniatur pœna sensus, quia puniuntur æterna pœna damni. Secundo veniale cum sit formaliter voluntarium, seu per propriam voluntatem, & conversionem inordinatam ad objecta turpia delectabilia, nil mirum quod pœna sensus reordinativa talis deordinationis puniatur; secus vero originale in Adamo contractum ab his infantibus.

XVI. Obijc. ult. Ex hoc quod parvuli carcant visione Dei ad quam erant ordinati, non possunt non valde tristari; sed hæc tristitia est etiam aliqua pœna sensus; ergo de facto puniuntur pœna sensus. Neque dici potest, quod non tristentur ob carentiam tanti boni, utpote indebiti. Nam etiam ex carentia boni indebiti oritur tristitia, quando ad illud obtinendum datur proxima dispositio: sic si quis careat patrimonio ob culpam parentis, maxime dolet, quamvis nondum fuerit Patrimonio in sua potestate, nec propria culpa exheredetur.

Resp. Bellar. Sorana, Valen. Tann. apud Haunoldum admittere in parvulis hanc tristitiam; Communis tamen illam negant cum D. Ino. Scoto, Suarrio, Vasquez; vel

quia

quia ex divina providentia ignorant se esse ad visionem Dei deputatos; vel quia ea tristitia infringitur a gaudio, quod penas inferni evaserint; vel quia se confoiunt plenissime Divinæ voluntati; vel quia divertunt mentem ad alia objecta delectabilia; vel demum quia qui non moventur passionibus, sed ratione, non dolet ex non adceptione boni sibi promissi, si per ipsum non stetit, quominus illud recipiat, ut notat D. Tho. in dist. 33. q. 2. ex Seneca. Eito enim rationabiliter tristetur, qui ob culpam parentis privatur patrimonio, quod sibi iure debebatur, non tamen si gratis tantum fuerat illud promissum.

Censeo equidem primo, Infantes carere felicitate etiam naturali, seu quam habitori efficit, si non peccassent, nec elevati fuisset ad statum supernaturalem. Ita communiter Catholici contra Pelagianos ex Augustino de origine Animæ cap. 9. Quamvis enim Caterinus, Lessius apud Arriagam tom. 3. disp. 52. illis beatitudinem naturalem concedant, quod Suarius, Lyranus, Salmeron putant valde probabile, loquuntur tamen isti de Beatitudine naturali, quæ potest illis competere simul cum miseria peccati; non vero de beatitudine naturali simpliciter dicta: quomodo enim dici potest absolute felix, qui est Filius iræ, & Deum suum ultimum finem habet & se aversum, & infernum?

Censeo 2. miseriam, quam habent infantes ex originali, ita excludere felicitatem naturalem, ut tamen aut nullam, aut minimam afferat tristitiam, Deo illam impediende aliquo ex dictis modis. Ratio est, quia ex Augustino lib. 5. contra Julianum, parvuli isti non puniuntur tantâ pœna, ut eis non essentatos potius expediret; ubi de damnatis verum est, quod Christus Dominus Marci 14. dixit de Juda: *Bonum erat ei, si manus non fuisset*; ergo aut nullam, aut fere nullam tristitiam patiuntur, adeo ut sint (ut loquitur idem Augustinus, & Nissenus) in damnatione omnium levissima. Et ratio ulterior est, quia non videtur divinæ clementiæ consonum, quod pœna valde gravi in æternum puniatur, qui voluntate tantum aliena sui capitis morali peccavit.

XVII. Utrum autem parvuli post diem Iudicii futuri sint in Limbo, hoc est in loco obscuro subterraneo, ut volunt Bellar. & Tannerus; An vero in loco subterraneo quidem, sed perliculo, ut communius docent cum D. Th. & Magistro sententiarum; An demum in superficie terræ, in loco val-

de ameno, ut Suarius, Lessius, Salmeron, Salas; incertum est. Quamvis statui damnationis videatur incongruus locus amenus, videtur tamen congruus divinæ clementiæ punienti illos ob peccatum in voluntate aliena, quod declinare non poterunt.

QUÆSTIO III.

Quid sit veniale, & an in Inferno per accidens puniatur æternum.

I. Circa quidditatem venialis, & discernimen venialis a mortali plurimæ sunt opiniones apud Ovidem, Arriagam, & alios passim. Primo Scotus, Gabriel dixerunt, veniale esse contra consilia, mortale contra præcepta. Sed communiter rejiciuntur, quia cum consilia non inducant obligationem, quod est contra consilia, nullatenus est peccatum. Secundo Alensis, Cajetanus dixerunt, veniale esse præter legem, mortale contra legem. Sed contra; tum quia operari contra consilia, v. g. nubere, est operari præter, non contra legem, unde vacat culpa etiam veniali; Tum etiam, quia mendacium v. g. jocosum est peccatum leve, & tamen est contra Legem. Tertio alii cum Bonaventura docent, mortale esse offensam Dei, non vero veniale. Sed negari non potest venialia displicere Deo, remitti, puniri; ergo etiam venialia sunt aliquatenus Dei offensæ, quamvis non usque ad amicitiam dissolvendam. Quarto alii cum Cajetano, Conrado, mortale esse contra ultimum finem, veniale contra media, seu circa Creaturas. Sed contra est, quia tam circa Deum ultimum finem dari potest veniale, ut si quis ex semiplena advertentia omitteret adum præceptum Fidei, &c. quam circa Creaturas, seu media dari potest mortale, ut homicidium, furtum. Quinto alii apud Tann. ex D. Th. quod mortale constituat ultimum finem in Creatura, atque adeo tollat ordinem debitum ad verum ultimum finem, ut proinde gratiam destruat, sit irreparabile, & mereatur pœnam æternam; secus vero veniale. Sed quamvis hæc vera sint, non explicant tamen prædicatum primum venialis, ut distincti a mortali, sed potius explicant ejus proprietates.

II. Dico equidem ex Augustino apud Suar., Ovid., Arriag. mortale esse transgressionem legis graviter obligantis sub interminatione odii Divini, & pœnæ æternæ: Veniale ve-

ro esse transgressionem legis leviter obligantis sub interminatione tum aliquis indignationis divinx compellibilis cum ejus amicitia, tum etiam pœnæ temporalis. Unde sequitur primo, mortale offendere Deum graviter, eo quod ejus amicitiam contemnat; veniale vero leviter, eo quod tantum contemnat exercere fervorem talis amicitix. Secundo sequitur, mortale magis amare Creaturam, quam Deum, juxta illud Match. 20. *Qui amat Patrem, aut Matrem plus quam me, non est me dignus*; & in hoc sensu reponere finem ultimum in Creatura; veniale vero non amare Creaturam præ Deo, aut præ illius amicitia, sed præ fervore amicitix cum Deo. Tercio mortale esse irreparabile propter amissionem gratiæ, secus vero veniale. Quarto mortale esse conversionem ad Creaturam, & simul aversionem a Deo; veniale vero esse conversionem, seu affectum ad Creaturam non involventem aversionem a Deo, sed solum aversionem exercitam a fervido affectu erga Deum. Hæc satis de actuali. Quod vero spectat ad veniale habituale, diximus. Quid. 1. consistere in ipso peccato actuali præterito moraliter perseverante in reatu aliquis divinx indignationis, ac in reatu pœnæ temporalis; qui reatus formaliter constituuntur per negationem tum condonationis, tum condigne satisfactionis.

III. Examinandum nunc, an veniale in Inferno puniatur æternum per accidens, videlicet ob conjunctionem cum mortali?

Negant Scotistæ, & Nominales apud Mansuetum tom. 2. disp. 6. q. 8. cum Arriag. disp. 53. tom. 3. Martinonio disp. 51. Coninck disp. 10. Requiescent disp. 39., & alius. Affirmant Thomistæ communius, cum Suariorum disp. 1. r. s. 2. Vasquez p. 2. disp. 14. Haunoldo l. 2. tract. 2. n. 582. Nonnulli cum Durando docent, pœnam temporalem residuam ex culpa veniali non dimissam nunquam cessare in inferno; cum consonum sit, culpam venialem æternum durantem æternum puniri: Contra vero pœnam temporalem residuam ex culpa sive veniali, sive mortali jam remissa cessare in Inferno post ejus satisfactionem.

Dubitatur, in quam ex his sententiis fuerit D. Thom. unusquisque pro sua illum laudat. Videtur potius pro prima sententia stare. Nam apud Arriagam loco citato hæc habet: *Nec propter hoc sequitur, quod sit in Inferno Redemptio, quia pœna, que ibi solvitur, non redimitur; nec est inconveniens, quod quantum ad aliquod accidentale pœna inferni minuantur usque ad diem Judicii.*

IV. Dico equidem cum prima sententia: Veniale in Inferno non puniatur in æternum per accidens ob conjunctionem cum mortali, etiam si culpa venialis in æternum perseveret.

Prob. Deus summe justus non punit ultra condignum; sed ita puniret, si ob veniale infligeret pœnam æternam; ergo veniale non puniatur in Inferno æternum. Prob. minor; veniale secundum se non meretur pœnam æternam; atqui ex conjunctione cum mortali non meretur graviolem pœnam, quam meretur secundum a mortali; ergo ultra condignum puniretur, si ob conjunctionem cum mortali puniretur in Inferno æternum. Patet minor, quia veniale ex conjunctione cum mortali non fit gravius; ergo non meretur pœnam graviolem: sicut enim ex conjunctione cum mortali non meretur pœnam intensiorem, ita nec diuturniorem: siquidem pœna æque est gravius, & excedens demeritum culpæ tam si sit intensior, quam si sit diuturnior ea, quam culpa meretur. Et sane mortale A ex conjunctione cum mortali B non meretur pœnam graviolem; ergo neque veniale ex conjunctione cum mortali.

Confirmat. 1. quia si actui supernaturali virtutis moralis Deus promittat v. g. Beatitude supernaturalem annuam, & actui virtutis Theologicæ promittat Beatitudinem perpetuam, actus ille moralis ex conjunctione cum actu Theologico non merebitur nisi tantum Beatitude annuam, quam merebatur seclusus ab actu Theologico; ergo a pari, si veniali debeat pœna annua in Purgatorio, & mortali pœna æterna in Inferno, veniali, quando cum mortali conjungitur in Inferno, pariter annua pœna debeat, & non æterna.

Consim. 2. Si quis moriatur cum Originali, & veniali, non puniatur pœna sensus æterna; aliter homo carens mortali personali haberet pœnam damnatorum; præsertim quia posset homo habere plurima venialia; unde pœna sensus illi debita excederet pœnam debitam uni mortali; & sic magis puniretur pœna sensus in æternum, qui commisit plura venialia post originale, quam qui commisit unum mortale; ergo in Inferno veniale non puniatur æternum, quamvis æternum duret culpa venialis.

V. Hinc sequitur, quod a fortiori neque sit æterna in Inferno pœna temporalis residua post culpam sive venialem, sive mortalem jam dimissam: puniret enim pariter Deus ultra condignum. Dixi a fortiori, nam

nam quando culpa est jam dimissa, tunc non datur in Inferno reatus culpæ æternus, qui videtur trahere reatum æternum pœnæ in veniali non remisso.

VI. Obijc. 1. Debetur peccatori pœna, quousque perseverat culpa; sed culpa venialis in Inferno perseverat in æternum; ergo in æternum debetur illi pœna. Major prob. quia reatus pœnæ est proprietas consequens ad culpam, seu ad reatum indignationis divine: ergo quousque perseverat essentia culpæ, perseverat etiam reatus pœnæ: sicut perseverante sole, perseverat Lux; ergo debetur peccatori pœna, quousque perseverat culpa.

Conhim. primo, quia si supponatur cum communiori & ecent. mortale esse gravitatis finitæ, idco meretur pœnam æternam, quia culpa perseverat in Inferno æternum ratione suæ irreparabilitatis, seu quia non potest in Inferno dari condigna satisfactio pro mortali; ergo cum perseveret etiam in æternum culpa venialis in Inferno, pariter ei debetur per accidens pœna æterna; cum per accidens (hoc est ob conjunctionem cum mortali) sit pariter irreparabilis in Inferno culpa venialis.

Confirm. 2. validius. Culpa venialis, seu reatus alicujus divine indignationis de se non exigit perseverare in æternum; & tamen per accidens si conjungatur cum mortali, exigit in Inferno durare æternum; ergo pariter reatus pœnæ debetur veniali, qui de se non exigit durare æternum, per accidens in Inferno durabit æternum.

Resp. nego majorem: culpe enim debetur pœna proportionata, sive plus, sive minus duret: cum enim diuturnitas culpæ non sit libera, non augeat reatum pœnæ: sic v. g. si quis ob veniale mereatur pœnam annuam in purgatorio, & statim post veniale incidat in amentiam, in qua perseveret cum ea culpa per 50. annos, adhuc post mortem per annum dumtaxat in purgatorio punietur, quamvis culpa per 50. annos duraverit. Verum quidem est in physicis, quod perseverante v. g. sole in æternum, perseveret ejus proprietas, nempe lux: & ratio est, quia conservatio solis est æquivalenter nova solis productio. At conservatio culpæ non est æquivalenter nova culpa; ergo cito culpa perseveret in æternum, non proinde puniri potest nisi pœna sibi consentanea. Hac de causa in de Incarnatione diximus, quod pœna æterna debita mortali arguat infinitam gravitatem culpæ.

Hinc habetur disparitas inter essentiam physicam & moralem: perseverante enim

essentia physica, perseverat ejus proprietas; at perseverante essentia morali, non semper perseverat proprietas moralis: quod patet primo a posteriori: nam proprietas Matrimonii est obligatio convivendi cum conjugē; & tamen post Adulterium conjugis cessat hæc obligatio, quamvis non cesset essentia Matrimonii; ergo licet sit proprietas culpæ venialis reatus, seu obligatio ad pœnam v. g. annuam, post solutionem hujus pœnæ potest cessare obligatio ad pœnam, quamvis non cesset essentia culpæ venialis. Secundo hoc idem probatur a contrario. Nam in moralibus potest remanere proprietas sine essentia: sicut post culpam remissam sæpe remanet reatus alicujus pœnæ; ergo potest vice versâ remanere essentia sine proprietate. Tercio a priori, quia in physicis quoties destruitur essentia, destruitur etiam proprietas in quarto modo, & e contra: v. g. destructo igne, destruitur calor ut 8. & e contra: At in moralibus potest dari destructivum proprietatis juxta regulas prudentiæ, quin detur destruitivum essentia; sicut in casu adducto Matrimonii, Adulterium conjugis destruit proprietatem, seu obligationem ad convivendum, sed non destruit essentiam Matrimonii; & in casu nostro solutio pœnæ destruit proprietatem culpæ venialis, nempe reatum ad pœnam, quin destruat essentiam talis culpæ; ergo in inferno potest perseverare æternum culpa venialis, quin perseveret æternum reatus pœnæ solvenda.

Respondent alii secundo aliis verbis dicendo, quod perseverante essentia morali, perseveret etiam proprietas, sed consentanea: v. g. Matrimonii proprietas consentanea est obligatio ad convivendum conditionate, hoc est nisi committatur Adulterium; posito deinde Adulterio, remanet eadem obligatio ad convivendum conditionate, quin detur absolute obligatio ad convivendum: sic proprietas peccati venialis est obligatio ad pœnam v. g. annuam conditionate, hoc est nisi sit soluta; post solutionem deinde remanet eadem obligatio conditionata, non tamen absoluta. Quare sicut Deus semper est productivus v. g. durationis hodiernæ, ita ut cras etiam sit ejusdem durationis hodiernæ productivus, non tamen pro tempore crastino, sed pro hodierno; ita veniale semper est exigivum pœnæ annuæ, non tamen solvenda post solutionem jam factam, sed solum solvenda post culpam commissam.

Ad 1. confirm. Idcirco potest mortale puni-

puniri in æternum, quia est gravitatis infinitæ, non quia durat in æternum, ut diximus in de Incarnatione. Quod si supponatur gravitatis finitæ, idcirco puniatur æternum, quia est infinitum secundum quid, hoc est contra Deum infinitæ dignitatis; veniale vero non est offensæ Dei, hoc est per illud non conemetur Deus, aut ejus amicitia, sed solum fervor Amicitie; & ideo non est infinitum secundum quid: unde nequit æternum puniri.

Ad id quod additur de irreparabilitate, verum est, veniale in inferno esse irreparabile per satisfactionem, siquidem ob defectum gratiæ non potest pro illo dari satisfactio, (hoc est actio tantundem honorativa Dei, quantum fuit dehonorativa actio peccaminosa) aut saltem opus; quod in compensationem pœnæ debet dignum sit quod a Deo acceptetur; falsum tamen est, quod non possit pro veniali in inferno dari satisfactio; ita ut remaneat culpa absque ulteriori reatu pœnæ. Mortale tamen tum quoad culpam, tum quoad pœnam, ratione suæ infinitatis est irreparabile.

Ad secundam confirmationem nego consequentiam. Disparitas est, quia reatus culpæ, & indignationis Divinæ perseverat in æstimatione moralis, quousque detur ejus destructivum, videlicet aut condonatio, aut satisfactio: diximus enim, culpam perseverare moraliter in negatione condonationis, & condignæ satisfactionis: Contra vero reatus pœnæ perseverat moraliter in negatione condonationis, & condignæ satisfactionis; In Inferno autem quamvis non detur condonatio, aut satisfactio, dari potest satisfactio; ergo quamvis veniale per accidens quoad reatum culpæ perseveret in æternum in inferno, non tamen quoad reatum pœnæ; nisi velis dicere, post pœnam jam solutam perseverare in æternum reatum pœnæ, non amplius solvendæ, sed solutæ.

VII. Objic. 2. ex Vasquez. Non potest dari satisfactio pro veniali in inferno; ergo ibi puniatur æternum. Antecedens probatur: ut possit homo satisfacere pro culpis, debet pœnam libere acceptare, & æquanimiter tolerare; Aliter homines iniquo animo sustinentes ægritudines in hac vita satisfacere pro culpis; quod est falsum; Atqui in inferno pœna est involuntaria; ergo non potest esse satisfactio pro veniali.

Confirm. 1. Tunc habetur satisfactio, quando pœna culpis debita toleratur voluntarie; sed hoc non habetur in inferno; ex-

Part. VIII.

go. Major probatur: ideo debetur pœna, & iuste pro culpis infligitur, ut ponatur debita compensatio, ac reordinatio, & per illam Deus glorificetur; Atqui nisi toleretur voluntarie, hoc non habetur; ergo.

Confirm. 2. Pœna debet correspondere culpæ, ut illam delectat; sed culpa essentialiter est voluntaria; ergo & pœna delectiva culpæ.

Confirm. 3. ægritudines in hac vita, ut sint satisfactioes, non solum debent voluntarie acceptari, sed etiam debent tolerari in statu gratiæ; sed hoc in inferno haberi non potest; ergo ut prius. Major probatur ex communi sensu Ecclesiæ, & Theologorum docentium, jejunia, & alias afflictiones, quas subit peccator, non diminuat pœnam debitam culpæ etiam venialibus, quia non sunt toleratæ in statu gratiæ: & ratio a priori videtur esse, quia satisfactio tollit impedimentum ad gloriam; ergo debet a gratia dignificari, ne dicatur, quod aliquod naturale tollat impedimentum, & sit quedam dispositio negativa ad gloriam supernaturalem.

Resp. ad satisfaciendum pro culpis non requiri, quod pœna voluntarie acceptetur. Immo quo magis est involuntaria, eo magis est cruciativa, & sic magis apta ad punitionem, ut patet in humanis; unde idem dicendum relate ad Deum: propterea D. Th. in 4. distin. 22. dicit: *Pœna, dum solvitur, expiatur*; quasi dicat, reatum pœnæ purgari per meram pœnæ solutionem. Verum quidem est, Deum in hac vita non acceptare nostras satisfactioes pro venialibus, nisi sint etiam satisfactioes, atque adeo nisi sint voluntariæ, & positi in statu Gratæ, ut constat ex communi sensu Ecclesiæ, & Theologorum apud Arriagam; ut proinde ægritudines hujus vitæ, nisi sint voluntariæ, & in statu Gratæ, non infligantur a Deo ad delendam pœnam debitam culpis, sed vel in pœnam peccati mortalis, pro quo Deus potest iuste nunc, & in æternum peccatorem punire; vel quia sunt incommoda propria naturæ humane de se passibilis: at in alia vita non potest Deus non acceptare in satisfactioem cruciatum inflicto ob veniale; tum quia aliter puniret ultra condignum; tum etiam quia sicut non potest iudex humanus non acceptare in satisfactioem pœnam, quam infligit pro delicto, ita nec Deus.

Ad primam confirm. nego maj. Ad probationem nego min. Habetur debita compensatio pro culpis per hoc præfice, quod

M

pec-

peccator puniatur, quamvis involuntarie: aliter in inferno non haberetur pro culpa continua compensatio, licet semper inadæquata, cum nunquam ille poenæ sint voluntariæ. Quare ideo poena debetur, & iuste infligitur, quia consonum est, ut quantum in deliciis fuit homo, tantum habeat tormentum, & lucum, ut dicitur Apocal. 18. sic enim satisficit iustitiæ vindictivæ, ejus obiectum est æqualitas inter voluptatem voluntariam culpæ, & acerbitatem involuntariam poenæ: sic etiam compensatur honor Dei læsus, & glorificatur Deus a Beatis in ostensione Divinæ Iustitiæ: unde in Psal. dicitur: *Latabitur Iustus, cum viderit vindictam.*

Ad secundam: poena respondet culpæ per hoc, quod culpa sit voluntaria peccatori, & involuntaria Deo; poena e converso sit voluntaria Judici, seu Deo offenso, & involuntaria peccatori reo: unde argumentum retorquetur: poena debet correspondere culpæ; ergo non requiritur quod sit voluntaria: præsertim quia quo magis est involuntaria, eo magis est cruciativa.

Ad tertiam concedo, satisfactiones in hac vita debere esse etiam satisfactiones, atque adeo debere esse voluntarias, & in statu Gratiæ; non tamen in alia vita, ut diximus. Ad rationem a priori; primo falsum est, quod passionem, & cruciatum debeant esse supernaturales, ut tollant impedimentum ad gloriam. Nam in omnium sententia tollunt hoc impedimentum præcise per hoc, quod ponantur in statu Gratiæ, quin proinde evadant supernaturales: non enim alius bonus naturalis per hoc, quod ponatur in statu Gratiæ, non evadit supernaturalis, nisi sit cum influxu Auxilii supernaturalis. Deinde transmissio quod cruciatus tam in hac vita, quam in Putgatorio debeant esse supernaturales, (in hoc sensu videlicet, quod per actum voluntarium supernaturalem acceptentur) ut tollant impedimentum ad gloriam; at in inferno cruciatus infligitur ob veniale non debent tollere impedimentum ad gloriam: unde ut sint satisfactiones, non debent ullatenus esse supernaturales.

VIII. Obijc. 3. Poena debita veniali, quamvis finita sit, potest tamen per accidens esse æterna, ant ratione status damnatorum incapax refrigerii, aut ratione subjecti, quod in inferno caret omni spe cuiusvis boni, aut demum ratione fori, in quo reus puniatur, quod fert sententiam irrevocabilem; ergo veniale in inferno puniatur æternum.

Confirm. 1. quia *In inferno nulla est Remissio. Ignis non exstinguitur, vermis non moritur*; ut dicitur in Script. Præterea poena ibi nunquam mitigatur, ut fert communissimus sensus, & docet Aug. in Psal. 105. dicens; *Alicuius mitigari, cui traditus est, poenam in inferno, quis audacter dixerit? quandoquidem unam stillam non meruit dives.*

Confirm. 2. quia impossibile est, non esse semper deteriozem in malo poenæ, qui semper est deterior in malo culpæ; sed decedens cum mortali simul, & veniali deterior est in æternum in malo culpæ, quam qui cum solo mortali decedit; ergo etiam deterior erit in æternum in malo poenæ.

Confirm. 3. Damnati semper complacentiam habent in peccatis, cum quibus decedunt; ergo semper pro eis debent puniri: cum enim poena detur, ut reus corrigatur, si nunquam corrigitur, semper est puniendus.

Resp. nego antecedens: status damnatorum non est nisi status sub executione Divinæ sententiæ reos illos condemnantis; sed Divina sententia fert, quod peccator non puniatur ultra condignum; ergo non debent ratione status damnati ob veniale puniri in æternum; unde solum sunt incapaces refrigerii relate ad poenam debitam. Secundo subiectum caret omni spe, quod poena debita remittatur; at non proinde ea protrahenda est diuturnius, quam culpa mereatur. Denique Forum in casu nostro non est, nisi Tribunal Iudicis Iustissimi, qui non patitur, poenas esse diuturniores, quam debeatur, & sententia ista hæc supremi Iudicis semel lata est irrevocabilis.

Ad primam confirm. recurrit eadem responsio: nunquam enim poena debita minuitur: v. gr. si poena veniali debita est annua, non cessabit ante lapsum anni, sed post annum cessabit; cum non sit amplius debita poena ulla solvenda, sed solum soluta.

Ad secundam: qui est deterior in malo culpæ, est etiam deterior in malo poenæ debite; atque adeo qui cum mortali simul, & veniali decedit, semper erit reus poenæ etiam veniali debite, non tamen poenæ amplius solvendæ, postquam erit soluta.

Ad tertiam: complacentia in peccatis, quæ est in inferno, non est demeritoria, cum sit in termino, & ideo propter illam damnati non puniuntur nova poena; aliter deberent etiam puniri ob peccata jam remissa.

missa in hac vita, quia de illis etiam complacentiam habent. Denique poena in termino non petit, ut Reus patiens corrigatur; sed ut alii metu similis poenae a peccatis coercerantur.

QUESTIO IV.

Quanam Peccata sint objectum materia-
le virtutis Pœnitentiae?

IUT ad hanc quaestionem decidendam facili negotio descendere, præmissum quid sit peccatum habituale, quid originale, quid veniale. Inquirendum superest de peccato Actuali; de eo tamen abunde diximus in de Gratia ostendendo, esse Actionem dissonam Legi, & consistere in prædicato positivo; & in de Incarnatione diximus, mortale esse gravitatis simpliciter infinitæ in linea injuriæ Deo irrogatæ. Hic solum recolimus, peccatum ab Augustino definitum, *dissonum, factum, concupitum contra Legem æternam*; propterea ipsum esse physicum peccati actualis est macula moralis animæ; quippe quod est contra regulam morum, nempe contra Divinam voluntatem, quæ est prima regula morum, seu actuum humanorum moralium. sicut enim calor v. gr. dicitur esse malum physicum aquæ, quia dissonat naturæ aquæ; ita peccatum est malum morale, seu macula moralis hominis, quia dissonat naturæ humanæ advertenti ad regulam morum. Peccatum vero habituale est hæc ipsa macula moralis peccati actualis, moraliter tamen perseverans, quatenus in extinctione morali periode se habet peccatum præteritum, ac si esset præsens. Circa quaestionem autem, num malitia peccati actualis consistat in prædicato positivo, an in negativo? sciendum, Scotum, Suarezium, Valentiam apud Amicum de Gratia disp. 17. docere, quod consistat in prædicato negativo, hoc est in privatione rectitudinis debitæ tali actui. Nos vero in de Gratia disp. 2. qu. 7. cum Cajetano, Vasquio, & aliis diximus, adæquate consistere in prædicato positivo, seu in ipsa entitate physica actus dissoni legi, ita ut privatio rectitudinis debitæ sit solum proprietatis metaphysica peccati actualis. Et ratio est, quia in eo consistit formalis malitia peccati, per quod actus formaliter constituitur malus moraliter, & inhonestus; sed actus humanus constituitur formaliter malus moraliter per solum esse physicum & positivum, inquantum dissonum Divinæ

voluntati, quæ est prima regula morum, & ex hoc fit, quod careat rectitudine debita; ergo malitia formalis peccati actualis formaliter consistit in positivo; sicut error consistit in ipsa entitate physica, & positiva actus, ad quam consequitur carentia conformitatis cum objecto; & febris consistit in qualitate positiva, ad quam consequitur carentia harmoniæ debitæ humorum. His positis,

II. Certum est, peccatum Actuale esse materiale objectum virtutis Pœnitentiæ, seu id, circa quod actus hujus virtutis versari possunt. Possumus enim ex motivo pœnitentiæ peccatum odisse, ac detestari, de illo dolere, retractare, ac velle illud vindicare. Difficultas tamen est de peccato Habituali, ac de Originali, nec non de peccatis alienis, de Imperfectionibus, & similibus, num sint objectum materiale hujus virtutis, & num sint materia remota Sacramenti Pœnitentiæ? Ad has difficultates enodandas

III. Prænoto, ad virtutem pœnitentiæ plures actus spectare. Primo odium peccati, in quantum est Dei offensæ. Secundo detestationem ejusdem. odium enim respicit peccatum ut peccatum est, atque adeo etiam peccatum futurum, & possibile; at detestatio respicit peccatum ut commissum sive a se, sive ab alio: Propterea detestatio supra actum odii adit affectum voluntatis, & desiderium quoddam, quod peccatum non fuerit commissum. sicut enim possidens bonum connaturaliter desiderat semper illud habere; ita odio habens peccatum commissum connaturaliter desiderat, ne unquam fuerit; & hujusmodi desiderium additum odio spectat ad detestationem. Tertius Pœnitentiæ actus est dolor, seu displicentia, quæ connaturaliter consequitur ad detestationem, & fert quandam animi poenam, & inquietudinem ob peccatum commissum. Cum in Beatis non sit capacitas doloris, idcirco quamvis oderint, & detestentur peccata a se, & ab aliis commissa, de illis tamen non dolent. Quartus Actus est retractatio, quæ solum versatur circa actum a se commissum. nemo enim retractare potest, quod ipse non fecit. sicut enim detestatio fert desiderium, ne peccatum fuerit; ita retractatio fert desiderium, ne peccatum fuerit a se commissum, & simul voluntatem illud expiandi ac vindicandi; & propterea ad retractationem sequitur voluntas satisfaciendi, & spes veniæ. Præcipuus in-

ter hos pœnitentiæ actus est dolor, ad quem sequitur retractatio, & voluntas satisfaciendi. Hinc Beati, qui possunt odisse ac detestari peccatum, non tamen de illo dolere, non dicuntur elicere pœnitentiam de illo; quidquid sit, an in Beatis remaneat virtus pœnitentiæ infusa deserviens ad elicendos actus odii, & detestationis; quod examinabimus disp. 3.

Dico nunc 1. peccatum habituale, qua tale, est objectum materiale pœnitentiæ. Ita communiter apud Martinum Perez disp. 1. sect. 7.

Prob. Illud est objectum materiale pœnitentiæ, circa quod versari possunt actus huius virtutis; sed circa peccatum habituale, qua tale, versari possunt actus virtutis pœnitentiæ; ergo. Probat minor: peccatum habituale, qua tale, est peccatum præteritum moraliter perseverans; sed actus virtutis pœnitentiæ, nempe odium, detestatio, dolor, retractatio, voluntas satisfaciendi, cadere possunt supra peccatum præteritum moraliter perseverans, qua tale; ergo actus pœnitentiæ cadere possunt in peccatum habituale, qua tale; & quia isti actus constituunt sacramentum pœnitentiæ, idcirco peccatum habituale, qua tale, est etiam materia remota huius sacramenti.

Dices: peccatum habituale, qua tale, constituitur per peccatum præteritum, & per negationem condonationis, & satisfactionis, in quibus moraliter perseverat; sed actus virtutis pœnitentiæ cadere non possunt supra negationem condonationis &c. cum enim negatio condonationis sit ipse actus Divinus nolens condonare, non potest esse objectum odii, & detestationis; ergo peccatum habituale, qua tale, non est objectum materiale pœnitentiæ.

Resp. concessa maiore, & minore, nego consequentiam. Ad odium habendum, & detestandum peccatum habituale, qua tale, non est necesse, quod odio habeamus omnia constitutiva peccati habitualis: sicuti ut odio habeamus esum carnis, qua prohibetur, non debemus odire prohibitionem: & ut Deus amet penam, in quantum æqualem culpe, non debet amare omnia constitutiva huius æqualitatis; deberet enim amare culpam, qua talem æqualitatem constituit. Quare sicut sufficit quod æqualitas inter penam, & culpam ametur tantum denominative, & secundum rectum denominationis, non vero constitutive, seu quidditative, hoc est secundum omnia constitutiva talis denominationis; sufficit e-

nim quod ametur pena, qua denominatur æqualis culpe, quin ametur omnia constitutiva talis æqualitatis; ita sufficit quod peccatum habituale, qua tale, odio habeatur denominative secundum id, quod venit in recto, quin debeant odio haberi omnia ejus constitutiva.

V. Dico 2. cum Lugo disp. 3. sect. 1. Peccatum habituale secundum id, per quod distinguitur ab actuali præterito, non est objectum materiale Pœnitentiæ.

Prob. Id per quod distinguitur peccatum habituale ab actuali præterito, non est nisi reatus pœnæ, seu negatio condonationis &c. sed negatio condonationis, ut diximus, non est objectum materiale pœnitentiæ, cum non possimus odire, ac detestari actum Dei nolentis condonare; ergo peccatum habituale secundum id, per quod distinguitur ab actuali præterito, non est objectum materiale pœnitentiæ.

Dices: Peccatum habituale, in quantum habituale, reduplicat id, per quod distinguitur ab actuali præterito; ergo ut possit esse objectum materiale pœnitentiæ peccatum habituale, in quantum habituale, juxta dicta in prima conclusione, debet etiam esse objectum materiale pœnitentiæ id, per quod habituale distinguitur ab actuali præterito.

Resp. Sicut pena æqualis culpe in quantum æqualis amatur, & tamen non reduplicatur, nec debet amari culpa, per quam pena æqualis ab inæquali distinguitur, sed reduplicatur ipsa pena sub prædicato æqualitatis, tanquam sub conditione: ita quando reduplicatur peccatum habituale, in quantum habituale, non reduplicatur reatus, seu negatio condonationis, per quam distinguitur habituale ab actuali præterito, sed reduplicatur ipsum peccatum sub tali negatione, tanquam sub conditione, & illud solum odio habetur.

Hinc habes, peccatum habituale importare formaliter peccatum præteritum in recto, & negationem condonationis & satisfactionis in obliquo, ita tamen ut ab his negationibus constitutur, quia iis præcise sublati, peccatum habituale tollitur: reatum vero peccati importare utramque hanc negationem, supposito tantum peccato præterito, tanquam termino relationis transcendentalis, & non tantum constitutivo: non secus ac dolor de peccato constituitur per solum actum dolentis præsupponentem peccatum, non vero per ipsum peccatum: & sicut dolor de peccato est bonus, quamvis supponat malum; ita jus in Deo, seu potestas

flas legitima ad odium habendum, & puniendum peccatorem, cui correlativè respondet reatus, est quid bonum ipsi Deo, quamvis supponat peccatum; adeo ut possit Deus hoc suum jus velle, non tamen absolute, sed ex suppositione peccati. Unde ulterius colligitur, quod si posset condonari peccatum in instanti in quo fit, dari posset peccatum actuale absque jure in Deo, & reatu in peccatore, ut dicemus infra.

VI. Dico 3. Peccatum originale non est objectum materiale penitentiae relate ad actum retractationis, sed solum relate ad actum odii, detestationis, displicentiae &c. ita communiter cum D. Th. in 4. dist. 17. q. 2. Suarez, Lugo, Perez disp. 1. sect. 8.

Prob. prima pars, quod scilicet non possimus peccatum originale retractare; quia retractatio est de actu physice proprio; retractamus enim quod propria libertate fecimus; nec possumus retractare quod fecimus inimpedibiliter, ut docent communiter apud Lugo disp. 3. n. 12. Pupillus v. gr. nequit retractare contractum tutoris: Atqui originale est solum interpretative proprium, & contrahitur a nobis inevitabiliter per naturalem generationem; ergo non est materia penitentiae per actum retractationis; sicut nec per actum contritionis, quæ est detestatio & dolor de peccato a se commissio cum proposito non peccandi de cætero.

Prob. secunda pars, quod scilicet possint alii actus penitentiae exerceri circa originale, nempe odium, detestatio, dolor: per originale enim homo contrahit statum ininicitiae cum Deo; quo quid deterius? ergo originale est objectum odii. Præterea potest homo quodvis peccatum commissum etiam alienum, ut mox dicemus, detestari; ergo a fortiori potest detestari originale, quod est interpretative a se commissum, & proprium. Denique potest homo de originali dolorem ac displicentiam habere. nam ex Augustino 14. de civ. cap. 15. displicentia est de iis, quæ nobis nolentibus accidunt, & trahit animi inquietudinem ac penam, huiusmodi est originale trahens statum ininicitiae cum Deo, atque adeo inquietudinem ac penam; ergo possumus de originali dolere.

VII. Ex quibus sequitur, Originale de facto non esse materiam remotam Sacramenti Penitentiae, cum hoc Sacramentum de facto per contritionem constituitur, quæ supra Originale non potest cadere. Quod si in alia providentia Sacramentum Peni-

tentiae constitueretur per solum odium, detestationem, ac dolorem peccati, quamvis non propria voluntate commissi, tunc posset Originale esse materia remota Sacramenti Penitentiae, & virtute talis Sacramenti deleri.

Potest etiam dari satisfactio pro Originali, quippe quod est verè Dei offensæ. Falsissima tamen est propositio 19. ab Alex. VIII. proscripta, quod scilicet *Homo tota vita debeat pro originali penitentiam agere*. Hoc enim derogat efficaciz Sacramenti Baptismi, vi cuius deletur non solum reatus culpe, sed etiam reatus cuiuscunque poenæ. In tantum pro peccatis remissis per Sacramentum Penitentiae debemus penitentiam agere, quia etiam post Sacramentum Penitentiae sæpe remanet reatus poenæ temporalis; qui tamen post Sacramentum Baptismi nunquam remanet. Verum quidem est, post Baptismum remanere in nobis conspiciendam, subjectionem morti, & mortis vestigiis; hæc tamen ex Trid. non remanent in penam Originalis, sed ad agonem, & meritum.

VIII. Inferitur ex dictis 1. etiam venialia esse obiectum materiale penitentiae, & materiam remotam huius Sacramenti, cum omnes actus penitentiae cadere possint in venialia, non secus ac in mortalia. Illa enim vere Deo displicent, ac leviter offendent, quamvis ejus amicitiam non dissolvant. Præterea aliz virtutes detestantur obiectum sibi contrarium etiam in materia levi: v. gr. Temperantia detestatur gulam etiam levem: Religio superstitionem etiam levissimam; ergo etiam Penitentia odit culpas veniales, prout Dei offensas, licet leves.

Inferitur 2. etiam peccata dimissa esse obiectum materiale penitentiae quoad actum odii, detestationis, doloris, ac retractationis; non tamen quoad actum vindicationis, si sint remissa quoad culpam simul, & poenam, ut docent communiter apud Perez sect. 9. contra Lugo disp. 3. nu. 15. Ratio est, quia actus vindicationis, seu satisfactionis est actus iustitiz, qui non potest exerceri erga debitum jam extinctum, ut diximus in tract. de iustitia, ubi ostendimus cum communiori, non posse dari duplicem solutionem adæquatam ex iustitia relate ad idem debitum, nec posse dari iteratam solutionem ex iustitia successive. Hinc tamen non fit, quod peccatum remissum non sit materia remota Sacramenti Penitentiae, cum sufficiat, quod possumus de eo contreri.

Infertur 3. Peccatum nonnullum commissum posse esse materiam pœnitentia: solum quoad actum odii, & propositi de illo non committendo; non tamen quoad actum detestationis, vel doloris, qui solum versatur circa peccata commissa; & multo minus quoad actum retractationis, aut vindicationis.

Infertur 4. quod sicut non possumus retractare peccatum Originale, quia non est commissum a nobis per actum propriæ libertatis, ita a fortiori nec possumus retractare peccata aliena, aut de iis contenti: possunt tamen ea esse objectum materiale pœnitentia: per actus odii, detestationis, ac doloris, ut docent communis cum Suarez disp. 2. sect. 1. & Perez sect. 10. Sicut enim ex virtute spei inclinamur ad sperandum Deum ut bonum nostrum tum nobis, tum aliis, & ex motivo iustitiæ moveri possumus ad solvenda debita etiam aliena; ita ex motivo pœnitentia: possumus etiam aliena peccata detestari, ac de illis dolere.

Infertur 5. quid dicendum de imperfectiōibus sive negativis, ut cum quis ponit actum minus perfectum, aut intensum præ perfectiori, aut intensiori; sive positivis, ut cum quis v. gr. transgreditur suas leges, quæ ad culpam non obligant: unde ponit aliquod impedimentum ad specialia Dei beneficia; sicut irregularitas ex defectu est impedimentum canonicum ad ordines sacros. Certum est, neque imperfectiōes positivæ, neque negativæ esse materiam Sacramenti Pœnitentia: cum non sint peccata, quavis de illis in confessione nos accusemus, quia sæpe culpam aliquam venialem habent annexam. Quare dicendum, neque esse materiam directam virtutis pœnitentia:, quippe quæ per se versatur per actus odii, detestationis, &c. circa offensam Dei: possunt tamen, ut notat Perez, & Lugo, esse materia remota pœnitentia: per actus odii, ac detestationis, quatenus disponunt indirecte ad culpam, impediendo Dei beneficia. Quare ex motivo pœnitentia: intendendis odisse, vindicare, ac vitare Dei offensam, potest homo imperfectiōes suas odisse, detestari, retractare, ac vindicare.

Infertur 6. idem dicendum de actibus materialiter malis; pura si quis sine advertentia omisit horas canonicas recitare, aut læsit proximum, aut citra culpam passus est aliquam compurationem. Huiusmodi enim actus cum vacent culpa, non possunt directe ad objectum materiale pœnitentia:

pertinere: quia tamen generant habitum inclinantem ad similes actus, qui fiunt cum advertentia, & cum Dei offensa; ideo peccat homo indirecte ex motivo pœnitentia: eos odisse, ac dolorem, & displicentiam de iis habere.

Infertur ult. esse objectum materiale pœnitentia: etiam peccatum actuale præteritum, cum possint circa illud cadere actus omnes pœnitentia:. Non est autem idem dolere de peccato actuali præterito, ac dolere de peccato habituali. Nam si quis in instanti A peccet, & in instanti B contratur de tali peccato, tunc dolet de peccato actuali præterito, non tamen de habituali, eo quod tale peccatum præteritum non perseveret: At si in instanti A peccet, in instanti B peccatum perseveret, & in instanti C doleat de tali peccato, tunc dolet de peccato habituali, inquantum habituali.

DISPUTATIO II.

De effectu Pœnitentia: quoad Remissionem culpæ, & Revivisceniam Meritorum.

UT præstantia tam virtutis, quam Sacramenti Pœnitentia: luculenter a posteriori ostendatur, sub oculis ponimus ejus effectus. Et primo quidem agemus de remissione mortalium. Secundo de remissione venialium. Tertio de reviviscencia meritorum deperditorum per mortale.

Q U Æ S T I O I.

An sit possibile peccatum essentialiter irremissibile.

I. Q UOD nullum peccatum ratione sue magnitudinis sit irremissibile sive per Sacramentum Pœnitentia:, sive per actus virtutis pœnitentia:, nempe per contritionem perfectam, est de Fide contra Novatianos apud Beil. & contra Tertull. qui docuit, post veniam semel obtentam de aliquo peccato non posse amplius nova peccata condonari. quod patet tum ex Scripturis. dicitur enim Ezechielis 10. Si impius egerit pœnitentiam ab omnibus peccatis suis, quæ operatus est, tunc non iustificatus

eius non recordabor : & Joan. 20. Quorum remiseritis peccata, remittuntur eis : Tum ex Concilio Lateranensi, & ex PP. apud eundem Bellar. Tum demum quia contrarium derogat efficaciz Divinæ Gratiæ, Divinæ Misericordiæ, ac virtuti Passionis Christi. Hinc verba illa Christi Domini apud Matth. Omne peccatum, & blasphemia remittitur hominibus; spiritus autem blasphemia non remittitur : & illa alia : Qui dixeris verbum contra Spiritum Sanctum, non remittetur ei neque in hoc sæculo, neque in futuro, explicanda sunt cum Ambr., Atha., Hierony. quod huiusmodi peccatum difficillime remittatur; & cum morali impossibilitate. Idemque dicas de iis verbis Apost. ad Hebr. 6. Impossibile est, eis, qui semel sunt illuminati, &c. & prolapsi sunt, rursus renovari ad patientiam.

Ad ea vero verba 1. Joan. 5. Est peccatum ad mortem, non pro illo dico ut roges quis; Dicas vel esse ibi sermonem de Impenitentia finali, seu de peccato usque ad mortem, post quam nulla haberetur remissio, cum homo sit in termino : vel esse sermonem de peccatis enormissimis, quæ reddunt peccatores indignos aliorum orationibus; unde quamvis possumus pro iis orare, non tenemur, ut explicat Platel. nu. 525. sicut pro excommunicatis non offeruntur Sacrificia. Denique quod dicitur de Antiocho 2. Machabæorum 9. Orabas sceleris Dominum, a quo non erat misericordiam consecutus, intelligendum est, quod non erat obtenturus veniam, quia non dolebat de peccatis ob motivum supernaturale, sed solum ex desiderio salutis recuperandæ.

II. Difficultas solum est apud Recentiores, An sit possibile peccatum aliquod essentialiter irremissibile, non ratione suæ magnitudinis, seu gravitatis, sed præcise ratione connexionis intentionalis cum Dei decreto de non remittendo ullo peccato? Lugo disp. 8. sect. 1. affirmat, docens quod si Deus libere decernat, se nullum peccatum amplius remissurum, & revelet Petro hoc decretum, qui illud contemnat, seu discredet tali revelationi, in tali casu peccatum hoc contemptum, seu infidelitatis sit essentialiter irremissibile, non ex magnitudine suæ malitiæ, sed quia essentialiter connectitur, ac præsupponit decretum illud Divinum infructibile; quod tamen de facto frustraretur, si peccatum illud remitteretur. Ex hoc discursu docuerunt nonnulli, quod similiter sit possibilis aliqua Dei visio essentialiter indestruibilis, non

ex magnitudine suæ perfectionis, sed ex consimili connexionione intentionalis cum libero Dei decreto de non destruenda ulla Dei visione, quod certe attingi non posset nisi per visionem essentialiter indestruibilem, eo quod aliter decretum Dei frustraretur. Hanc autem visionem essentialiter indestruibilem multis ostendimus repugnare in de Beatitudine disp. 1. qu. 10. Similiter ex eadem ratiocinatione putant, possibile esse peccatum aliquod essentialiter impunibile, aut essentialiter remissum; actum bonum essentialiter impræmiabilem; Creaturam aliquam essentialiter ineliminabilem ad producendum quodlibet; & alia huiusmodi innumera.

Adverto, illud esse discrimen inter peccatum essentialiter, seu ab intrinseco, & peccatum accidentaliter, seu ab extrinseco-irremissibile, quod peccatum per accidens irremissibile sit illud solum, quod est irremissibile ob extrinsecum Dei decretum de illo non condonando, ut sunt omnia peccata damnatorum; peccatum vero essentialiter irremissibile sit illud, quod independenter ab omni libero Dei decreto, ex prædicatis suis essentialibus est irremissibile, non secus ac homo independenter ab omni libero Dei decreto ex prædicatis essentialibus est rationalis. Proinde peccatum essentialiter irremissibile solum potest Deus libere permittere, sicut hominem rationalem solum Deus potest libere ponere; & sicut non potest Deus libere velle, quod homo sit rationalis, ita non potest libere velle, quod peccatum essentialiter irremissibile non remittatur: esset enim huiusmodi decretum liberum fatuum, essentialiter superfluum, & indignum Deo. His explicatis

III. Dico cum communiori, repugnare peccatum essentialiter irremissibile ex connexionione intentionalis cum decreto de non remittendo ullo peccato, juxta systema expostum. Ita Haunoldus nu. 901. Arriaga disp. 12. sect. 3. Dicastillo, Requiesens, contra Lugo loco citato, Martinson, Ovidium, & alios Recentiores.

Prob. 1. ex absurdis: si dari posset peccatum hoc essentialiter irremissibile, esset pariter possibile peccatum essentialiter impermissibile a Deo, aut peccatum, ad quod Deus non concurreret immediate; sequelam nemo admiserit; ergo. Probari sequela, quia similiter potest Deus facere hoc decretum, Nolo ullum peccatum permittere, seu nolo ad ullum actum liberum creaturæ concurrere: potest etiam hoc de-

cretum revelare Petro; & si Petrus illud contemneret, seu discredere, peccatum hoc contemptus, aut incredulitatis deberet esse juxta ratiocinationem Adversariorum essentialiter impermissibile, aut sine concursu immediato Dei; aliter decretum essentialiter praesuppositum frustraretur. Quod si dicas, decretum hoc de non permittendo illo peccato revelari posse, sed contemni non posse, ne sequatur hoc inconveniens, quod detur peccatum impermissibile; dicas pariter, Decretum illud de non remittendo illo peccato revelari posse, contemni non posse, ne sequatur hoc inconveniens, quod detur peccatum irremissibile; cum Deus infinite misericors, & ut dicitur Joëlis 2. *Præstabilis super malitia*, debeat posse quodvis peccatum remittere; sicuti debet ex supremo dominio ad quemcumque effectum creatum immediate concurrere. Pariter ex consimili discursu Cardinalis de Lugo sequeretur, dari posse peccatum essentialiter impunibile, essentialiter remissum, &c. visionem Dei essentialiter indestruibilem, Creaturam essentialiter immobilem, vel quæ solum conservari, aut moveri posset per tempus, aut per spatium determinatum; & his similia, quæ communiter reputantur absorta.

Prob. 2. ratione. Peccatum hoc contemptus, seu incredulitatis in dato systemate esset, & non esset irremissibile; ergo repugnat. Probat sequela: esset enim irremissibile, ut supponitur ob discursum Adversariorum; ex altera parte non esset irremissibile; quod sic probatur: Vel decretum illud liberum Dei dicens, Nolo ullum peccatum remittere, loqueretur solum de peccatis remissibilibus, vel loqueretur etiam de hoc peccato contemptus, quod deberet esse essentialiter irremissibile; neutrum dici potest; ergo &c. Probat minor. non enim dici potest, quod loquatur etiam de hoc peccato contemptus, essentialiter irremissibili, quia, ut diximus, Deus acquit libere quidquam decernere de prædicatis necessariis, & essentialibus creaturæ, sed solum de contingentibus. Quare sicut fatuum, essentialiter superfluum, & indignum Deo est decretum liberum decernens dare homini rationalitatem, aut non creare chimeram; ita fatuum esset decretum liberum Dei decernens se non remissurum peccatum essentialiter irremissibile. Quod si dicas, decretum illud de non remittendo illo peccato loqui solum de peccatis remissibilibus conditum ab

hoc peccato contemptus, sequitur jam, quod hoc peccatum contemptus nullam habeat irremissibilitatem neque accidentalem, neque essentialem: Non accidentalem ortam ex illo decreto de non condonando ullo peccato, quia illud decretum non loquitur de hoc peccato: Neque habet ex eo decreto essentialem irremissibilitatem, quia mera connexio essentialis peccati A cum decreto de non remittendo peccato B, non infert ullam irremissibilitatem in peccato A, ut patet. Nam si Deus ex. gr. decerneret, se non remissurum peccata Pauli, & revelet hoc decretum Petro, qui illud contemnat, peccatum hoc Petri non habet ullam irremissibilitatem, quamvis essentialiter connectatur cum decreto de non remittendis peccatis Pauli: sic etiam visio v. gr. decreti de non destruendo lapide non haurit ullam indestruibilitatem ex connexione essentiali cum illo decreto de non destruendo lapide.

Iterum sic arguo breviter. Supponamus omnia peccata possibilia clare, & distincte cognita a Deo esse A, B, C, & peccata B & C esse remissibilia, peccatum vero A esse illud, quod Adversarii dicunt irremissibile. Nunc sic: vel decretum de non remittendo ullo peccato loquitur etiam de peccato A, quod dicitur irremissibile; & decretum deberet esse fatuum, quippe quod libere decerneret de prædicatis necessariis: vel solum loquitur de peccatis B. C. remissibilibus; & hinc non sequitur, quod peccatum A habeat ullam irremissibilitatem; sicuti si detur decretum de non remittendis peccatis Pauli, peccatum Petri contemptivum talis decreti non esset ullatenus irremissibile. Nam si remitteretur, non frustraretur decretum praesuppositum, quippe quod solum loquitur de peccatis Pauli.

IV. Dices 1. Quamvis decretum de non remittendo ullo peccato solum loquatur de B. C. remissibilibus; at peccatum A haurit ex tali decreto proximam possibilitatem, cum non possit tale peccatum dari non praesupposito illo decreto: Hinc peccatum A est irremissibile; aliter frustraretur decretum praesuppositum de non remittendo ullo peccato; ergo possibile est peccatum hoc essentialiter irremissibile.

Sed contra est, quia etiam decretum de non remittendis peccatis Pauli reddit proxime possibile peccatum Petri contemptivum talis decreti; & tamen non proinde hoc peccatum Petri haurit ullam irremissibilitatem ab eo decreto essentialiter præ-

sup.

supposito, eo quod decretum loquitur solum de peccatis Pauli: unde non frustraretur, si remitteretur peccatum Petri; ergo pariter in casu nostro, quamvis peccatum A hauriat proximam possibilitatem a decreto de non remittendis peccatis B, C. remissibilibus, non proinde haurit ab eo decreto essentialiter præsupposito ullam irremissibilitatem.

Dices 2. cum decretum sit de non remittendo ullo prorsus peccato, ita loquitur absolute de peccatis B, C. remissibilibus, ut loquitur etiam conditionate de peccato A, quatenus si esset remissibile, Deus nollet illud remittere; Atqui hoc sufficit, ut peccatum A ex connexionione intentionali cum eo decreto hauriat intrinsicam irremissibilitatem; ergo est intrinsece irremissibile.

Sed contra est, quia vel decretum de non remittendo ullo peccato loquitur conditionate de ipso peccato A signate, vel solum exercite. Non primum, quia tam est fatuum, & indignum Deo decretum libere decernens de prædicatis necessariis absolute, quam conditionate in actu signato: v. gr. tam est impossibile decretum libere decernens absolute, quod nollet ponere hircocerum, quam si dicat conditionate, si hircocervus esset possibilis, illum non ponere, ergo tam est impossibile decretum dicens absolute, Nolo remittere peccatum A irremissibile, quam dicens conditionate, si peccatum A esset remissibile, illud non remitterem. Hujusmodi enim decreta in Deo sunt essentialiter superflua. Neque dici potest, quod loquatur de peccato A conditionate in actu exercicio, quatenus de facto nihil decernit de illo, sed decerneret in hypothesis impossibili, quod illud esset remissibile. Nam voluntas ista conditionata tum ex parte objecti, tum ex parte actus, quæ scilicet non est, sed esset, nihil ponit in esse, quousque purificetur conditio: unde non potest ullam irremissibilitatem peccato A communicare; aliter etiam esset irremissibile peccatum Petri de non remittendis peccatis Pauli; quia si per impossibile peccatum Petri esset peccatum Pauli, decretum etiam loqueretur de peccato Petri.

V. Ex quibus habes 1. Decretum Dei liberum de non remittendo ullo peccato esse fatuum, etiam si loquatur de peccato ut sic, sive remissibili, sive irremissibili; non secus ac decretum de non creando ullo ente sive possibili, sive chimærico; tum quia

non potest Deus libere decernere de prædicatis necessariis; tum etiam quia non potest Deus quicquam cognoscere in confuso, & in abstracto, unde non potest quicquam decernere de peccato, præscindendo a remissibili, vel irremissibili.

Habes 2. possibile esse decretum de non remittendo ullo prorsus peccato remissibili, sive directo, sive reflexo. (Voco peccata directa v. g. furti, homicidii; voco reflexa peccata contemptiva decreti de non remittendis peccatis illis directis). In hoc tamen casu decretum hoc, quatenus loquitur de peccatis directis, reddit illa extrinsece irremissibilia, quin reddat ullaatenus irremissibilia peccata reflexa; quatenus vero loquitur de peccatis primo reflexis, reddit illa extrinsece irremissibilia, quin reddat ullaatenus irremissibilia peccata secundo reflexa, videlicet peccata contemptiva decreti de non remittendis illis peccatis primo reflexis; & idem dicas de peccatis tertio, quarto, & quinto reflexis in infinitum.

Habes 3. Decretum hoc de non remittendo ullo prorsus peccato, tam directo, quam reflexo, non solum esse possibile, sed etiam revelabile, non tamen contemptibile; quia peccatum hoc contemptus esset, & non esset irremissibile, ut ostendimus: sicut decretum de non concurrente cum ullo actu voluntatis creatæ esset revelabile, sed non contemptibile, quia tale peccatum contemptus esset, & non esset cum concursu Dei immediato.

Habes 4. quod sicut decretum de nihil producendo, aut de non concurrente ad ulum actum intellectus creati non solum non potest contemni, sed nec etiam revelari, ut patet; Ita nec potest manifestari Beatis decretum de non destruenda ulla prorsus visione Dei, ac proinde reputat visio Dei essentialiter indestructibilis ex connexionione essentiali cum hoc decreto. Ratio est eadem, quia hæc visio esset, & non esset indestructibilis: esset juxta discursum de Lugo; non esset vero, quia vel decretum illud de nulla visione destruenda loquitur etiam de hac visione essentialiter indestructibili attingente tale decretum, & hujusmodi decretum esset fatuum; vel loquitur solum de aliis visionibus destruibilibus, & jam visio attingens hoc decretum nullam inde hauriret indestructibilitatem; sicut non est indestructibilis visio attingens decretum de non destruendo lapide.

Habes ult. Decretum de non remittendo ullo prorsus peccato non esse contemptum.

sempibile, si cognoscatur cognitione evidenti, aut per actum fidei essentialiter verum ob rationes adductas: si tamen cognoscatur cognitione naturali, & falsificabili, posset utique contemni, & discedi, quia posset dari peccatum contemptivum talis decreti, non existente eo decreto, nisi tantum putative in intellectu contemnens; proinde si hoc peccatum contemptus remitteretur, non sequeretur frustratio ullius decreti.

VI. Obijc. 1. Dum Deus libere decernit, v. g. Nolo ullum decretum manifestare, in tali casu decretum hoc de non manifestando ullo decreto est essentialiter immanifestabile, non vero impossibile; ergo dum decernit, Nolo peccatum ullum remittere, peccatum contemptivum hujus decreti erit essentialiter irremissibile, non impossibile. Probat per consequentia: Ideo illud decretum est solum immanifestabile, non impossibile, quia solum sequeretur contradictio, si manifestaretur, non vero si ponatur; Atqui pariter in casu nostro solum sequitur contradictio, si peccatum contemptivum decreti remitteretur, non vero si ponatur; ergo pariter huiusmodi peccatum erit essentialiter irremissibile, non impossibile.

Confirmat Deus decernat nullam visionem beatificam destruere, solum repugnat visionem destrui, non vero poni; ergo si decernat nullum peccatum remittere, peccatum contemptivum talis decreti repugnabit remitti, non vero poni, cum decretum solum decernat peccata non remittere, non vero non ponere.

Resp. 1. per instantiam; ergo si Deus decernat, Nolo concurrere ad ullum actum liberum Creature, peccatum contemptivum talis decreti solum erit impossibile, quod cum concursu Dei ponatur, non vero erit absolute impossibile. In forma nego consequentiam. Ad probationem nego minorem. Peccatum contemptivum decreti de non remittendo ullo peccato non solum valet contradictionem, si remitteretur, sed etiam si poneretur; tum quia derogat Divinae misericordiae, ac libertati Dei ad miserandum, & parcendum; tum etiam quia esset, & non esset essentialiter irremissibile, ut diximus.

Ad confirm. distinguo antec. posito eo decreto, repugnabit visionem aliquam destrui per accidens, concedo; ex practicis intrinsicis, & essentialiter, nego antecedens, & consequentiam. Immo retorqueo paritatem: si Deus decernat nullam visionem

destruere, non solum esset indestructibilis, sed etiam impossibilis visio attractiva talis decreti, ut ostendimus; ergo si Deus decernat nullum peccatum remittere, non solum erit irremissibile, sed etiam impossibile peccatum contemptivum talis decreti. Quare solum de peccato per accidens irremissibili verificatur, quod repugnat remitti, non vero poni, quia frustraretur decretum de illo non remittendo, si remitteretur, non vero si ponatur: At peccatum essentialiter irremissibile non solum repugnat, quod remittatur, sed etiam quod ponatur; esset enim, & non esset irremissibile, quia loqueretur, & non loqueretur de tali peccato decretum universale de non remittendo ullo peccato.

VII. Obijc. 2. Non derogat divino dominio, quod Deus non possit uti Creaturis ad usus chimericos, v. g. quod non possit uti materia ad informandum, ligno ad cognoscendum, aut quod non possit conservare durationem, movere ubicationem, &c. ergo nec derogat divino dominio, ac libertati ad remittendum, quod non possit condonare peccatum essentialiter irremissibile; ergo sicut non repugnat ubicationi essentialiter immobilis, &c. ita nec peccatum essentialiter irremissibile; praesertim si huiusmodi irremissibilitas oriatur ex connexionione intentionali cum decreto de non remittendo ullo peccato.

Resp. primo per instantias adductas de possibilitate peccati essentialiter impermissibilis, aut ad quod Deus immediate non concurrat; de peccato essentialiter remisso, impunibili, &c. Secundo argumentum probat nimis, videlicet quod neque repugnet peccatum essentialiter irremissibile ex intrinseca sua malitia independentem a connexionione cum ullo decreto, quia eo posito Deus per hoc, quod non possit illud remittere, solum non posset eo uti ad usus chimericos. Tertio dico, non repugnare divino dominio, quod non possit uti Creaturis ad usus, quos certo constat, & positive ostenditur iis esse impossibiles: v. g. quod non possit uti materia ad informandum, lapide ad libere operandum; sed vero si tantum assumatur, usus illos esse chimericos, & ceteroqui debent esse possibiles Creaturis ob subjectionem debitam divino dominio. In casu nostro quodvis peccatum est remissibile, nisi de aliquo positive probetur irremissibilitas; sicut quaelibet Creatura est mobilis, conservabilis, &c. in tantum ubiatio dicitur immobilis, & duratio incon-

fer-

servabilis, quia positive probatur debere hæc prædicata us competerè; At ex discursu Adversariorum non probatur positive possibilitas peccati essentialiter irremissibilis, ut offendimus; ergo quodvis peccatum dici debet remissibile.

Regula generalis sit hæc. Quoties inquitur de possibilitate alicujus Creaturæ, quæ videtur fines omnipotentis dilatare, & divini domini fines coardare, tunc a Philosophis, & Theologis dicendum, hujusmodi Creaturam repugnare, nisi positive ostendatur ejus possibilitas, ex qua oriatur, quod impotentia in divino dominio ad utendum ea creatura ad usus impossibiles sit impotentia Grammaticalis, sicut est impotentia Dei ad peccandum, ad ponendam chimæram, &c. quæ impotentia perfectissimam Dei potentiam comendat, juxta illud Augustini 5. de Civit. 10. *Deus, quia est omnipotens, multa non potest*. Tunc autem facis cit, quod mere negative possibilitas alicujus Creaturæ ostendatur, quando prædicatum præpium illius est participativum alicujus divine perfectionis, ad quod consequitur, quod aliquis usus talis creaturæ sit chimæricus; non vero quando prædicatum proprium est mere limitativum divini domini: E. g. dum queritur, An sit possibilis Creatura essentialiter indiscutibilis, immobilis, immultiplicabilis numerice, inelavabilis ad produendum quodlibet, aut Creatura rationalis inobdurabilis, vel inemissibilis, aut impeccabilis, vel Creatura Durandi, quæ operetur sine concursu Dei immediato, & similia, dicendum est repugnare, eo quod prædicatum differentiale istarum Creaturarum non sit participatio alicujus divini attributi, sed est mera coarctatio divini domini ad talem Creaturam destruendam, movendam, &c. unde cum non ostendatur positive harum Creaturarum possibilitas, eo pacto quo positive ostenditur possibilitas, & necessitas ubicationis essentialiter immobilis, durationis inconfervabilis, dicendum est repugnare: Contra vero possibilitas Angeli, seu substantiæ immaterialis completæ, vel corporis simplicis, aut Creaturæ ab æterno, Creaturæ Creatricis, infiniti categorematici, &c. sufficienter ostenditur negative, quia ex proprio conceptu hujusmodi Creaturæ præferunt participationem alicujus divine perfectionis, ad quam consequitur quod sit impossibilis aliquis earum usus, qui aliis Creaturis est possibilis; v. g. Angelus participat perfectioni modo Divinam

intellektivitatem, quam anima rationalis; & hinc fit, quod non possit Deus uti Angelo ad informandam materiam, ut potest uti anima rationali; sic corpus simplex perfectiori modo Dei simplicitatem participat, quam materia; & hinc fit, quod non possit informari forma substantiali, sicut potest materia. In casu nostro peccatum essentialiter irremissibile, visio indestructibilis non præferunt participationem alicujus divini attributi, sed solam coarctationem divini Domini ad remittendum, destruendum, &c. ergo dicendum ea repugnare: Præsertim quia in obscuris, dum queritur de possibilitate alicujus Creaturæ, quæ ex una parte dilatat fines omnipotentis, & ex alia parte præferunt coarctationem divini domini, standum potius pro extendendo divino dominio, quod ex suo conceptu cit prædicatum præstans, quam omnipotentia; & ideo dicendum hujusmodi Creaturam repugnare.

VIII. Objic. 3. Ex hoc quod peccatum repugnet contemptivum decreti de non concurrendo ad ullum actum liberum creaturæ, non sequitur repugnare etiam peccatum essentialiter irremissibile contemptivum decreti de non remittendo ullo peccato; ergo instantia adducta, & probatio ex absurdus est nulla. Antecedens probatur: Ideo prius illud peccatum repugnat; quia essentialiter quilibet effectus creatus debet immediate a Deo pendere, & cum concursu Dei immediato poni, ut supponitur cum communi Philosophorum, & Theologorum contra Durandum; sed quod debeat quodvis peccatum esse remissibile, non debet supponi, cum hoc sit, quod in præfenti controvertitur; ergo repugnantia actus liberi, ad quam Deus non concurrat, non infert repugnantiam peccati essentialiter irremissibilis.

Confirm. Non derogat divinæ libertati ad parcendum, & miferendum, quod peccata damnatorum de facto sine ab extrinseco irremissibilia, quia irremissibilitatem habent a decreto libero Dei nolente illa condonare; Atqui peccatum essentialiter irremissibile ex connexionem cum decreto de non remittendo ullo peccato pariter essentialiter irremissibilitatem habet ab hoc ipso decreto libero Dei nolente peccatum ullum condonare; quia peccatum illud essentialiter cum hoc decreto connectitur, & ab illo haurit suam essentialem irremissibilitatem; ergo non derogat divinæ misericordie peccatum essentialiter irremissibile.

Relp.

Resp. nego antecede. sicut enim ex capite divini domini oritur, quod quilibet effectus creatus immediate pendeat a Deo, eo quod immediata dependentia sit magis consona Creaturæ summe dependenti; ita ex capite divinæ Misericordiæ quodlibet peccatum debet esse remissibile; ergo sicut repugnat peccatum, quod immediate non pendeat a causa prima ob connexionem cum decreto libero de non concurrente ad ullum actum voluntatis creatæ; ita evincitur repugnare peccatum essentialiter irremissibile ob connexionem cum decreto de non remittendo ullo peccato; aliter Deus non esset præstabilis super malitia.

Ad confirm. nego minorem: non potest enim peccatum illud haurire ullam irremissibilitatem a decreto, quod de illo non loquitur, sed solum loquitur de peccatis B. C. remissibilibus: unde sicut decretum de non remittendis peccatis Pauli non transfundit irremissibilitatem ullam in peccatum Petri contemptivum talis decreti; ita decretum de non remittendis peccatis B. C. remissibilibus non potest transfundere irremissibilitatem peccato A contemptivo illius decreti.

IX. Objic. ult. si daretur peccatum, aut pendens essentialiter, aut completivum decreti de odio habendo, & puniendo Petrum in æternum ob tale peccatum, huiusmodi peccatum esset essentialiter irremissibile; sed potest dari tale peccatum; sicut in sententia nostra dari potest gratia præsentis ordinis, unio hypostatica pendens essentialiter a decreto de dando amore amabili in æternum; & sicut vox Pontificis loquentis ex cathedra essentialiter pendet a divina interna locutione, ut proinde non possit esse falsa; ergo dari potest peccatum essentialiter irremissibile.

Resp. dari quidem posse peccatum essentialiter pendens a decreto libero Dei de odio habendo Petrum, & puniendo in æternum ob aliud peccatum, non vero propter hoc ipsum peccatum, quod pendet a tali decreto, quia recurrit, quod huiusmodi decretum liberum esset fatuum, utpote libere decernens de prædictis necessariis: ex hoc autem quod peccatum v. g. furti essentialiter pendet a decreto libero de odio habendo, & puniendo Petrum in æternum propter peccatum homicidii, solum sequitur, quod peccatum homicidii sit irremissibile ab extrinseco, & per accidens, peccatum vero furti nullam habet ne accidentalem quidem irremissibilitatem; ergo u-

De effectu Pœnitentiæ.

niverim quodvis peccatum essentialiter irremissibile repugnat, tam si connectatur intentionaliter, quam si realiter cum decreto libero Dei de non condonando peccato.

QUÆSTIO II.

An possit peccatum remitti absque prævia retractatione peccatoris?

I. Quid in præsentī providentiā peccatum mortale personale non remittatur citra retractationem peccatoris, est omnino certum; tum ex Verbis Christi Domini: *Nisi pœnitentiam egeritis, omnes similiter peribitis*; tum ex Trid. quod sess. 14. cap. 4. de contritione loquens dicit: *Finit autem omni tempore necessarius hic motus ad obviandum peccati veniam*. Quare solum dubitatur, an possit id evenire de potentia absoluta? Thomistæ communis negant nixi auctoritate D. Th. qui 3. p. q. 86. art. 2. habet: *Impossibile est peccatum sine pœnitentiā remitti*. Sed communis sententia affirmat cum Scotistis, Nominalibus, Suárezio disp. 9. sect. 2. Vasquio, &c. putantibus, Angelicum non esse in opposita sententia, quia in textu laudato solum docet in præsentī providentiā peccatum sine pœnitentiā remitti non posse.

II. Dico itaque cum Communioni, posse diviniter peccatum remitti, absque ullo prævio actu peccatoris.

Prob. 1. paritate peccati originalis, quod in infantibus absque ulla prævia retractatione remittitur. Deinde paritate voti, quod potest a Pontifice immediate dispensari. Tum paritate offensæ in creatis, quæ potest ab offenso immediate remitti absque ullo actu offendentis. Denique ratio a priori est, quia potest creditor, & offensus cedere juri suo, etiam nullo prævio actu debitoris; ergo potest Deus cedere juri ad odio habendum, & puniendum peccatorem, non expectata ejus retractatione: quod certe manifestum est in sententiā putantium, posse peccatum remitti in instanti, quo fit, aut ante quam fiat.

Confirm. Vel retractatio peccatoris præquiretur, ut forma expulsi peccati, & hoc est falsum; Nam quamvis in sententiā Vasquii contritio formaliter peccatum expellat, in omnium tamen sententiā attritio supernaturalis, & contritio naturalis sunt peccati retractatio; & tamen for-

formaliter peccatum non expellunt: vel præquiretur retractatio ut ultima dispositio ad gratiam formaliter peccati expulsiuam, & cum possit Deus introducere formam absque ulla prævia dispositione, (ut possit formam ignis introducere absque prævio calore) poterit gratiam infundere absque prævia retractione peccati: vel demum præquiretur tamquam dispositio moralis, ut moveat Deum ad gratiam infundendam, & ad hoc poterit multo magis moveri Deus a sua infinita Bonitate.

III. Objic. 1. Peccatum essentialiter est voluntarium; ergo ut tollatur peccatum, tolli debet ratio voluntarii: Atqui nisi ponatur retractatio, non tollitur, sed perseverat moraliter ratio voluntarii; ergo ut tollatur peccatum, necessaria est retractatio.

Confirm. Dum est de facto ratio voluntarii peccaminosa, habetur peccatum actuale; ergo dum perseverat moraliter ratio voluntarii peccaminosa, perseverat moraliter peccatum, seu habetur peccatum habituale; atqui ratio voluntarii peccaminosa perseverat moraliter, quousque ponatur retractatio; ergo peccatum habituale tolli non potest sine prævia retractione.

Resp. Argumentum solvendum in peccato originali, quod habetur in infantibus per hoc, quod peccatum Adæ fuerit illis interpretative voluntarium; & tamen tollitur per baptismum absque ulla retractione. Secundo dicendum, peccatum habituale constitui solum per peccatum actuale præteritum, & per negationem condonationis, aut condignæ satisfactionis, ut hic supponimus, non vero per rationem ullam voluntarii moraliter perseverantis. Nam etiam posita retractione peccati, & destructa ratione voluntarii moraliter perseverantis, potest Deus non condonare peccatum; ergo peccatum non tollitur per retractionem, sed unice per destructionem constitutivam, vid. aut per condonationem, aut per condignam satisfactionem, quibus positus peccatum tollitur, etiamsi non habeatur retractatio, seu destructio voluntarii moraliter perseverantis. Quare sicut potest haberi retractatio peccati sine condonatione, ita vice versa. In forma dist. antecedens: peccatum actuale essentialiter est voluntarium, concedo; habituale, subdistinguo: debet habere rationem voluntarii præteritam, concedo; moraliter perseverantem, nego antecedens, & consequentiam.

Ad confirm. In sententia admittente pos-

se peccatum condonari in instanti quo fit, dum adest ratio voluntarii peccaminosa, (hoc est cum advertentia ad legem divinam, quæ prohibeat talem actionem) tunc haberetur solum peccatum secundum maculam facti, non secundum maculam juris, ut explicabimus q. 5. non enim haberetur reatus odii divini, & pœnæ æternæ, si Deus tunc cedat juri suo, & peccatum condonet; unde in hac sententia retorquetur paritas: in instanti enim, in quo peccatum fit, potest haberi voluntarium peccaminosum, quin habeatur reatus odii divini, & pœnæ æternæ: ergo potest etiam idem voluntarium peccatum moraliter perseverare, quin perseveret ille reatus; sed destructo tali reatu, destruitur peccatum habituale; ergo potest tolli peccatum habituale, adhuc perseverante moraliter voluntario peccaminoso, hoc est non posita retractione peccati.

Quod si supponamus, non posse peccatum remitti, dum fit, concessio antecedente, nego consequentiam. Disparitas primo danda est ab adversariis: peccatum enim, dum fit, necessarium est voluntarium; at ut perseveret peccatum habituale, non debet necessario perseverare ratio voluntarii; cum possit Deus non condonare peccatum, etiam posita retractione; atque adeo potest peccatum habituale moraliter perseverare, non destructa ratione voluntarii. Directa disparitas in hac sententia est, quia peccatum actuale essentialiter constituitur per rationem voluntarii, contra vero peccatum habituale non constituitur per rationem voluntarii moraliter perseverantis, sed per negationem condonationis, & satisfactionis; unde impertinenter se habet ratio voluntarii in ordine ad perseverandum, aut non perseverandum peccatum; ut proinde sicut potest poni retractatio sine condonatione, ita e contra. Hoc manifeste patet in voto, & in matrimonio, quæ important essentialiter in fieri tum rationem voluntarii, tum rationem reatus voti, & vinculi Matrimonialis; at in facto esse nullatenus perseverant in ratione voluntarii: unde fit primo, quod quamvis votum, aut consensus matrimonialis præteritus retractentur, adhuc obligatio voti, & vinculum matrimoniale perseverent. Fit secundo, quod votum possit per dispensationem tolli, sicut etiam vinculum matrimoniale per divinam relaxationem, etiamsi non retractentur.

IV. Objic. 2. ex Amico tomo 3. disp.

32. scđ. 2. Justificatio peccatoris habetur per voluntariam susceptionem gratiae, & donorum, ut habetur in Triden. sess. 7. cap. 7. ergo si desit ratio ista voluntarii, quae fuit peccati retractationem, nequit haberi justificatio; quomodo enim poterit haberi voluntaria susceptio gratiae, nisi simul habeatur voluntaria retractatio peccati, & odium divinae inimicitiae?

Confirm. 1. Peccatum essentialiter dicere debet dependentiam a libertate peccatoris; ergo quousque hujusmodi dependentia perseverat, peccatum perseverabit; atqui dependentia peccati a libertate peccatoris moraliter perseverat, quousque ponatur retractatio; ergo etiam perseverabit peccatum, donec retractetur.

Confirm. 2. si peccatum solum perseverat in negatione condonationis, & non etiam in negatione retractationis, Deus esset causa perseverantiae peccati, cum sit causa negationis condonationis; consequens est absurdum; ergo & antecedens.

Respond. Triden. ibi loqui de justificatione in presenti providentia; nos vero hic dicimus, quod de potentia Dei absoluta possit peccatum condonari, absque illa voluntaria susceptione gratiae, & atque adeo sine retractatione peccati.

Ad 1. Confirm. Peccatum, dum sit, essentialiter requirit dependentiam a libertate peccatoris; At dum perseverat, illam non requirit; cum possit perseverare, etiam posita retractatione, ut diximus de voto, & de Matrimonio; ergo etiam perseverante moraliter hac dependentia peccati a libertate peccatoris, potest peccatum condonari; sicut potest divinitus vinculum matrimoniale relaxari, etiam non retractato consensu praeterito.

Ad 2. Non potest dici, quod peccatum perseveret in negatione retractationis; aliter posita retractatione, deberet peccatum destrui, quod est falsum. Univerſim enim constitutum, seu totum categorice acceptum destruitur, etiamsi unum tantum constitutum, seu pars tollatur. Per hoc autem quod peccatum perseveret in negatione condonationis, Deus non dicitur esse causa perseverantiae peccati, quia ex voluntate Dei solum habetur, quod peccatum non destruat per condonationem, ad quam non tenetur; quin Deus ullo modo in peccatum influat. Quare sicut non dicitur causa v. g. furti, qui non vult remittere jus, quod habet ad restitutionem adversus furem; ita non dicitur Deus causa pec-

cati, nec velle peccatum per hoc, quod nolit condonare. Et ratio ulterior est, quia Deus peccatum non vult positive, sed permissive, seu negative, hoc est non impediendo; & quamvis positive velit negationem condonationis constitutivam peccati habitus, non ideo dicitur positive velle peccatum habituale, quia solum vult id, quod constituit peccatum habituale in obliquo, non vero ipsam actionem peccaminosam praeteritam, quae constituit peccatum habituale in recto. Hinc sicut legislator non dicitur velle peccatum per hoc, quod velit v. g. prohibitionem comestionis carniū, quae constituit in obliquo comestionem carniū peccaminosam; ita Deus non dicitur velle peccatum per hoc, quod velit negationem condonationis, quae constituit peccatum habituale in obliquo, ut diximus.

V. Objic. ult. ex eodem Amico. Peccatum est aversio a Deo, & conversio ad creaturas; sed non posita retractatione, perseverat conversio ad creaturas; ergo etiam aversio a Deo, & consequenter peccatum.

Confirm. Peccatum non tollitur, nisi per aliquod ipsi oppositum; sed adui peccaminoso non opponitur condonatio divina, sed retractatio peccatoris; ergo per hanc debet tolli peccatum.

Respond. Argumentum probare, quod praecise posita retractatione, peccatum tollatur, eo quod illa praecise posita, tollatur conversio ad creaturas, & id, quod peccato opponitur; quod tamen nemo dixerit. Quare dicendum, etiam posita conversione ad creaturas, sive per peccatum praeteritum non retractatum, sive per habitus pravos, sive per adui peccaminosum, adhuc posse tolli peccatum, seu reatum odii, & poenae, si Deus velit cedere juri suo ad odio habendum, & puniendum peccatorem: propterea in instanti quo peccatum sit, etiam posita conversione actuali ad Creaturas, seu macula facti, potest peccatum remitti, seu potest non dari macula juris, ut dicemus q. 5. & posita conversione ad Creaturas habituales, potest peccatum habituale tolli. Et ratio est, quia peccatum habituale non perseverat in ea conversione, seu in negatione retractationis, sed solum in negatione condonationis, &c.

Ad confirm. Peccatum habituale, quod constituitur per negationem condonationis, non per negationem retractationis, solum habet oppositam condonationem, atque adeo solum per condonationem tolli potest.

Ve.

Verum quidem est, actui præterito aliquatenus retractationem opponi: quia tamen hæc non est sufficiens ad delendum peccatum, ideo neque est necessaria: sicuti voto, & Matrimonio opponitur aliquatenus retractatio consensus; quia tamen hæc non est sufficiens ad tollendam obligationem voti, & ad Matrimonium dissolvendum, ideo nec est necessaria. Et ratio ulterior est, quia quamvis in his omnibus requiratur actus voluntatis in fieri, non requiritur tamen in facto esse; nec moraliter perseverant in negatione retractationis illius consensus, sed solum in reatu, obligatione, & vinculo, constitutus per negationem condonationis, dispensationis, & relaxationis.

QUÆSTIO III.

An possit peccatum remitti per condonationem extrinsecam.

I. **Q**Uæritur, an sicut de facto juxta doctrinam Tridentin. peccatum condonatur per Gratiam intrinsecam, quæ simul tollit reatum odii, & pœnæ æternæ, & simul dat jus ad amorem, & ad vitam æternam, ita in alio ordine remitti possit absque infusione Gratiæ per meram condonationem extrinsecam Divinam, quæ solum tollat inimicitiam, quin conferat amicitiam cum Deo? ubi vides, procedere quæstionem solum de mortali, quod in præfenti providentia unice per Gratiam tollitur, non de veniali, quod est compositibile cum Gratia, de cujus remissione infra.

II. Censéo equidem, posse mortale de potentia absoluta remitti per meram condonationem extrinsecam citra infusionem Gratiæ. Ita Scotus, Suarius, Lugo, Attriaga, Oviedo, Nominales cum aliis communius contra Thomistas, Vasq., Valent., Elparzam, & alios apud Amicum disp. 3.

Prob. Præcisè per hoc quod creditor cedat juri suo, tollitur a debitore omnis reatus, & obligatio; sed Deus, utpote Supremus Dominus, potest libere cedere juri suo ad odio habendum, & puniendum peccatorem, quin velit illi suam amicitiam, seu gratiam conferre; ergo potest Deus peccatum extrinsecè condonare citra infusionem gratiæ. Major constat inductione: Nam præcisè per hoc quod offensus in humanis cedat juri suo ad vindictam erga offensorem, cessat in hoc omnis reatus ad

satisfaciendum offensori: (esto teneatur aliunde satisfacere Deo, & Reipublicæ, quos pariter offendit offendendo proximum) Sic qui habet juri ad centum, præcisè per hoc quod cedat huic juri, extinguit in debitore omnem obligationem: sic Deus habens jus promissarii v. gr. ad jejunium ratione voti a nobis eniui de jejunando, præcisè per hoc quod aut immediate, aut per Pontificem cedat juri suo, ac votum dispenfet, tollitur obligatio jejunandi, seu reatus voti. Minor autem probatur tum negative, tum paritate condonationis in humanis, & dispensationis voti; tum etiam quia potest in alia providentia satisfactio condigna pro mortali præstita a Christo Domino libere applicari nobis, & acceptari a Deo independentè ab infusione gratiæ, & restitutione amicitia; sicut potest in humanis acceptari satisfactio ab offenso, quin restituatur offensori amicitia; ergo potest etiam in alia providentia libere Deus cedere juri ad odium, & vindictam absque restitutione gratiæ, seu amicitia Divinæ.

Confirm. r. quia potest Deus remittere venialia, & reatum pœnæ temporalis, qui sæpe post remissionem mortalium remanet, per meram condonationem extrinsecam; & probabiliter sic ea de facto remittit in susceptione Baptismi facta ab adulto, cum nec venialia, nec reatus pœnæ temporalis expelli possint a gratia, cum qua nullam habent incompatibilitatem; (quidquid sit, an possit veniale deleri etiam per gratiam, quæ habeat talem individuationem, ut essentialiter dependeat ab actu interno Divino condonante hoc veniale?) ergo potest etiam reatus peccati mortalis, & pœnæ æternæ remitti extrinsecè. Et sane sicut per Indulgentias de facto applicantur merita Christi, & deletur reatus pœnæ temporalis absque infusione gratiæ formaliter deletiva talis pœnæ, quare non poterunt etiam in alia providentia applicari nobis merita Christi in ordine ad delendum mortale absque infusione gratiæ, & sic pariter extrinsecè condonari?

Neq; dicas, per condonationem mortalis hominem de malo evadere non malum; quod non accidit in paritatibus adductis de condonatione offensa in humanis, de condonatione reatus pœnæ temporalis, de dispensatione voti, &c. Non enim est minus moraliter qui est reus voti, seu habet reatum pœnæ temporalis, aut qui inculpabiliter alium offendit, sicut est moraliter

ma.

malus qui peccavit; cum autem malitia ista moralis consistat in privatione Gratia debita, tolli nequit nisi per Gratiam; & ideo repugnat peccati condonatio extrinseca.

Nam contra est, quia sicut est malus moraliter qui Deum offendit; ita est malus civiliter, qui offendit proximum, cum sit pariter reus odii illius, & vindictæ. Quare sicut hæc malitia civilis tolli potest per condonationem extrinsecam, quia hæc posita tollitur reatus ab offensore, etiam si non restituatur illi pristina amicitia; ita malitia moralis, seu reatus odii Divini tolli pariter potest per extrinsecam Dei condonationem.

Confirm. 1. In pura natura peccatum non deberet tolli per gratiam, sed posset per extrinsecam condonationem deleri; ergo extrinseca condonatio simpliciter non repugnat; atque adeo neque in statu elevationis. Antecedens videtur certum, quia peccatum in pura natura non constitueretur per privationem gratia, utpote indebita, sed per negationem condonationis, & satisfactionis; atque adeo non debet in eo statu tolli per gratiam, sed tolli potest per extrinsecam condonationem. Consequentia probatur: Ideo in statu puræ naturæ tolli potest peccatum sine infusione gratia, quia non constituitur adæquate per gratia privationem, sed etiam per negationem condonationis, & satisfactionis; atqui etiam in statu elevationis peccatum habituale habet eadem constitutiva, ut ostendimus cum de peccato habituali; ergo etiam in statu elevationis tolli potest citra infusionem gratia, aut per actum voluntatis Dei cedentis juri ad odio habendum peccatorem, aut per extrinsecam applicationem satisfactionum Christi: eo pacto quo illæ nobis applicantur per Indulgentias in ordine ad delendum reatum pœnæ temporalis.

III. Nonnulli putant apud Haunoldum, in pura natura haberi in homine innocente qualitatem aliquam, quæ reddatur pulcher in ordine naturali, & rite dispositus ad finem ultimum naturalem assequendum; sicut in statu elevationis gratia reddit hominem pulchrum, & dispositum ad finem supernaturalem: unde docent, quod sicut peccatum in statu elevationis adæquate constituitur per privationem gratia, ita in statu puræ naturæ constituitur per privationem illius qualitatis naturalis incompossibilis cum peccato; unde in neutro statu tolli potest per condonationem extrinsecam.

Sed qualitas hæc est omnino commentitia: præcise enim per potentias naturales, & per auxilia a Deo collata ad bene operandum in ordine naturali homo innocens in pura natura habet suam pulchritudinem, & sufficientem dispositionem ad finem ultimum naturalem. In tantum in statu elevationis requiritur gratia habitualis, quæ homo reddatur pulcher in ordine supernaturali, & rite dispositus ad finem supernaturalem, quia ut connaturaliter prodeant operationes supernaturales, requiritur natura aliqua supernaturalis, quæ sit exigitiva potentiarum, & operationum supernaturalium: (non secus ac in ordine naturali requiritur in composito forma substantialis, quæ sit prima radix potentiarum, & operationum naturalium) Et hujusmodi natura supernaturalis est gratia sanctificans. At in ordine naturali ipsa anima est radix potentiarum naturalium, nempe intellectus, & voluntatis, necnon operationum moralium conducentium ad finem ultimum naturalem; ergo qualitas illa naturalis superaddita, in cujus privatione reponitur ab Adversariis peccatum habituale in statu puræ naturæ, est omnino commentitia, & plurima inferit absurda, quæ fuscè prosequitur Haunoldus num. 636.

Dices: Sicut unumquodq; dicitur bonum, & perfectum, si apud sit ad finem suum, ut gladius est bonus, si sit aptus ad feriendum; ita homo tunc dicitur bonus, quando est aptus ad finem suum, & dicitur malus moraliter, si ad illum sit ineptus, & indispositus; atqui in statu elevationis, si careat gratia, est indispositus ad finem suum supernaturalem assequendum; ergo si careat gratia, est malus moraliter; atque adeo donec gratia restituatur, perseverat malitia moralis, & peccatum; quod proinde nequit extrinsece condonari: quidquid sit, an possit ita condonari in statu puræ naturæ.

Resp. verum esse, quod homo sit moraliter malus, si sit ineptus ad finem ultimum sibi debitum; & idcirco in præsentī providentia quousque caret gratia, quæ redditor dispositus ad finem supernaturalem assequendum, est malus moraliter. At si Deus de potentia absoluta post peccatum hominis elevati vellet peccatum condonare, & non amplius ordinare illum ad finem supernaturalem, sed veloci ad statum puræ naturæ reducere, tunc quamvis homo esset ineptus ad assequendum finem supernaturalem non amplius sibi debitum;

non

non per hoc effect nialius moraliter , quandoquidem effect sufficienter dispositus ad finem ultimum naturalem sibi debitum ex exigentia naturali . Propterea tam in statu puræ naturæ , quam in statu elevationis possibilis est extrinseca condonatio de potentia absoluta .

IV. Objic. 1. Quousque homo culpa sua caret Divina amicitia , reus est odii Divini , & pœnæ æternæ , atque adeo perseverat peccatum habituale ; sed quousque Gratia per peccatum amissa restituatur , homo culpa sua caret Divina amicitia : si enim non peccasset , illam haberet ; ergo quousque Gratia restituitur , perseverat peccatum habituale ; unde nequit extrinsece condonari . Major videtur certa , quia culpabiliter carere amicitia Dei non potest non esse gravis culpa .

Confirm. 1. quia si homo negligat recuperare Divinam amicitiam , graviter peccat , & est reus odii Divini ; ergo a fortiori si illam culpabiliter amittat ; ergo quousque verum est , quod culpabiliter Gratiâ amiserit , semper reus erit odii Divini ; atque adeo perseverabit peccatum habituale .

Confirm. 2. quia peccatum habituale constituitur per privationem Gratiæ ; ergo quousque Gratia infundatur , peccatum perseverabit .

Resp. dupliciter posse hominem culpa sua carere Gratia . Primo quatenus si non peccasset , illam haberet , nunc tamen illam non habet , non quidem ob peccatum præteritum moraliter perseverans , sed quia Deus remittendo peccatum noluit Gratiâ restituere : Secundo quatenus dependenter a peccato præterito moraliter perseverante Gratia caret . Hoc posito , quousque homo caret Gratia culpa sua hoc secundo modo , semper est reus odii Divini ; secus vero si caret Gratia culpa sua primo modo : sicut enim de facto caremus integritate naturæ , & justitiæ originali , (ut diximus disput. antecedenti qu. 2.) ob culpam Adami interpretative nostram , quin tamen perseveret moraliter peccatum illud post Baptismum , quia hæc carentia de facto non pendet ab eo peccato jam remisso , sed ex voluntate Divina nolente amplius ea bona indebita restituere ; ita poterat Deus in alia providentia privare nos Gratia per peccatum , & deinde eo remisso , Gratiâ non restituere ; in quo casu Gratia amissa esset propter peccatum , sed carentia Gratiæ non perseveraret dependenter a peccato : sicut carentia integritatis naturæ , & justitiæ origina-

Paris VIII.

lis de facto non perseverat dependenter a peccato , quamvis tam propter peccatum amiserimus . Hoc patet etiam in humanis . potest enim Rex v. gr. ob crimen perditionis privare Toparcham Feudo , & deinde culpam remittere , quin Feudum restituat ; in quo casu Toparcha culpa sua caret Feudo , quin tamen illo careret ob culpam moraliter perseverantem : Ita in casu nostro .

Quod ut manifestius fiat , fingamus Deum concedere Petro Gratiâ per annum duntaxat ; si Petrus in decursu anni v. g. post duos menses peccaret , per alios decem menses verum esset , quod caret Gratia ob culpam præteritam moraliter perseverantem , elapso tamen anno quamvis perseveraret culpa , non proinde careret Gratia dependenter a culpa præterita , sed dependenter a voluntate Dei , qui per annum duntaxat Gratiâ promissit : sic in casu nostro si post culpam remissam Deus nolite Gratiâ restituere peccatori , quamvis dependenter a culpa Gratiâ amiserit , carentia tamen Gratiæ non perseverat dependenter a culpa .

In forma , primo transmissa majore , nego minorem : potest enim homo hic , & nunc ex mera Divina voluntate carere gratia post peccatum remissum , quamvis culpa sua illam amiserit , & si non peccasset illam haberet . Deinde clarius , distinguo majorem . quousque homo culpa sua caret gratia , est reus odii Divini , si careat ob culpam jam remissam , eo pacto , quo nunc homo caret integritate naturæ , & justitiæ originali , nego ; si careat ob culpam non remissam , concedo majorem , & distinguo minorem : quousque restituatur gratia , homo culpa sua caret illa , si faciat sensum , quod si non peccasset , gratiam haberet , eo modo quo si non peccasset homo in Protoparente , haberet justitiâ originalem , concedo ; si faciat sensum , quod ob culpam moraliter perseverantem caret gratia , nego minorem , & consequentiam .

Ad primam confirm. concessio antecedente , & prima consequentia , nego secundam , quod scilicet culpa perseveret , quousque verum est , quod per culpam peccator gratiam amiserit : peccatum enim tolli potest , quin gratia restituatur . Hinc fit , quod posita tantum condonatione extrinseca , homo veluti remaneret in statu puræ naturæ , nec amicus , nec inimicus Dei . Quod si velis , creaturam jam elevatam non posse amplius ad statum puræ naturæ reverti , ad-

N huc

huc de potentia absoluta potest peccatum extrinsece condonari: sufficit enim, quod Deus post extrinsecam condonationem teneatur Gratiam peccatori ante ejus mortem restituere, & interim esset sine culpa, & sine Gratia.

Ad secundam dist. antecedens: peccatum habituale constituitur per privationem gratiæ adæquate, nego, inadæquate, juxta dicta in de peccato habituali, concedo antecedens, & nego consequentiam. Deinde transiit, quod adæquate in privatione gratiæ consistat, nemo dixerit, consistere in privatione Gratæ physica, qualis haberetur ab homine in pura natura, sed solum in privatione Gratæ Theologica, seu in carentia gratiæ dependenter a peccato; Atqui potest tolli carentia gratiæ dependens a peccato, quin Gratia infundatur peccatori; ergo etiam in hac sententia dari potest condonatio extrinseca. Minor probatur, quia potest Deus velle, quod carentia Gratæ non amplius dependeat a peccato præterito, quod remittit, sed unice pendeat a Divina voluntate: ad eum modum quo tolli potest umbra, seu carentia Lucis dependens a corpore opaco, tollendo tantum hujusmodi dependentiam per hoc, quod destruitur corpus opacum, & non producat lux, in quo casu tolleretur umbra, & remaneret tenebræ: ergo potest etiam citra infusionem Gratæ tolli carentia gratiæ Theologica, seu peccatum habituale per condonationem extrinsecam.

V. Obje. 2. ex Valsq. & Espar. apud Haunol. n. 669. si posset peccatum extrinsece condonari, de facto condonaretur extrinsece in priori ad infusionem Gratæ, atque adeo non esset unica causa nostræ justificationis Gratia; quod est contra Trident. sess. 6. cap. 6. Probatur sequela: in priori ad infusionem Gratæ datur actus Dei volens Gratiam causare, atque adeo peccatum remittere; sed in hujusmodi actu consistit condonatio extrinseca; ergo in priori ad infusionem Gratæ daretur de facto extrinseca condonatio. Unde etiam fit, quod si per impossibile non poneretur gratia, adhuc per locum intrinsecum vi illius actus Divini esset condonatum peccatum.

Respondet Durandus concedendo sequentiam, quam putat non repugnare Tridentino: sicut non est contra Tridentinum, quod juxta sententiam Valsqui peccatum formaliter tollatur tum per condonationem, tum per Gratiam, atque adeo a duplici causa formali: aut quod tollatur juxta nonnul-

los tum per habitum charitatis, tum per Gratiam: vel quod in priori ad Gratiam peccatum deleatur per applicationem satisfactionum Christi factam per susceptionem sacramenti, ut dicimus qu. ult. hujus disp. Tridentin. enim solum loquitur contra hereticos dicentes, peccatum deleri per justificationem, qua Deus iustus est, aut per justificationem Christi nobis imputatam; quod ab his sententis longe distat.

Equidem cum communi nego sequentiam. Decretum enim condonans extrinsece peccatum delet illud formaliter; Decretum vero volens causare Gratiam delet peccatum causaliter: unde si per impossibile non poneretur Gratia, decretum volens Gratiam non tolleret peccatum: sicut si per impossibile, posito decreto volente lucem, non poneretur lux, hujusmodi decretum non tolleret tenebras. Aliud enim est velle Deum tollere peccatum per infusionem Gratæ, aliud vero velle illud tollere nullatenus conferendo amissionem suam: In primo casu tollit peccatum causaliter, in secundo formaliter. Singamus, Petrum nolle condonare offensionem, seu debitum, nisi remissio fiat tum verbis, tum etiam scripto; certe antecederet ad scripturam Petrus non condonare, quamvis diceret velle condonare: ita si Deus velit remittere peccatum dumtaxat per Gratiam in priori ad infusionem Gratæ, non dicitur peccatum condonari extrinsece.

VI. Obje. 3. Quando habetur condonatio extrinseca, non habetur mera suspensio odii Divini; ergo debet dari actus Divinus benevolens, & beneficicus, atque adeo conferens aliquod bonum; Atqui nullum aliud bonum conferre potest, ut peccatum remittat, nisi Gratiam; ergo citra infusionem Gratæ nequit peccatum condonari. Antecedens patet: quoniam enim Deus suspendat odium, non per hoc fit, quod peccator non sit dignus odio; sicuti quamvis non infligat penam, non per hoc non est reus pœnæ. Minor sublimpea probatur, quia nequit aliud bonum assignari, quod Deus peccatori conferat, quando peccatum remittit, nisi id quod est formaliter peccati destructivum, ut est Gratia.

Confirm. 1. quia nisi requireretur Gratia ad remissionem peccati, incideremus in sententiam hæreticorum dicentium, peccata tunc remitti, quando nobis non imputantur, ad quod detorquebat illud Psal. 31. *beatus vir, cui non imputavit Dominus peccatum.*

Con-

Confirm. 2. Odisse est velle malum, seu carentiam boni debiti; ergo dum Deus vult peccatori carentiam Gratiæ debite in statu elevationis, vult illi malum, atque adeo odit; repugnat autem Deum odisse aliquem, qui non sit dignus odio; ergo quousque peccator caret Gratiâ, est dignus odio.

Resp. Deum condonando peccatum esse benevolam, ac beneficium erga peccatorem, per hoc quod velit illi, & simul conferat hoc maximum bonum negativum, nempe carentiam mali moralis, seu peccati, quam sua condonatione inducit: sicut ægrotus, aut veneno infectus habet a Deo, vel a medico magnum bonum negativum præcise per hoc, quod ab eo tollatur ægrotudo, aut venenum, quibus sublatis homo bene se habet in ordine ad operationes suas naturales. Quare condonatio non est mera suspensio odii Divini, sed est actus benevolus, & beneficium, utpote crasivus dignitatis, seu reatus ad odium.

Ad primam confirm. Hæretici, ut notat Suarius hic n. 16. volebant, peccati remissionem non esse abolitionem, ac destructionem, sed solum meram non imputationem; unde volebant, quod peccatum remaneret, sed Deus se gereret cum peccatore, perinde ac si non peccasset. Nos autem dicimus, peccatum omnino destrui tam per Gratiâ, quam per condonationem extrinsecam; & in hoc sensu intelligendam esse illius Psalmi locutionem.

Ad secundam: quamvis Gratiâ in statu elevationis ex extrinseca Dei voluntate sit debita; potest tamen de potentia absoluta non esse amplius debita post peccatum, si Deus peccatum condonet, & Gratiâ denegat, veluti ad statum puræ naturæ reducendo peccatorem: propterea volendo illi tunc carentiam Gratiæ simpliciter indebitæ, nullum malum illi velle, atque adeo non odisse.

VII. Objic. 4. Quando homo de peccatore evadit non peccator, datur transitus de contradictorio in contradictorium: ergo debet dari aliqua mutatio, & nova forma ex parte objecti; cum non possit ab eadem forma haberi duplex denominatio contradictoria; hæc autem mutatio nequit esse in Deo, apud quem non est transmutatio, nec vicissitudinis obumbratio; ergo debet esse in creatura, seu in peccatore; Atqui peccator nihil aliud habere potest de novo, dum transit a denominatione injusti ad denominationem iusti, quam Gratiâ; ergo non nisi per Gratiâ potest peccatum remitti.

Confirm. Nisi per Gratiâ remitteretur peccatum, sequeretur, quod si Petrus, & Paulus sunt peccatores, & Deus soli Petro peccatum remitteret, tunc uterque intrinsece differret, non adveniret alteri quicquam intrinsecum; quod repugnat. Probat sequela, quia denominatio iusti est intrinseca, cum nequeat haberi a forma extrinseca: ergo si Petrus esset iustus negative, seu non injustus, & Paulus esset injustus, differret intrinsece absque nova forma intrinseca.

Resp. difficultatem solvendam ab omnibus in remissione pœnæ, in dispensatione voti &c. Quare dicimus, quod ut peccator transeat a denominatione morali peccatoris ad denominationem non peccatoris, sufficiat, si detur in Deo veluti de novo Decretum condonativum: Dixi, veluti de novo, quia Deus non debet habere novum decretum per hoc, quod velit aliquid de novo, sed potest ab æterno eodem decreto velle pro instanti A non condonare, & pro instanti B condonare: Hoc autem decretum vel potest supponi adæquate intrinsecum Deo, vel quod complectur extrinsece ab alio collectivio conditio gratia, quodcumque illud sit. In forma, concedo antecedens, & dist. consequ. dari debet ex parte objecti mutatio, & nova forma moralis, concedo; physica, nego consequentiam. Ut autem hæc mutatio moralis in peccatore habeatur, sufficit, quod ex parte Dei detur Decretum volens pro instanti A non condonare, & pro instanti B condonare peccatum.

Ad confirm. Peccatum habituale non est intrinsecum physice, sed solum moraliter peccatori; quatenus ob peccatum est dignus odio Divino, perinde ac si physice existeret peccatum sibi intrinsecum: propterea si Petrus sit peccator, & non Paulus, uterque intrinsece differret moraliter tantum, non physice: sicuti si Deus creet infantem, prout fuisset in statu puræ naturæ, quin ejus voluntatem includeret in voluntate Adæ peccantis, solum moraliter differret intrinsece ab infante habente peccatum originale.

VIII. Objic. ult. Non potest assignari objectum condonationis extrinsecæ, seu quid velit Deus, dum condonat peccatum citra infusionem Gratiæ. si enim dicatur, quod velit destructionem peccati, cum destructio peccati habeatur per ipsam Divinam condonationem, hujusmodi actus velle seipsum, quod repugnat. sicut enim quilibet actus

Intellectus debet habere objectum a se distinctum, cum Imago sit alterius Imago; ita quilibet actus voluntatis debet habere objectum distinctum a se ipso, cum Amor sit ad alterum.

Resp. juxta dicta cum de peccato habituali, difficultatem ab omnibus enodandam esse in explicando objecto voluntatis legislativæ; sicut etiam in dispensatione voti, in condonatione peccati venialis, aut reatus pœnæ temporalis, in condonatione debiti realis, offensæ in humanis &c. Qui enim v. g. condonat suo debitori centum, aut offensam personalem, nihil ponit præter suum actum condonativum; & tamen objectum talis actus non est adæquate ipsa condonatio, sed aliquod aliud ab omnibus assignandum. Quare vel dici potest primo, quod condonatio velit destructionem reatus, si supponatur, hoc esse aliquod ens modale simul, & Morale, ut nonnulli putant; vel si supponatur, quod talis reatus, ac jus illi correspondens constituitur per negationem condonationis, aut satisfactionis, supposito peccato præterito; Dicit potest secundo, quod condonatio velit, non dari hoc complexum constitutum per peccatum præteritum, negationem condonationis, & negationem satisfactionis: unde velit inadæquate se ipsam, utpote destructivam talis complexi: Eo pacto quo quando quis cognoscit ens ut sic, seu omne ens, talis cognitio habet pro objecto inadæquate se ipsam; & eodem modo institutio Sacramenti, dum vult sacramentum, vult inadæquate se ipsam, quæ Sacramentum constituit. Vel dici potest tertio cum Ariaga disp. 23. n. 29. condonationem habere pro objecto peccatum, quod tamen non denominat volitum, sed donatum; (quia condonatio non est rigorose volitio) sicut volitio alterius mundi habet pro objecto alterum mundum, quem non denominat volitum, sed nolitum, quia volitio non est volitio. sicut enim in intellectu admiratio, interrogatio, imperium, vocatio, non sunt meræ representationes objecti, sed importane talem tendendi modum relate ad objectum; ita condonatio, donatio, permissio non sunt rigorose volitiones, sed importane talem tendendi modum relate ad objectum. Quare sicut donatio habet pro objecto v. g. librum, quin tamen denominet librum volitum, sed donatum; ita condonatio habet pro objecto peccatum, quod non denominat volitum, sed donatum. Quod si quis ulterius inquirat, quid

sit ista condonatio, donatio, promissio? dicendum ea constare experientia, & verbis ea obnubilari potius, quam explicari, sicut dicendum de admiratione &c. quia ipsa experientia magis cognoscuntur, quam per quamcunque aliam explicationem.

QUÆSTIO IV.

Utrum etiam denominatio Iusti, & Sancti haberi possit in alio ordine per extrinsecam tantum Formam.

I. D E facto per Pœnitentiam infunditur Gratia, qua non solum reddimur Iusti negative, seu non iniusti, sed etiam Iusti positive, hoc est Amici, & Filii Adoptivi Dei, & hæredes, atque adeo cum jure tum ad amorem Dei amicabilem, tum ad gloriam. Difficultas est, an sicut per condonationem extrinsecam haberi possunt in alio ordine effectus negativi Gratiæ, ita haberi possint effectus positivi per formam, seu sanctitatem extrinsecam, nimirum per meram Dei donationem suæ amicitia, seu per promissionem sui amoris amicabilem, & gloriæ parientem in nobis jus ad illa, ac proinde reddentem nos Dei amicos, filios, & hæredes absque ulla forma physice nobis intrinseca; non secus ac in humanis Amicitia, Filiazione adoptiva, & jus ad hæreditatem habentem per meram promissionem, seu donationem extrinsecam.

II. Ut altius id intelligatur, suppono hic primo ex dictis in de Gratia, Amicitiam consistere in mutuo duorum jure ad amorem gratuitum ordinatum ad fruendum amici præsentia, resultantem ex mutua promissione saltem implicita, & interpretativa; quod ex eo patet, quia violator Amicitia dicitur Infidelis, Feditragus: ex quo colligitur dari in utroque jus promissarii; & idcirco dicitur: *Frangenti Fidem Fides frangatur eidem*; quia supponitur utrinque Fides data. Quare sicut inter populos Amicitia publica conciliatur per Fœdus publicum; ita Amicitia privata per mutuam sponsonem privatam; Aliter non esset ratio, cur non posset citra injuriam rescindi. Hinc amicitia inter Patrem, & Filium, inter Fratres, inter Deum, & Infantem baptizatum, consistit in hoc mutuo jure orto ex mutua promissione, si minus formali, saltem interpretativa. Quod si superior obligaret duos ad se amandum, quam-

quamvis utrinque daretur obligatio amandi, non proinde diceretur Amici, quia illa obligatio non oriretur ex mutua promissione, sed ab extrinseco præcepto: & in pura natura homo diceretur Dei servus, non vero Amicus, quia in eo statu Deus non promittit illi suum amorem amicabilem, hoc est ea auxilia supernaturalia, quibus possit ad Dei visionem pervenire; sed solum haberet homo exigentiam Divini Amoris collativi auxiliorum, quibus posset beatitudinem naturalem assequi: non secus ac aqua habet exigentiam, quod sibi frigus conferatur: Similiter si Gratia in alio ordine non esset externa Dei promissio de dando suo amore amicabili, sed solum esset exigentia talis promissionis, non esset formalis amicitia cum Deo, sed solum radicalis.

Inimicitia vero non consistit in mutuo iure ad odium, sed in odio mutuo, sicuti inter Populos Amicitia publica, & sædus habetur per mutuum jus ortum ex mutua promissione; inimicitia vero, & Bellum habetur absque ulla promissione per merum mutuum odium; aliter bellum esset utrinque iustum, si oriretur ex mutuo iure ad bellandum; quod nemo dixerit.

Suppono 2. possibilem esse Amicitiam inter Deum, & creaturam, ut constat ex illo Christi Domini: *Non dicam vos servos, sed amicos, & ex Triden.* Ratio est, quia potest utrinque dari mutuum jus, & mutua obligatio ad amorem orta in Deo ex sua liberali promissione, & in creatura ex sua natura, quæ ad id obligatur, atque adeo ex promissione interpretativa. Quamvis Philosophus 8. Eth. 7. velit, ut Amicitiam solum esse inter æquales, ibi tamen loquitur de Amicitia sodalitatæ, quæ est inter homines, non de amicitia dignationis, & supereminentiæ, scilicet excellentiæ, quæ intercedere potest inter Deum, & creaturam, quoties dignatur Deus per excellentiam Gratia, seu participationis Divinæ naturæ evehere creaturam ad gradum excellentissimum, & quodammodo Divinum. Præterquamquod inter Amorem Dei, & Amorem creaturæ datur etiam aliqua æqualitas, non quidem arithmetica, sed geometrica, & proportionis, quatenus creatura amat Deum quantum debet, & Deus amat creaturam quantum exigit ejus meritum, & quantum ipse ex dignatione suæ benignitatis debet.

Suppono ult. Adoptionem rigorosam involvere amicitiam, quia adoptans obligat se

ad dandam suam hæreditatem adoptato, atque adeo ad amandum, cum velle bonum sit amare; Adoptatus vero teneretur redamare. Propterea Concilium Francofordiense definit Adoptionem dicendo: *quid est adoptio? nisi Charitatis copulatio, quæ Patrem adoptione sibi copulat quem per generationem non habet.* Hinc fit, Deum adoptando creaturam, & promittendo illi hæreditatem reddere illam sibi amicam. In hoc tamen differt Adoptio creata a Divina, quod in creatis Adoptans veluti fingit adoptatum esse suum Filium, cum non possit illi participationem suæ naturæ conferre; Deus vero adoptans reddit hominem vere filium Adoptivum, conferendo illi gratiam, seu participationem suæ naturæ, juxta illud Apost. *videte qualem charitatem dedit nobis Dominus, ut Filii Dei nominemur, & simus.* Quia tamen homo dicitur participare Divinam naturam per Gratiam specialissimo modo, quatenus per Gratiam evehitur ad exigendam intuitionem Dei, quam sola Divina natura exigit; (cum sit impossibilis substantia supernaturalis, cui scilicet sit debita visio Dei, ut docent communissime) idcirco quoties homo habet exigentiam visionis Beatæ, sive hanc physice exigit per gratiam intrinsecam, quæ sit veluti externa Dei promissio, sive moraliter per solam promissionem internam Dei, toties dicitur participare naturam Divinam, sive physice, sive moraliter, atque adeo esse Filius Dei Adoptivus, Amicus, & hæres. His explicatis.

III. Dico, posse in alia providentia denominationem Justit, ac Sancti, seu filii Dei adoptivi, Amici, & Hæredis haberi per sanctitatem mere extrinsecam. Ita Scotus, Ariminensis, Medina, Durandus apud Cranado p. 2. traçt. 8. disp. 5. (ubi ostendit, favere huic sententiæ etiam Angelicum) necnon Curiel, Arriaga disp. 44. de Gratia sect. 4. Coninck disp. 2. de Pæn. dub. 10. & alii apud Suar. disp. 9. de Pæn. sect. 4. n. 20. & lib. 7. de Gratia c. 23. contra Thomistas, Vasq., Pallavic., & alios Recentiores.

Prob. Potest Deus citra infusionem Gratia promittere, seu donare homini suum amorem, conferendo jus ad illum, necnon ad gloriam, seu hæreditatem, ac proinde reddendo illum amicum, filium adoptivum, & heredem; ergo potest denominatio Justit, & Sancti haberi per sanctitatem extrinsecam. Antecedens probatur tum paritate in humanis, si cuiusmodi homo licet dona-

re suam amicitiam, ac reddere alterum filium adoptivum, & hæredem, quidni etiam Deus? Tum etiam quia potest Deus per merum suum actum extrinsecum promittere Petro v. gr. centum, & sic dare illi jus ad centum; ergo potest etiam per merum actum extrinsecum promittere homini suum amorem amicabilem, & hæreditatem, atque adeo conferre illi jus ad ista, & consequenter reddere illum amicum, filium adoptivum, & hæredem; cum ex dictis amicitia cum Deo, & filio adoptiva in hoc jure consistat, sive habeatur per gratiam intrinsecam, quæ sit externa Dei promissio essentialiter pendens ab interna, sive per meram Dei extrinsecam promissionem de dando suo amore, & hæreditate: esto, ut advenit Coninck loco laudato, adoptio hæc per formam extrinsecam imperfectior sit ea adoptione, qua per formam intrinsecam elevamur ad esse suo modo proportionatum tantæ dignitati, ut mox explicabimus.

Confirm. In pueris habentibus originale datur de facto denominatio injusti absque ulla qualitate intrinseca, sed præcisè per hoc, quod Deus suo actu extrinseco voluerit includere eorum voluntates in voluntate Adæ, qui peccavit; ergo pariter denominatio Justi haberi poterit absque qualitate intrinseca; non quidem per iustitiam Adami, aut Dei, aut Christi nobis imputatam, cum nemo possit per alterius iustitiam reddi formaliter Justus, sed per hoc quod promittendo nobis suum amorem, & gloriam absque infusione gratiæ reddat nos amicos, filios adoptivos, & hæredes.

IV. Objic. 1. De facto denominatio Justi, & Sancti habetur a forma physice intrinseca, nempe a Gratia inhxerente, ut docet Trident. ergo non potest hæc eadem denominatio haberi per aliam formam. Probatur consequentia, quia denominatio idem est, ac effectus formalis, qui identificatur cum forma applicata subiecto; atque nequit forma intrinseca esse extrinseca; ergo neque poterit effectus formalis, seu denominatio intrinseca causata a forma intrinseca haberi per formam extrinsecam.

Confirm. ex Vasquio. Si posset denominatio Justi, & Sancti haberi per formam extrinsecam, de facto haberetur per hujusmodi formam in priori ad Gratiam. nam in priori ad gratiam datur Dei voluntas de danda Gratia, seu de dando jure ad amorem amicabilem, & hæreditatem.

Confirm. 2. quia saltem de facto Gratia

nobis physice intrinseca esset superflua, cum possit haberi effectus formalis gratiæ sine qualitate intrinseca.

Resp. 1. per instantiam; ergo neque poterit denominatio injusti, seu peccatoris, quæ in adulto habetur per actum proprium intrinsecum, haberi in infantibus habentibus originale per formam extrinsecam; & denominatio cognitio, vel amati, quæ habetur a cognitione, vel amore intrinseco, quo aliquis se ipsum amat, neque poterit haberi per formam extrinsecam, nempe per cognitionem, & amorem, quo ab alio cognoscatur, & ametur. Secundo directe dico, nonnullas denominationes esse insupplebiliter intrinsecas ex propria natura, ut denominatio videtis, albi, &c. Alias vero esse insupplebiliter extrinsecas, ut denominatio præteriti, inmorti, distantis, &c. Alias demum haberi posse tam a forma intrinseca, quam ab extrinseca, ut denominatio cogniti, amati; sic etiam denominatio peccatoris, seu habentis reatum odii Divini, quæ in infantibus, & in habentibus peccatum habituale non constituitur per formam physice intrinsecam, sed per reatum intrinsecum moraliter; & similiter dicimus de denominatione Justi, & Sancti. Et ratio est, quia denominatio habentis jus ad amorem aliqujus passim habetur in humanis a promissione extrinseca talis amoris, seu a donatione amicitiae; ergo pariter denominatio habentis jus ad amorem Dei haberi poterit a promissione extrinseca Divina; & in tantum Gratia physice intrinseca parit hanc eandem denominationem, in quantum essentialiter pendet ab ea Divina promissione, & proinde est veluti externa Dei promissio, ut diximus in loco. Hinc licet non possit per formam extrinsecam haberi illa eadem denominatio habentis jus, quæ habetur per formam intrinsecam, cum non possit ille idem effectus formalis, qui habetur a forma A, haberi a forma B; potest tamen per formam extrinsecam haberi denominatio habentis jus consensualem denominationi, quæ habetur per formam intrinsecam; ita ut per utramque habeatur homo vere Justus, & Sanctus, Dei amicus, filius, & hæres; quamvis denominationes istæ si habeantur per gratiam intrinsecam, seu per physicam participationem Divinæ naturæ, sine denominationibus physice; si vero habeantur per formam extrinsecam, seu per moralem participationem Divinæ naturæ, sine denominationibus morales.

Ad

Ad 1. confirm. nego sequelam. nam juxta dicta quæstione antecedenti, actus Dei volens conferre gratiam solum causaliter, non vero formaliter dat jus ad amorem amicabilem, & gloriam: unde si per impossibile daretur talis actus Divinus, & non conferretur gratia, per locum intrinsecum non haberetur in homine tale jus; sicuti si per impossibile daretur decretum Dei volens lucem, & lux non poneretur, non daretur denominatio lucidi; At quando Deus promittit extrinsece suum amorem amicabilem, tunc hujusmodi promissio non causaliter, sed formaliter confert jus ad talem amorem; sicut donatio extrinseca, cum sit promissio Divina de non odio habendo, ac puniendo peccatore, formaliter confert peccatori jus, ne odio habeatur, & puniatur a Deo; & ideo formaliter est destructiva reatus odii, & pœnæ æternæ, in quo peccatum habitualiter perseverat.

Ad 2. Sicut in præsentī providentia lumen gloriæ v. gr. intrinsecum intellectui Beatorum non dicitur superfluum, esto si ne illo posset haberi visio; deservit enim, ut connaturalius visio ponatur, & per exigentiam intrinsecam: Ita non est superflua gratia Justis intrinseca, quia deservit, ut connaturalius, & per exigentiam intrinsecam habeantur habitus infusi, & conferantur auxilia supernaturalia ad gloriam obtinendam dispositionē. In humanis homo adoptans non potest conferre illam qualitatem intrinsecam adoptato, quæ sit exigitiva amoris paterni, & hereditatis; & idcirco non potest in creatis dari amicitia, & adoptio intrinseca: potest autem Deus hujusmodi qualitatem supernaturalem conferre; & idcirco amicitia, & adoptio Divina potest esse intrinseca; & de facto est hujusmodi in præsentī providentia. Hinc sequitur, quod quamvis effectus formales gratiæ sanctificantis haberi possint tam per qualitatem supernaturalem intrinsecam, quæ sit prima radix exigitiva potentiarum, & operationum supernaturalium, quam per formam extrinsecam explicatam; nihilominus connaturalius, & perfectiori modo habentur per qualitatem intrinsecam; non secus ac denominatio potentis proxime Deum videre connaturalius, & perfectiori modo habetur per lumen intrinsecum, quam per omnipotentiam specialiter assistentem.

V. Objic. Non potest aliquis dici prudens, sapiens, fortis per hujusmodi virtu-

tes extrinsecas; ergo neque potest dici Justus, & Sanctus, seu amicus Dei per Justitiam, sanctitatem, & amicitiam extrinsecam. Probatur consequentia: sicut dicitur prudens, & sapiens, qui intrinsece est dispositus ad operationes proprias prudentis, & sapientis; ita dicitur Sanctus, Justus, & amicus Dei, qui intrinsece est dispositus ad actus proprios Justit, Sancti, & amici Dei; ergo sicuti in primo casu nequit haberi hujusmodi intrinseca dispositio per formam physice extrinsecam, & solum moraliter intrinsecam; ita nec in secundo.

Confirm. Pulchritudo corporis haberi non potest per formam extrinsecam; ergo nec animæ pulchritudo; sed gratia, seu amicitia Dei est animæ pulchritudo nobilissima; ergo nequit haberi per formam extrinsecam.

Resp. 1. concesso antecedente, nego consequentiam. Disparitas est, quia denominationes prudentis, fortis, albi, &c. sunt denominationes mere physice, quæ proinde unice haberi possunt a forma physica; At denominationes justit, amici Dei, filii adoptivi, hæredis vitæ æternæ, sunt denominationes morales; cum autem esse morale consistat in opinabilitate unius ad alterum juxta regulas prudentiæ, & tam sit ordinabilis homo ad Dei amorem, & visionem per gratiam intrinsecam, quam per promissionem extrinsecam de dandis his bonis, ideo denominationes istæ morales æque haberi possunt per gratiam intrinsecam, ac per promissionem extrinsecam.

Resp. 2. nomine prudentis, & sapientis antonomastice venire illum, qui habet habitum physice intrinsecum, quo facilitatur ad actus prudentiæ, & sapientiæ. Quod si nomine prudentis, & sapientis veniat, qui habet dispositionem intrinsecam ad eos actus provenientem ex jure ad auxilia Dei obtinenda, quibus facile possit eos actus elicere, cum hujusmodi jus moraliter intrinsecum haberi possit per promissionem Dei extrinsecam de dandis iis auxiliis uberimis, poterit per formam extrinsecam haberi denominatio prudentis, & sapientis in hoc sensu usurpata. Idem dicimus in casu nostro. Si nomine Justit, & Sancti veniat antonomastice, qui est dispositus per gratiam physice intrinsecam ad actus proprios Justit, & Sancti, præsertim ad Dei amorem, certe denominatio ista haberi non potest per formam extrinsecam: quod si nomine Justit, & Sancti veniat qui est intrinsece dispositus ad eisdem actus per jus ad auxi-

lia Divina, quibus possit eos actus elicer, poterit illa denominatio haberi per formam extrinsecam, nempe per Divinam promotionem collativam talis juris: sicut denominatio injuri, & peccatoris consistens in reatu odii Divini, haberi etiam potest per formam extrinsecam, ut patet in infantibus habentibus originale.

Ad confirm. Pulchritudo proprie fert apam membrorum dispositionem, & solum metaphorice de anima dicitur, quod sit pulchra, si sit rite disposita ad suum ultimum finem; Cum autem possit esse ad suum finem disposita per jus moraliter intrinsecum ad amorem Dei amicabilem, & ad hereditatem, ortum ex Divina promissione extrinseca, hinc poterit animæ pulchritudo haberi etiam per formam physice extrinsecam, & intrinsecam solum moraliter.

VI. Objic. ult. Per Gratiā homo dicitur non solum filius Dei adoptivus, sed etiam ex Deo natus, juxta illud Joan. 1. *qui non ex sanguinibus, &c. sed ex Deo nati sunt*. Atqui homo nequit dici natus ex Deo, nisi participet intrinsece, ac physice naturam Divinam; propterea enim in creatis filius adoptivus non potest dici natus ex adoptante, quia non participat naturam illius; ergo ut supra.

Confirm. Gratiā sanctificans debet esse amissibilis per peccatum; (non secus ac in pura natura dispositio ad ultimum finem, & exigentia auxiliorum naturalium ad illum consequendum debet esse per peccatum amissibilis) sed sanctitas ista extrinseca non videtur, quomodo possit per peccatum amitti; ergo ut prius.

Resp. adoptivum in creatis non dici natum ab adoptante, quia non participat per adoptionem ejus naturam, sicut participatur a filio naturali: At filius adoptivus Dei dicitur a Deo natus per hoc, quod participet naturam Divinam eo modo, quo potest a creatura participari, videlicet per jus ad Deum videndum; (siquidem soli Divinæ naturæ competit Deum intueri vi sua, cum repugnet substantia creata supernaturalis, cui visio Dei sit debita) quia tamen hujusmodi jus tam potest haberi per gratiam intrinsecam, quam per promissionem extrinsecam, ideo utroque modo dicitur homo vere, & proprie Divinam naturam participare, esse ex Deo natus, non sicut nascitur Verbum, sed sicut potest Creatura ex Deo nasci.

Hinc fit, filium naturalem sive divinum,

sive creatum non convenire neque in constitutivis physicis, neque in ratione metaphysica cum filio adoptivo: unde filius adoptivus non potest absolute, & sine addito dici filius, nisi minus proprie: Contra vero tam filius adoptivus Dei per gratiam intrinsecam, quam per promissionem extrinsecam, quamvis non conveniat in constitutivis physicis, conveniunt tamen in ratione metaphysica; unde uterque vere, & proprie dicitur filius adoptivus, & ex Deo natus: non secus ac tam homo, quam equus dicitur vere, & proprie animal, quia quamvis non conveniunt in constitutivis physicis, conveniunt tamen in ratione metaphysica, seu in definitione animalis.

Hinc etiam habes, in quo differant sapientia v. gr. & prudentia stricte dicta, quæ habetur per habitum physice intrinsecum, a sapientia improprie dicta, quæ habetur per promissionem Dei de concurrente ad actus sapientiæ cum ea facilitate potentia, quam haberet, si daretur habitus. Iste enim dux sapientiæ non solum non convenirent in constitutivis physicis, sed neque in ratione metaphysica, seu in suo formali conceptu; & ideo non possit utraque dici proprie sapientia. Contra vero jus ad amorem Dei amicabilem, & gloriam, quamvis habeatur per constitutiva physice diversa in eo, qui habet Gratiā intrinsecam, & in eo, cui promittitur extrinseca talis amor; in conceptu tamen formali participationis Divinæ naturæ non differunt; (sicut animal hominis, & equi) & ideo uterque dicitur vere, ac proprie iustus, Sanctus, & Deo gratus, filius adoptivus, & natus ex Deo. Et ratio a priori est, quia juxta dicta in prima disput. qu. 1. num. 11. effectus morales habentur per ordinabilitatem unius ad alterum juxta regulas prudentiæ; atqui tam est ordinabilis homo ad visionem beatam per gratiam intrinsecam, quam per formam extrinsecam explicatam; ergo utroque modo haberi possunt effectus isti morales iusti, Sancti, amici Dei, filii adoptivi, & hæredes.

Ad confirm. Sicut per peccatum amittitur gratia intrinseca, quæ est veluti externa Dei promissio per hoc, quod Deus nolle amplius promittere homini suum amorem, & gloriam, quando peccat; ita potest per peccatum amitti suo modo gratia extrinseca, quatenus Deus non vult promittere suum amorem, pro quando homo peccat. In statu vero puræ naturæ per peccatum

tum amittitur dispositio ad ultimum finem naturalem, seu exigentia auxiliorum naturalium ad illum obtinendum, non quia amittitur aliquid physicum, sed quia per peccatum superveniens acquiritur aliquod esse morale, nempe reatus odii Divini, & demeritum ad ea auxilia, quæ exigenter, nisi adesset peccatum: sicut filius exigens de se amore patris per impietatem erga Patrem non amittit ullam qualitatem physicam exigentiam amoris paterni, sed solum acquirit novum esse morale, nempe reatum odii paterni destructivum illius præviz exigentiz. In tantum Sol v. gr. ut sit indispotus ad finem suum, & physice malus, debet amittere qualitatem sibi debitam, puta lucem, quia est incapax mali moralis, ratione cujus moraliter fiat indispotus ad illuminandum; homo autem cum sit mali moralis, seu peccati capax, potest per peccatum reddi moraliter ad finem suum ineptus, quamvis nihil physice amittat, sed solum demerendo auxilia, quæ in sensu diviso a peccato exigenter.

VII. Neque dicas, quod posset pariter homo per peccatum reddi ineptus ad finem supernaturalem, quin amittat Gratiam sibi physice intrinsecam. Nam si loquamur de gratia præsentis ordinis, hæc necessario excluditur per peccatum, quippe quæ cum illo habet impossibilitatem: Si vero loquamur de gratia, quæ in alia providentia potuisset homini conferri, quæ solum esset prima radix omnium potentiarum, & operationum supernaturalium, non tamen esset essentialiter impossibilis cum peccato mortali, sed solum connaturaliter, ut diximus in de Gratia; in tali casu, cum Gratia esset aliquod bonum supernaturale, & indebitum, deberet etiam per peccatum connaturaliter amitti: sicut in præsentia providentia amitterentur etiam habitus infusi fidei, & spei per quodvis peccatum, nisi ex Divina benignitate manerent in peccatore, ut possit per actus fidei, & spei se disponente ad resurgendum.

Concludo breviter. Participatio naturæ Divinæ reddens hominem filium adoptivum, amicum, & heredem ex suo conceptu formali habetur unice per jus ad Deum intueundum; sed hoc jus quæ potest haberi per gratiam physice intrinsecam, & per promissionem Dei extrinsecam: sicut reatus odii Divini, & pænæ æternæ quæ potest haberi per peccatum actuale physice intrinsecum, & per originale moraliter intrinsecum; ergo potest homo habere effi-

cius-formales positivos Gratiz performam extrinsecam.

QUÆSTIO V.

Utrum possit peccatum remitti dum fit, sive antequam fiat

PROcedit quæstio in alia Providentia: certum enim est, non posse in præsentia ordine peccatum condonari sine retractatione, quæ non potest cum peccato coexistere, aut illud præcedere: Unde non potest de facto remitti, dum fit, vel antequam fiat.

I. Censeo equidem 1. juxta dicta cum de virtutibus infusis, posse peccatum saltem per condonationem extrinsecam remitti dum fit, & antequam fiat. Ita Lugo Disp. 7. n. 125. Oviedo 1. 2. contrav. 4. Ripal. disp. ult. sect. 29. cum Nominalibus contra Suarez, Amicum, Pallavicinum, Dicastillo, Haunoldum n. 923.

Prob. Peccatum præteritum per condonationem extrinsecam remitti potest solum per hoc, quod Deus sui juris Dominus cedat juri acquisito per peccatum ad odio habendum, & puniendum peccatorem; Atqui Deus potest etiam huic juri cedere, dum peccatum fit, & antequam fiat, non quidem destruendo hujusmodi jus, sed solum impediendo, ne resultet ex peccato actuali; ergo potest Deus saltem per condonationem extrinsecam remittere peccatum dum fit, & antequam fiat. Major supponitur. Minor probatur tum paritate offensis in humanis, tum paritate voti, quod potest a Pontifice dispensari dum fit, & antequam fiat impediendo, ne resultet in votente reatus voti: tum paritate debiti realis: sicut enim potest creditor condonare centum Petro tam post debitum contrahendum, quam antequam contrahatur, si scilicet nolit, ut sibi damnum irrogetur; v. g. nolit furtum, velit tamen, quod si Petrus furetur, non contrahat onus restitutionis; in quo casu furando peccaret contra iustitiam, sed non teneretur ad restitutionem: ita potest Deus esse invitatus ut offendantur, velit tamen, quod si homo peccet, reatum odii & vindictæ non incurrat; In quo casu peccator Deum offenderet ponendo actionem legi dissonam, sed non contraheret reatum odii, & pænæ. Unde peccatum illud antequam fieret, remitteretur.

Ratio a priori est, quia Deus sui juris Do-

Dominus potest illud ad libitum renunciare, etiam antequam illud acquirat, impediendo scilicet ne resultet per hoc, quod renunciet favori legis, vi cuius resultare deberet: Ad eum modum quo Privilegiarius potest suo privilegio renunciare tam post privilegium acquisitum, quam antequam acquiratur; & Donatarius renunciare potest furi ad rem donatam tam post acceptationem donationis, quam ante, non acceptando donationem, & sic impediendo ne resultet jus ad rem donatam.

II. Notandum tamen, duplex jus considerari posse in Deo, alterum essentiale ne offendatur, alterum accidentale ad odium habendum, & puniendum offendorem. Illi primo juri, utpote essentiali, nunquam potest cedere; sicut non potest spoliare se suo dominio, seu jure disponendi ad arbitrium de creaturis, juri vero accidentali ad odium habendum peccatorem, quod per accidens acquiritur ratione peccati, sicut juri ad exigendum conjunium v. gr. ratione voti, cedere potest; aliter non posset peccatum condonare, & votum dispensare. Dicimus nunc, quod si quis potest Deus hiis juribus accidentalibus cedere post peccatum, & post votum; ita cedere possit in instanti, quo peccatum, aut votum fit, & antequam fiat: In quo casu peccator solum haberet maculam facti, seu actionem illam physicam peccaminosam dissonam legi, non tamen haberet maculam juris, seu reatum odii Divini, & poenae, eo quod Deus huic juri cederet. Quia tamen macula illa facti est apta nata inducere maculam juris, quae hic, & nunc a condonatione impeditur, idcirco habens maculam facti diceretur habere radicaliter maculam juris, seu reatum odii: Sicuti sol si careret luce, haberet vim illuminandi solum radicaliter, & remote, non vero formaliter & proxime.

III. Objic. r. ex Suario. Si peccatum remitteretur dum fit, esset, & non esset in eodem instanti, esset, ut supponitur, non esset, quia remitteretur; ergo repugnat peccatum remitti in instanti, quo fit; non fecus ac repugnat Angelum destrui in eo primo instanti, in quo ponitur.

Confirm. Si peccatum remitteretur, dum fit, tunc homo simul esset, & non esset aversus a Deo; esset quidem, quia haberet peccatum, quod est formalis aversio a Deo, & conversio ad creaturas; non esset vero, quia peccatum per condonationem esset deletum.

Resp. Evanesce difficultatem, si in pec-

cato distinguamus illa duo, nempe actionem dissonam legi, seu voluntati Divinae, & reatum odii, ac poenae, qui ad illam actionem consequitur, & perseverat post illius physicam destructionem: est quippe proprietas moralis peccati actualis, & simul constituit essentiam peccati habitualis, quod etiam per hujusmodi reatum constituitur. Hac distinctione posita, sicut quando remittitur peccatum habituale, solum destruitur reatus odii, & poenae, seu entitas illa moralis constitutiva peccati habitualis, quin tollatur praeteritio peccati actualis, ad quod reatus resultavit: ita si remittatur peccatum, dum fit, non destruitur actio physica dissona legi, sed solum impeditur ejus proprietas, nempe reatus ne consurgat. In forma distinguo antecedens: si peccatum remitteretur dum fit, esset in eodem instanti peccatum secundum maculam facti, & non esset secundum maculam juris seu reatus, concedo; esset & non esset secundum idem, nego antecedens, & consequentiam. Hinc patet disparitas, cur Angelus non possit destrui dum fit, quia in eodem instanti simul esset, & non esset secundum idem esse physicum.

Ad confirm. distinguenda pariter in peccato duplex aversio a Deo, altera physica consistens in ipso actu physico voluntario, altera moralis consistens in reatu odii Divini, & poenae aeternae, quae duo sunt mutuo separabilia. Nam qui post peccatum retrahat illud per contritionem naturalem, aut per attritionem supernaturalem, remanet aversus a Deo aversione solum morali, non physica; & vice versa si Deus remittat peccatum sine pravia retradatione, tunc homo remanet aversus a Deo aversione tantum physica habituali, non tamen morali. Hoc accidit in casu nostro, si peccatum remittatur dum fit: tunc enim peccator est aversus a Deo aversione tantum physica actuali, non morali; sicut e contra si peccator amet Deum amore naturali, dicitur conversus ad Deum conversione physica, non morali.

IV. Objic. 2. Ex Haunoldo: non potest peccatum actuale conjungi cum satisfactione condigna; ergo neque cum condonatione. Antecedens patet, quia satisfactio supponit offensam, unde non coexistit cum illa. Consequentia probatur: quia condonatio aequivalet satisfactioni; & est virtualis satisfactio, atque adeo debet pariter offensam praesupponere.

Confirm. 1. quia condonatio non solum fertur

suspensionem odii Divini, sed etiam quod peccator non sit dignus tali odio; sed impossibile est, quod peccator dum peccat, non sit dignus odio Dei; ergo non potest peccatum condonari dum fit.

Confirm. 1. Condonatio est quædam promissio de non odio habendo, & puniendo peccatore; Atqui si Deus promittat, seu decernat se non annihilaturum Angelum, solum sequitur, quod Angelus non fit annihilandus, non vero quod non sit annihilabilis, seu capax, qui annihilatur; ergo si Deus promittat se non odio habiturum peccatorem, hic non erit odio habendus, erit tamen capax odii, atque adeo peccator.

Resp. antecedens esse falsum. Potest enim quis v. gr. antequam occidat Equum alienum invito Domino, solvere ejus pretium, in quo casu quamvis peccet occidendo equum, non tenetur tamen ad aliam compensationem pro reali injuria. Sed transmissio antecedente, nego consequentiam. Disparitas est, quia satisfactio debet consequi offensam, quia cum sit actus iustitiæ, debet præsupponere debitum, aliter esset actus liberalitatis. At condonatio quamvis eundem effectum pariat, ac satisfactio, & ideo dicitur esse satisfactio virtualis, non est tamen actus iustitiæ, sed misericordie omnino liberalis; & ideo potest præire offensam impediendo ne confurgat reatus odii, & poenæ; sicut ex misericordie motivo potest condonari debitum reale ei, qui furabitur, impediendo ne confurgat onus restitutionis. Universum enim potest ex misericordia non solum tolli aliena miseria, si præfuerit, sed etiam impediri ne confurgat, sicut ex virtute obedientie possumus etiam prævenire voluntatem, seu præceptum superioris.

Ad primam confirm. dist. maj. condonatio fert, quod peccator non sit dignus, seu reus odii Divini formaliter, seu fundamentaliter proxime, concedo; radicaliter, seu fundamentaliter remote, nego maj. & dist. min. Peccator dum peccat non potest non esse dignus odio Dei radicaliter seu fundamentaliter remote, concedo; formaliter seu fundamentaliter proxime, nego min. & consequentiam. Sicut votum v. gr. jejunandi fert reatum, seu obligationem ad jejunandum solum remote, & radicaliter, si in eo ipso instanti dispensetur; & donatio Libri, si non acceptetur a donatario, importat jus in librum solum radicaliter, non formaliter: ita peccatum si

in instanti, quo fit, condonatur: Et sicut soline luce est solum radicaliter illuminativus; ita Peccator est radicaliter tantum odibilis, si per condonationem tollatur reus odii, qui est peccati proprietas, sicut Lux est proprietas solis.

Neque dicas, esse essentialie peccato actuali quod sit entitas physico-moralis. Nam hoc solum importat, quod peccatum debeat essentialiter esse actus physici supponens advertentiam ad primam regulam morum, nempe ad Divinam voluntatem, cum ex Augustino sit dictum &c. At non est essentialie peccato, quod ejus esset physicum sit inseparabile ab entitate illa morali, quæ dicitur reatus odii, qui est mera proprietas peccati actualis, constitutiva tamen peccati habitualis.

Ad secundam retorqueo paritatem: si Deus promittat Angelo se illum non annihilaturum, quamvis physice remaneat annihilabilis, cum hoc sit illi essentialie, acquirit tamen jus ne annihiletur, unde moraliter annihilari non potest; ergo si Deus condonet peccatum, dum fit, seu promittat peccatori se non odio habiturum illum, acquirit Peccator jus ne odio habeatur, atque adeo non erit reus odii formaliter, sed solum radicaliter: unde non retinet denominationem Peccatoris secundum maculam juris, sed solum secundum maculam facti.

V. Objic. 3. ex Mauro: Peccatum necessario odio habetur a Deo odio abominationis: ergo etiam necessario odio habetur Peccator odio inimicitie; atque adeo peccatum condonari non potest dum fit. Antecedens videtur certum, quia sicut Deus necessario amat seipsum, ita necessario odit peccatum. quamvis enim Peccatum non sit tantæ malitiæ, quantæ bonitatis est Deus, adhuc est perfectio simpliciter simplex illud odisse, sicut est perfectio simpliciter simplex actu cognoscere etiam objectum creatum. Probatur itaque consequentia, quia impossibile est formam positam in subiecto non præstare suum effectum formalem; sed peccatum actuale odio habitum a Deo odio abominationis est forma reddens subiectum inimicum Dei; ergo impossibile est quin reddat inimicum; atque adeo necessario odio habetur a Deo odio inimicitie.

Confir. Gratia, quæ est Amicitia hominis cum Deo, non potest esse in subiecto capax, quin reddat illud formaliter Dei amicum; ergo peccatum, quod ratio est inimicitie homi-

minis cum Deo, non potest esse in homine, quin reddat illum formaliter Dei inimicum.

Resp. multos apud Ripaldam putare, quod voluntas Divina possit quemcumque actum omittere circa obiectum creaturam; atque adeo sicut potest non amare creaturas, ita potest non odire actum peccatum. Sed transmissio antecedente, nego consequentiam. Disparitas est, quia Deus ita odit peccatum, ut non possit a tali odio desistere: contra vero ita odit peccatorem odio inimicitiae, ut possit a tali odio desistere; ergo sicut desistere potest post peccatum, ita etiam dum homo actu peccat, ita ut remaneat solum radicaliter dignus odio Divino. Quare ad prob. consequentiae concessa maj. dist. min. Peccatum reddit subiectum inimicum Dei radicaliter, concedo; formaliter, nego min. & consequentiam. Peccatum actuale positum in subiecto reddit illud exigivum reatus odii, non vero formaliter odibile, si Deus cedat juri suo ad illud odio habendum; sicut donatio libri facta Petro parit in Petro jus in librum tantum radicaliter, si donatio non acceptetur: & idem dicas de voto, si in instanti quo fit, a legitima auctoritate dispensetur, aut irritetur.

Ad confirm. vel loquimur de gratia praesentis ordinis, quae est formaliter amicitia cum Deo, & impossibilis cum reatu odii Divini, vel de Gratia alterius ordinis, quae supponatur composibilis cum peccato, de qua diximus in tractatu de Gratia disp. 4. q. 5. si loquimur de hac secunda, argumentum retorquetur. sicut enim haec Gratia est composibilis cum peccato habituali, in quo casu redderet hominem solum radicaliter, non formaliter Dei amicum; ita peccatum est composibile cum condonatione extrinseca: unde homo effect solum radicaliter, non formaliter Dei inimicus. Si vero loquimur de Gratia praesentis ordinis formaliter justificativa, disparitas est manifesta, quia ista Gratia supponitur esse amicitia cum Deo formalis, non radicalis; At non probatur ab Adversariis, quod peccatum actuale non possit esse Inimicitia cum Deo tantum radicalis; ergo licet Gratia praesentis ordinis reddat hominem formaliter amicum, non per hoc peccatum actuale reddit formaliter hominem Dei inimicum: unde potest homo actu peccans esse solum radicaliter Dei inimicus, si peccatum condonetur extrinsece.

VI. Hinc fit, quod licet Gratia praesentis ordinis formaliter justificativa probabiliter componi possit cum peccato actualem, ut mox

dicemus, evidenter tamen est impossibilis cum reatu odii Divini, & poenae aeternae, atque adeo cum peccato habituali. Ratio est; quia evidenter pugnant haec duo, jus formale ad vitam aeternam. & reatus formalis ad poenam aeternam, contra vero non pugnat peccatum actuale cum condonatione ejus extrinseca; Imo neque cum Gratia praesentis ordinis; quia non pugnant ista duo, jus remotum, & radicale ad poenam aeternam, (quod habetur per peccatum actualem) & carencia reatus formalis ad poenam aeternam, (quod habetur per condonationem extrinsecam) aut jus formale ad vitam aeternam, quod habetur per Gratiam justificantem.

VII. Censet a. non esse improbable, quod peccatum dum fit, remitti possit, non per solum condonationem extrinsecam, sed etiam per Gratiam praesentis ordinis formaliter justificantem. Ita nonnemo ex Neotericis apud Haunoldum n. 923. contra communiorum, ut diximus cum de virtutibus infitis qu. 3. ar. 2.

Prob. tum solutione Argumentorum, tum a contrario: Potest homo, dum actu Deum amat, esse Dei inimicus, & peccator; (quod accidit, quando post peccatum ponit amorem Dei naturalem) ergo vice versa potest etiam homo dum actu Deum odit, esse Dei amicus per Gratiam praesentis ordinis: Tum etiam paritate in humanis. Potest enim Princeps intelligenti sibi alapam non solum condonare, sed etiam promittere illi suum amorem, & donare suam amicitiam; ergo etiam potest Deus; atque adeo potest peccatum, dum fit, remitti per gratiae infusionem, seu per condonationem intrinsecam, ut fusius ostendimus loco cit.

Ratio a priori est, tum quia Deus est sui juris supremus Dominus, & ideo non solum potest, dum homo peccat, cedere juri suo ad illum odio habendum, sed etiam conferre illi jus ad suum amorem amicabilem: sicut enim potest hoc facere post peccatum commissum, ita potest etiam in eo instanti, quo committitur: Tum etiam quia potest Deus exigentias rerum frustrare, non solum negative, sed etiam positive; v. gr. non solum potest negare igni calorem exigentem, sed etiam potest dare igni frigus oppositum; ergo non solum potest exigentiam moralem peccati actualis frustrare negative, impediendo reatum odii exigentem per condonationem extrinsecam; sed etiam potest frustrare posi-

ve conferendo jus ad amorem, quod peccato actuali opponitur.

Prob. demum, quia non repugnat, quod peccatum habituale ferens reatum odii Divini componatur cum Gratia alterius ordinis, quæ non ferat jus ad amorem Dei, nisi tantum exigitive, & radicaliter, sed solum sit natura supernaturalis, & prima radix habituum, & operationum supernaturalium, ut hic supponimus ex dictis in de Gratia; ergo neque repugnat, quod gratia præsentis ordinis ferens jus formale ad amorem Dei, & ad gloriam componatur cum peccato actuali, quod non fert reatum odii Divini, nisi tantum exigitive, & radicaliter. Ratio in utroque casu est, quia solum pugnant jus formale ad amorem Dei, & reatus formalis ad odium, seu formalis amicitia, & inimicitia cum Deo; Atque ista duo in neutro casu componerentur; in primo enim casu haberetur inimicitia formalis, & Amicitia radicalis; in secundo etiam casu amicitia formalis, & inimicitia radicalis; ergo neutrum repugnat.

Neque dicas, quod si possent Divinitus componi Gratia alterius ordinis cum peccato habituali, & Gratia præsentis ordinis cum peccato actuali, possent ista naturaliter componi in gradu remisso; sicut calor, & frigus ut octo, quæ possunt Divinitus componi, possunt in gradu remisso componi naturaliter.

Nam non omnia, quæ possunt supernaturaliter componi, possunt componi naturaliter in gradu remisso; Sic habitus fidei, & spei supernaturalis Divinitus de facto componuntur cum peccato mortali, & tamen non possunt naturaliter cum eo componi in gradu remisso; quia mortale naturaliter excludit quodvis bonum supernaturale etiam in gradu remisso, & solum ex Divina misericordia peccatori relinquuntur habitus infusi fidei, & spei, ut possit per actus harum virtutum disponi ad resurgendum. Idem dicas in casu.

Confirm. denique, quia Mortale actuale neque pugnat cum gratia, seu cum Divina Amicitia, quatenus est actio consona Legi, neque quia trahit reatum odii, seu Divinam inimicitiam; non primum, quia peccatum veniale est actio consona Legi, & tamen non pugnat cum Gratia justificante; neque secundum, quia potest Deus condonando peccatum impedire, ne consurgat reatus odii Divini; ergo potest peccatum mortale actuale cum Gratia justificante componi, atque adeo deleri, seu condonari

per condonationem intrinsicam.

VIII. Objic. 1. Si in instanti, quo peccatum fit, daretur Gratia justificans, homo simul esset Filius diaboli per peccatum, & Dei Filius per Gratiam; Item simul esset Injustus, & Justus: ergo repugnat peccatum, dum fit, per Gratiam condonari.

Confirm. quia simul daretur reatus odii Divini per peccatum, & jus ad Dei amorem per Gratiam; quod repugnat.

Resp. Licet peccator, dum peccat, dici possit Diaboli Filius, quatenus imitatur mores Dæmonis, juxta illud Christi Domini: *Pater ex Patre diabolo esset*; At non esset Filius Diaboli per hoc, quod haberet reatum odii Divini, si per condonationem impediretur, ne consurgat talis reatus; ergo non repugnat, quod homo Filius Diaboli in primo tantum sensu sit etiam Filius Dei per Gratiam, qua Divinam naturam similitudinariè participet, habeatque jus ad amorem Dei, & hereditatem; Ad id quod additur: Peccator esset injustus secundum maculam facti, quatenus male operaretur, cum operatio peccaminosa opponatur justitiæ, seu rectitudini debite; At non esset injustus secundum maculam juris, quia per condonationem impediretur reatus odii Divini; Unde potest simul esse injustus secundum maculam facti, & justus per gratiam, seu cum jure ad gloriam.

Ad confirm. dict. antecedens: daretur reatus odii Divini solum radicalis, & jus ad amorem formale, concedo; reatus formalis, & jus formale, nego antecedens, & consequentiam; sicuti si gratia alterius ordinis componeretur cum peccato habituali, daretur reatus formalis odii Divini, & jus ad amorem radicale: & similiter si Filius in creatis sit impius erga Patrem, habet reatum formalem odii Paterni, & jus ad amorem radicale.

IX. Objic. 2. ex Dicastillo: Gratia præsentis ordinis (utpote causa formalis nostre justificationis, ex Trident.) pugnat cum peccato habituali; ergo etiam cum actuali.

Confirm. 1. quia peccatum habituale non est aliud nisi peccatum actuale præteritum moraliter perseverans; ergo si non potest gratia justificans cum peccato habituali componi, a fortiori neque cum actuali.

Confirm. 2. In tantum posset peccatum actuale cum Gratia justificante componi, in quantum tunc homo non esset formaliter amicus, & formaliter inimicus Dei, sed esset formaliter amicus, & radicaliter ini-

mi-

amicus; Atqui non est major ratio, cur non dicatur potius inimicus Dei formaliter per peccatum actuale, & amicus radicaliter per gratiam; ergo simpliciter esset Dei amicus, & inimicus formaliter.

Resp. quod sicut dispensatio voti pugnat cum voto habituali, seu cum reatu relicto a voto, non tamen cum voto actuali; cum possit in instanti, quo fit, dispensari: ita gratia iustificans pugnat solum cum peccato habituali, non cum actuali. Disparitas est, quia peccatum habituale nihil aliud importat de presenti, quam reatum odii, qui formaliter destruitur a Gratia, quæ est ius ad amorem: At peccatum actuale importat de presenti duo, nempe maculam facti, & maculam juris: quamvis gratia formaliter destruat maculam juris; potest tamen esse composibilis cum macula facti, & ideo potest cum peccato actuali coherere.

Ad 1. confirm. Quamvis peccatum habituale sit ipsum peccatum actuale præteritum moraliter perseverans, constituitur tamen etiam per reatum odii Divini, qui per gratiam iustificantem essentialiter destruitur; & ideo peccatum habituale coherere non potest cum gratia: Contra vero peccatum actuale non constituitur per huiusmodi reatum (quamvis hic reatus conaturaliter ad illud consequatur, tanquam ejus proprietas separabilis) & ideo potest peccatum actuale secundum maculam facti componi cum gratia destructiva maculæ juris.

Ad 2. nego min. Supponimus hic, quod gratia præsentis ordinis iustificet formaliter conferendo ineluctabiliter jus formale ad Dei amorem, & hereditatem, quia est veluti externa Dei promissio de dandis his bonis: sicut enim v. gr. locutio Prophetæ in quantum Prophetæ, seu locutio Pontificis loquentis ex cathedra supponit essentialiter internam Dei locutionem, & ab ea dependet essentialiter, unde est infallibilis; ita gratia præsentis ordinis supponit essentialiter divinam illam internam promissionem, & ab ea essentialiter dependet: unde non potest non iustificare formaliter: Contra vero non est necesse, quod peccatum actuale reddat hominem formaliter Dei inimicum, cum possit saltem per condonationem extrinsecam condonari, ut ostendimus; ergo bene assignatur ratio, cur si gratia cum peccato actuali componatur; homo potius dicatur formaliter amicus Dei, & radicaliter inimicus, quam formaliter inimicus, & radicaliter amicus, prout ef-

fect, si peccatum actuale componeretur cum gratia alterius ordinis composibilis cum peccato habituali.

QUESTIO VI.

Utrum possint remitti peccata divisibiliter, tum quoad se, tum quoad reatus suos?

Prima difficultas est, Num possit unum peccatum sine alio remitti, non quidem in præsentis providentia, in qua peccatum mortale remittitur per gratiam collatam amicitie Divinæ, atque adeo impossibile cum quovis mortali ferente inimicitiam; sed de potentia absoluta. Secunda, An possit a Deo remitti solum reatus odii Divini, retento jure ad puniendum peccatorem pœna æternæ; quo prorsus pacto, quo de facto sæpe in Sacramento Penitentis remittitur reatus odii, & pœnæ æternæ, non remisso reatu pœnæ temporalis? Tertia, An possit vice versa remitti reatus pœnæ æternæ sive damni, sive sensus, non remisso reatu odii?

I. Circa primam dico, Per gratiam præsentis ordinis non posse unum mortale sine alio remitti, posse tamen per condonationem extrinsecam; quidquid sit, an etiam per gratiam alterius ordinis.

Prima pars est de fide: de facto enim mortale deletur per gratiam, quæ reddit hominem Dei amicum, filium, & hæredem; quæ denominationes, ut patet, omnia mortalia delere debent, cum non possit homo simul esse Dei amicus per Gratiam, & inimicus ratione alicujus mortalis non dimissi; ergo fieri non potest, ut per gratiam unum tantum mortale remittatur, alio non dimisso. Hinc ad Rom. 8. dicitur: *Nihil damnationis est tibi, qui sum in Christo Jesu*; & Ezech. 18. *Si impius egerit penitentiam, &c. omnium iniquitatum ejus non recordabor*; & Trident. sess. 5. can. 5. definit, per Gratiam, quæ in Baptismo confertur, tolli totum id, quod vtram habet rationem peccati.

Secunda pars conclusionis, quæ est Scoti, Gabrielis, Soti apud Suarez disp. 10. & Oviedum tract. 8. contrav., etiam facile probatur. Quoties duo, puta A, & B, nullam habent necessariam connexionem, sive quoad existere, sive quoad destrui, quoties possunt seorsim poni, ac seorsim destrui; sed duo mortalia nullam habent huiusmodi.

jussmodi connexionem; ergo possunt seorsim destrui, saltem per condonationem extrinsecam; non scetus ac possunt dux excommunicationis seorsim absolvi, & duo vota, aut irregularitates seorsim dispensari.

Confirm. Quamvis ex eodem mortali confluat tam reatus odii Divini, & pœnæ æternæ respondens offensæ Deo irrogatæ, quam reatus pœnæ temporalis respondens transgressionem legis; potest tamen Deus, remisso reatu odii Divini, & pœnæ æternæ, retinere jus ad puniendum peccatorem pœna temporali: sicut in humanis, si Petrus offendat Paulum, & a Paulo condonetur offensæ, adhuc remanet reatus pœnæ infligendæ a Jucee ob legis transgressionem; ergo cum ex duobus peccatis confluat pariter diversus reatus, poterit a fortiori Deus unum sine altero remittere, saltem per extrinsecam condonationem.

Præcandidus hic, num possit etiam unum mortale sine alio remitti per gratiam alterius ordinis, quæ sit natura supernaturalis, & prima radix habituum, & actuum supernaturalium, exigentia promissionis Divinæ de conferendo suo amore amicitia, & hereditate, composibilis tamen cum uno tantum peccato, non cum altero, quatenus essentialiter dependeret a condonatione peccati A, non peccati B; in quo casu posset homo esse Dei inimicus unice propter peccatum B non remissum, non vero propter peccatum A, quod essentialiter vi hujus gratiæ remitteretur.

II. Circa secundam difficultatem, Num possit divinitus remitti totum reatus odii Divini, non remisso reatu vindictæ, seu pœnæ æternæ tum damni, tum scusis, in quo acriter DD. digladiantur, censo affirmandum cum Lugo disp. 7. num. 82. & disp. 8. num. 70. Ripalda disp. 91. nu. 41. contra Vasquez 1. 2. disp. 104. cap. 4. & contra P. Thyrsus Gonzalez tom. 3. disp. 11.

Prob. 1. a pari cum Ripalda. Potest Deus remittere (saltem in alia providentia) culpam venialem, non remisso ullatenus reatu pœnæ illi debitz; ergo etiam potest remittere culpam mortalem, nullatenus remisso reatu pœnæ æternæ damni, & scusis illi debitz; atque adeo potest remittere reatum odii, non remisso reatu pœnæ æternæ. Secundo potest Deus, remisso mortali quoad reatum odii, & pœnæ scusis, punire peccatorem in æternum, denegando illi gratiam, & gloriam, atque adeo pu-

nire in æternum solum partialiter; ergo poterit etiam remisso tantum reatu odii, punire illum adæquate pœna æterna damni, & scusis.

Ratio a priori est, quia reatus illi sunt separabiles, cum possit universum culpa moraliter destrui in ordine ad unum effectum, & non in ordine ad alium.

Confirm. 1. quia quamvis multi cum Lugo doceant, per penitentiam commutari penam æternam mortali debitam in temporalem; multi tamen docent, non commutari penam æternam, sed hanc respondere peccato, prout est aversio a Deo, & reatum pœnæ temporalis respondens conversioni ad Creaturas, & legis transgressionem; Ita ut remisso peccato, & delicto reatu odii, & pœnæ æternæ, remaneat integer reatus pœnæ temporalis respondens legis transgressionem. Utrovis autem modo ratiocinemur, certum est, posse Deum remittere reatum odii, & pœnæ æternæ, retento jure ad puniendum peccatorem pœna temporali; ergo poterit etiam remittere reatum odii, retento jure ad puniendum peccatorem pœna æterna damni, & scusis. Sicut enim in Purgatorio stare potest pœna damni, & scusis absque reatu odii, imo cum amicitia Divina; ita poterit in inferno de potentia absoluta stare pœna damni, & scusis æterna absque reatu odii divini, quamvis non possit ea esse cum divina amicitia; quippe quæ fert jus ad beatitudinem, quod cum reatu pœnæ æternæ coherere non potest.

Confirm. 2. In humanis, quamvis Petrus juxta legem Evangelicam cedat juri ad odio habendum offensorem; potest tamen retinere jus ad ejus punitionem condignam ex motivo justitiæ vindicativæ; ita ut velit, quod iudex duplicem illi pœnam infligat, alteram debitam ob offensam sibi irrogatam, alteram debitam ob offensam irrogatam Reipublicæ, seu ob Legis transgressionem; quam pœnam Iudex semper infligere debet, etiam si Petrus integre condonet; ergo pariter Deus cedere potest juri ad odio habendum peccatorem, & simul retinere jus ad ejus punitionem condignam æternam respondentem offensæ divinæ, necnon ad temporalem respondentem legis transgressionem; atque adeo potest a Deo condonari reatus odii, nullatenus condonato reatu vindictæ.

Confirm. demum, quia potest Deus innocentem de potentia absoluta annihilare, quin dicatur catenus illum odisse, seu ex dis-

displacencia talis personæ in æternum exterminare, sed solum ad ostensionem sui Domini; ergo potest etiam peccatorem in æternum punire, remisso reatu odii, quin dicatur eatenus illum odisse, seu ex displacencia personæ a se exterminare, sed solum ex amore iustitiæ vindicativæ. Etenim, ut advertit Lugo, Deus non dicitur odisse per hoc præcisè, quod velit alii malum: aliter animas Purgatorii odisset; sed illum odit, quem a se rejicit, ob ejus malitiam: sicut e contra illum amat amore amicitiae, cum quo voluntas divina conjungitur affectivè, propter participationem divinæ naturæ, quam in se habet; Cum autem possit Deus velle peccatori malum æternum absque aversione ab illo ob ejus malitiam, eo quod possit culpam remittere, non remisso reatu pœnæ, idcirco poterit absque odio peccatorem punire in æternum ex motivo iustitiæ vindicativæ.

III. Objic. 1. ex Philos. 3. Rhet. 4. Amare est velle bonum, odisse velle malum; ergo si Deus per peccatum punit peccatorem in æternum, vult illi malum maximum, atque adeo odit illum; ergo non potest remittere reatum odii, retento jure ad vindictam. Neque obstat, quod animas in Purgatorio detentas Deus puniat, & non odio habeat. punit enim, sed ut possint liberari ab eo, quod impedit consecutionem gloriæ debitæ; atque adeo punit ordinando punitionem ad majus earum bonum; At si puniret æternum peccatorem, non ordinaret pœnas æternas ad bonum majus peccatoris; ergo directè vellet ejus malum: atque adeo odio haberet.

Respond. Sicut Judex punit reum, quin illum odio habeat, quia punit ex amore iustitiæ vindicativæ, & non vult illi malum ex displacencia personæ, sed in bonum Reipub. & in obsequium Dei; ita potest Deus punire peccatorem pœna æterna, quin illum odio habeat, scilicet punit non ex displacencia personæ, sed ex amore iustitiæ vindicativæ, & ut ipsi Deo debita satisfactio exhibeatur; prout de facto punit in Purgatorio animas, quas amat, & non odit. Neque obstat, quod Deus animabus illis nolit malum pœnæ, ut malum est, sed in majus earum bonum, ut scilicet possint assequi gloriam. Nam primo licet in hac vita Deus sæpe iustis pœnam infligat in majus eorum bonum, videlicet ut possint triumphare, & ad majorem gradum gloriæ evadere; falsum tamen est, quod pœnæ in Purgatorio ordina-

tur ad majus privatum animarum bonum, cum non consequantur animæ illæ ex pœnis majorem gloriam, quam si is carerent. Deinde etiam hoc dato, universum non dicitur odisse reum, qui illum punit non ex displacencia personæ, sed in majus bonum Reipub. & ex amore iustitiæ vindicativæ; & idcirco Judex non dicitur reum odisse per hoc, quod illum puniat; ergo si Deus etiam puniat in æternum peccatorem non ex displacencia personæ, nec propter ejus malitiam, sed ex amore iustitiæ vindicativæ, & ad majus bonum publicum, & ut possit a Beatissimis ipse Deus commendari etiam ob attributum iustitiæ, eo modo quo commendatur, dum punit in Purgatorio, non diceretur peccatorem odisse.

Adde, quod sicut potest Deus peccatori conferre auxilia supernaturalia, quæ sunt ingens bonum, quin tamen illum amet, quia non vult peccatori hoc bonum ex complacencia in illo, sed ex motivo suæ misericordiae; ita potest velle peccatori, remissa culpa, pœnam æternam, quin illum odio habeat; quia tunc non vult illi hoc malum ingens propter ejus malitiam, & ex displacencia personæ, sed ex motivo iustitiæ vindicativæ, prout Judex sine odio potest reum punire.

IV. Objic. 2. Non potest Deus non odisse peccatorem, si vult illi malum, quo ab ultimo suo fine exterminetur; sed præcisè per hoc, quod velit illi pœnas æternas, vult malum exterminativum; ergo illum odit tanquam inimicum; atque adeo non potest, remisso jure ad odio habendum peccatorem, retinere jus ad puniendum in æternum. Maior probatur a contrario: si Deus vult homini visionem Beatam, qua suo ultimo fini in æternum conjungatur, eo ipso amat illum amore amicitiae; ergo si vult homini pœnam æternam, qua a suo ultimo fine sejungatur, illum odit odio inimicitiae.

Respond. odium inimicitiae ferre aversionem ab inimico, & perpetuam separationem ab illo præcisè ob ejus malitiam, & ex displacencia personæ. Quare si Deus velit hominem in æternum a se sejungendum, sed non propter ejus malitiam, non dicitur illum odisse: Aliter non posset Deus Innocentem annihilare, quia vellet in æternum esse a se sejungendum, & sic illum odisset absque culpa, quæ est unica ratio odii divini. Potest itaque Deus velle pœnas æternas peccatori debitas, illum ex terminando, quin tamen odio habeat, quia non vult illi hoc malum ex displacencia per-

personæ, aut propter ejus malitiam, quam habet, sed ob ostensionem divinæ justitiæ, sicut punit animas amicas in Purgatorio. Ad prob. maj. disparitas est, quia visio Dei, si ferat beatitudinem, essentialiter fert possessionem omnis Boni; quod si desit divini Amicitia, deest maximum bonum; unde deest supernaturalis Beatitudo: sed poena æternæ damni, & sensus non debet esse possessio omnis mali, cum possit stare sine odio divino, quod est maximum malum damnatorum. Deinde potest paritas retorqueri, si supponatur, quod diximus in de Beatitudine, posse scilicet Deum de potentia absoluta peccatori, quem odio habet, in sensu composito odii conferre visionem sui; in quo casu peccator videns Deum non esset Beatus, sed miserrimus, eo quod intuitive videret Deum sibi infernum, & iratum: sicut enim juxta hanc sententiam potest Deus conferre Petro visionem sui, quin illum amet, aut beat; ita potest etiam Deus conferre peccatori poenam æternam, quin illum odio habeat: Quamvis non possit in æternum punire amicum, immo nec Innocentem, quia id saperet scititatem.

Confirm. quia potest intelligi, quod Deus de facto infantes cum originali decedentes odio habeat in æternum, quin illos puniat poena sensus; ergo potest etiam bene intelligi, quod peccatorem in æternum puniat, quin illum odio habeat ob puram remissionem reatus odii, non remisso reatu poenæ æternæ.

V. Objic. 3. Maximum indicium odii est impossibilitas cum amore, etiam benevolentia; sed si Deus retineret jus ad puniendum peccatorem poena æternæ, non posset exercere erga illum actum ullum benevolentia; ergo illum odio haberet, atque adeo reatus vindictæ a reatu odii separari non potest. Probat minor, quia in Deo actus benevolentia est etiam actus beneficentia; atque erga damnatos, utpote refrigerii incapaces, nullam potest Deus beneficentiam exercere; ergo nec benevolentiam.

Confirm. Si posset Deus erga damnatos, remisso reatu odii, esse benevolus, & beneficus, posset etiam illis suam amicitiam conferre; unde haberent jus ad gloriam; quod repugnat.

Resp. Odium Dei solum esse impossibile cum amore amicitia, non vero cum amore benevolentia, seu cum voluntate divina benevola, & benefica; aliter Deus non posset esse beneficus erga peccatores

Par. VIII.

conferendo illis auxilia supernaturalia. Quod si potest esse beneficus erga peccatores, quos odit; a fortiori id poterit post remissionem reatus odii, retento jure ad vindictam, potest enim de potentia absoluta, v. g. nolle eos punire, nisi alternis annis, retinendo tamen jus ad eos quotannis puniendos: sicut in hac vita Deus peccatores non punit, habet tamen jus ad eos puniendos. Solum itaque in præfenti providentia damnati ex extrinseco Dei decreto sunt incapaces refrigerii.

Ad confirm. Non potest Deus habentibus reatum poenæ æternæ conferre suam amicitiam, quin simul destruat illum reatum, cum sint impossibiles reatus poenæ æternæ, & jus ad gloriam æternam.

VI. Circa tertiam difficultatem, an possit Deus viceversa remittere reatum vindictæ, retento jure ad odium? dicendum posse, retento jure ad odium, remittere solum reatum poenæ sensus, non damni.

Probat 1. pars, quia Deus peccatores in hac vita odit, quin semper puniat: ergo potest aliquem odisse, & non punire; ergo potest retinere jus ad odium, & condonare reatum poenæ sensus æternæ. Secunda pars, quod non possit condonare reatum poenæ damni, retento jure ad odium, patet, quia si condonaret reatum poenæ damni, eo ipso ratione elevationis confurgeret in peccatore jus ad visionem Dei, & beatitudinem, cum qua stare nequit reatus odii divini. Proportionaliter in pura natura non posset Deus, retento jure ad odium, remittere peccatori reatum carenti Beatitudine naturali; quia impossibile est habere Beatitudinem naturalem illum, qui a Deo odio habetur, etiam si peccator id ignoraret, ut supponimus in de Beatitudine; ergo non potest Deus, retento jure ad odium, condonare reatum poenæ damni, aut reatum carenti Beatitudine naturali.

VII. Objic. Non remisso reatu odii, consistit in peccatore æterna tristitia orta ex cognitione hujus summi mali, quod a Deo odio habeatur; hæc autem tristitia est cruciativa magis, quam quælibet alia poena sensus; ergo non potest Deus, retento jure ad odium, remittere poenam sensus æternam.

Respond. quod sicut decedentes cum originali non puniuntur poena sensus, quamvis puniantur poena damni, & aliqualem tristitiam habeant ex cognitione talis poenæ, sicut etiam ex eo, quod sint filii iræ; ita in casu nostro potest Deus remittere poenam sensus æternam peccatori, quamvis in

O co

eo remaneat tristitia æterna orta ex cognitione, quod a Deo odio habeatur. Ratio est, quia hæc tristitia non est pœna ab extrinseco influcta a Iudice, sed est pœna peccati comitans, cum sit quædam veluti physica peccati proprietates, quæ essentiam comitatur, non secus ac ignem calor. Contra vero pœna sensus est effectus moralis peccati, qui a Iudice ad illius exigentiam moralem causatur; & relate ad hanc pœnam dari potest condonatio, quia hæc tantum pendet a voluntate habentis jus ad illam infligendam: Pœna vero comitans non dicitur condonari, sed impediri, si a Deo tollatur: sicut de facto impeditur a Deo, ne confluat in infantibus decedentibus cum originali maxima illa tristitia, quæ connaturaliter conflueret ex cognitione, quod sint Filii iræ.

Hinc fit, quod in Inferno sicut culpa venialis durat æternum, ita & tristitia orta ex cognitione indignationis divinæ propter eam culpam. Ratio est, quia culpa peccati venialis, & hæc ejus physica proprietates non est de se temporanea, nec æterna, sed est æterna, si conjungatur cum mortali; est temporanea, si conjungatur cum gratia, a qua exigitur ejus destructio, eo quod sit impedimentum ad gloriam, sicut calor non est diuturnus, si sit in aqua, quæ exigit ejus destructionem: Contra vero pœna influcta sensus propter veniale de se est temporanea, quanta scilicet debetur veniali in Purgatorio; & ideo non potest in Inferno æternari, eo quod Deus ultra condignum puniret, ut diximus quæ tertii disputationis antecedentis.

QUÆSTIO VII.

De venialium Remissione.

Alter effectus Pœnitentiæ est venialium remissio, de qua primo querendum, quænam sit forma venialium deletiva? Secundo quænam actus ad venialium remissionem requirantur, & quomodo remittantur per Sacramentalia? Denique an, & quomodo remittantur post hanc vitam?

ARTICULUS I.

Quænam sit forma Venialium deletiva? & an pro iis possit condigne iustus satisfacere.

I. IN præsentī providentia venialia non delentur citra infusionem gratiæ. Nam vel delentur simul cum mortali, & tunc requiritur infusio gratiæ ad delendum mortale: vel remittuntur seorsim a mortali, & in hoc casu vel remittuntur in susceptione alicujus Sacramenti, & habetur augmentum gratiæ ex opere operato: vel remittuntur, posito aliquo actu supernaturali, & habetur augmentum gratiæ ex opere operantis. Nunquam autem remitti possunt venialia per actum aliquem honestum naturalem, ut docent communissime eum Angelico contra nonnullos. Ratio est, quia venialia retardant a consecutione gloriæ supernaturalis; ergo ad illorum remissionem requiritur actus virtutis supernaturalis: omne enim, quod ad gloriam conducit, aut positive, aut removendo prohibens, debet esse ejusdem ordinis, atque adeo supernaturale. Dubitatur solum, utrum venialia per ipsam gratiam formaliter deleantur, an per condonationem extrinsecam, an aliter?

II. Dico primo: Per gratiam secundum se sumptam venialia formaliter deleri non possunt. Ita communiter.

Prob. Nullus gradus gratiæ est impossibilis cum ullo veniali; ergo gratia non potest esse secundum se forma impossibilis, & deletiva venialium. Antecedens patet, quia iustus habens gratiam quantumcumque intensam potest venialiter peccare, quin ullum gradum gratiæ amittat; aliter possent adeo multiplicari venialia, ut omnem gratiam expellerent: quod est impossibile; cum nonnulli per mortale gratia expellatur. Quæ licet nullum veniale in præsentī providentia deleatur citra infusionem gratiæ, hæc tamen gratiæ infusio solum comitatur venialium deletionem, non vero delet illam formaliter, cum nullam habeat cum illis impossibilitatem.

III. Dico secundo. Neque delentur venialia formaliter per gratiam, ut collatam a Deo ex intentione delendi illa. Ita Suarez contra Vasquez p. 2. disp. 207.

Prob. Nulla forma physica divinitus causare potest effectum formalem diversum ab eo, quem potest naturaliter; (cuius possit divinitus informare subiectum, quod natura-

liter non potest informare) v. g. calor non potest divinitus causare effectum formale frigiditatis, nec alium, quam caliditatis, quem potest naturaliter causare: quod si ponatur a Deo calor v. gr. in lacte ex intentione expellendi dulcedinem, non per hoc poterit formaliter dulcedinem expellere, sed solum poterit Deus ad præsentiam caloris expellere dulcedinem: ergo neque poterit gratia formaliter expellere venialia, quamvis possit Deus ad præsentiam gratiæ venialia condonare, & expellere: sicut potest etiam ad præsentiam caloris condonare venialia, quia dicitur calor ea formaliter expellere, citò ponatur ex intentione, quod venialia tollantur.

Putant nonnulli Recentiores, quod possit Gratia formaliter expellere venialia, prout habens hanc, vel illam modificationem, seu individuationem: Sicut in multorum sententia lumen gloriæ, prout habens hanc, vel illam modificationem, potest representare in Deo has, vel illas Creaturas; & sicut species v. g. remi uno modo modificata, pura transiens per aquam, potest representare remum fractum, & transiens per aerem representat integrum.

Sed communiter etiam rejiciuntur, quia posita quacumque modificatione gratiæ, potest a jure patrari quodvis veniale, quin tunc nullus gradus gratiæ amittatur: ergo gratia cumque modificata non potest formaliter venialia expellere. Et ratio a priori est, quia quamvis causa efficiens diversimode modificata possit diversos effectus causare, sicut ignis diversimode approximatus, & species remi diversimode pertingens ad oculum; Causa tamen formalis non potest diversos effectus formales causare ratione diversæ modificationis, ut dicimus communiter contra Thomistam, ostendendo intensionem qualitatis non haberi per majorem radicationem ejusdem formæ in subiecto; aliter dici posset, quod eadem forma diversimode unita causet diversa composita, unde diversitas specifica non haberetur a diversis formis, sed a diversâ unione, aut aliis modis.

IV. Dico tertio. Venialia formaliter deleri possunt, & de facto delentur, vel per condonationem extrinsecam, vel per actum contritionis, aut attritionis supernaturalis, (si isti actus sint condigna satisfactio pro venialibus; quod mox discutietur) vel per satisfactioes Christi nobis applicatas in Sacramentis: (sicut Christi satisfactioes applicatæ nobis in Sacramentis delent formaliter mortale in priori ad infusionem gratiæ, ut dicemus q. ultima.) Possunt etiam formaliter venialia deleri per gratiam essentialiter de-

pendentem ab actu libero Dei de condonando hoc, vel illud veniale, si hujusmodi gratia sit possibilis.

V. Quæritur acriter a Theologis, An saltem contritio iusti, & dilectio Dei super omnia (si manus attritio) esse possit condigna satisfactio pro veniali, atque adeo formaliter ejus deletiva? Negant Lugo disp. 1. de Incar. sect. 7. & disp. 9. de penit. nu. 16. Ripalda disp. 97. sect. 3. Affirmant tamen communis cum Suariorum disp. 4. de Incar. sect. 11. Perez disp. 10. sect. 4. cum quibus sentiendum censco.

Prob. Quia potest contritio iusti esse in æstimatione morali tanti valoris in linea honorationis, & submissionis Deo exhibite, quantæ gravitatis fuit offensâ aliqua venialis in linea dehonorationis; sed hoc sufficit, ut contritio iusti saltem intencione condigne satisfaciatur pro aliquo veniali, saltem levissimo; ergo potest contritio iusti esse condigna satisfactio pro veniali. Minor patet. Major probatur, quia universim de ceteris levis inter amicos non impediunt, quominus inferior possit exhibere superiori obsequium æqualis, aut majoris momenti in æstimatione morali, quam sit levis offensâ. Immo ex natura amicitie habetur, quod teneatur amicus deponere aversionem aliquam erga amicum ortam ex levi offensâ, si ille præstat obsequium præstantius. Quamvis autem Deus infinite distet a creatura, hæc tamen distantia non impedit veram amicitiam inter Deum, & creaturam; ergo non impedit quod est proprium amicitie, quod scilicet levis offensâ compensetur per obsequium præstantius, sicut est contritio iusti relate ad culpam venialem; ergo potest contritio iusti esse condigna satisfactio pro veniali. Quidquid sit, an etiam hoc competat attritioni iusti? Quod pariter concedunt Lugo, Coninck, Azorius contra Vasquez, Loricam, Soto apud eundem Martinum Perez sect. 6.

Neque dicas, venialia esse infinite gravitatis secundum quid, & extrinsecæ, ut mortalia, ratione infinite excellentiæ Dei offensi; ergo sicut nulla pura creatura potest condigne satisfacere pro mortali, etiam hoc non esset infinite gravitatis intrinsecæ, ut diximus in de Incarnatione; ita nec pro veniali.

Nam ex ibidem dictis, idcirco mortale est incompenfibile a pura creatura, quia est verissima Dei offensâ, juxta illud Scripturæ: *Ipsi autem speraverunt me*: At veniale non est rigorose Dei offensâ, seu con-

tempus Divinæ amicitia, sed solum quidam exercitus contemptus fervoris amicitia; unde ex infinita maiestate Divina non haurit infinitatem, nec incompensabilitatem; sicut non est infinite æstimabilis amor Dei per hoc, quod ad Deum terminetur, cum non desumat suam æstimabilitatem a Deo amato, sicut peccatum mortale suam haurit gravitatem a Deo offenso; unde non tanti æstimatur in linea honorationis amor, & satisfactio Deo præstita a creatura, quanti offensa in linea de-honorationis.

VI. Notandum tamen cum Suario, quod licet contritio, saltem intensa, iusti possit condigne satisfacere pro veniali, saltem remisso, adhuc tamen requiritur, quod contritio a Deo acceptetur in satisfactionem, & non exigatur, prout exigi potest, alio titulo, puta supremi Domini, benefactoris, aut titulo supremæ excellentiæ, &c. Idcirco enim in creatis satisfactio condigna ab ipso offensore præstita de se delet offensam, quia non potest alio titulo illa exigi ab offenso; cum autem possit Deus multis aliis titulis nostros actus exigere, ideo ut contritio delect veniale, tanquam satisfactio condigna, requiritur, quod ea non exigatur aliis titulis a Deo, atque adeo requiritur, ut in satisfactionem acceptetur; & idcirco in oratione Dominica dicimus: *Dimitte nobis debita nostra*: quod ex Trident. sess. 6. cap. 11. etiam de venialibus dicimus, quia ut dimittantur, opus est benigna acceptione nostrarum satisfactionum. De facto autem acceptari in satisfactionem nostra obsequia, constat ex Scripturis: dicitur enim 1. Ioan. 1. *Si confiteamur peccata nostra, fidelis est, & iustus, ut remittat nobis peccata nostra, & emundet nos ab omni iniquitate.*

Concludo, quod cum veniale moraliter perleveret in reatu aliquis Divinæ indignationis, & pœnæ temporalis constituto per negationem condonationis, & condignæ satisfactionis, sequitur, quod possit formaliter deleri tanquam per formas impossibiles, tum per condonationem sive extrinsecam, sive intrinsecam, (videlicet per gratiam dependentem a condonatione huius, vel illius venialis) tum per satisfactionem condignam, sive propriam, videlicet per actum contritionis, sive appropriatam, nempe per Christi satisfactiones nobis per Sacramenta, aut per alios actus supernaturales applicatas.

ARTICULUS II.

Quinam actus supernaturales sufficiant ad venialium deletionem, & quomodo per Sacramentalia tollantur?

VII. Dico 1. Contritio extra Sacramentum, & attritio in Sacramento, si non sint condigna satisfactio pro venialibus, sunt certe proxima dispositio ad eorum deletionem. Ita communiter.

Prob. quia isti actus supernaturales sunt proxima dispositio ad mortalium deletionem, ut est de Fide; ergo a fortiori ad deletionem venialium.

VIII. Dico 2. Probabiliter attritio, etiam extra Sacramentum, est sufficiens dispositio ad venialium remissionem, quamvis non esse condigna satisfactio. Ita Suarius disp. 11. sect. 3. contra Vasquez q. 87. art. 1. dub. 1.

Prob. quia ex Trid. sess. 14. cap. 5. venialia expiari possunt, non solum per Sacramentum Pœnitentiæ, sed etiam multis aliis modis; ergo non sola contritio, sed etiam alio actu: atqui inter actus deletivos culpæ præter contritionem præcipua est attritio, quippe quæ est dolor, ac detestatio peccati ex motivo honesto, & supernaturali; ergo etiam per attritionem extra Sacramentum deleri possunt venialia.

IX. Dico 3. Probabiliter etiam per quemcunque actum supernaturalem deleri similiter possunt venialia, non secus ac per actum attritionis extra Sacramentum. Ita Scotus, Gabriel, Major, apud Suarium loco citato contra quamplures.

Prob. In humanis offensæ leves inter amicos compensantur per quodcunque obsequium offensæ proportionatum, quamvis non sit illius retractatio; ergo a fortiori Deus, qui perfectius amat, & est magis beneficus, ac liberalis erga iustos sibi amicos, placabitur, & offensas leves remittet etiam per alia obsequia supernaturalia, quæ non sint attritio, seu venialium retractatio. Ex sane certum est, per venialia non deperdi amicitiam cum Deo, sed solum fervorem amicitia, seu specialem familiaritatem, non secus ac in humanis; ergo sicut in humanis per obsequia quæcunque amico præstita familiaritas antecedens restituitur; ita etiam a Deo nobis familiaritas restituitur post nostra quæcunque obsequia; & auxilia specialia conferuntur, perinde ac si non peccaverimus venialiter. Triplex enim est gradus auxiliorum, quæ

Deus

Deus confert; alia peccatoribus ad resurgendum; alia iustis, ut a venialibus liberentur, & in pristinam familiaritatem redeant; alia demum familiaribus, ut ejus suavitatem degulterent, & in gratia crescant, quae proinde dicuntur auxilia specialia.

Confirm. Sacramentalia, ut mox dicemus, vim habent delendi venialia per hoc, quod excitant in nobis pios motus, seu actus supernaturales; Atque, experientia teste, non solum sacramentalia excitant in nobis varios actus supernaturales contritionis, attritionis, &c. sed etiam actus fidei, spei, & aliarum virtutum; ergo etiam per hos actus ultimo disponimur ad deletionem venialium. Præterquamquod probabile etiam est, quod Christus Dominus de facto satisfactiones suas applicet nobis ad venialium remissionem dependenter a quolibet actu supernaturali, non secus ac applicavit ad mortalium remissionem dependenter a contritione, & a Sacramentis mortuorum; cum enim venialia sint frequentia, & voluerit ex sua benignitate Deus multis modis ea posse expiari, ut habet Trident. probabile est, voluisse hoc etiam facile remedium adhibere.

Adde demum, quod cum venialia deleri possint ex opere operato vi Sacramenti Eucharistiae, ut diximus in loco, & vi Sacramenti Poenitentiae, ut docent communius cum Suariorum disp. 12. quin ad hunc effectum requiratur dolor de illis, sed sola non complacentia; (esto requiratur de aliis dolor constitutivus Sacramenti) pariter probabile est, per quemcunque actum supernaturalem nos ad venialium remissionem disponi, quamvis non sit eorum dolor.

X. Objic. 1. Vel dicimus, quod per quemcunque actum supernaturalem deleantur omnia venialia, & hoc est valde durum, & inopinabile; vel aliqua tantum, & non est major ratio de uno, quam de alio: Præterquam quod neque videtur verisimile, quod per actum supernaturalem valde remissum deleatur adaequate veniale valde intentum. Quod si dicas, per plures actus supernaturales remissos deleri unum veniale intentum: contra est, quia peccatum non potest divisibiliter remitti; aliter etiam dici posset, quod mortale deleatur per plures actus contritionis remissos, quin sufficiat unus tantum ad illud adaequate tollendum; quod nemo dixerit; ergo doctrina tradita non subsistit.

Resp. hac in re nonnulla esse certa, & primo quidem per contritionem cadentem

Part VIII.

super omnia venialia omnia remitti quoad reatum culpæ; cum per contritionem de mortalibus omnia mortalia remittantur; & licet non quolibet contritio sit condigna satisfactio pro omnibus venialibus; quolibet tamen contritio est saltem ultima dispositio ad eorum remissionem. Secundo certum est, in Sacramento Poenitentiae omnia venialia remitti per attritionem de illis, sicut delentur omnia mortalia. Tercio possunt aliquando aliqua tantum venialia tolli, & non omnia; ut cum quis de aliquibus dolet in Sacramento, de aliis vero habet complacentiam; in presenti enim ordine peccatum, de quo habetur complacentia, non remittitur. Quod si quis in Sacramento Poenitentiae habeat attritionem de aliquibus tantum venialibus, de aliis vero neque dolorem, neque complacentiam, Suarius disp. 12. Sotus, Ledesma probabiliter putant, tunc omnia venialia ex operato remitti; quod tribui debet virtuti, & efficaciae Sacramenti, atque adeo meritis Christi.

XI. Difficultas est, Utrum per attritionem de aliquibus tantum venialibus extra Sacramentum remittantur pariter omnia venialia, an saltem omnia illa, de quibus est dolor? Ad quod probabiliter dicendum, quod si attritio sit remissa, & venialia fuerint gravia, non deleantur omnia simpliciter, immo nec omnia illa, super quibus cadit attritio, sed aliqua tantum, prout Deus determinaverit, ut docet Platellius cum aliis. Si vero attritio de uno veniali sit valde debilis, & illud veniale sit grave, non sufficit ea attritio ad illud adaequate delendum, sed remittitur tantum in adaequate tum in ordine ad subtractionem auxiliorum specialium, tum in ordine ad penam debitam.

Neque hinc inferri potest, quod etiam contritio remissa remittat mortale inadaequate: tum quia cuiusvis contritioni promissa est a Deo omnium peccatorum condonatio; tum etiam quia remissio mortalium neque relate ad penam aeternam, neque relate ad odium Dei potest pati medietatem: sicut potest pati medietatem remissio venialium tum in ordine ad penam temporalem, tum in ordine ad subtractionem auxiliorum specialium.

XII. Objic. 2. Sacramentum Poenitentiae institutum est per modum Iudicii; ergo nullum veniale in hoc Sacramento deletur, de quo Poenitens non se accuset cum dolore de illo.

O 3

Ref-

Rēsp. quod sicut mortalia obliā in hoc Sacramento remittuntur, quamvis Pœnitens de iis non se accuset, sed tantum doleat, quia iudicium Sacramentale, & forense non in omnibus conveniunt; ita venialia, de quibus nec habetur dolor, nec complacentia, probabiliter in Sacramento remittuntur, cum sufficiat quod ratio iudicii exerceatur solum relare ad mortalia, aut relare ad venialia, de quibus est dolor, & accusatio: Aliiter si quis doleret de omnibus venialibus, & de aliquibus tantum se accusaret, hic non obtineret omnium remissionem; quod nemo dixerit.

Dubitarur, An quando Confessio est solum de venialibus, sufficiat dolor virtualis consistens in desiderio suscipiendi Sacramentum, & in exclusionē complacentiæ de illis? Tamburinus lib. 1. Confes. cap. 3. ex Præposito, Sylvestro, Rosella, & aliis putat, id esse probabile, quia Trid. sess. 14. cap. 4. dicit, in Sacramento Gratiam non conferri absque bono motu Pœnitentis, quin dicat, absque dolore; ergo quamvis ad deletionem mortalium requiratur dolor formalis, ad deletionem venialium sufficere videtur dolor virtualis, qui est bonus motus Pœnitentis. Equidem dico, quod esto speculative id esset probabile, non sit tamen probabile prædicte; quia in materia Sacramentorum non possumus sequi opinionem probabilem de eorum valore, relicta tutiore.

XIII. Quod spectat ad Sacramentalia, sciendum, nomine Sacramentalium hic non venire caeremonias, quæ in Sacramentis administrandis exercentur, sed quædam remedia particularia ab Ecclesia instituta ad venialium deletionem, quæ in eo versu comprehenduntur.

Orans, Tinctus, Edens, Confessus, Dans, Benedicens.

Quibus verbis fit sensus, quod sint Sacramentalia Oratio Dominica, & Oratio in Ecclesia consecrata; sicut etiam signum Crucis in fronte, ac pectore; Aspersio aquæ lustralis, & quælibet sacra Unctio distincta ab unctione Sacramentali: Eius panis benedicti: Confessio Generalis, seu Confessor, ac sola tinctio pectoris: Erogatio stipis, & Benedictio Episcopi, seu Abbatis.

XIV. De his tamen quæritur, an, & quomodo ad remissionem venialium conferant, ex opere operato ne, an operantis? cum ea non sint Sacramenta à Christo Domino instituta, sed Sacramentalia instituta

ab Ecclesia, ut explicat Suarius disp. 12. sect. 2.

Quod conferant ad venialium remissionem, non est dubitandum, cum sit communissimum Ecclesiæ, ac Theologorum sensus, ut notat Elsparza quest. 22. *Insuper, summa enim infamia est, ut docet Augustinus Epist. 108. si quid per universum Orbem tota frequentat Ecclesia, de eo, an velle fiat, disputare.* Quod vero conferant ex opere operato, docent Henriquez, Socus, Gabriel, apud Amicum disp. 6. sect. 5. Negant vero communius cum Suario, Valquio ex D. Thoma, Alensi, & aliis.

Dico quidem cum hac secunda sententia, Sacramentalia juvare ad venialium remissionem per pios actus, quos excitant, non vero ea delere ex opere operato. Ratio est, quia si ex opere operato delerent venialia, deberent id habere ex institutione Divina; atqui de hac institutione non constat; ergo dicendum, ea non delere ex opere operato, sed juvare tantum ad remissionem venialium per hoc, quod pios actus excitent, aut ratione sui, ut oratio Dominica, Confessio Generalis &c. aut ex orationibus Ecclesiæ præviis, ut aspersio aquæ lustralis, eius panis benedicti; aut ex aliorum orationibus, ut elemosyna, quæ movet pauperes ad orandum pro clargiente illam.

ARTICULUS III.

An, & quomodo venialia post hanc vitam deleantur.

XV. Communiter Theologi contra Alensem docent, aliqua venialia in hac vita non remissa iustus remitti post mortem. Et ratio est perspicua, quia si iustus post veniale non remissum statim decedat, cum non possit ad Patriam evolare, antequam veniale illud remittatur; debet post hanc vitam remitti. Quod confirmant verba illa Christi Domini Matth. 12. *Qui peccavit in Spiritum Sanctum, non remittitur ei, neque in hoc seculo, neque in futuro.* Quibus verbis ex consensu PP. significatur, aliqua peccata post hanc vitam remitti; quod tamen intelligi non potest de mortalibus; dicitur enim Eccles. 11. *Lignum, ubi necque cecideris, ibi eris;* ergo solum intelligi debet de venialibus in hac vita non remissis.

Dificultas tamen est, quomodo remittantur? Socus, Gabriel, Major putant, remittantur.

mitti in Purgatorio solutione Pœnæ, vel in instanti post mortem propter opera meritoria facta in vita. Alii cum Bonaventura dicunt, remitti post mortem per Gratiæ finale. Communius tamen cum Suarezio, Vasquio, Paludano, Capreolo apud Amicum disp. 7. n. 122. putant, venialia non remissa in hac vita remitti iustis in instanti separationis anime a corpore per actum dilectionis Dei, quo anima totis viribus detestatur omnes culpas commissas.

XVI. Dico equidem cum hac sententia, venialia remitti in primo instanti post mortem, vel per meram condonationem extrinsecam, vel per actum dilectionis Dei tunc elicitum, sive tanquam satisfactionem condignam, sive tanquam dispositionem ultimam ad remissionem obtinendam.

Prob. Et quidem quod hæc condonatio fiat statim post mortem, constat, cum non possit assignari, nisi arbitrarie, aliud tempus. Tum etiam quia ex Divina Munificentia, & Amore erga Iustos non est præsumendum, quod velit hanc condonationem differre. Quod vero ea fiat vel per meram condonationem extrinsecam, vel per actum contritionis, constat, quia supponimus hic, condonationem extrinsecam non esse impossibilem, & contritionem esse posse condignam satisfactionem pro venialibus, vel saltem dispositionem ultimam ad remissionem omnium venialium, sicut de facto est ad remissionem omnium mortalium; ergo aliquo ex his modis de facto fit hæc condonatio.

XVII. Obijc. 1. Non est cur non dicantur venialia post hanc vitam remitti per tolerantiam poenarum Purgatorii; cum enim veniale consistat in reatu poenæ, hac tolerata, deletur veniale; ergo non remittuntur venialia statim post mortem.

Resp. Veniale non consistere in solo reatu poenæ temporalis, sicut nec mortale in solo reatu poenæ æternæ. Nam in Sacramento Pœnitentiæ remittuntur mortalia adequate quoad culpam, & sepe etiam omnia venialia, & tamen remanet aliqua poena temporalis pro iis luenda: ergo potest remanere aliquis reatus poenæ, sublata omnino culpa; Unde veniale primario consistit in reatu aliquis indignationis Divinæ; sicut mortale in reatu odii.

XVIII. Obijc. 2. Non est cur dici non possit cum Bassolo, & aliis, remitti venialia post mortem vi actus elicitus in hac vita

in ordine ad obtinendam illorum remissionem.

Resp. hoc non subsistere, quia si actus ille fuit elicitus post venialia commissa, tunc statim ea deleverit; si vero antequam committerentur venialia, quomodo vi illius potest venialium futurorum veniam obtinere; cum dolor, & satisfactio sint solum de peccatis præteritis? Potest quidem Deus intuitu meritorum antecedentium delere venialia postea commissa, sicut potest intuitu meritorum antecedentium concedere auxilia ad dolendum de venialibus; At in præfenti providentia Deus intuitu meritorum antecedentium non delet venialia postmodum commissa. Et si id contingeret, deleteret venialia statim, & non expectaret mortem Iusti ad ea remittenda.

XIX. Obijc. ult. Post hanc vitam non datur tempus merendi, ac satisfaciendi. dicitur enim Joan. 9. *Venit nox, quando nemo potest operari*; ergo &c. Quod si venialia possent post mortem sic deleri, quidni etiam mortalia vi ejusdem contritionis, tanquam ultimæ dispositionis ad justificationem?

Resp. post hanc vitam non dari tempus merendi præmium essentiale, atque adeo nec satisfaciendi pro mortalibus; secus vero pro venialibus; cum necesse sit tolli ab anima Iusti venialia, quæ gloriæ consecutionem retardant, & congruentius sit per contritionem tanquam per satisfactionem condignam deleri, quam gratis per condonationem extrinsecam: sicut de facto mortalia congruentius delentur, postea contritione, seu aliquali satisfactione, quam omnino gratis. Ad id, quod additur: Anima decedens in mortali non potest actum contritionis supernaturalis post hanc vitam ponere, cum sit indigna quovis dono supernaturali; unde non potest vi contritionis habere mortalium remissionem: At potest Iustus post mortem contritionem elicere, eique debentur auxilia ad hunc actum ponendum, ut possit se disponere ad venialium remissionem, & ad gloriam obtinendam; unde dispar est ratio.

QUÆSTIO VIII.

De meritorum reviviscencia per Pœnitentiam, ac de Peccatorum redditu per lapsum.

Merita omnia simul cum Gratia deperdi per peccatum, non dubitatur: Illud tamen quaeritur, Num merita per peccatum mortale extinguantur omnino, an solum mortificentur, & veluti constipiantur, ita scilicet ut per subsequentem Pœnitentiam reviviscant? Quaeritur etiam, an sicut per pœnitentiam merita reviviscunt, ita etiam per subsequens peccatum reviviscant demerita, seu peccata præterita.

ARTICULUS I.

An, & quomodo merita per Pœnitentiam reviviscant

I. **Q**uod de facto reviviscant, est adeo certum apud Theologos, ut oppositum censetur a Suariorum, & Amico temerarium, & periculosum, a Bagnez errori proximum, a Nugno erroneum. Communiter enim id PP. docent ex Apost. ad Heb. 6. *Non enim inustus est Deus, ut obliviscatur operis vestri, &c.* quem locum PP. communius apud Suarium cum Ambrosio, Anselmo intelligunt de operibus per peccatum mortificatis. Hoc etiam colligitur ex verbis illis ad Galatas 3. *Tanta passi estis sine causa, si tamen sine causa*, hoc est, ut explicant Hieron. Chrysost. Ambros. si tamen incassum dici potest ea vos passos esse, cum possitis de præteritis passionibus, & meritis mercedem accipere, si volueritis per pœnitentiam in Dei Gratiam redire. Idem significatur Joëlis 2. *Reddam vobis annos, quos comedistis locustas, bruchos, & rubigo, & eruca.* Hoc etiam innuit Trid. scilicet 6. cap. 16. verbis, illis: *Iustificatis, sive acceptam Gratiam perperis confesserint, sive amissam recuperaverint &c.* & colligitur ex doctrina ejusdem Triden. loco citato, & canone 32. ubi tres tantum requiritur conditiones, ut bona opera profint ad vitam æternam, videlicet quod procedant a Gratia habituali, quod sine supernaturalia, & quod homo in Gratia decedat; quæ omnia habentur in meritis per peccatum mortificatis, si homo per Pœnitentiam resurgens in Gratia moriatur.

Ratio a priori est, quia Peccatum per Pœnitentiam condonatur plene, & absolute absque ulla limitatione, aut conditione; ergo merita antiqua post Pœnitentiam, & condonationem peccati iterum incipiunt tribuere homini jus ad vitam æternam, perinde ac si nunquam peccasset: sicut si Rex integre, & absolute condonet subito injuriam sibi irrogatam, eo ipso subditus recuperat omnia jura antiqua ad recipiendam mercedem antiquis obsequiis debitam, aliter condonatio non esset plena. Hinc fit, hominem per peccatum privare se solum jure proximo, & expedito ad vitam æternam a meritis exigam, non tamen jure remoto, quod unice per æternam damnationem extinguitur.

Neque dicas, majorem esse vim in mortali culpa, utpote malitiz infinitæ, ad extinguenda merita antecedentia, quam in actu Pœnitentiæ, utpote finitæ bonitatis, ad extinguenda demerita priora; sed actus Pœnitentiæ non mortificat, sed extinguit peccata; ita ut per relapsum non redeat; ergo etiam mortale extinguit merita, ita ut nunquam reviviscant.

Nam hæc absoluta demeritorum destructio per actum Pœnitentiæ non habetur unice ab ipsa Pœnitentia, sed etiam ab infinita Dei Misericordia, quæ infinito excessu superat malitiam peccati; & ideo nil mirum, quod plus possit Pœnitentia cum Divina Misericordia in ordine ad extinguenda peccata, quam peccatum in ordine ad extinguenda merita. Non negamus tamen, potuisse Deum in alia providentia velle, quod merita antecedentia per peccatum omnino extinguantur, & non mere mortificentur, ut docent communius cum Suario, & Lugo contra Vasquez; quia tamen Deus priorior est ad miserendum, quam ad puniendum, ut magis ad pœnitentiam alliciat, promittit se restitutum nobis quæcumque per peccatum amissimus, idque cum sænore; juxta illud Psalmi 30. *lavabis me, & super nivem dealabor; siquidem per Pœnitentiam candori, & meritis antiquis superadditur novum meritum, & nova Gratia ex opere operantis per actum contritionis, aut ex opere operato per sacramentum pœnitentiæ.*

II. Dubitant tamen DD. primo, num merita præterita per pœnitentiam reviviscant solum in ordine ad aliquod gaudium accidentale, quo gaudent Beati de iis meritis ante peccatum elicitis, ut videtur docere D. Th. q. 89. art. 5. ad tertium apud Suarium,

rium; An vero quoad primum essentiale, nempe in ordine ad merendam, ut prius, visionem Dei? Secundo utrum quoad hoc primum essentiale reviviscant solum per hoc, quod gloria contritioni debita detur etiam titulo meritorum antecedentium, ut docet Bagnex apud Haunoldum? Tertio num reviviscat quoad totam gratiam antecedenter deperditam, ut docet Scotus, & alii communis; an vero ita, ut pars tantum Gratiae deperditae restituatur commensurata dispositioni praesenti, & intentioni actus Poenitentiae, ut putant nonnulli Thomistae apud Suarium, & Lugo?

Dico 1. Merita non reviviscunt solum in ordine ad gaudium accidentale, quo scilicet deinde Beati gaudeant de meritis ante peccatum elicitis. Ita communiter.

Prob. quia in hoc sensu reviviscerent etiam merita mortua, (hoc est elicta in statu peccati mortalis) quae etiam de iis gaudeant deinde Beati.

III. Dico 2. Neque reviviscunt merita per hoc, quod multiplici titulo eadem Gloria consecratur, videlicet & ut debita actui Poenitentiae praesentis, & ut debita meritis ante peccatum elicitis: eo pacto quo Adultis datur gloria & titulo hereditatis, & titulo mercedis, seu coronae. Ita etiam communiter.

Prob. quia rationes adductae ad probandum meritorum reviviscenciam probant, quod reviviscant quoad suum antiquum jus ad primum ipsis debitum, & non in ordine ad merendum alio titulo novum primum debitum actui Poenitentiae; alioquin contra dictum Apostoli ad Heb. 6. Deus videretur injustus, si merita antiqua privaret praeio iis absolute promisso; & peccatum non diceretur plene condonatum per Poenitentiam, si omnino extingueretur jus ad primum debitum meritis antiquis; sicut Rex non plene injuriam condonaret subdito offensori, nisi reviviscerent jura antiqua in ordine ad mercedem obsequiis antecedentibus debitam.

Consum. si sententia opposita subsisteret, possemus dicere, quod nunquam novo merito nova gloria respondeat, sed eandem duplici titulo, quod nemo dixerit. Et ratio a priori est, quia duplici obligationi ex Justitia non potest respondere eadem solutio data duplici titulo, sed debet respondere duplex solutio; Aliter novum jus Justitiae non esset pretio aestimabile.

IV. Dico ult. Merita non reviviscunt quo-

ad partem tantum, sed quoad totam Gratiam, quae per peccatum subsequens erat deperdita. Ita communis.

Probatur, quia nullum habetur fundamentum restringendi recuperationem Gratiae: quia immo praedice Deus recordaretur peccatorum, atque adeo juxta dictum Apostoli esset injustus, si eorum intuitu nollet Gratiam deperditam restituere. Unde sequitur contra Vasquez, quod non solum reviviscant merita quoad illa Gratiam, quam homo obtinuit ex opere operantis ex meritis propriis, sed etiam in ordine ad illam Gratiam, quam obtinuit in sacramentis ex meritis Christi, & ex opere operato; Aliter recurrat, quod Deus praedice peccatorum recordaretur, essetque injustus.

V. Objic. 1. Vel Deus post Poenitentiam ex Justitia restituit Gratiam per peccatum deperditam, vel restituit ex Misericordia: si ex Justitia; ergo falsum est, quod diximus potuisse alia providentia non restituere: si vero ex Misericordia; ergo nihil probant verba illa Apostoli, *Non est injustus* &c. quibus PP. probant reviviscenciam meritorum; iis enim verbis probaretur, quod reviviscerent ex Justitia.

Resp. in praesenti providentia teneri Deum ex Justitia Gratiam per peccatum deperditam restituere post Poenitentiam, quia ex Justitia tenetur, ut hic supponimus, dare primum meritis promissum: quia tamen ex Misericordia Divina habetur, quod Poenitenti detur Amicitia, & omnino condonetur peccatum praeteritum; (posset enim aut simpliciter, aut non plene condonari) idcirco in alia providentia, in qua aut simpliciter peccatum per poenitentiam non condonaretur, aut non condonaretur plene, posset merita non reviviscere.

Addunt probabiliter Pallavicinus, & Esparza contra nonnullos apud Haunoldum, non posse Deum dare amicitiam Poenitenti, quin merita reviviscant. Ratio est, quia quamvis posset Deus amicum punire ad tempus ob peccata praeterita, non tamen in aeternum, cum punitio aeterna non videatur posse consistere cum amore amicitiae; Atqui nisi merita reviviscerent, tunc Deus in aeternum puniret Amicum, & Justum, quandoquidem in penam peccati in aeternum privaret hominem praeio debito meritis antecedentibus: ergo non potest Deus restituere amicitiam per Poenitentiam, & simul nolle, quod me-

ria

rita reviviscant; unde in presenti providentia ad Misericordiam Deus restituit Penitentem amicitiam; connaturaliter vero, & posita promissione, etiam ex Justitia merita reviviscunt.

VI. Objic. 2. Merita sunt dispositio physica ad Gratiam obtinendam, ut docent communis Thomistae; ergo Gratia conferri non potest connaturaliter, nisi juxta proportionem meritorum disponentium ad illam; hoc tamen non esset verum, si merita antiqua adequate reviviscerent secundum totam Gratiam priorem, quae habebatur ante peccatum, ut patet: ergo non reviviscunt adaequate.

Resp. cum Arriaga disp. 16. contra Thomistas, merita esse solum dispositionem moralem ad Gratiam, non vero physicam; quod ex eo patet, quia Gratia perseverat, etiam recedentibus omnino meritis, quae ad illam disposuerant. Sed transmissio, quod physice disponent, sufficit quod Gratia, quae datur intuitu actus Penitentiae, sit proportionata tali merito: Gratia vero debita meritis antiquis, quae nunc reviviscit, non debet esse proportionata huic merito praesenti; cum non deat ejus intuitu, sed reviviscat ex Divina Misericordia, & ex natura amicitiae cum Deo.

ARTICULUS II.

An peccata dimissa redeant, aut redire possint per Lapsum?

Consimilis est Quaestio haec praecedenti, utrum scilicet qui post penitentiam iterum peccat, non solum mereatur penam respondentem huic novo peccato, sed etiam penam respondentem peccatis antiquis jam dimissis: quod est, peccata antiqua per lapsum redire, non quidem secundum esse physicum, sed morale.

VII. Dico 1. In presenti providentia peccata semel dimissa nunquam redeunt per quemcumque lapsum. Ita communiter contra nonnullos putantes, redire per lapsum saltem haec quatuor peccata, nempe odium Fratrum, Apostasiam a Fide, contemptum confessionis, & retractationem Penitentiae antea factae: quod exprimitur celebri illo disticho:

*Fratres odit, Apostasia sit, spernitque sateri,
Penituisse piget, pristina culpa redit.*

Prob. conclusio 1. ex Scripturis. Ezechielis 18. dicitur: *Si impius egerit Penitentiam, omnium iniquitatum ejus, quas opo-*

ritus est, non recordabor. Michae 7. dicuntur peccata proci in profundum maris. Gelasius Papa in cap. finali de Penitentibus dist. 4. habet: *Divina clementia dimissa peccata in ultionem ulterius redire non permittit.* Et ratio a priori est, quia de facto remissio peccati est absoluta, non conditionata; ergo de facto peccata nunquam redeunt. Consequentia sequitur: si enim redirent, non remitterentur absolute, sed sub conditione quod iterum non peccetur; Antecedens constat tum ex scripturis, in quibus remissio promittitur Penitenti absolute; tum ex formis Sacramentorum, quae etiam absolute peccatorum remissionem significant.

Confirm. quia aliter qui relabatur, deberet iterum confiteri peccata praeterita; cum non nisi per Sacramentum aut in re, aut in voto dimitti possint peccata; sequela autem est contra praxim Ecclesiae, & reputatur absurda a Benedicto XII. in extravaganti inter cunctas, ubi dicit: *Absurdum est, ut quis peccata per Penitentiam dimissa debeat iterum confiteri, & ut debitor liberatus adhuc maneat ad solvendum obligatus.*

VIII. Dico 2. De potentia Dei absoluta possunt peccata ita remitti, ut per lapsum redeant. Ita communis cum Scoto, Valentia, Arriaga disp. 15. n. 33. Gonetio, & aliis contra Vasquez, Lugo, Dicastillo, Esparza, Haunoldum.

Prob. Peccata remitti possunt sub conditione, quod iterum non peccetur; ergo possunt ita remitti, ut redeant, si relabatur. Probatur antecedens; habens jus v. gr. ad domum potest illam donare Petro sub conditione, puta quod ea habitetur, aliter redeat dominium ad donantem; ergo pariter potest Deus cedere juri suo ad odio habendum, & puniendum Peccatorem sub conditione, quod non peccet iterum, aliter jus illud reviviscat. Similiter in humanis possunt hoc pacto offensae condonari. Potest etiam similiter Pontifex dispensare votum sub aliqua conditione, non quo purificata, votum redeat. In hoc tamen casu condonatio nequit dici plena, & absoluta, sed conditionata, eo quod remaneat reatus peccatoris veluti suspensus, reddens hominem remotae dignum odio Dei, & poena aeterna.

Hinc fit, quod si condonatio peccati sit plena, & absoluta, non possit amplius peccatum semel condonatum iterum redire; sicuti si transferatur in donatarium jus in domum plenum, & perfectum, non poterit

am-

amplius dominum domus redire ad donantem. Quare in hoc sensu vera est sententia opposita, quod scilicet non possint peccata remitti, ita ut redeant, si scilicet remittantur plene, & absolute, non vero conditionate.

IX. Objic. 1. contra primam conclusionem. Sæpe in Scriptura dicitur, quod Deus peccatorum præteritorum recordetur; ergo redeunt per novum lapsum; cum recordatio ista, utpote prædica, importet Deum peccata præterita semel dimissa post relapsum punire. Antecedens probatur. Psal. 78. dicitur: *Ne memineris iniquitatum nostrarum antiquarum.* & 108. *In memoriam redeat iniquitas patrum ejus in conspectu Domini.*

Confirm. 1. quia in Parabola illa Servi immisericordis Matth. 18. aperte significatur peccata redire per lapsum. dicitur enim ibi: *omne debitum dimisi tibi, quoniam rogasti me: Nunc oportuit &c.* & deinde subditur: *sic & Pater meus Cælestis faciet vobis: ubi Aug. contra Donat. cap. 12. dicit: Redire dimissa peccata, ubi fraternæ Charitatis non est, aperte docet Christus in Evangelio de illo servo &c.*

Confirm. 2. quia Ezech. 18. Deus tam dicitur non recordaturus iniquitatum, si impius egerit Pœnitentiam, quam Iustitiarum Iusti, si se averterit a Iustitia; ergo sicut redeunt de facto merita per Pœnitentiam, ita demerita per lapsum.

Respond. verba illa Sacrorum Bibliorum intelligenda esse vel de pœna peccatorum non remissionum, vel de pœna temporalis, quæ superest luenda post peccatorum remissionem. videtur enim Deus quodammodo horum peccatorum oblitus, quando differt pœnam debitam; videturque eorundem recordari, quando post lapsum utrisque pœnam debitam indigit.

Ad primam confirm. varii varia apud Suarium. Illud videtur expeditius, quod docet Arriaga, videl. per illa verba, *Tradidit eum terroribus, quoadusque redderet universum debitum*, significari, quod Deus in pœnam immisericordiæ exercitæ in proximum nullam nobiscum exerceat misericordiam relate ad peccata nondum dimissa; atque adeo in casu parabolæ omne debitum exigatur ad illud dumtaxat novum crimen, quod scilicet debitorem tenens suffocabat cum dicens, *Redde quod debes.* Ad Augustinum dicendum, peccata de facto redire solum æquivalenter, seu virtualiter: Primo quia ob novum peccatum

redit reatus culpæ, & pœnæ æternæ consimilis priori: Secundo per hoc quod peccatum consequens ad Pœnitentiam ratione ingratitude sit gravius, quam si non præcessisset remissio peccatorum antecedentium: Tertio ex Vasquez, quia in pœna novi peccati ob ingratitudinem graviorem Deus subtrahit auxilia uberiora, quæ aliter non subtraxisset; unde videntur peccata præterita redire, quatenus ob subtraktionem auxiliorum facile committuntur peccata similia dimissis. Quarto quia ob novum peccatum ingratitude infligit Deus pœnas temporales debitas peccatis remissis, quas alioquin Deus non esset inflicurus: In quo sensu Aug. relatus dist. 4. de Pœn. cap. 1. dicit, redidisse iniquitatem Matris, & Patris sui.

Ad secundam nego consequentiam. Quamvis uniformiter Ezechiel in utroque casu loquatur, nihilominus ex ipsa diversitate materiæ eruitur, & quod merita reviviscant per pœnitentiam, & quod demerita non redeant per lapsum: Reviviscunt quidem merita; aliter Deus peccati per pœnitentiam dimissi recordaretur, prædicæ volens ejus inuitu privare hominem jure antiquo ad mercedem: Demerita vero non redeunt; aliter non essent absolute remissa, sed conditionate, & Deus illorum prædicæ recordaretur, volens ea redire.

X Objic. 2. ex Haunol. contra secundam: Si Peccata præterita redire divinitus possent per lapsum, deberet redire negatio condonationis, aut condignæ satisfactionis; sed neutra negatio redire potest; cum fieri non possit, ne fuerit condonatio, aut satisfactio, quæ jam præcessit, juxta illud Agathonis apud Tullium:

Hæc etiam ipse Deus, soloque caret videtur, Infestum ut hæc quod factum est atq; peractum.

Unde communis contra Nominales dictum, non dari potentiam ad præteritum; ergo peccatum semel condonatum ne divinitus quidem redire potest.

Confirm. In tantum redire potest debitum præteritum, quando condonatur sub aliqua conditione, quæ deinde non purificatur, inquantum ob illam conventionem confurgit novus titulus, & novum jus in creditore; ergo ut peccata redeant, debet haberi novum peccatum, cum non sufficiat conventio inter Deum, & creaturam sine novo peccato, ad hoc ut possit in Deo confurgere de novo jus ad odio habendam, & puniendam creaturam post remissionem peccati: Atqui si habetur novum peccatum,

tum, tunc solum habetur novus reatus consimilis præterito, non vero duplex reatus, alter ob peccata præterita, alter ob novum: ergo ut supra.

Resp. nego sequelam. Reatus enim peccati, qui remittitur sub conditione, quod non peccetur iterum, re vera non est absolute remissus, sed solum est quodammodo impeditus: sicut merita per peccatum non extinguuntur, sed mortificantur: Sic etiam quando quis donat domum sub conditione, quod ea habitetur, re vera non abjicit a se omne jus, etiam remotum ad domum, sed solum transfert jus proximo, retinendo penes se jus remotum veluti impeditum, quod evaderet proximo, si non purificaretur ea conditio, quod domus habitetur: Sic pariter Rex dando Feudatario dominium utile in Feudum retinet dominium directum, ratione cujus evadit etiam dominus Utilis, quando Feudum redit ad Regem. Hinc fit, quod si peccatum deleatur per condonationem plenam, & absolutam, aut per condignam satisfactionem, tunc ne divinitus quidem redire possit, ut probat argumentum: Quidquid fit an hujusmodi conditionata condonatio fieri possit per gratiam justificantem? quod probabilis multi negant, putantes gratiam ex natura amicitia cum Deo ferre, quod peccatum debeat plene, & absolute remitti.

Ad confirm. nego maj. Debitum A præteritum jam remissum sub conditione v. g. quod non contrahatur novum debitum B, redire potest absque novo titulo, seu jure, per hoc quod conditio non purificetur, tunc enim debitum illud A veluti suspensum per remissionem conditionatam evadit debitum proximum; unde contrahens debitum B fit debitor utriusque simul debiti A, & B: Sic etiam si dispensetur votum A, puta jejunandi, sub conditione, quod non fiat votum B, puta peregrinandi, qui emitteret deinde votum peregrinandi, teneretur ad peregrinandum simul, & jejunandum, atque adeo rediret prius votum; non quia haberetur obligatio consimilis priori, sed quia haberetur duplex obligatio, altera orta ex voto antiquo, quod redit, altera ex novo, quod emittitur. Ita prorsus in casu nostro, post relapsum non habetur reatus odii Divini, & pœnæ æternæ consimilis priori, sed duplex reatus, alter respondens peccato præterito, alter peccato relapsus.

QUÆSTIO IX.

Utrum in priori ad infusionem Gratia deleantur mortalia per applicationem satisfactionum Christi Domini?

Explicatis effectibus Pœnitentiæ quoad mortalium, ac venialium remissionem, ac reviviscentiam meritorum, explicandum superest, Utrum a Pœnitentia hic alius effectus habeatur, quod in priori ad infusionem Gratia peccata formaliter deleantur per applicationem satisfactionum Christi Domini? Affirmativam sententiam acriter propugnaverunt nonnulli Patres in Tridentino Concilio, præsertim Cornelius Mussus Episcopus Bitontinus, (ut refert Pallavinus lib. 8. cap. 4. & cap. 9.) quos deinde alii secuti sunt. Et ratio est, quia cum per susceptionem sacramentorum aut in re, aut in voto, non vero per infusionem Gratia applicentur nobis Christi satisfactiones ex Triden. & iis applicatis, impossibile sit peccatum non deleri formaliter, idcirco docent, in priori ad infusionem gratia tolli Divinam inimicitiam, & per gratiam conferri ulterius Divinam amicitiam. Alii tamen negant ita de facto contingere: quamvis enim potuerit Christus Dominus in priori ad gratia infusionem satisfactiones suas nobis applicare; de facto tamen videntur applicari per Sacramenta Christi satisfactiones, non in ordine ad satisfaciendum pro nostris culpis, sed solum in ordine ad merendam nobis gratiam peccati remissionem; unde in priori ad gratiam peccatum deletur radicaliter, & per gratiam formaliter; cum ex Triden. Gratia sit unica formalis causa nostræ justificationis.

I. Præmittendum 1. diversimode causari effectum suum merita, & satisfactionem æqualem. Meritum enim causat in genere causæ efficientis; satisfactio vero condigna in genere causæ formalis. Propterea quando intelligitur meritum sive proprium, sive alienum nobis applicatum, pro eo signo nondum intelligitur præmium; sicut in eo signo, quo intelligitur Sol, nondum intelligitur lux. Contra vero pro eo signo, quo intelligitur satisfactio condigna, sive propria, sive aliena nobis applicata, intelligitur deleta offensæ, seu deletus reatus odii, & vindictæ. Effectus enim formalis

non distinguitur a causa formali applicata subiecto, & idcirco pro eo signo, quo intelligitur causa formalis, nempe satisfactio, intelligitur etiam effectus formalis, nempe extinctio debiti.

Præmittendum 2. in Sacramentis mortuorum live in re, live in voto susceptis appropriari nobis tam merita, quam satisfactiones Christi Domini; ita ut ratione meritorum Christi conferatur nobis gratia ab illis meritis exigita, & ratione satisfactionum peccata formaliter deleantur. Constat hoc ex Trident. sess. 6. cap. 7. ubi hæc habet: *Causa meritoria justificationis est Christus Jesus, qui sua sanctissima passione illam in ligno Crucis nobis meruit, & pro nobis Deo Patri satisfecit; ergo ex Trident. tam merita, quam satisfactiones Christi nobis appropriantur. Quia tamen quando intelligitur meritum, nondum intelligitur præmium, quando vero intelligitur satisfactio condigna, intelligitur in eodem signo extinctus reus offensoris; idcirco dicimus, quod pro eo signo, quo in Sacramentis intelliguntur applicata nobis merita, & satisfactiones Christi, intelligitur quidem peccatum extinctum ratione satisfactionum, sed nondum intelligitur gratia ratione meritorum Christi.*

Præmittendum 3. tam merita, quam satisfactiones Christi posse nobis applicari limitate, aut sub aliqua conditione ad arbitrium ipsius Christi: qui sicut est liber ad ea nobis applicanda quoad substantiam, ita etiam quoad circumstantias; & de facto applicantur merita Christi solum in ordine ad merendam nobis gratiam determinatæ intentionis, non vero in ordine ad merendam gratiam intensiorem, aut in ordine ad merendam unionem hypostaticam, prout poterant applicari: similiter satisfactiones Christi applicantur limitate in Sacramento Pœnitentiæ, videlicet in ordine ad extinguendum reatum culpæ, & pœnæ æternæ, non vero pœnæ temporalis, sicut applicantur in Sacramento Baptismi. Præterea tam merita, quam satisfactiones Christi applicantur sub conditione, quod suscipiamus sacramenta, non vero absolute; & sub his limitationibus, & conditionibus acceptantur a Patre.

Præmittendum 4. connaturale esse, ut ad infusionem gratiæ, seu ad restitutionem amicitie per peccatum deperditæ præcedat satisfactio, si hæc exigatur: ut patet tum in humanis, tum in physicis, in quibus ad introductionem formæ connaturaliter præ-

cedit expulsio impedimentorum: tum etiam in ordine supernaturali. de facto enim Deus vult, quod in adulto ad introductionem gratiæ præcedat peccati retractatio, quæ est satisfactio imperfecta. Quare cum Deus in præsentī providentia ad restituendam amicitiam peccatori exigar satisfactionem condignam Christi Domini peccatori applicatam in Sacramentis, sequitur, quod connaturaliter applicatio satisfactionum Christi in Sacramentis habeatur in priori ad infusionem gratiæ, atque adeo in priori ad gratiam peccatum deleatur.

Denique sciendum, per satisfactionem condignam peccatum proprie non remitti, sed deleri, seu extingui; sicut votum quando impletur, non dispensatur. Non enim dicitur cedere juri suo, & condonare debitum creditor, quando ponitur solutio æqualis. Quia tamen satisfactio condigna Christi Domini non est propria offensoris, idcirco requiritur, quod Deus benigne illam acceptet tanquam propriam peccatoris, ut peccatum villius deleatur. In hoc itaque differt deletio peccati per satisfactiones Christi nobis applicatas in Sacramentis a peccati remissione, quæ habetur per gratiam in Sacramentis causatam; quod deletio peccati solum importet benignam Dei acceptationem satisfactionum Christi tanquam propriarum peccatoris; remissio vero peccati per gratiam ferat cessionem juris Divini ad odio habendum peccatorem, & simul collationem juris ad amorem amicabilem. Propterea per deletionem peccati peccator solum fit non injustus, seu justus negativè; per gratiam vero, quæ est peccati remissio, peccator, ut habet Trident. sess. 6. cap. 7. ex injusto fit justus; non quia in priori signo naturæ, sed quia in instanti antecedenti ad infusionem gratiæ erat injustus, & per gratiam evadit positive justus. His præmissis.

II. Dico, de facto per Sacramenta mortuorum deleri peccatum in priori ad infusionem gratiæ. Ita Patres laudati Concilii Tridentini, cum aliis Neotericis; quamvis Tridentinum id expresse non definiuerit.

Conclusio probatur. Pro eo signo, quo applicantur peccatori per sacramenta mortuorum satisfactiones Christi, deletur formaliter peccatum; sed in signo priori ad infusionem gratiæ applicantur satisfactiones, & merita Christi Domini; ergo in priori ad infusionem gratiæ deletur formaliter peccatum in Sacramentis mortuorum. Ma-

for ex primo prænотando patet, Minor ex secundo, & tertio.

Confirm. 1. quia tam in ordine naturali, quam in supernaturali cennaturale est, ut satisfactio precedat restitutionem amicitiae: non secus ac in ordine physico remotio impedimentorum antecedit introductionem formae, ut in quarto prænотando diximus; ergo connaturale est, ut in priori ad infusionem gratiae, & restitutionem amicitiae applicentur peccatori in Sacramentis mortuorum satisfactiones Christi, & sic in illo priori signo deleatur peccatum; ergo ita de facto contingit. Ac de, non solum esse innaturale, sed forte etiam impossibile, quod Christi satisfactiones peccatori applicentur pro eo signo, quo infunditur Gratia. Ratio est, quia frustra satisfactiones offeruntur, si acceptentur sub conditione, quod detur Gratia remissiva peccati, nempe sub conditione, quod peccatum non sit, quippe quod a Gratia destruitur.

Confirm. 2. quia ex Trident. loco citato causa instrumentalis nostrae justificationis est baptismus; ergo instrumentum, quo Christus utitur ad applicandum nobis sua merita, & satisfactiones, est ipsum Sacramentum, non vero infusio Gratiae; ergo sicut quia dum suscipitur baptismus, applicantur merita Christi, (quae causant gratiam in genere causae efficientis) idcirco pro eo signo habetur tantum jus ad gratiam, & justificatio habetur solum radicaliter, non formaliter; ita quia dum suscipitur baptismus, applicantur etiam Christi satisfactiones, (quae delent peccatum in genere causae formalis) idcirco pro eodem signo habetur deletio peccati formaliter.

Neque dicas, Christi satisfactiones applicari nobis per hoc, quod exigant gratiam, & remissionem: unde solum radicaliter, non formaliter delent peccatum.

Nam sic non salvarit Doctrina Tridentini, quod scilicet tum merita, tum satisfactiones Christi nobis appropriantur. sicut enim non appropriarentur merita, si solum tolleretur peccatum in genere causae formalis vi satisfactionum; ita non appropriarentur satisfactiones, si solum tolleretur peccatum in genere causae efficientis vi meritum Christi exigentium gratiam, & remissionem.

Confirm. demum, quia impossibile est deleri venialia, & reatum poenae temporalis in priori ad mortalia, & ad reatum poenae aeternae; sed in susceptione baptismi delentur venialia, & reatus poenae tem-

poralis in priori ad infusionem gratiae; ergo tunc etiam debent deleri mortalia. Minor probatur, quia venialia, & reatus poenae temporalis non delentur formaliter per gratiam, cum qua non habent incompatibilitatem, sed per applicationem satisfactionum Christi factam in susceptione baptismi; (non secus ac per indulgentias delentur reatus poenae temporalis propter applicationem satisfactionum Christi factam, dum ponitur opera iuncta) atque in priori ad infusionem gratiae habetur susceptorio baptismi, ut patet: cum gratia sit effectus Sacramenti suscepti; ergo in priori ad gratiam per susceptionem baptismi habetur deletio venialium, atque adeo etiam mortalium.

III. Obijc. 1. Trid. sess. 6. cap. 7. docet, unicam esse causam formalem nostrae justificationis, nempe gratiam in harentem, quae remittit peccatum, & homo interior renovatur, ita ut ex injusto fiat justus, ex inimico amicus; sed hoc non salveretur, si in priori ad gratiam deleteretur peccatum; ergo non nisi per gratiam formaliter deleatur peccatum. Minor probatur, quia si peccatum deleteretur formaliter in priori ad gratiam per applicationem satisfactionum Christi in Sacramentis, causa formalis nostrae justificationis non esset una, sed duplex, nempe applicatio satisfactionum Christi, & gratia. Præterea non esset verum, quod homo per gratiam ex injusto fiat justus; siquidem per satisfactiones Christi fieret non injustus, & per gratiam deinde ex non injusto fieret justus, non vero ex injusto justus. Denique gratia non esset peccati remissio, quia pro eo signo, quo infunditur gratia, non reperiretur peccatum, quod remittatur.

Resp. 1. Argumentum solvendum ab Adversariis, qui non negant, vi satisfactionum Christi deleri nobis peccata, vi gratiae conferri Divinam amicitiam, sed solum negant, vi satisfactionum Christi deleri peccatum in priori ad gratiam; ergo etiam per Adversarios datur duplex causa formalis nostrae justificationis. Similiter solvendum est ab iis, qui cum Vasquio docent, contritionem esse formam justificantem. In hac enim sententia duplex datur causa formalis justificationis, altera actualis, & in priori, nempe contritio, altera habitualis, & in posteriori, nempe gratia. Tertio solvendum ab iis, qui docent, habitum charitatis realiter distingui a gratia, & utrumque formaliter justificare.

Di-

Directe dico, Trident. loqui adversus hæreticos volentes, nos justificari formaliter per ipsam Christi, aut Dei justitiam nobis imputatam; ac definit, nos justificari per gratiam inhærentem, quæ est peccatorum remissio, & quæ homo ex injusto fit justus; quod totum nos admittimus juxta dicta in ultimo prænotando. Volumus quidem, quod duplex sit causa formalis erasiva peccati; nempe Christi satisfactio, & gratia inhærens; sed causa formalis, quæ homo ex injusto fit justus, est sola gratia. Ex eo enim quod in priori ad gratiam homo non fit injustus, solum sequitur, quod homo, qui in priori ad infusionem gratiæ intelligebatur non injustus, deinde pro secundo signo naturæ per gratiam intelligatur justus; non vero sequitur, quod per gratiam fiat justus solum pro secundo signo naturæ, & non etiam pro primo: Sicuti Aer pro primo signo naturæ, quando intelligitur Sol, nondum intelligitur lucidus, & pro secundo naturæ signo, quando intelligitur lux, tunc intelligitur lucidus. Nemo tamen dixerit, quod Aer non sit, & fiat lucidus pro utroque naturæ signo; cum repugnet idem esse, & non esse in eodem instanti pro duobus naturæ signis. Quare cum Tridentinum solum dicat, per gratiam hominem ex injusto fieri, non vero intelligi justum, bene cum hoc cohereret doctrina tradita, quod scilicet in priori ad gratiam deleatur peccatum per Christi satisfactio, ratione quarum peccator fit non injustus, & per Gratiâ in eodem instanti ex injusto fiat justus pro utroque naturæ signo, quamvis non intelligatur justus, nisi pro secundo dumtaxat signo: unde etiam verum est, quod unica sit causa formalis, quæ homo antecedenter, (scu in priori instanti) injustus redditur justus, & ex inimico fit Dei amicus.

Denique gratia est peccati remissio, quamvis in priori supponat deletum peccatum, quia pro toto illo instanti in utroque signo naturæ verum est, quod Deus per gratiam cedat juri suo, quod in instanti antecedenti habebat ad odio habendum peccatorem; quod ab Adversariis etiam dicendum, qui non negant peccatum deleri, tum a satisfactoribus Christi, tum etiam a gratia; sed solum negant, quod Christi satisfactio peccatum deleat in priori ad infusionem gratiæ. Præterquamquod sicuti quando quis accedit cum contritione ad Sacramentum Penitentiae, tunc gratia dicitur etiam esse peccati remissio in actu pri-

mo; quatenus si reperiret peccatum, deleteret: ita in casu nostro gratia pro secundo naturæ signo dici poterit peccati remissio, quatenus si reperiret illud, deleteret.

IV. Objic. 2. Ex hoc quod Christi satisfactio applicentur peccatori per sacramenta mortuorum in priori ad gratiam, non sequitur, quod peccatum in priori ad gratiam deleatur; ergo nulla conclusio. Antecedens probatur, quia quamvis Christi satisfactio sint superabundantes, non tamen sunt propriæ peccatoris, & ideo non debent acceptari a Deo secundum omnem suam efficaciam; ergo sicut de facto solum acceptantur in ordine ad delendum reatum culpæ, & pænæ æternæ, non vero in ordine ad reatum pænæ temporalis; ita possunt acceptari solum in ordine ad exigendam Gratiâ, non vero in ordine ad delendum formaliter peccatum; ergo bene dici potest, quod per susceptionem Sacramenti peccatum deleatur radicaliter, & solum per gratiam formaliter. Neque dicas, quod si videantur solum applicari merita Christi Domini, non vero satisfactio. Nam meritum de se est obsequium inductivum præmii, nulla habita ratione ad offensam præviam; contra vero satisfactio est submissio compensativa dehonorationis prævix. In casu nostro quamvis satisfactio Christi deleat peccatum radicaliter in priori ad gratiam, adhuc venient ut satisfactio, seu ut submissiones compensativæ peccati; ergo adhuc venient ut ditinæ a meritis.

Resp. Nego antecedens: ad probationem, nego consequentiam. Applicarentur enim Christi satisfactio solum ut merita, si exigerent gratiam deletivam peccati, & non deleteret illud in genere causæ formalis. Verum quidem est, posse satisfactio alienas acceptari ab offensa limitate, & conditionate; sed non possunt satisfactio acceptari, ut merita, delendo offensam causaliter, & non formaliter; sicuti nec merita Christi possunt applicari nobis, ut satisfactio, delendo peccatum formaliter, & non causaliter.

Ad id, quod additur, respondeo dupliciter: primo si Christi satisfactio applicarentur solum in ordine ad delendam offensam radicaliter, voce tenuis applicarentur ut satisfactio, & re vera applicarentur dumtaxat ut merita in ordine ad merendam gratiam remissivam offensæ præsuppositæ. Secundo, cum Tridentinum doceat, Christum pro nobis meruisse, & satisfecisse,

cisse, nomen hoc satisfactionis sumi debet in proprio, & vulgari sensu, & non limitari ad arbitrium derogando satisfactionibus Christi. Proprius autem sensus est, quod per illas formaliter deleantur peccata; (sicut per applicationem satisfactionum Christi, per indulgentias, formaliter, non radicaliter, deletur reatus pœnæ) ergo ita dicendum.

V. Objic. ult. Tam est superflua condigna satisfactio, quando habetur cōdonatio, quam est superflua liberalis condonatio pro eo instanti, quo ponitur condigna satisfactio; ergo ne superflue applicentur nobis Christi satisfactiones, dum infunditur Gratia peccati condonativa, dicendum satisfactiones Christi delere peccatum solum radicaliter.

Resp. non esse novum etiam in physicis, quod dux causæ formales causent eundem effectum formalem negativum sine superfluitate, dummodo pariant diversum effectum positivum. Pingamus ex. gr. quod Sol pro eodem instanti causet tum suam lucem, tum etiam ignem, a quo pariter sua lux causetur: tunc in eodem instanti haberetur expulso tenebrarum tam a luce Solis in priori, quam a luce ignis in posteriori, sine superfluitate, quia lux solis deservit Soli tanquam ejus proprietates, & lux ignis deservit igni, tanquam proprietates ignis. In casu nostro expulso peccati haberetur a satisfactionibus Christi in priori, & gratia condonativa in posteriori sine superfluitate, quia satisfactiones Christi deserviunt, ut connaturaliter divina amicitia restitueretur, præeunte satisfactione; & gratia deservit non solum ad remittendum peccatum, sed etiam ad conferendam amicitiam impossibilem cum reatu odii Divini. Tunc haberetur superfluitas, quando satisfactiones essent propriæ peccatoris, quæ deberent ab offenso acceptari, & condonatio peccati non esset etiam collatio Amicitia.

VI. Ex dictis sequitur 1. quod si Christi satisfactiones non deleant peccatum formaliter, tunc in priori ad Gratiam homo neque intelligeretur injustus, neque non injustus: sicut in priori ad lucem aer neque intelligitur tenebrosus, neque non tenebrosus, sed præcindit intellectus ab utroque contradictorio: Contra vero cum satisfactiones Christi deleant mortale formaliter, in priori ad gratiam, tunc homo intelligitur positive non injustus, quamvis in secundo signo intelligatur positive justus.

Sequitur 2. quod pro illo priori, quo peccatum intelligitur deletum per Christi satisfactiones, tunc re vera ex parte objecti deletur etiam per gratiam; quamvis non intelligatur pro illo priori per gratiam deleri: Sicut pro illo priori, quo intelligitur sol, non intelligitur lux, sed ex parte objecti tunc datur lux. Ratio est, quia non potest pro eodem instanti ex duobus contradictoriis unum esse, alterum non esse pro diversis signis; potest tamen unum intelligi altero non intellecto.

DISPUTATIO III.

*De Natura, Formali objecto,
ac subiecto virtutis
Pœnitentiæ.*

Virtutum natura explicari non potest circa objecti formalis explicationem. Dicitur autem objectum formale virtutis motivum illud, propter quod inclinamur ad prosequendum, vel odio habendum objectum materiale, seu id, circa quod actus virtutis versantur. Examinandum tamen primo, An Pœnitentia sit virtus? Secundo an sit virtus specialis? Tertio an virtus puræ fuge? Quarto an sit virtus pure reflexa? Quinto quodnam sit ejus formale objectum, & quodnam subiectum? Quod autem spectat ad actus hujus virtutis, & ad necessitatem Pœnitentiæ, dicemus cum de Pœnitentiæ Sacramento.

QUESTIO I.

An Pœnitentia sit Virtus?

Pœnitentiæ nomen tam actum, quam habitum Pœnitentia significat. Nam, ut notat Angelicus 2. 2. q. 137. art. 1. eodem sæpe nomine actus simul, & habitus virtutis appellantur: Hinc dum inquirimus, an actus Pœnitentiæ sit actus virtutis? inquirimus pariter, an habitus inclinans ad hujusmodi actus sit virtuosus?

I. Dicendum cum communi Theologorum contra hæreticos, Pœnitentiam esse virtutem.

Prob.

Prob. tum quia Scripturæ illam præcipiunt, & præmium Pœnitentibus promittunt. Ezech. 8. *Si impius egeris pœnitentiam, vita vivet*. Tum etiam quia ex Philosopho 2. Ethic. 2. *Virtus est habitus electivus secundum rectam rationem*; Sed huiusmodi est Pœnitentia, quia recta ratio dicit culpam esse detestandam, & de iis dolendum, eo modo, & sine, quo oportet. Tum demum quia virtus ex eodem Philosopho 2. Ethic. 6. est, *Quæ bonum facit habentem, & opus ejus reddit bonum*. Similiter *virtus est, quia nemo male vitatur*; quæ omnia Pœnitentiz congruunt; ergo, &c.

II. Obijciunt 1. Non potest esse virtus illa, quæ essentialiter præsupponit malum; Huiusmodi est Pœnitentia; ergo non est virtus. Major probatur, quia virtus non potest amare malum; Atqui si essentialiter præsupponeret malum, amaret illud; unumquodque enim sponte sua inclinatur, & amat id, sine quo esse non potest; ergo.

Confirm. 1. Virtus est expetibilis per se ipsam; Pœnitentia autem est expetibilis per accidens, & ex suppositione peccati. Secundo melius est habere virtutem, quam illa carere; non est tamen melius habere Pœnitentiam, quam esse innocentem, & illa carere. Tercio virtus operatur cum delectatione; Pœnitentia autem cum dolore, & tristitia; ergo non est virtus.

Resp. nego maj. Nam iustitia vindicativa essentialiter præsupponit delictum, & tamen nemo negavit esse virtutem. Potest enim esse actus virtutis, qui malum præsupponit, dummodo illud non compatiatur, sed destruat; sicut Medicina est virtus intellectualis, quia morbum, quem præsupponit, destruit. Ad probationem: sicut qui vult curationem, non vult morbum præsuppositum; ita qui vult Pœnitentiam, non amat peccatum, quia peccatum est solum terminus, ac prærequisitum, non constitutum Pœnitentiz: unde non debet esse amabile; sicuti lex prærequisita essentialiter ad actum malum legis transgressivum non est mala.

Ad primam confirm. Virtus debet esse expetibilis ratione sui, & per se ipsam, hoc est non propter aliud motivum extrinsecum, quamvis non possit aliquando appeti, nisi ex suppositione peccati, ut iustitia vindicativa. Ad secundam: Virtus Pœnitentiz non est perfectio simpliciter simplex; & ideo non competit Deo huiusmodi per-

Part VIII.

fectio. Perficit tamen subiectum ex suppositione peccati; tunc enim est illius capax. Ad tertiam: virtus operatur cum delectatione in ipso actu, & cum promptitudine, ac facilitate, non cum delectatione erga objectum: sic Misericordia non delectatur de miseris, quibus subvenit; & eodem modo Pœnitentia non delectatur de peccato; operatur tamen cum delectatione in ipsis actibus hujus virtutis.

III. Obijciunt 1. Verecundia ex D. Th. 2. 2. q. 144. art. 1. non est virtus, quia est de turpi facto; quod etiam docet Philosophus 4. Ethic. 9. dicens: pudor probi viri esse nullo pacto potest, cum ob malas res exoritur; sed etiam Pœnitentia est huiusmodi; ergo non est virtus.

Confirm. virtus est dispositio perfecti ad optimum, hoc est ad actum optimum; Atqui non est optimus actus Pœnitentiz, cum sit quidam affectus conditionatus, quo homo nollet fuisse peccatum, non vero absolutus; ergo.

Respond. discrimen inter Pœnitentiam, & verecundiam esse, quia quamvis utraque supponat malum, Pœnitentia tamen illud detestatur, & ex sua ratione formaliter destruit: contra vero verecundia ex sua formalis ratione malum nec detestatur, nec expellit, immo potest cum illo componi. Pudor enim non est detestatio peccati, sed solum oritur ex timore, & horrore ignominiz propter commissam turpitudinem. Adde, quod verecundia non solum non destruit ratione sui, quin potius aliquando inducit culpam, ut accidit in iis, qui ob verecundiam sacrilege confitentur; virtus autem debet esse principium actus boni dumtaxat, non mali, ut docet D. Thom. qu. 1. de virtutibus art. 2. Propterea Philosophus 6. Ethic. exclusit Opinionem e numero virtutum Intellectualium, quia potest esse vera, & falsa; ergo nec verecundia est virtus moralis simpliciter, cum possit tam ad bonum, quam ad malum inclinare. Potest tamen verecundia dici virtus secundum quid, ut notat Philosophus, quatenus sæpe retrahit a culpa; Idque in adolescentibus, qui quando erubescunt, commendandi sunt, quia peccati turpitudinem apprehendunt, & idcirco ab eo retrahuntur.

Ad confirm. Virtus est dispositio ad actum optimum, qui subjective est absolutus, quatenus absolute actuat voluntatem; Objective vero actus Pœnitentiz est partim absolutus, & efficax, cum efficaciter retractet culpam, partim est conditionatus, p qua-

quatenus vellet penitens se non peccasse, si heri posset, cum non possit aliter versari circa peccatum praeteritum.

QUAESTIO II.

Utrum Penitentia sit virius specialis?

I. **N**OMINE virtutis specialis venit virtus particularis, ac determinata, ab omnibus aliis condistincta, quae ad actus suos ex objecto formali proprio moveatur: dicitur vero virtus generalis illa, quae complectitur virtutes omnes sub aliqua ratione generica, sub qua quilibet ponere potest actum virtuosum ex proprio motivo; sicut animal in genere importat complexum omnium animalium sub ratione communi principii sentiendi, quae diversimode competit singulis animalibus. Propterea virtus Penitentiae esset generalis, si importaret complexum omnium virtutum sub ratione illa generica potentis ponere dolorem de peccatis; quamvis unaquaeque virtus ex motivo proprio detestetur peccata, quae illi opponuntur. Sic de facto praeter inobedientiam, quae est vitium speciale, prout opponitur obedientiae respicienti ex suo proprio motivo formali honestatem in exequendis mandatis superioris, datur etiam inobedientia vitium generale transcendens per omnia vitia, cum unumquodque vitium sit transgressivum voluntatis legislatoris, atque adeo inobedientia: sic etiam praeter iustitiam, quae est virtus specialis respiciens adaequationem iuris alieni, datur iustitia virtus generalis importans complexum omnium virtutum, quatenus unaquaeque fert aliquam adaequationem, sicut quodvis peccatum aliquam inadaequationem; & in hoc sensu dicitur Matth. 3. *Decet nos implere omnes Iustitias*, hoc est omnem virtutem.

Alefiiodorensis, & Major putarunt, Penitentiam esse duntaxat virtutem generalem. Alensis vero esse virtutem specialem relate ad actum punitionis in compensationem delicti, sed esse virtutem quodammodo generalem relate ad odium, & detestationem peccati; quod singulis virtutibus convenit ex proprio motivo.

II. Dico 1. Penitentia dogmatica (hoe est in sensu Conciliorum, & Scripturarum exigentium Penitentiam, seu dolorem de peccatis ad iustificationem) est virtus ge-

neralis, seu complexum omnium virtutum, quatenus unaquaeque ponere potest dolorem de peccatis ex proprio motivo.

Probat. Penitentia ista dogmatica est vel contritio, vel attritio supernaturalis; huiusmodi autem actus ad omnes virtutes pertinent, nempe contritio ad charitatem, attritio ad reliquas; ergo Penitentia dogmatica est virtus generalis. Minor probatur ex Tridentino sess. 14. cap. 4. ubi attritio sufficiens ad iustificationem dicitur esse, quae ex turpitudinis peccati consideratione, vel ex Gehennae, & poenarum metu communiter concipitur. Hic autem dolor supernaturalis ex turpitudinis peccati consideratione a quacunque virtute poni potest. si quis enim doleat v. gr. de furto, aut homicidio ex turpitudine iniustitiae, prout opposita pulchritudini iustitiae supernaturalis ducentis ad Beatitudinem supernaturalem, huiusmodi attritio pertinet ad virtutem iustitiae; & si quis doleat de turpitudine Luxuriae, prout opposita pulchritudini Castitatis supernaturalis, haec attritio procedit ex virtute Castitatis; ergo Penitentia dogmatica ad quaecumque virtutem spectat; atque adeo virtus Penitentiae dogmatica est virtus generalis complectens aggregatum omnium virtutum sub eo conceptu generico, quod possit quilibet detestari peccatum oppositum suo motivo formali ob ejus turpitudinem.

III. Dico 2. Praeter virtutem Penitentiae generalem dogmaticam datur etiam virtus Penitentiae specialis, cuius formale objectum, ut infra ostendemus, est honestas, quae reperitur in retractandis, ac vindicandis Dei offensis. Haec autem dici solet virtus Penitentiae specialis exclusive, quia actus omnes ex hoc motivo formali procedentes uni sibi ipsa vendicat, quin possint aliis virtutibus competere. Ita communiter ex Angelico hic contra nonnullos apud Amicum, docentes virtutem hanc Penitentiae reduci vel ad Charitatem, vel ad Religionem, vel ad Iustitiam.

Prob. Quoties datur speciale motivum virtutis, seu objectum formale honestum, & arduum distinctum a motivo reliquarum virtutum, toties datur specialis virtus ab hoc motivo specificata; sed retractare Dei offensam, detestari, ac vindicare est motivum speciale praefereens honestatem, & arduum condistinctum ab honestate reliquarum virtutum; ergo datur specialis virtus ab hoc motivo specificata: huiusmodi autem est virtus specialis Penitentiae: ergo da-

tur

tur virtus Pœnitentiæ specialis a reliquis omnibus distincta. Major est certa. Minor prob. Quis enim neget, quod odisse, detestari, retractare, ac vindicare in se peccatum, seu Dei offensam, sit quid honestum, & arduum? ergo ponere hos actus ex motivo talis honestatis, est ponere illos ex motivo virtutis specialis.

Quod autem virtus hæc Pœnitentiæ specialis ad nullam aliam virtutem reducat, ostenditur percurrendo illas, cum quibus videtur posse confundi. Et primo motivum Pœnitentiæ, nempe honestas, quæ reperitur in retractanda, & vindicanda in se Dei offensa, non spectat ad charitatem, quippe quæ, cum sit virtus Theologalis, movetur immediate ab ipsa bonitate divina, non vero ab honestate creata, quæ in actibus charitatis reperitur. Neque spectat ad virtutem Religionis, quippe quæ movetur ab honestate creata, quæ reperitur in actibus, quibus divinam excellentiam colimus. Neque demum ad virtutem Justitiæ, quippe quæ movetur ex honestate, quæ reperitur in adæquando jure proprietatis alieno, & in refarciendo illud, si fuerit læsum, quin respiciat primum, & per se retractare offensam alteri irrogatam; ergo motivum virtutis Pœnitentiæ specialis ad nullam aliam virtutem spectat.

Confirm. 1. Præter virtutem Justitiæ commutativæ datur Justitia vindicativa, cujus actus primarius est vindicare injurias civibus illatas; ergo præter Justitiam commutativam, & vindicativam datur etiam virtus Pœnitentiæ, cujus primarius actus est detestari, retractare, & vindicare injurias Deo illatas a se ipso: cum enim detur specialis arduitas in retractandis propriis operationibus, requiritur specialis virtus Pœnitentiæ.

Confirm. 2. Præter virtutem obedientiæ, quæ intendit adæquare jus jurisdictionis residenti in superiore in bonum subditorum, & præter Justitiam commutativam, quæ intendit adæquare jus proprietatis alienum, quod respicit bonum, & commodum proprium, datur etiam, ut notant Valentia, & Sotus, virtus aliqua specialis, quæ intendit satisfacere homini pro injuriis illatis, & refarcire jus læsum, quod habent homines, ne ab aliis offendantur; ergo pariter præter virtutem obedientiæ, & Justitiæ erga Deum, datur virtus specialis Pœnitentiæ, quæ intendit retractare, & vindicare in seipsa offensas Deo illatas, atque adeo refarcire illud jus, quod Deus

habet, ne a nobis offendatur, læsum per peccatum.

Confirm. demum, quia præter Charitatem erga proximum, quæ primario respicit amorem proximi, datur etiam virtus Misericordiæ, quæ primario respicit depellere miseras proximi ex motivo honestatis repetitæ in hac expulsiōe; ergo pariter præter Charitatem erga Deum respicientem primario Dei amorem propter ejus Bonitatem, atque adeo odium offensæ divinæ ex motivo ipsius Bonitatis, datur etiam Pœnitentia, quæ primario respiciat retractationem, & expiationem culpe ex motivo honestatis repetitæ in his actibus. Probatur consequentia. ideo enim misericordia distinguitur a Charitate erga proximum, quia specialis honestas, & arduitas reperitur in propulsanda proximi miseria; quippe quod cum speciali incommodo sit; quod non habetur per actus Charitatis, pure amando Proximum, & odio habendo ejus malum; Atqui pariter specialis arduitas reperitur in retractanda culpa a se commissa, & in illa vindicanda: quæ arduitas non reperitur in actibus Charitatis erga Deum, amando illum, & odio habendo offensas ex motivo divinæ Bonitatis: hic enim actus est suavis, & dulcis; retractatio vero, & vindicatio culpe est actus arduus, & aliquatenus amarus: ergo distinguitur etiam virtus Pœnitentiæ a Charitate erga Deum.

IV. Obje. 1. Virtus Pœnitentiæ non distinguitur a Charitate, si contritio spectans ad Pœnitentiam esset actus proprius Charitatis; sed ita se res habet; ergo. Probatur minor: Contritio est dolor de peccatis propter Deum summe dilectum; atqui hujusmodi dolor elicitur a Charitate, ad quam spectat dolere, & tristi de malis amici, sicut etiam gaudere de ejus bonis; ergo.

Confirm. 1. Actus contritionis extra Sacramentum est saltem ultima dispositio ad deletionem peccati; sed hoc etiam habet actus dilectionis Dei super omnia, etiam præcise dolore formali peccatorum; ergo uterque actus spectat ad Charitatem; unde charitas a Pœnitentia non distinguitur.

Confirm. 2. a priori: quia habitus intendens aliquod bonum consequenter operatur etiam ad destructionem mali oppositi: Ergo Charitas intendendo bonum Dei summe dilecti operatur destructionem peccati; ergo ad charitatem spectat elicere actus pœnitentiæ; unde non datur virtus Pœnitentiæ specialis.

Respond. diversimode peccatum respicit a virtute Theologica charitatis, & a virtute morali Pœnitentiæ. Charitas odit peccatum tamquam malum Deo amato, illudque detestatur; non tamen debet per se peccatum præsupponere, sed potius conatur impedire: contra vero Pœnitentia per se peccatum præsupponit, & respicit illud, ut retractandum, ac tendit in ejus vindicationem, ac destructionem, non ex motivo Dei summe dilecti, aut quia est malum Dei summe boni, (nam sic Pœnitentia esset virtus Theologica, & confunderetur cum Charitate) sed ex motivo creato, vid. propter honestatem, quæ relucet in retractandis, & vindicandis Dei offensis; ita ut bonum vindicabilitatis, seu expiabilitatis peccati, quod est bonum creatum, sit motivum formale virtutis pœnitentiæ specialis, & æquum illius. In forma nego minorem. Ad probationem distingo majorem: contritio perfecta est dolor de peccatis propter Deum dilectum, quæ solum spectat ad Charitatem, seu ad virtutem Pœnitentiæ dogmaticam, concedo: contritio imperfecta, seu attritio, nego majorem, & consequentiam. Actus virtutis Pœnitentiæ, cum non sit actus Theologalis, debet habere pro motivo aliquod creatum, cujusmodi est honestas, quæ reperitur in retractandis, & vindicandis culpis; & ideo primarius actus Pœnitentiæ specialis est detestari, retractare, & vindicare peccata ex motivo ejus honestatis: Actus vero secundarius est amare, ac prosequi hanc ipsam honestatem detestationis peccati; unde hic actus profecutus de se supponit aversativum, seu detestativum: Contra vero aliæ virtutes habent pro primario actu prosecutionem sui objecti formalis, & pro secundario aversionem a malo opposito: v. g. Justitia respicit primario adæquationem juris alieni, & secundario detestatur inadæquationem, ac vult illam destruere per restitutionem: sic etiam Charitas pro primo actu habet dilectionem Dei summe boni, & secundario aversatur Dei offensam, illamque retractat, ac vindicat ex eodem motivo. Hoc expressit Angelicus qu. 85. art. 2. dicens: *Si in actu pœnitentis consideretur sola displicentia peccati præteriti, hoc immediatè ad Charitatem pertinet, sicut & gaudere de bonis præteritis; sed intentio operandi ad deletionem peccati præteriti requirit specialem virtutem sub Charitate. Quare sicut displicentia de malo proximi spectat ad virtutem charitatis erga proximum; displicen-*

tia vero remotiva miseriæ spectat ad misericordiam, quæ est virtus specialis ob specialem arduam, & honestatem, quæ reperitur in removendo malo proximi; ita displicentia de peccato spectat ad Charitatem erga Deum; Displicentia vero retractativa, & vindicativa peccati spectat ad pœnitentiam, quæ est virtus specialis ob specialem arduam, quæ relucet in his actibus.

Ad 1. Confirm. Solum contritio perfecta ex motivo Dei summe dilecti est ultima dispositio ad Gratiâ extra Sacramentum; & probabiliter id convenit contritioni, etiamsi careat amore formali Dei, quod infra discutiemus; Non tamen contritio imperfecta, seu attritio.

Ad 2. distingo secundum consequens: etiam Charitas elicit actum Pœnitentiæ: quatenus Pœnitentia est virtus dogmatica generalis, concedo; quatenus Pœnitentia est virtus moralis specialis, nego consequentiam.

V. Objic. 2. actus proprius virtutis Pœnitentiæ est etiam proprius Religionis; ergo Pœnitentia non distinguitur a virtute Religionis. Probatur antecedens: actus Pœnitentiæ est expiare peccata; sed hoc spectat ad Religionem, quæ per sacrificia, & Sacramenta expiat peccata; ergo.

Confirm. 1. sicut pro beneficiis datur gratiarum actio, ita pro offensis datur vindictio, & compensatio; sed gratiarum actio spectat ad Religionem; ergo etiam Pœnitentia.

Confirm. 2. eadem virtus pietatis, quæ satisfacit Patri pro beneficiis ab eo acceptis, satisfacit etiam pro injuriis eidem irrogatis; ergo eadem virtus Religionis, quæ pro beneficiis a Deo acceptis debetur ei cultum exhibet, etiam pro peccatis satisfacit; ergo ut prius.

Respond. nego antecedens. Ad probationem: offerre sacrificia exhibendo talem cultum Deo ex motivo Divinæ excellentiæ, seu ex motivo honestatis, quæ relucet in tali actu, spectat ad virtutem Religionis; At velle hujusmodi sacrificium ordinare ad culpam expiandam, est actus secundarius Pœnitentiæ: sic etiam Sacramentum, prout est talis Dei cultus per tales ceremonias, spectat ad Religionem; prout vero includit dolorem de peccatis, spectat ad Pœnitentiam. Non repugnat autem, quod una virtus cum subordinatione ad aliam concurrat ad aliquem effectum, ad quem requiratur actus utriusque virtutis.

Ad

Ad 1. confirm. compensatio pro peccatis ex motivo proprio Religionis, videlicet ob recognitionem excellentie divinæ, spectat ad Religionem; compensatio vero pro peccatis ex motivo proprio Pœnitentiæ, videlicet quia honestum est detestari, & compensare offensas Deo irrogatas, spectat ad Pœnitentiæ.

Ad 2. concedo, quod ex motivo Religionis possumus velle satisfacere pro offensis divinæ excellentie irrogatis; hic tamen actus consequitur ad actum primum Religionis, qui est prosecutivus divini cultus: At velle satisfacere pro offensis Deo irrogatis ex motivo honestatis, quæ relucet in detestatione, & vindicatione culparum, spectat ad pœnitentiæ, cujus primum actus est averfivus, & detestativus peccati, quod præsupponit naturâ suâ: similiter velle satisfacere pro offensis Patri irrogatis spectat ad pietatem, si id fiat ex motivo proprio pietatis, quod est honestas, quæ relucet in obsequendo Parentibus; spectat vero ad virtutem illam specialem, quæ ex Valentia, & Soto intendit satisfacere injuriis alteri illatis, si procedat ex motivo talis honestatis: spectat denum ad virtutem Pœnitentiæ, si procedat ex motivo hujus virtutis.

VI. Objic. ultimo: actus Pœnitentiæ spectant ad virtutem Justitiæ commutativæ; ergo Pœnitentia juxta sententiam Durandi, Suarii, Martini Perez, & aliorum non distinguitur a virtute Justitiæ. Probatur antecedens: ad Justitiâ spectat scribare jus Dei illæsum, & reparare læsum; hoc autem præstat Pœnitentia, quæ reparat jus Dei læsum per culpas, & consequenter impedit, ne lædatur; ergo spectat ad virtutem Justitiæ.

Confirm. Tam Justitiâ vindicativa tendit ad vindicandas culpas, quam Pœnitentia; ergo saltem virtus Pœnitentiæ identificatur cum Justitiâ vindicativa.

Respond. Justitiâ commutativam respicere prosecutivè jus proprietatis divinum, non vero jus offensæ, nec præsupponere per se læsionem talis juris; sed solum impedit, ne lædatur, & reparat, si per accidens supponatur læsum, idque ex motivo honestatis, quæ relucet in adæquando jure proprietatis divino: contra vero pœnitentia respicit averfivè, & primario injuriâ Dei offensæ, ita ut per se illam præsupponat; & simul intendit reparare jus divinum, ne offendatur, læsum, ex motivo honestatis, quæ reperitur in detestanda, & vindicanda Dei of-

Parti VIII.

fensa; sicut licet charitas erga proximum respiciat prosecutivè bonum proximi, nec præsupponat ejus malum propulsandum; virtus tamen misericordiæ respicit averfivè, & primario miseriam proximi, quam intendit sublevare. Pariter inter homines, ut diximus ex Valentia, & Soto, alia est virtus justitiæ, quæ intendit adæquare jus proprietatis alienum, & alia est virtus illa specialis innominata, quæ intendit satisfacere homini pro injuriis illatis. Et ratio horum omnium a priori est, quia relate ad hos actus datur specialis honestas, & arduitas; ergo dari debet specialis virtus.

Ad confirm. Justitiâ vindicativa non tendit ad detestationem, retractationem, aut emendationem culparum, sed primario in penam iis commensurata; Pœnitentia vero primario tendit in detestationem, & emendationem culparum, secundario in vindicationem.

VII. Ex dictis sequitur primo, virtutem pœnitentiæ specialem non esse virtutem Theologicalem, sed moralem, ut est v. gr. Justitiâ, Religio, Obedientiâ. Ratio est, quia non movetur immediate a Deo tanquam a formali motivo, ut tres virtutes Theologicae, sed ab honestate creata actus, licet ad Deum terminati. sicut enim Religio, quia non movetur ab excellentia Dei, sed ab honestate cultus ad Dei excellentiam terminati, ideo est virtus moralis; ita pœnitentia, quia non movetur ad detestandum peccatum a bonitate divina, prout præstat charitas, sed ex motivo honestatis repetit in detestanda, & vindicanda Dei offensâ, ideo pariter est virtus moralis.

Sequitur secundo, virtutem pœnitentiæ per se præsupponere culpam, & ideo primarius ejus actus est averfivus culpæ præsuppositæ, secundario vero est prosecutivus honestatis, quæ relucet in retractanda culpa: sicut diximus de virtute justitiæ vindicativæ, quæ per se præsupponit delictum, & de virtute misericordiæ, quæ per se præsupponit miseriam proximi. Ubi e contra virtus charitatis, obedientiæ, justitiæ, & similes habent pro actu primario prosecutionem sui objecti formalis, & pro secundo averfionem a malo opposito suo ob-
cto formali.

QUÆSTIO III.

*Utrum Penitentia sit virtus pura
Fugæ?*

I. **A**ctus puræ fugæ dicitur ille, qui pure averfatur malum, nullatenus proficundo bonum illi oppositum; virtus vero puræ fugæ dicitur illa, quæ solum inclinatur ad actus puræ fugæ. Unde nullus ejus actus est profectivus alicujus bonitatis, seu honestatis objectivæ. Quæritur nunc, an virtus Penitentia sit hujusmodi, ita scilicet ut omnes Penitentia actus sint fuga, seu averfio, ac odium peccati, nullus vero sit profectio honestatis repetitæ in detestatione, ac retradatione peccati?

II. Dico 1. Dari potest actus puræ fugæ, seu pure averfivus mali, quin sit formaliter profectivus boni oppositi. Ita communius ex D. Thom. prima secundæ q. 29. art. 1. contra Lugo disp. 1. de Penit. sect. 2. Salas in prim. secundæ tract. 9. disp. 3. & alios.

Prob. Potest in voluntate dari actus pure profectivus boni, quin sit formaliter averfivus mali oppositi; ergo & actus puræ fugæ. Antecedens admittitur. Bonum enim secundum se habet sufficientem rationem amabilitatis, atque adeo amari potest absque respectu ad malum. Negatur ab Adversariis consequentia, putant enim non posse voluntatem fugere a malo, nisi quia trahitur a bono opposito, unde illud formaliter profectitur, dum averfatur malum. Probatur itaque consequentia: non minus bonum habet ratione sui sufficientem amabilitatem, unde trahatur, & alliciat, quam malum habeat ratione sui odibilitatem, unde displiceat; ergo sicut potest voluntas pure proficui bonum, ita potest pure averfari malum.

Confirm. experientia. diversimode enim se habet voluntas, dum amat, ac dum odit. Amor enim est dulcis, & placet, odium est asperum, & displicet; sicut gaudium dilatat cor, tristitia conftringit; propterea odium v. gr. tenebrarum, morbi, mortis, cum sit asperum, & displiceat, non potest ullo pacto dici, quod sit Amor Lucis, sanitatis, viræ formaliter, sed solum est amor virtualiter, quatenus voluntas ex odio tenebrarum determinari facile poterit ad amorem formalem Lucis.

III. Obijciunt 1. objectum voluntatis est bonum; ergo nequit voluntas verari nisi circa bonum, ita ut etiam quando averfatur malum, amet bonum oppositum; ergo quavis dari possit actus pure profectivus, nequit tamen dari actus puræ fugæ.

Confirm. Intellectus etiam dum negat falsum, affirmat formaliter verum oppositum; cum objectum intellectus sit verum; v. gr. dum negat dari tenebras, affirmat dari lucem; ergo ut supra.

Resp. voluntatem habere pro objecto tam bonum per actus profectivos, quam malum per averfivos, ut constat experientia, & ex Angelico quæst. 8. art. 1. ubi habet: *eadem potentia est oppositorum, ut visio est Albi, & Nigri, tactus calidi, & frigidi &c. Et sic voluntas se habet ad bonum, & malum, ad bonum quidem appetendo, ad malum averfendo.*

In forma diit. antecedens: objectum voluntatis, inquantum profectivæ, est solum bonum, concedo; inquantum profectivæ, & averfivæ, nego antecedens, & consequentiam.

Ad confirm. varii varia. Equidem cum Martinonio cenfeo, eodem modo philosophandum de intellectu, ac de voluntate; ita ut sicut in voluntate dari potest actus puræ fugæ, ita in intellectu purus dissensus, qui solum virtualiter, non formaliter sit assensus objecti oppositi; unde dari potest tam actus pure affirmativus, dicens v. g. datur Lux, quam pure negativus, dicens, Non datur tenebræ: sicut potest etiam Intellectus per actum pure affirmativum dicere, Datur tenebræ, & per pure negativum dicere, Non datur lux; sic potest etiam intellectus per actum affirmativum dicere, Datur distinctio inter hominem, & lapidem, & per negativum dicere, non datur identitas inter istos; quamvis enim hujusmodi propositiones videantur vocetenus differre, potest tamen utraque sive per actum pure negativum, sive per affirmativum enunciar: & eodem modo potest voluntas per actum profectivum velle ambulationem, & per actum fugæ nolle quietem.

Dices: propter quod unumquodque tale, & illud magis; ergo si intellectus judicat hominem v. g. non esse lapidem propter motum quod relucet, quia scilicet sunt distincta, debet etiam affirmare hanc distinctionem; unde non datur purus dissensus.

Resp. si Argumentum probaret, evinceret, quod distinctio deberet etiam negare;

ri, non affirmari, quia propter distinctionem negatur hominem esse lapidem. Quare sicut intellectus propter cognitionem bonitatis v. g. amat bonum, & non proinde debet amare magis aut illatenus ipsam cognitionem; quippe quæ est conditio, & non vis transiendens amabilitatem objecto amato: ita intellectus negat hominem esse lapidem propter distinctionem, quam videt, tanquam propter conditionem prærequisitam; unde non debet illam affirmare, aut negare.

IV. Obijciunt 2. Omnes actus voluntatis sunt propter finem ultimum, quod est prius volitum, & propter quod cætera bona amantur; ergo nullus actus voluntatis est pure fugæ.

Confirm. 1. quia qui odit malum, odit illud ex amore suum: ergo repugnat purum odium. Secundo, quia ex Augustino malum est privatio boni debiti; ergo qui non vult alicui malum, non vult illi privationem boni, atque adeo vult bonum; unde actus non est pure fugæ.

Resp. actum voluntatis esse propter ultimum finem saltem interpretative, non vero formaliter: qui enim vult aliquod bonum particulare, seu carentiam mali, censetur a fortiori velle beatitudinem, seu cumulum omnis boni; atque adeo solum virtualiter, aut interpretative amat ultimum finem.

Ad primam confirmationem: quamvis sæpe odium mali conjungatur cum amore subjecti, cui malum illud nolumus: sæpe tamen pure odio habemus vitium secundum se, puta superbiam, luxuriam, quin formaliter amemus ullum subjectum, cui potest tale malum inesse. Adde: quamvis nolumus ægritudinem v. g. Petro, non per hoc debemus Petrum amare actu profectivo; satis enim est, quod illi nolumus malum.

Ad secundam: præter malum negativum consistens in privatione boni, datur etiam malum positivum, puta error, Febris, dolor, peccatum, quæ possumus alteri nolle actu pure fugæ; Immo ipsam etiam boni debiti privationem possumus actu pure fugæ alteri nolle.

V. Dico 2. Impossibilis est virtus pure fugæ: atque adeo penitentia non est huiusmodi.

Prob. Impossibilis est virtus pure profectiva alicujus honestatis objectivæ, quin simul sit averfativa mali oppositi illi honestati; ergo pariter impossibilis est virtus

pure averfativa alicujus mali præsuppositi, quin simul sit profectiva alicujus honestatis objectivæ repetitæ in averfatione illius mali: unde repugnat virtus pure fugæ. Antecedens probatur; quia omnis bonitas objectiva, quæ ratione sui est amabilis, sicut tribuit amabilitatem medius ad illam conducendum, ita tribuit odiositatem malo opposito, utpote destruenti eam bonitatem; ergo omnis virtus, quæ potest proficui aliquam bonitatem, seu honestatem objectivam, potest etiam elicere tum actus profectivos mediis ad illam conducendum, tum averfivos mali oppositi illi honestati. E. g. honestas temperantiæ, quæ est motivum formale virtutis temperantiæ, movet etiam ad odio habendam intemperantiæ, cum eadem honestas, & arduitas sit in profecunda temperantiæ, & in averfanda intemperantiæ: atque adeo repugnat virtus pure profectiva; Præsertim quia omnis amor alicujus boni est virtualiter odium mali oppositi; unde virtus, quæ inclinat ad profecutionem alicujus honestatis, inclinat etiam ad averfandam inhonestitatem oppositam.

Prob. nunc consequentia, quod scilicet repugnet pariter virtus pure fugæ: sicuti enim omnis bonitas, seu honestas objectiva tribuit odiositatem malo opposito: ita omnis inhonestas, seu malitia objectiva trahit amabilitatem bonitatis oppositæ; ergo sicut quælibet virtus profectiva alicujus honestatis inclinat etiam ad actus averfantes malum oppositum, ita virtus averfativa alicujus inhonestatis inclinat etiam ad actus profectivos bonitatis oppositæ; præsertim quia fuga a malo est virtualiter amor boni oppositi; ergo repugnat virtus pure fugæ, quæ solum inclinet ad actus averfativos.

Confirm. Quælibet virtus, quæ inclinat ad actus directos, inclinat etiam ad reflexos, nec non ad secundo, & tertio reflexos in infinitum; tum quia non reperitur nova arduitas in actibus reflexis, qui versantur circa idem objectum, circa quod versantur directi; tum etiam quia aliter deberent dari virtutes infinitæ: ver. gr. virtus temperantiæ, quæ inclinat ad actus directos profectivos temperantiæ, & averfativos intemperantiæ, inclinat etiam in actum reflexum profectivum honestatis formalis, quæ reducitur in actum directo profectivo temperantiæ; ergo pariter virtus averfativa alicujus mali, ut Misericordia, Justitia vindicativa, Penitentia, Fortitudo

&c. ita tendunt averſive in obiectum nialum, ut tendant etiam proſecutive in a-
ctus reflexos relate ad idem obiectum; er-
go nulla virtus eſt puræ fugæ. Ratio a
priori eſt, quia quoties duo actus reſpiciunt
idem motivum formale, vel unus eſt vir-
tualiter alter, toties uterque pertinet ad
eandem virtutem, cum eadem honeſtas,
& arduitas reperitur in utroque; ſed i-
ta ſe habent actus v. g. proſecutivus tem-
perantiæ, & averſivus intemperantiæ,
nec non actus primarius Penitentia aver-
ſivus, & retractivus culpæ, & actus
proſecutivus honeſtatis formalis, quæ re-
lucet in retractanda culpa præterita; ergo
iſti actus ad eandem virtutem ſpectant: unde
Penitentia non eſt virtus puræ fugæ.

VI. Dico 3. Dari poteſt virtus, quæ pri-
mo, & per ſe tendat ad malum: unde o-
mnis primarius actus ſit actus fugæ, & hu-
juſmodi eſt virtus Penitentia.

Prob. prima pars auctoritate Angelici in
4. diſt. 14. q. 1. ubi docet, aliquas eſſe vir-
tutes, quæ principalem actum habent in
retrahendo ab aliquo: & 2. 2. q. 19. art. 9.
ad ſecundum dicit, principale obiectum
timoris eſſe malum, quod quis refugit. I-
demque docet Bonav. in 4. diſt. 14. & hoc
patet in virtute Miſericordia, quæ pri-
mario averſatur, & expellit alienas miſer-
tias; in virtute Fortitudinis, quæ primario
contemnit pericula; in virtute Juſtitia vindica-
tiva &c. Et ratio a priori eſt, quia vir-
tus, & ars, ut docet Philoſophus 2. eth.
5. ſunt circa difficile: ergo ubi peculiaris
difficultas, ibi poteſt eſſe peculiaris virtus,
aut ars; ſed poteſt in actibus averſivis ali-
cujus mali eſſe peculiaris difficultas; ergo
relate ad hos actus fugæ dari poteſt virtus
peculiaris, quæ primario circa malum ver-
ſetur averſive.

Prob. ſecunda pars, quod ſcilicet huiusmo-
di ſit Penitentia: Hæc enim virtus dire-
cte tendit circa nialum, nempe circa Dei
offenſam, deteſtando, retractando, ac vindic-
cando illam cum ſpe veniæ, non ſecus ac
Miſericordia verſatur circa malum Proxi-
mi, odio habendo, & expellendo illud; er-
go virtus Penitentia per ſe tendit ad ma-
lum, ejuſque primarius actus eſt fugæ.

VII. Objic. 1. Voluntas primario tendit
proſecutive in bonum, & ſecundario aver-
ſive in malum; ergo ſimiliter habitus vir-
tutis, cum habitus imitetur naturam ſuæ
potentiæ; ergo non datur virtus, cujus pri-
marius actus ſit fugæ.

Confirm. Id eo deteſtamur aliquod malum,

puta morbum, quia amamus bonum oppo-
ſitum, puta ſanitatem; ergo omnis virtus,
quæ averſatur malum, primario fertur pro-
ſecutive in bonum.

Confirm. 2. Omnis virtus intellectualis
primario fertur in verum per aſſenſum, &
ſecundario in falſum per diſſenſum; ergo
etiam virtus voluntatis primario fertur in
bonum: Propterea ſicut ſcienſia per hoc,
quod tendat in verum, impedit, & tollit
errores; ita virtus moralis, per hoc quod
tendat in bonum, impedit, & tollit pec-
cata.

Reſp. Habitus non imitari in omnibus
naturam potentiæ; ſicut nec actus imitan-
tur in omnibus naturam habitus. Quate
ſicut dantur actus puræ fugæ, quin dentur
habitus puræ fugæ; ita dantur virtutes mo-
rales per ſe tendentes per fugam in ma-
lum, quamvis voluntas primario tendat in
bonum. Ratio eſt, quia habitus multiplican-
tur pro varietate difficultatum: ſecus
vero potentiæ; unde cum dari poſſit ſpe-
cialis difficultas in fuga a malo, puta in
retractanda, & vindicanda Dei offenſa,
ideo datur virtus primario tendens in ma-
lum per actum fugæ.

Ad 3. confirm. antecedens eſt falſum,
 præſertim ſi malum non ſit privativum,
ut ignorantia, cæcitas, carentia brachii,
&c. ſed poſitivum, ut error, dolor, feb-
bris, & in ſententia probabiliori peccatum.
Non enim ideo averſamur huiusmodi ma-
lum, quia amamus bonum oppoſitum, ſed
potius vice verſa, ideo v. gr. amamus ca-
rentiam morbi, quia averſamur morbum;
ſicut e contra non ideo amamus ſapientiam,
quia averſamur ignorantiam, ſed po-
tius averſamur ignorantiam, quia amamus
ſapientiam.

Ad 2. Virtus intellectualis fertur tam in
verum per aſſenſum, quam in falſum per diſ-
ſenſum; quia tamen intellectus non rapitur
ad amplectendum falſum, ſicut volun-
tas rapitur ad amplexum obiecti delectabi-
lis turpis, hoc eſt ad peccatum; ideo non
datur in intellectu ſpecialis virtus, quæ
per ſe ſupponat falſum, ſeu errorem reſ-
puendum; ſicut datur virtus moralis, quæ
per ſe reſpiciat peccatum ut expiandum.

VIII. Objic. 2. virtus Penitentia pri-
mario fertur proſecutive in bonum oppoſitum
malo, quod deteſtatur, nempe in adæqua-
tionem juris Divini oppoſitam offenſa,
qua læditur jus Divinum; ergo actus pri-
marius Penitentia eſt proſecutivus. An-
tecedens probatur tum paritate aliarum vir-
tu-
tu-

rutum iustitiæ, obedientiæ, &c. quæ primario tendunt prosecutive in adæquationem juris Divini; tum a priori, quia odium mali nascitur ex amore boni oppositi.

Resp. nego antecedens. Ad probationem: disparitas inter Pœnitentiam, & virtutem iustitiæ, obedientiæ, &c. est, quia Pœnitentia per se supponit peccatum; sicut misericordia miseriam proximi, quæ proinde a D. Thom. 2.2. qu. 30. dicitur ex August. quod sit *Aliena miseriam in nostro corde compassio, quæ, si possimus, subvenire compellimur*; & ideo primarius harum virtutum actus est averfivus. Idemque dicas de virtute illa innominata, quæ datur per Valent. ad satisfaciendum injuriis hominibus illatis: Sicut autem diversa est virtus gratitudinis a virtute iustitiæ, obedientiæ, &c. quia gratitudo per se supponit beneficium, & respicit jus benefactoris ad compensationem, non vero jus proprietatis, aut jurisdictionis; ita diversa est virtus Pœnitentiæ a virtute iustitiæ, obedientiæ, &c. quia illa per se supponit offensam, & respicit jus Divinum, ne offendatur, non vero jus proprietatis, aut jurisdictionis: Cum autem detur specialis difficultas in adæquandis his iuribus, ideo datur specialis virtus.

Ad rationem a priori respondeo cum A. lenfi, quod licet bonum præcedat malum, & amor odium, non idcirco virtus eliciens actum odii debet etiam habere actum amoris primarium, cum sufficiat quod amor præcedens odium spectet ad aliam virtutem: Sic ex Augustino actus amoris præcedit natura actum timoris, nec propterea virtus eliciens actum timoris prius elicit actum amoris. Quare nec Pœnitentia prius elicit actum prosecutivum innocentie, & secundario actum doloris de peccato commissio, cum sufficiat, si ad charitatem, seu ad iustitiam erga Deum spectet, prosequi carentiam offensæ Divinæ, & ad charitatem erga se ipsum, prosequi innocentiam; ad Pœnitentiam vero spectet retrahere, & dolere de peccatis commissis: Et recurrit ratio a priori, quia scilicet ad hos actus eliciendos reperitur specialis adivitas.

IX. Objic. ult. eadem virtus iustitiæ, quæ inclinat ad non furandum, inclinat etiam ad restituendum, seu ad reparandum jus læsum; & tamen virtus iustitiæ primario tendit prosecutive in honestatem, quæ reperitur in adæquando jure alieno; ergo idem dicendum de virtute Pœnitentiæ, etiam distingueretur a virtute iustitiæ.

Confirm. Eadem virtus charitatis, quæ primario tendit ad Dei dilectionem, tendit averfivè ad peccatum retrahendum ex eodem motivo bonitatis Divinæ; & ideo contritio perfecta elicitivè est a charitate, & solum contritio imperfecta imperatur a charitate; ergo idem dicendum de virtute morali Pœnitentiæ.

Resp. nego consequentiam. Iustitia commutativa respicit diversum jus a virtute Pœnitentiæ, Obedientiæ, Religionis, &c. & præterea Pœnitentia supponit essentialiter læsum jus Dei, ne offendatur, non solum ac gratitudo essentialiter supponit beneficium, ac respicit jus, quod est in benefactore ad compensationem beneficii, quod est diversum a jure, quod respicitur a iustitia, obedientia, &c. & ideo primarius actus Pœnitentiæ est averfivus.

Ubi duo sunt advertenda. Primum est, idcirco non dari duplicem virtutem iustitiæ, alteram quæ primario respiciat prosecutive adæquationem juris alieni, & inclinet ad non furandum, alteram, quæ respiciat averfivè jus alienum læsum, & inclinet ad restituendum, quia non reperitur in utroque hoc actu diversa specie difficultas. quamvis enim major sit difficultas ad restituendum, quam ad non furandum, sicut major est ad restituendum 1000. quam 10. istæ tamen difficultates non sunt diversæ; cum universum magis, & minus non varient speciem. At diversa specie difficultas reperitur in retrahenda culpa, quam in non peccando; sicut diversa est difficultas in sublevanda miseria proximi, & in non lædendo proximum; & ideo ad hos actus requiruntur diversæ virtutes.

Alterum est, quod licet disputetur, num iustitia commutativa, distributiva, legalis, & vindicativa sint species, seu partes subjektivæ iustitiæ, an vero sint partes potestativæ hujus virtutis, seu dicentes tantum analogiam ad iustitiam? in omnium tamen sententia Religio, Obedientia, Fidelitas, Veracitas, Gratiitudo, & omnes aliz virtutes ad alterum dicuntur partes potestativæ iustitiæ; & hujusmodi est Pœnitentia.

Ad confirm. nego consequentiam. Disparitas est eadem, quia scilicet major illa difficultas, quæ reperitur in contritione perfecta, quam in dilectione Dei, est intra eandem speciem, & ideo spectat ad eandem virtutem. At diversa omnino est diff-

difficultas, quæ reperitur in retractanda culpa ex motivo honestatis creatæ, quæ in hoc actu reperitur; & talis actus non consequitur ad ullum actum prosecutivum, qui per se respiciatur a virtute Penitentia; & ideo dispar ratio.

X. Adde ex P. Thyrso Gonzalez, quod virtus Penitentia per se ferri debeat ad retractandam culpam cum spe veniæ, eo quod Penitentibus post peccatum, non vero iustis ante commissum peccatum promittitur a Deo condonatio; ergo essentialiter Penitentia supponit peccatum. Unde non potest primario ferri prosecutive in carentiam peccati, sed ferri aversive per actum primarium fixæ in culpam, detestando, retractando, & vindicando illam.

QUÆSTIO IV.

De objecto formali, & subiecto virtutis Penitentia.

I. **C**irca objectum formale, seu motivum ad detestandum, ac retractandum peccatum, varix sunt sententia. Prima Scotistarum, qui cum Scoto in 4. dist. 14. q. 2. docent, objectum formale Penitentia esse peccatum ut vindicabile, seu vindicabilitatem peccati; atque adeo putant Penitentiam esse quandam iustitiam vindicativam, qua peccator, tanquam Dei minister, punit in se offensam factam Deo, juxta illud August. relatum dist. 3. can. 4. *Penitentia est quaedam dolentis vindicta puniens in se, quod dolet commississe.* Et huc recidit opinio Aureoli in 4. dist. 4. dicentis, objectum Penitentia esse poenam, ut commensuratam culpæ.

Sed communiter rejicitur, quia Penitentia non spectat ad iustitiam vindicativam. hæc enim primario tendit in vindicandam offensam; Penitentia vero in retractandam, & emendandam illam. Adde, quod si Deus in poenam peccati noluisse contritionem, sed v. gr. jejunium, qui jejunaret, vindicaret peccatum, non tamen illum poeniteret; ergo Penitentia non coincidit cum iustitia vindicativa. Et sane ideo Penitentia non coincidit cum charitate, quæ pariter dolet de peccato, quia primarius actus charitatis non est dolere de peccato, sed amare Deum; ergo quia primarius actus Penitentia non est vindicare peccatum, sed illud retractare, ac emendare, ideo Penitentia non coincidit cum iustitia vindicativa, quæ

primario intendit satisfactionem delinquentis, ne lædatur bonum publicum, & legum observantia precat. Quare dum Augustin. dicit Penitentiam esse vindictam, solum vult, quod Penitentia etiam tendat ad peccatum vindicandum, quamvis non primario. Ideo, ut notat D. Thom. 3. p. qu. 85. art. 3. vindicta diversimode attingitur ab utraque virtute. Penitentia enim vindicat offensam in ordine ad reparandam amicitiam cum Deo; & iustitia vindicativa vult illam propter bonum publicum, ne languescat legum observantia.

Secunda sententia est Suarii, Gonetii, & aliorum docentium, objectum formale Penitentia esse jus Divinum læsum, ut reparabile per satisfactionem, & compensationem; unde docent, Penitentiam identificari cum virtute iustitiæ, quæ de se respicit adæquationem juris alieni.

Sed hæc etiam rejicitur, quia Penitentia per se respicit malum, habetque primarium actum fugæ, ac detestationis peccati, quod natura sua præsupponit, secus vero iustitia. Adde, quod si posset Penitentia identificari cum iustitia, quæ intendit reparare jus Divinum proprietatis læsum, non esset ratio, cur non dicatur identificari cum obedientia, quæ intendit reparare jus Divinum jurisdictionis læsum, aut cum Religione, &c.

Tertia sententia est Cardinalis de Lugo putantis, objectum Penitentia esse bonum pacis cum Deo, qui sicut culpa offenditur, ita Penitentia placatur: propterea docet Penitentiam ideo detestari peccata, quia intendit, & prosequitur hoc bonum pacis.

Sed neque hæc arridet. Primo, quia si Deus voluisset pro contritione v. gr. jejunium ad conferendam peccatori reconciliationem, & pacem, peccator jejunando, & non detestando peccata diceretur elicere actum Penitentia, quia intenderet pacem cum Deo; unde eliceret actum Penitentia, & non poeniteret; quod nemo dixerit. Secundo, quia videtur confundi objectum formale cum fine Penitentia; siquidem finis Penitentia est pax cum Deo, sed objectum est peccatum, ut detestabile, ut advertit D. Thom. in 4. dist. 14. qu. 7. docens, a virtute charitatis imperari ordinari actum Penitentia ad Deum, ut ipsi peccator reconcilietur.

Quarta docet, Penitentiam pro objecto habere honestatem compensationis, seu satisfactionis pro offensa, ita ut poeniteret,

& dolere non pertineant ad Pœnitentiam elicitive, sed imperative; quatenus quia Pœnitentia vult Deo satisfacere, ideo imperat virtuti charitatis dolorem de peccato, seu contritionem.

Sed contra est, quia ad Pœnitentiam spectare debet elicitive, non impetrative actus pœnitendi, & dolendi; non secus ac ad ipem actus sperandi, & ad charitatem actus amandi; ergo Pœnitentia pro primario objecto habere debet honestatem dolendi, & pro secundario honestatem compensandi.

II. Dico quidem cum Angelico loco laudato, & 3. p. qu. 85. objectum formale Pœnitentiz esse honestatem, quæ reperitur in detestando, retractando, vindicando, & expiando peccatum, inquantum est Dei offensâ; ut proinde primario Pœnitentia tendat in Dei offensam per actus fugæ, & secundario tendat reflexe actû prosecuted in honestatem talis detestationis, ac retractionis.

Prob. Hujusmodi objectum formale sic constitutum habet suam specialem honestatem, & arduitatem; ergo spectat ad virtutem aliquam specialem: sed nonnisi Pœnitentiz; ergo virtus Pœnitentiz habet hoc formale objectum, videlicet peccatum ut detestandum, retractandum, & expiandum, inquantum est Dei offensâ. Ubi notandum, quod cum retractari non possit nisi actus proprius, & difficultas specialis reperitur in peccato proprio retractando, contemnendo illecebras, & blandimenta, quæ homo expertus est peccando; ideo Pœnitentia versatur immediate in peccatum ut a se commissum, non vero in peccatum secundum se.

III. Objic. 1. Si Pœnitentia haberet pro formali objecto peccatum ut detestandum, ac retractandum, inquantum est Dei offensâ, Pœnitentia confunderetur cum charitate, cui pariter id convenit; sequela non adimititur; ergo &c.

Confirm. a priori, quia ubi non datur nova difficultas, non requiritur virtus specialis; Atqui posito, quod quis Deum amet super omnia ex motivo charitatis, non reperitur nova difficultas ad detestandum, aut retractandum peccatum, quod apparet offensâ, & malum Dei; ergo ad retractandum peccatum, inquantum est Dei offensâ, non requiritur virtus Pœnitentiz distincta a charitate; atque adeo si datur hæc virtus, habet aliud objectum formale.

Resp. nego sequclam. Ad charitatem enim spectat retractatio peccati tanquam a-

ctus secundarius, idque ex motivo bonitatis increate, seu quia peccatum est offensâ, & malum Dei summe boni; Ad Pœnitentiam vero spectat retractatio peccati tanquam actus primarius, & ex motivo honestatis create, quæ reperitur in retractanda offensâ Divinâ; unde Deus in recto est motivum formale virtutis Theologalis; virtutis vero moralis Pœnitentiz motivum formale respicit Deum in obliquo.

Ad confirm. Unaquæque virtus potest elicere tam amorem erga honestatem sui objecti, & odium de peccato illi opposito, quam etiam retractionem talis peccati ex eodem motivo, ut diximus quæstione superiore. Quare non solum charitas potest Deum amare, ac peccatum odisse, detestari, & retractare ex motivo Divinæ bonitatis, sed etiam iustitia v. gr. potest amare adæquationem juris alieni, & peccatum huic oppositum, puta furtum, odisse, & retractare ex motivo turpitudinis furti, propter oppositum motivo iustitiæ; quia ad eliciendos hos actus non reperitur specialis difficultas; At ad retractandum peccatum, inquantum est Dei offensâ ex motivo adducto Pœnitentiz, reperitur difficultas specialis; ergo dari debet virtus Pœnitentiz specialis respiciens hoc objectum formale.

IV. Objic. 2. Si quis Deum amet super omnia, & recordetur peccati commissi, statim determinatur ad detestandum, ac retractandum illud, inquantum est Dei offensâ; ergo retractare peccatum, ut est offensâ Dei, non est motivum formale Pœnitentiz, sed charitatis.

Confirm. Qui amat Deum ex motivo bonitatis increate, potest simul amare reflexe ipsum amorem Dei, non solum ob Divinam bonitatem illi quodammodo transfusam, sed etiam ob honestatem creatam, quæ in tali amore reflexo relucet; & sic pariter amare potest amorem talis amoris reflexi, reflectendo in infinitum: omnesque isti actus reflexi spectant ad eandem virtutem Theologicam charitatis; tum quia ad amandos hos amores non reperitur specialis arduitas; tum etiam quia aliter darentur infinitæ virtutes, sicut infiniti sunt amores reflexi possibiles; ergo sicut charitas amat Deum ex motivo increato, & amat etiam amorem Dei ex motivo creato; ita vice versa Pœnitentia, quæ retractat peccatum ex motivo creato honestatis, quæ in hac retractione relucet, poterit etiam illud retractare ex motivo increato Dei offensâ; & consequenter nisi assignetur aliud moti-

motivum formale Pœnitentiæ, confunditur hæc virtus cum charitate.

Resp. quod Deum amans si recordetur peccati commissi, poterit illud retractare tum actu contritionis elicitio charitate, tum actu attritionis, qui elicitive sit a Pœnitentiâ, & imperative a charitate, sicut enim Deum amans determinatur ad observantiam omnium præceptorum, huiusmodi tamen observantia ad charitatem solum imperative spectat, elicitive vero ad alias virtutes, quas præcepta respiciunt, v. gr. cultus Dei ad Religionem, honor parentum ad Pietatem, &c. cum enim in observantia horum præceptorum detur specialis arduitas, ob quam sæpe homo detestatur ab amando Deum, ideo requiruntur alie virtutes distinctæ a charitate ad præceptorum observantiam, ad quam charitas determinat: ita prorsus in retractando peccato ex motivo Pœnitentiæ reperitur specialis arduitas, ob quam aliquando homo desistit ab amando Deum: & idcirco requiritur hæc specialis virtus, quæ hanc difficultatem expugnet. Hinc virtus Pœnitentiæ requirit in suis actibus insurrectionem animi adversus hanc difficultatem: unde ponitur in parte appetitus irascibilis, non in concupiscibilis, ut advertit Bonav. in 4. dist. 4. qu. 1. dicens, Pœnitentiam esse odium cum insurrectione, atque adeo esse speciem iræ: sicut enim ira est tristitia quædam cum insurrectione in malum omnino depellendum; ita attritio ex motivo pœnitentiæ est tristitia quædam cum insurrectione in peccatum ut omnino delendum; eo modo, quo actus misericordiæ est tristitia de miseria proximi cum insurrectione ad illam expellendam; atque adeo sicut actus misericordiæ est solum imperative, non elicitive a charitate erga proximum; ita actus Pœnitentiæ est imperative tantum a charitate erga Deum.

Ad confirm. nego consequentiam. Disparitas est, quia virtus, quæ potest plus, potest etiam minus intra eandem speciem; unde virtus charitatis, quæ potest amare Deum ex motivo increato, potest etiam amare reflexe Dei amore etiam ex motivo honestatis creatæ, quæ in eo relucet, cum arduitas non sit diversa: At virtus, quæ potest minus, non eatenus potest plus; & ideo virtus moralis pœnitentiæ, quæ potest retractare peccatum ex motivo creato, non potest illud retractare ex motivo increato; sicut virtus Religionis non potest ex motivo increato excellentiæ Divinæ

velle cultum Dei. Huiusmodi enim actus, ut notat Suarez, ad charitatem spectant, si ex motivo increato procedant.

V. Quod attinet ad subiectum virtutis Pœnitentiæ infusæ, dicendum, illam esse in iis subiectis, in quibus inest gratia habitudinalis, & simul capacia sunt elicendi aliquem actum talis virtutis, videlicet aut actum detestationis peccati trahentis de se dolorem, & displicentiam, aut ipsum actum doloris de peccato, ac desiderio de eo vindicando: non enim necesse est, quod subiectum Pœnitentiæ possit proxime omnes actus huius virtutis elicere, sed sufficit, quod possit aliquos saltem præcipuos: quod ex eo patet, quia aliter Beati nullam haberent virtutem infusam, cum non possint elicere dolorem de peccato ex motivo proprio singularum virtutum, qui dolor potest ab iis virtutibus promanare, tanquam actus illarum.

VI. Hinc 1. Virtus infusa Pœnitentiæ fuit simul cum gratia in protoparentibus ante peccatum in statu innocentiz, ut docent communiter cum D. Tho. contra Vazquez apud Perez disp. 5. Ratio est, quia Protoparentes poterant tunc elicere odium efficax peccati per propositum non peccandi, gaudium de carentia peccati, detestationem peccati conditionatam, videlicet, si peccarem, detestarer peccatum; qui omnes actus spectant ad Pœnitentiam. Præterea in eo statu poterant peccare venialiter ante depreditionem gratiæ; ergo poterant etiam veniale illud retractare; atque adeo virtus Pœnitentiæ in iis non erat superflua, cum posset in actum secundum reduci.

Secundo in Beatis habitus Pœnitentiæ perseverat, ut fere communissime docent, quia possunt pariter aliquos actus Pœnitentiæ elicere, nempe odium peccati, gaudium de carità peccati, prout est offensâ Dei, detestationem peccati pœnitentiæ, saltem originalis, aut alieni. Verum quidem est, in Beatis non perseverare habitum fidei, juxta illud Apostol. 1. ad Corin. 13. Cum veneris quod perfectum est, evanescit quod ex parte est. Et ratio est, quia virtuti infusæ fidei substituitur in patria scientia infusa, & visio Beata, quibus perfectiori modo attingitur quicquid per actus fidei attingebatur in via; & omnes actus, qui per habitum fidei eliciebantur, elici possunt vi luminis gloriæ, quod succedit luminis fidei; unde habitus fidei est superfluous: quod dici non potest de habitu Pœnitentiæ.

Tertio etiam in Angelis viatoribus fuit

ha-

habitus Penitentiz, non secus ac in Protoparentibus in statu innocentiz: Est etiam in Angelis comprehensibilis, prout diximus esse in Beatis.

Denique probabiliter fuit etiam in Christo Domino, & Deipara, ut putant Lugo, Conink, Perez loco citato contra Vasquez. Ratio est, quia poterant elicere odium peccati, detestationem peccati alieni, gaudium de carentia peccati, voluntatem satisfaciendi pro culpis nostris. Adde, quod cum possit a Deo assumi humanitas, quæ antecederet peccasset, hæc humanitas assumpta potest gratias Deo agere, quod ante assumptionem non peccaverit, & potest odisse odio simplici peccatum proprium, quod antecederet patrare poterat.

VII. Dices. Non datur in Angelis Virtus castitatis, quamvis possint amore simplici gaudere de tali virtute, ac de ejus actibus; nec datur in Christo fides habitualis, quamvis gaudere possint, quod independentem a visione beata potuerit hujusmodi actus elicere; ergo neque datur virtus Penitentiz in Christo incapaci culpe.

Respond. nego consequentiam. Ratio est, quia, ut notat Lumbier, quoties actus primarius alicujus virtutis est impossibilis alicui subiecto, tunc non datur hujusmodi habitus præcise propter actus secundarios, quia facile suppleri possunt per alias virtutes; ergo cum impossibilis sit Angelis actus primarius castitatis, non debuit iis dari habitus infusus castitatis præcise, ut infusetur in actus secundarios, puta in gaudium de castitate hominum; cum ad hos actus commode infusetur charitas. At possibilis est humanitati assumptæ actus primarius Penitentiz, nempe dolor de peccato proprio; de potentia enim absoluta potuit humanitas ante assumptionem peccare, & sic de peccato olim proprio dolere; ergo dandus est in Christo habitus Penitentiz, qui de facto solum infusetur in actus Penitentiz secundarios; sicut remanet in Beatis, & datur in Christo habitus fidei, qui solum infusetur in actus fidei secundarios, ut diximus in loco.

VIII. Quod attinet ad habitum fidei, Christus eo caruit; non enim illuminabatur lucerna lucente in caliginoso loco, qui perfundebatur lumine gloriæ; nec potuit naturaliter Christus actum fidei habere, quippe qui de se imbibit imperfectionem, nempe obscuritatem, & potentiam ad formidandum, licet imprudenter: & propter eandem rationem non potuit habere Christus actum opinionativum. At simul cum unione

hypostatica, & visione Beata est composibilis actus Penitentiz, seu dolor de peccato olim proprio, ut diximus; & ideo debuit dari in Christo habitus Penitentiz ad eliciendos de facto actus Penitentiz secundarios, ut connaturaliter procedant a principio intrinsicæ; non debuit vero dari habitus fidei ad eliciendos actus fidei secundarios, cum ad hos sufficiat scientia infusa, & visio Beata, quæ fidei habituali succedunt in Beatis.

QUÆSTIO V.

Utrum Penitentia sit virtus pure reflexa

I. Dicitur virtus reflexa, quæ habet actus reflexos in actus ejusdem potentiz, aut virtutis; Dicitur vero virtus pure reflexa, quæ habet solum actus reflexos, & nullum directum. Dicitur autem actus directus is, quo potentia directe tendit in objectum conditionatum a proprio actu: sic cum amat Deus, intelligitur Cælum, &c. hic amor, hæc intellectio dicuntur actus directi: Amor vero hujus amoris, & cognitio huius intellectio- nis dicuntur actus reflexi; reflectere enim, ut notat Okamus quodlib. 2. qu. 12. est incipere ab eodem, & terminari ad idem; ac proinde actus, qui incipit, seu profuit a potentia, & terminatur in eandem potentiam, seu in actum ejusdem potentiz, quatenus actus est aliquod ipsius potentiz, dicitur actus reflexus.

Certum videtur primo, omnem virtutem habere actus reflexos, seu ita tendere in proprium objectum honestum directum, ut possit etiam tendere reflexe ex proprio motivo formali in ipsos actus directos; v. gr. Charitas, quæ amat Deum ex motivo suæ Bonitatis, potest ex eodem motivo amare ipsum amorem erga Deum; & Justitia, quæ amat adæquationem juris alieni, amat ipsum actum Justitiæ; atque adeo virtus, quæ amat honestatem objectivam proprii objecti, amat etiam ex eodem motivo honestatem formalem proprii actus. Et ratio est, tum quia in his actibus reflexis non habetur specialis arduitas; tum etiam, quia aliter darentur virtutes infirmæ, ut offendimus qu. antecedente.

Certum videtur secundo, posse unam virtutem reflexe tendere etiam in actus alterius virtutis: v. g. virtus charitatis potest amare reflexe non solum amorem Dei, &

fic tendere reflexe in actus proprios, sed etiam amorem Iustitiæ, Temperantiæ, &c. & sic tendere reflexe in actus aliarum virtutum imperando illos. Ratio est, quia quotiescumque proponitur aliquid medium ut conducat ad finem, virtus, quæ tendit in finem, tendit etiam ad tale medium, eo quod amor finis sit virtualiter amor mediorum; sed potest aliquando conducere ad finem virtutis, puta charitatis, tanquam medium, actus alterius virtutis, puta Iustitiæ, temperantiæ, &c. quando scilicet huiusmodi actus sub mortali præcipiuntur; ergo potest virtus charitatis tendere reflexe in actus aliarum virtutum imperando illos: sic etiam si ad finem castitatis appareat conducens jejunium, seu actus temperantiæ, castitas imperabit jejunium.

Certum videtur tertio, consequenter quamcumque virtutem posse dici virtutem reflexam, seu reflexivam, quatenus quilibet potest elicere actus reflexos explicatos. Hinc penitentia dicitur virtus reflexa; tum quia per actum suum primum retrahat offensam Dei, quæ est actus ejusdem voluntatis, unde actus hic Penitentia primarius est actus reflexus; Tum etiam, quia tendit reflexe in talem dejectionem, ac retractionem prosequendo hos actus ex motivo propriæ honestatis; Tum demum, quia potest reflexe tendere in actus aliarum virtutum, nempe Humiliationis, Temperantiæ, Mortificationis, &c. ordinando hos actus ad finem Penitentia, videlicet ad expiandum peccatum, & ad satisfaciendum Deo offenso. Difficultas nunc est, An Penitentia sit virtus pure reflexa; & an possit saltem dari huiusmodi virtus?

II. Dico 1. Penitentia non est virtus pure reflexa, sed habet actus directos. Ita communius contra Perez, Esparzam q. 14. de Sacramentis, & alios.

Prob. Illa non est virtus pure reflexa, quæ potest elicere actus directos ad aliquod obiectum, non reflexentes in actus ejusdem virtutis, aut potentia; sed virtus Penitentia potest elicere huiusmodi actus directos; ergo non est virtus pure reflexa. Minor probatur, quia quamvis actus Penitentia solum essent delectari, ac dolere de peccato; at non delectatur solum actus voluntatis peccaminosus, sed etiam actus exterioris peccaminosus aliarum potentiarum, puta blasphemiam, perjurium, hæresim externam, quæ etiam sunt objecta materialia Penitentia, ut diximus disputat. 1. & ex motivo Penitentia delectari possunt,

tum quatenus generant habitum disponentem ad offensam Dei, tum ratione propriæ malitiæ, licet materialis, quam supponimus inesse in actibus externis peccaminosis, ex dictis in de actibus humanis. cum enim deformitatem habeant cum prima regula honestatis, habent naliarum propriam, quamvis non formalem, sed materialem, cum non sint ipsa prosecutio formalis obiecti inhonesti.

Confirm. sicut Charitas, quæ Deum amat, elicere potest odium peccati, in quantum oppositi suo motivo formali, quia ille amor virtualiter continet hoc odium; ita Penitentia, quæ habet pro primario actu dejectionem, & displicentiam peccati, nec non odium offensæ divini, potest consequenter elicere amorem boni oppositi divini offensæ, amando carentiam offensæ, seu adæquationem iustis, quod habet Deus ne offendantur. Hic autem amor non est actus reflexus, ut patet; ergo Penitentia non habet solum actus reflexos, unde non est virtus pure reflexa.

III. Dico 2. cum communiori contra Esparzam, & alios, repugnare virtutem morale pure reflexam.

Probatur. Virtus dupliciter potest reflexe in actus propriæ potentia, vel tendendo in actus ejusdem virtutis, vel imperando ex proprio motivo actus alterius virtutis spectantis ad eandem potentiam; Atqui virtus moralis, sive reflexat in actus proprios, sive in actus alterius virtutis, semper potest elicere aliquos actus directos; ergo nulla virtus potest esse pure reflexa. Probatur minor. Nam si virtus tendat reflexe in actus proprios, eo ipso potest tendere directe in obiectum suorum actuum; v.g. Charitas, quæ potest reflexe amare amorem Dei ex motivo Bonitatis divini, potest etiam directe amare Deum; cum non deat nova difficultas in hoc amore directo; & Penitentia, quæ potest odisse offensam contra Deum, potest directe amare carentiam talis offensæ; Si vero virtus tendat reflexe in actus alterius virtutis ex proprio motivo, poterit etiam directe proficui Bonitatem talis motivi: v.g. Charitas, quæ ex motivo Bonitatis divini imperat Eleemosynam, potest directe amare divinam Bonitatem; ergo in utroque casu virtus potest elicere actus directos.

IV. Obije. 1. Habitus inclinans unice ad diuturnitatem actus boni præexistentis est habitus pure reflexivus, ut patet; sed dari potest huiusmodi habitus virtuosus; ergo

ergo dari potest virtus pure reflexiva. Probat minor, quia relate ad tale objectum datur specialis honestas, & arduitas: quis enim ignoret, quam honestum, ac laudabile, & quam difficile sit immobiliter adherere bono honesto?

Confirm. Perseverantia in bono est habitus, & virtus peculiaris tendens ad permanentiam in bono; sed huiusmodi virtus est pure reflexa, cum unice tendat in ipsos actus voluntatis, tamquam in objectum formale proprium; Ergo. Major patet, quia propter arbitrii vertibilitatem datur difficultas ad permanendum in bono; atque adeo requiritur ad id habitus, & virtus specialis, quæ dicitur virtus perseverantia.

Respond. diuturnam adhesionem, ac permanentiam in bono habere quidem majorem difficultatem, quam simpliciter adherere bono; ea tamen major difficultas non pertinet ad diversam virtutem ab ea, ad quam spectat adherere bono honesto; quia huiusmodi permanentia spectat ad modum, non ad substantiam virtutis, & potius est virtutis conditio, quam virtus: Sic major est difficultas ad restituendum mille, quam decem; illa tamen major difficultas non pertinet ad diversam virtutem a iustitia, ad quam spectat restituere decem, quia pertinet ad modum, non ad substantiam, seu est intra eandem speciem virtutis, & relate ad idem objectum formale: Sic etiam maior difficultas habetur ad bene operandum statim, ac repente, nec non ad operandum intense; tamen nemo dixerit, requiri ad id virtutem specialem. In forma nego minorem. Ad probationem nego id pertinere ad virtutem specialem; competit enim cuicumque virtuti ex proprio motivo.

Ad confirm. Si loquamur de perseverantia in gratia usque ad mortem, hæc non est virtus, sed est donum gratuitum consistens in collectione auxiliorum efficacium usque ad terminum vite, ut vocat Suarez lib. 10. de Gratia cap. 5. Si vero loquamur de perseverantia, quatenus importat diuturnitatem in bono, seu continuationem uniformem boni operis, hæc non est virtus distincta ab ea, quæ inclinat ad huiusmodi actus, cum non sit tam virtus, quam conditio virtutis: sicut diximus esse conditionem virtutis inclinare ad bene operandum repente, aut intense; ita etiam ad operandum immobiliter, ac diuturne, ut constat ex Angelico 2. 2. qu. 58. art. primo, ubi explicans definitionem iustitiæ,

quæ est constans, ac perpetua voluntas tribuendi unicuique jus suum, advertit, idco poni in definitione perpetuitatem, & constantiam, quia actus virtutis debet esse firmus, cum debeat virtuosus operari immobiliter, ex Philosopho 2. Ethic. 4.

Adde, quod licet transmittatur perseverantiam in bono esse virtutem specialem, non inde fiet, quod esset virtus pure reflexiva in actus voluntatis: Ea enim tenderet etiam ad perseverandum in actibus bonis aliarum potentiarum, v. gr. in actibus fidei, in actionibus bonis externis, &c. ergo non esset virtus pure reflexa, quæ scilicet unice reflecteret in actus ejusdem virtutis, aut potentie.

V. Obijc. 1. quamvis quælibet virtus in suo opere respiciat magnum, nihilominus datur virtus specialis Magnanimitatis, quæ tendit ad magnum ut sic, prout commune omnibus actibus virtuosis, non prout contractum ad particularem virtutem; ergo pariter, quamvis virtus in suis actibus respiciat diuturnitatem, & immobilitatem, potest tamen dari virtus specialis perseverantia, quæ tendat ad permanentiam in opere bono ut sic; atque adeo dari potest virtus pure reflexa.

Respond. per instantiam: ergo dari etiam potest virtus specialis, quæ tendat ad bene operandum repente, aut intense ut sic, & virtus specialis iustitiæ, quæ respiciat tantum restitutionem ingentis quantitatis. Quare concessio antecedit nego consequentiam. Magnanimitas enim, quæ est specialis virtus, non respicit magnum, seu arduum ut sic, quia hoc spectat ad quamcumque virtutem, sicut operari firmiter, & immobiliter; sed respicit magnum in propria materia, videlicet in honoribus, ut docet Philosophus 4. Ethic. 3. & D. Tho. 2. 2. qu. 129. art. 2. Magnanimus enim solum tendit in honores maximos, & dignum se dicit illis; unde eos appetit, & prosequitur, quando, ubi, & quomodo oportet.

VI. Obijc. ultimo. Virtus imperans unice actus voluntatis cum certo quodam ordine est virtus pure reflexa; sed datur huiusmodi virtus; ergo datur virtus pure reflexa. Probat minor. virtus enim ordinans actus orandi, ita ut præcedat v. gr. affectus humilitatis, & gratiarum actionis, sequitur amor, contritio, propositum, &c. & ut præludia antecedant, & colloquium subsequatur, est virtus pure ordinans actus voluntatis, atque adeo est pure reflexa.

Confirm. Dari potest virtus intellectualis pu-

pure reflexa, puta Logica docens, ad quam spectat rite ordinare terminos, præmissas, conclusiones, & alios actus intellectus; ergo dari etiam potest virtus pure reflexa moralis, quæ rite ordinat actus voluntatis, puta actus orandi.

Respond. Sicut ad quamlibet virtutem spectat operari repente, ac intense, & diuturne, si sit perfecta; ita ad virtutem orandi, si sit perfecta, spectat non solum orare, sed etiam bene orare, hoc est cum sua methodo ordinando actus orationis: unde ad hoc non requiritur virtus reflexa. Ratio horum omnium est, quia ut deur virtus diversa, non sufficit, quod deur arduitas major in objecto honesto, sed requiritur etiam arduitas diversa ratione objecti formalis diversi.

Adde, quod ordinare, seu imperare actus voluntatis spectat ad intellectum: ex D. Tho. enim Imperium est actus intellectus, prævio actui voluntatis; atque adeo virtus ordinans, seu imperans actus orandi esset virtus intellectualis, actus vero ordinati essent voluntatis: unde hæc virtus non resisteret in actus ejusdem potentie, cujus est virtus; atque adeo non esset virtus reflexa.

Ad confirm. 1. supponi potest, Logicam docentem non distinguere realiter a Logica utente: unde Logica non est virtus intellectualis pure reflexa. Deinde, omisso antecedente, negatur consequentia. Disparitas est, quia cognoscibilitas objecti directi est diversa a cognoscibilitate objecti reflexi; unde una non est virtualiter altera; contra vero amabilitas objecti directi, & reflexi est eadem, quatenus una est virtualiter altera: non potest enim quis amare objectum directum, quin virtualiter velit amorem talis objecti, & e contra: Potest tamen cognosci objectum directum, quin virtualiter cognoscatur reflexum; ergo quamvis esset possibilis habitus Intellectualis pure reflexus, non eatenus est possibilis virtus moralis pure reflexa.

QUESTIO VI.

Utrum virtus Penitentia ex frequentatis actibus supernaturalibus acquisita sit supernaturalis?

I. AD intelligentiam sciendum primo, in Baptismo præter gratiam infundi virtutes omnes tanquam gratiæ

proprietas, atque adeo etiam virtutem Penitentia; probabiliter autem, ut alias ostendimus, non solum fides, & spes, sed etiam Charitas, & alia omnes virtutes realiter a Gratia distinguuntur: quamvis enim sola fides, & spes a gratia separari possint; quia tamen sicut sunt proprietates gratiæ fides, & spes, ita & alia virtutes, idcirco probabiliter alia etiam virtutes a gratia realiter distinguuntur: sicuti quamvis frigus separatur ab aqua, non vero calor ab igne; quia tamen sicut frigus est proprietas aquæ, ita calor ignis, ideo dicimus calorem etiam realiter ab igne distinguere, quamvis nunquam separatur.

Sciendum 2. contra nonnullos Thomistas apud Ripaldam disp. 52. virtutes infusas simul cum gratia in baptismo, quantuncumque intenduntur, nunquam facilitate potentiam ad actus supernaturales; quod patet, quia per frequentationem actuum unius virtutis, puta temperantiæ, intenditur gratia, & consequenter intenduntur etiam omnes alia virtutes infusæ, nec proinde homo experitur facilitatem ad actus omnium virtutum; propterea virtutes infusæ dicuntur dare simpliciter posse, quatenus non potest primus actus supernaturalis poni sine influxu illarum, aut sine influxu auxiliorum, quæ ab iis exiguntur ubi e contra virtutes acquisitæ dicuntur dare facile posse, quia prius illarum actus poni potest absque illis; & quia hujusmodi actus relinquit speciem sui, aut qualitatem aliquam incipit producere, quæ dicitur habitus, ideo cum hoc habitu deinde potentia facilitatur ad consimiles actus ponendos.

Sciendum 3. virtutes infusas non produci, aut intendi a frequentibus actibus supernaturalibus physice, sed meritorie. Actus enim supernaturales merentur augmentum gratiæ, ad quod consequitur intensio virtutum infusarum, quæ sunt proprietates gratiæ. Quod si ex frequentatis actibus supernaturalibus physice producerentur virtutes infusæ, sequeretur, quod ex frequentatis actibus, v. gr. temperantiæ, solum tenderetur virtus infusa temperantiæ, & non alia virtutes; cum tamen certum sit, ex actibus cujuscumque virtutis gratiam, & omnes virtutes intendi.

II. Dubitatur nunc, utrum præter virtutes istas infusas in baptismo simul cum gratia, dentur alia virtutes consimiles supernaturales ex frequentatis actibus supernaturalibus acquisitæ, quæ facilitent potentiam ad eos eliciendos? quæ virtutes

vocari solent per accidens infusæ, quatenus Deus potest aliquando abique ulla exigentia eas infundere, ad differentiam virtutum, quæ infunduntur in baptismo, & dicuntur per se infusæ, quia connaturaliter, & ad exigentiam gratiæ infunduntur. Suarius lib. 4. de Gratia cap. 14. facilitatem, quam experimur ad eliciendos actus supernaturales, v.g. Pœnitentiæ, post frequentatos actus talis virtutis, videtur refundere non in has virtutes acquisitas, sed in specialem Dei providentiam conferentem ad id auxilia uberiora. Sed communiter rejicitur, quia potest apte assignari causa secunda hujus effectus abique recurſu ad causam primam. Hurtadus disp. 16. de anima refundit hanc facilitatem in habitum supernaturalem acquisitum, seu in virtutem per accidens infusam. Communis tamen cum Coninck, Azorio, Ripalda refundunt illam in habitum naturalem acquisitum ex frequentatione actuum supernaturalium. supponunt enim circa idem obiectum formale dari posse tam actus supernaturales, quam naturales; v. g. ex motivo adæquandi quæ alienum dari potest tam actus iustitiæ supernaturalis causatus a cognitione supernaturali attingente honestatem iustitiæ, ut consequentem ad Beatitudinem supernaturalem, quam actus iustitiæ naturalis causatus a cognitione naturali attingente honestatem iustitiæ, ut consonam naturæ rationali; Ita tamen ut actus supernaturalis relinquat in potentia speciem sui consimilem illi, quam relinqueret actus naturalis; Unde fit, quod habitus acquisitus ex frequentatis actibus supernaturalibus iustitiæ sit omnino similis habitui acquisito a frequentatis actibus iustitiæ naturalibus, & ideo possit ad actus supernaturales facilitare cum concursu virtutis iustitiæ infusæ.

III. Dico nunc primo cum communiori, præter virtutem Pœnitentiæ per se infusam, non dari virtutem Pœnitentiæ supernaturalem ex frequentatis actibus Pœnitentiæ supernaturalibus acquisitam.

Probat: tum quia non est aſtruenda in Theologia ulla entitas supernaturalis sine gravi fundamento; tum etiam quia hæc virtus supernaturalis acquisita non solum daret facile, sed etiam simpliciter posse, quod non admittitur: Sequela probatur, quia illa sufficeret, ut possit poni actus supernaturalis: Tum demum quia vel hæc virtus supernaturalis acquisita amitteretur per peccatum; & deberet assignari, unde oriatur facilitas ad consimiles actus, quæ etiam re-

manet post peccatum, ut constet experientia; vel ea non amitteretur; & voluntas retineret intrinsecam sufficientiam ad eliciendos actus supernaturales, non secus ac si remanerent virtutes per se infusæ, quod non videtur admittendum; cum Tridentinum doceat, solum Fidem, & Spem ex Divina Misericordia remanere post peccatum, quod his virtutibus non adſcribitur, ut possit homo disponi ad resurgendum.

IV. Dico 2. Facilitas, quam experimur post frequentatos actus supernaturales Pœnitentiæ, vel alterius virtutis, tribuenda est habitui naturali, vel producto ab iisdem actibus supernaturalibus, vel saltem producto ab actibus naturalibus ejusdem virtutis, si vera est sententia Ripaldæ, quod quoties elicitur actus supernaturalis, eliciatur simul alius actus naturalis circa idem obiectum.

Prob. Hujusmodi habitus naturalis est causa sufficiens talis facilitatis, nec potest alia aprior assignari; ergo. Quod autem possint actus supernaturales causare habitum naturalem, non est mirum, cum possit id, quod est superius, causare inferius. sicut enim potest calor causari tum ab alio calore, tum ab igne; ita potest habitus naturalis causari tam ab actibus naturalibus, quam a supernaturalibus circa idem obiectum. Quod si vera est sententia Ripaldæ putantis, semper cum actu supernaturali conjungi actum naturalem, tunc habitus causabitur ab actibus naturalibus, quia quando effectus producitur, tum ad præsentiam cause univocæ, tum æquivocæ, illi potius, quam huic est tribuendus.

Confirm. autoritate D. Th. qu. 17. de veritate art. 1. ubi docet, ex actibus charitatis supernaturalibus gigni in nobis habitum dilectionis acquisitum, quem non esse supernaturalem, docet 1. 2. quæst. 55. art. 4.

V. Objic. 1. Actus naturales causant habitum naturalem; ergo supernaturales supernaturalem. Et ratio a priori est, quia habitus inclinat potentiam ad actus consimiles illis, a quibus fuit genitus.

Confirm. ex Suariorum, quia habitus naturalis, utpote inferioris ordinis, non potest facilitare voluntatem, & cum illa causare actum supernaturalem.

Resp. nego consequentiam. Disparitas est, quia habitus supernaturalis acquisitus est superfluitas; & ex dictis repugnat. Ad rationem a priori: quamvis actus naturales,

& supernaturales differant entitative, possunt tamen convenire in objecto formali, ut hic supponimus ex dictis, cum de virtutibus infusis; ergo possunt eundem habitum naturalem causare: v. gr. si proponatur Rustico a Parocho tum Incarnatio Verbi, tum Incarnatio Spiritus Sancti, tam fides supernaturalis de Incarnatione Verbi, quam fides de Incarnatione Spiritus Sancti, (quæ cum sit falsa, non potest esse supernaturalis, sed naturalis) conveniunt in eodem objecto formali fidei, quod est, quia Deus revelavit: & ideo idem habitus naturalis Fidei inclinans ad credendum Deo loquenti produci potest ab utroque actu fidei; sicut idem habitus temperantiae causatur tam ab actibus profectivis temperantiae, quam ab averſivis intemperantiae, quia quamvis hi actus differant specie, conveniunt tamen in objecto formali.

Ad confirm. Sicut voluntas, quamvis sit entitatis naturalis, potest tamen cum principio supernaturali causare actum supernaturalem; ita habitus acquisitus naturalis simul cum habitu infuso potest causare actum supernaturalem.

VI. Obijc. 1. cum Medina. Facilitas, quam experimur in exercitio virtutum supernaturalium, refundi potest in remotionem impedimentorum; quia scilicet moderatæ sunt passionēs, & superatæ difficultates retardantes ab exercitio illorum actuum; ergo non debet astrui habitus naturalis productus ab actibus supernaturalibus.

Confirm. quia non potest explicari, quomodo habitus naturales faciliunt ad actus supernaturales.

Resp. Si subsisteret doctrina Medinæ, de medio tolleretur omnes habitus acquisiti, quod est contra communem Philosophorum.

Ad confirm. Vasquez apud Ripaldam putat, habitus naturales facilitare potentiam producendo in actibus modum quemdam, qui dicitur facilitas. Conink putat, facilitatem haberi ab habitibus in genere causæ formalis per hoc, quod alliciant potentiam ad actus supernaturales. Alij putant, habitus consistere in coordinatione specierum ab actibus relictarum, quæ dum excitantur, confluit in potentia memoria illius delectationis, quam experta est in exercitio illorum actuum, & sic allicitur, & inclinatur ad ponendos actus consimiles. Alii demum cum Ripalda supponunt ex Philosophia, habitus inclinare ad actus con-

currendo ad illos physice cum potentia, & sic minuendo conatum potentia. quilibet potest hic ex Philosophia supponere, quam sententiam maluerit.

DISPUTATIO IV.

De Penitentia Sacramento.

Cum facilis sit proclivitas ad peccandum etiam post Baptismum, ideo ex immensa Christi Domini benignitate virtus Penitentia elevata est in Sacramentum, tanquam in secundam tabulam post naufragium, ut docent Catholici omnes contra Montanistas, & Novatianos negantes hoc Sacramentum, quod a SS. PP. ex Triden. scil. 14. cap. 1. appellatur quidam Baptismus laboriosus, propter dolorem, & rigorem satisfactionis in eo requisitum, divina id exigente iustitia.

Definiri autem potest metaphysice, quod sit *Sacramentum nova Legis a Christo Domino institutum ad significandam, & consequendam Gratiā sanantem, & ad remittenda peccata post Baptismum commissa*. Definiri etiam potest physice, quod sit *Confessio peccatorum post Baptismum cum interna contritione, sub præscripta absolutionis formæ*. Quod immediate a Christo Domino fuerit institutum, constat ex eodem Triden. can. 1. contra hæreticos. Probabiliter autem institutum fuit, quando Christus post resurrectionem Discipulis suis dixit Joan. 20. *Accipite Spiritum Sanctum: quorum remiseritis peccata, remittuntur eis, & quorum retinueritis, retenta sunt*.

Inquirendum nunc primo, An constet materia, & forma, tanquam partibus essentialibus? Secundo discutiemus singulas materię proximæ partes, nempe dolorem, confessionem, & satisfactionem. Dicemus etiam de materia remota huius Sacramenti, de forma, de Ministro, de sigillo, de præcepto Penitentia, enucleando præcipuas Quæstiones, prout dabitur.

QUÆSTIO I.

De materia, & forma Sacramenti Penitentiae.

I. **M**ultiplex est DD. sententia in assignanda essentia physica hujus Sacramenti. Prima est Scoti in 4. dist. 14. Mayoroni, Bernal, reponentium illam in sola absolutione; unde negant Sacramentum hoc materia, & forma constitui. Secunda cum Soto reponit illam in contritione, confessione, & satisfactione, connotata solum absolutione. Tertia cum Durando, & Aureolo in Confessione, & Absolutione, excludendo contritionem, quia non est sensibilis, & satisfactionem, utpote non necessariam. Quarta cum Marsilio in contritione, confessione, & absolutione. Quinta demum valde communis cum Angelico docet, materiam hujus Sacramenti esse tres actus penitentis, nempe contritionem, confessionem, & satisfactionem; formam vero esse absolutionem Sacerdotis.

II. Dicendum cum hac quinta sententia, Sacramentum Penitentiae constare materia, & forma tanquam partibus essentialibus; materiam vero essentialiter requisitam esse contritionem, & confessionem; & solum ad integritatem Sacramenti spectare satisfactionem; formam autem esse absolutionem.

Prob. tum ex Florentino, ubi dicuntur omnia novæ Legis Sacramenta tribus perfici, materia, forma, & Persona Ministri: a libi autem notavimus, materiam, & formam ita perscrutari compositum, ut illud consuetat; secus vero Personam Ministri, quæ spectat ad causam efficientem: Tum ex Trident. sess. 14. cap. 3. ubi habet: *Sunt quasi materia hujus sacramenti ipsius Penitentis actus; qui quotiens in Penitente ad integritatem sacramenti ex Divina institutione requiruntur, & hac ratione Penitentiae partes dicuntur.* Quod vero absolutio sit forma, ex eo patet, quia Sacramentum Penitentiae institutum est per modum Judicii, in quo absolutio habet rationem formæ, cum per sententiam Judicis universum Judicium complectatur. Et ratio ulterior est, quia quoties duo concurrunt ad aliquod componendum, illud habet rationem materię, quod est magis indeterminatum, & incompletum; illud vero rationem formæ,

quod est magis determinans, & completivum: Atqui in casu nostro verba determinant, & complent sacramentum; ergo absolutio habet rationem formæ, actus vero Penitentis rationem materię; ita tamen ut satisfactio sit tantum pars integralis; cum antecederet ad illam sacramentum sit essentialiter constitutum, & Gratia collata.

III. Objic. 1. pro sententia Scoti, & Bernal putantium, hoc sacramentum in sola absolutione consistere. Triden. non dixit actus Penitentis esse materiam, sed *quasi materiam* hujus Sacramenti; ergo non spectant ad sacramentum constituendum.

Confirm. actus Penitentis nec significant, nec causant Gratiā Sacramentalem; ergo non constituunt sacramentum. Probat ut antecedens. non significant enim Gratiā remissivam, quippe quæ unice ab absolutione significatur: nec causant illam; tum quia quando ponitur contritio, & confessio, nondum Gratia causatur; tum etiam quia alioquin Penitens diceretur sibi Gratiā causare, & consequenter sibi peccata remittere.

Resp. nego consequentiam. Triden. enim, ut bene advertit Suarez disp. 18. sect. 2. non dixit actus Penitentis esse *quasi materiam* ad excludendam ab iis actibus rationem veræ materię sacramentalis, sed quia materia ista sacramentalis non est vera materia, cum solum dicat analogiam ad materiam: vel quia, ut habet Catechismus de Sacramento Penitentis cap. 4. materia ista non componitur ex aliquo elemento, vel corpore sensibili, ut materia aliorum Sacramentorum, puta Aqua in baptismo, Chrisma in Confirmatione &c. Adde, quod licet Tridentinum dixerit eos actus esse quasi materiam, non dixit tamen esse quasi partes, sed absolute dixit esse partes hujus sacramenti, atque adeo illud constituunt tanquam materia ex qua, seu proxima; ubi peccata sunt materia solum remota, seu materia circa quam actus Penitentis, & Absolutio versantur; Sicut morbus dicitur materia remota medicinæ, eo quod actus hujus facultatis circa morbum versentur.

Ad confirm. nego antecedens. ad prob. primæ partis: quamvis absolutio magis explicite Gratiā sacramentalem remissivam significet, illam etiam significant actus Penitentis; quia sicut per illos peccator ex parte sua se disponit ad obtinendam remissionem, ita illis aliquo pacto significatur remissio, quam Deus confert disponenti se ad

illam. Ad probationem secundæ partis: Nonnulli cum Capreolo, Ferrarienti, Bonaventura putant, productionem Gratia: unice spectare ad abolitionem, quia tota efficacia in ordine ad peccatorum remissionem est in potestate clavium. Hinc tamen non fit, materiam non pertinere ad essentiam hujus sacramenti; cum compositum non debeat agere per omnes sui partes; sicut homo ex. gr. ut dicatur simpliciter videre, sufficit, quod solus oculus visionem causet. quod etiam videtur innuere D. Th. 2. 2. qu. 2. art. 2. Communius tamen docent, etiam partem materialitatem hujus Sacramenti Gratiam causare; tum quia hoc habetur in reliquis Sacramentis; tum etiam quia sacramenta causant, quod significant; sed etiam actus Penitentis significant peccatorum remissionem, quatenus repræsentant dispositum hominem ad illam; ergo etiam actus Penitentis Gratiam causant. Ita Angelicus hic, quem Cajetanus dicit multis sententiam, quam docuerat in 4.

Neque tamen hinc sequitur, Penitentem remittere sibi peccata. Nam actus Penitentis concurrunt ad producendam Gratiam remissionem per conjunctionem cum forma sacramenti prolata a Ministro. sicut in sacramento Ordinis contactus materię remotæ posuit a suscipiente est materia illius sacramenti, & ad ejus effectus concurrunt, nempe ad tribuendam potestatem ordinis: quia tamen concurrunt cum Ministro illius sacramenti exhibendo tantum partem materialem, ideo soli Ministro tribuitur consecrare potestatem ordinis. Ratio a priori est, quia ille dicitur ponere effectum, qui ponit formam, non qui ponit materiam talis effectus: ex. gr. non dicitur efficere simulacrum, qui ponit Lignum, sed solus artifex qui inducit in Lignum formam artificialem; Et in sacramento Eucharistia: non dicitur causare effectus illius Sacramenti, qui ponit panem, & vinum; quamvis horum species causent physice effectum Sacramentalem, ut conjuncte cum Verbis sacerdotis, a quibus dicitur corpus Christi produci, & per corpus Christi Gratia Eucharistica. Quare Penitens per suos actus causat physice Gratiam peccati remissionem, quin dicatur ipse, sed solus sacerdos, peccata remittere, cum soli sacerdoti competat potestas Judicialia.

IV. Objic. 2. Contritio non est sensibilis; ergo nequit constituere Sacramentum, quod ex sui ratione est signum sensibile.

Resp. argumentum probare, quod neque

Christi institutio, neque intentio Ministrum Sacramentum constituit, neque corpus Christi constituit Eucharistiam, in qua non adeit sensibiliter; quod autem saltem institutio Christi constituit Sacramentum, negari non potest. ea enim præcise sublata, Sacramentum tollitur. Quare dicit. anteq. contritio non est sensibilis per se, & immediate, concedo; per accidens, & mediate, ratione scilicet confessionis, quam causat, & per quam demonstratur, nego antecedens, & consequentiam; Sufficit ad Sacramenti constitutionem, quod partes sive ratione sui, sive ratione alterius, seu per accidens sint sensibiles.

Objic. 3. Satisfactio supponit constitutum Sacramentum; ergo illud non constituit. Præterea consequitur abolitionem, quæ est forma; ergo non potest esse pars materialis Sacramenti: Denique Satisfactio non potest esse signum prædicum Gratia:, cum Gratia ante satisfactionem causetur; ergo non potest Sacramentum constituere.

Resp. satisfactionem supponere Sacramentum constitutum essentialiter, non integraliter: possunt enim partes integrales consequi ad totum essentialiter constitutum: sicut in homine dentes v. gr. consequuntur ad ejus constitutionem. Deinde potest abolitionem consequi Satisfactio, & simul esse pars materialis spectans ad integritatem Sacramenti; sicut in homine partes integrales possunt consequi ad formam, seu ad animæ infusionem. Et ratio a priori est, quia quodcumque spectat ad compositum tanquam pars indeterminata, & complebilis, se habet ut pars materialis; atqui Satisfactio spectat ad Sacramentum ut pars determinabilis per abolitionem in ordine ad constituendum Judicium Sacramentale, ad quod spectat vindicta, quamvis sententiam Judicariam consequatur; ergo Satisfactio, quamvis consequatur abolitionem, seu formam judicariam, adhuc potest esse pars materialis hujus Sacramenti instituti per modum judicii. Denique ut Satisfactio sit pars hujus Sacramenti, in quo culpa simul, & poena saltem partialiter remittitur, sufficit, quod sit signum prædicum remissionis poenæ, quamvis gratiam non causet. Probabilius tamen censio, satisfactionem sacramentalem non solum causare poenæ remissionem, sed etiam augmentum Gratia: ex opere operato, ut habet Angelicus qn. 90. art. 2. ad secundum dicens: Satisfactio confert Gratiam, prout est in proposito, & augens eam, prout est in executione.

V. Do-

V. Docuit Lugo apud Haunoldum n. 963. Sacramentum Pœnitentiæ constitui etiam a peccato præterito, eo quod sine illo Sacramentum haberi non possit. Hoc tamen est contra communem Doctorum, ut notant Dicastillo, & Esparza apud eundem Haunoldum: non enim est constitutum omne illud, quo sublatum non habetur constitutum. Nam sic etiam Decretum de condendo mundo constitueret mundum, cum sine illo Mundus haberi non possit. Quare solum illud dicitur constitutum, quo præcise sublato tollitur constitutum, & quo non intellecto, non intelligitur. Atqui si per possibile, vel per impossibile non præterisset peccatum, & darentur isti iidem actus pœnitentis, hæc absolutio, & hæc eadem Christi institutio, adhuc daretur Sacramentum Pœnitentiæ; ergo hoc Sacramentum non constituitur a peccato præterito, quod est solum requisitum essentiale in sententia communiori. Nam in sententia docente, peccatum pure putatum sufficere ad valorem, & fructum huius Sacramenti, præterito peccati neque est requisitum: cum satis sit peccatum existimatum præteritum.

QUÆSTIO II.

De dolore Sacramenti Pœnitentiæ constitutivo.

Aggregimur discussionem singularum partium materiæ proximæ huius Sacramenti, incipiendo a dolore, qui confessionem, & satisfactionem anteverit, diciturque contritio, si sit perfectus, procedens ex motivo Divinæ bonitatis, si vero sit imperfectus, ortus ex Gehennæ, aut pœnarum metu, dicitur Attritio: Et primo inquiremus, quid sit contritio, quid attritio? Secundo an contritio sit forma iustificans? Tertio an possit dari Sacramentum Pœnitentiæ validum, & informæ ex defectu doloris extensivi? Quarto num attritio ad Sacramentum Pœnitentiæ sufficiat, etiamsi excludat quancumque Dei dilectionem? Denique pluma ad dolorem, & propositum spectantia paucis expediemus.

ARTICULUS I.

Quid sit Contritio, quid Attritio? Ubi plura ad hunc actum pertinentia.

I. **C**ontritio ex Triden. sess. 14. cap. 4. est animi dolor, ac detestatio
Part. VIII.

de peccato commisso cum proposito non peccandi de cetero; quæ si sit charitate perfecta, seu procedat ex motivo charitatis, hominem Deo reconciliat ante susceptionem Sacramenti, dummodo votum Sacramenti includat; si vero procedat vel ex turpitudinis peccati consideratione, vel ex Gehennæ, & pœnarum metu, dicitur contritio imperfecta, seu Attritio; & hæc si voluntatem peccandi excludat cum spe veniæ, ad Dei Gratiam in Sacramento impetrandam disponit. Contritio perfecta cum sit dolor ex motivo, quod peccatum sit offensæ Dei super omnia dilecti, attingit in peccato summam ejus odibilitatem ob contrarietatem cum Divina bonitate; & ideo fert quandam cordis scissionem in partes minutissimas, juxta illud Propheta, *scindite corda vestra*; unde dicitur cor conterî. Attritio vero, cum procedat ex motivo inferiori, videlicet ex odibilitate, quam habet peccatum ob contrarietatem cum bono peccatoris, tum quia reddit illum formaliter malum ob suam turpitudinem, tum etiam quia causat in eodem peccatore malum pœnæ, idcirco est quidam detestatio peccati minus perfecta; unde cor dicitur solum attriti: in corporalibus enim, ut advertebat D. Thom. dicuntur attrita quæ aliquo modo, sed non perfecte diminuta sunt.

II. Utrum autem contritio procedere possit ex motivo alterius attributi Divini, v. gr. quia peccatum offendit Divinam Beneficentiam, Potentiam, Iustitiam &c. aut etiam ex utroque motivo contritionis, & attritionis; aut ex motivo Charitatis non intrinsece attacto ab ipso actu contritionis? Varie DD. opinantur, ut suse diximus in de Charitate. Verum in re tanti momenti quamvis probabilissima sit sententia affirmativa, præcise tamen non est recedendum a communi Theol. sensu, qui voluit, contritionem ad justificationem requisitam debere unice procedere ex motivo Divinæ Bonitatis intrinsece attacto per ipsum actum. sic enim fert quendam purissimum Dei amorem virtutalem super omnia, & ex toto corde, ut proinde sufficienter disponat ad Dei amicitiam, & gratiam obtinendam, juxta illud Deuteronomii 4. *Cum quaesieris Dominum Deum tuum, inveniet eum*, si tamen ex toto corde tuo quaesieris eum.

Non debet tamen contritio esse super omnia intensiva, ut putavit Adrianus, quia esset saltem difficillima, si minus impossi-

Q 3 bi-

bilis, sed sufficit, quod sit super omnia appetitive, præterendo Divinam bonitatem cohibet bono creato, & odio habendo Dei offensam super quodvis aliud malum; quamvis comparatio ista non debeat necessario esse explicita, sed sufficiat implicita, & virtualis. Sicut enim ut Deo credamus super omnia, & ut super omnia illum colamus ex motivo Religionis, non requiritur ulla formalis comparatio, sed sufficit talis firmitas adhesionis in actu fidei, quæ non divellatur a credendo Deo loquenti per quancumque auctoritatem creatam; Ita pariter, ut Deus super omnia ametur, & peccatum super omnia mala odio habeatur, sufficit talis adhesio erga motivum Divinæ bonitatis, quæ a nullo alio motivo bonitatis create labefactetur.

III. Dubitatur hic, an contritio seriat odium peccati supra penas æternas, adeo ut prælicere debeamus gehennam, quam peccatum?

Durandum putat, casum hunc esse impossibilem, quod quis ad vitandum peccatum deberet gehennam prælicere. Alii putant, quod in eo casu ad vitandam gehennam deberet peccatum prælicere, quia tunc non esset peccatum; sicut in casu conscientie perplexæ, aut in concursu duorum præceptorum impossibilem, qui eligit peccatum minus ad vitandum majus, non peccat, nisi materialiter. Capreolus in 4. dist. 7. & Suarius disp. 3. sect. 9. putant, casum esse possibilem, & in eo gehennam fore prælicendam, utpote malum minus, quam peccatum. Putant enim, posse Deum super premium Dominum obligare hominem præcepto obligante sub gravi, aut etiam sub levi ad eligendam penam æternam; in quo casu, si eam non eligeret, transgrederetur præceptum, & peccaret, graviter quidem, si id præcipiatur sub gravi, leviter vero, si sub levi.

Equidem huic sententiam non subscribo. videtur enim sperare saviem in Deo, obligare hominem vel ad peccandum, vel ad subeundas penas æternas; non secus ac videtur sapere saviem in Deo detruere Innocentem ad tartara ad offendendum suspicium Dominum erga Creaturas. Quare sicut dicimus, Deum non posse mentiri, aut esse infidelem in promissis; quia mendacium, & infidelitas ex suo conceptu dissident rationi, & dedecent Deum, unde non possit ratione sui supremi Domini creaturas decipere, dum interponit auctoritatem suam locutoriam; Ita quia ex

suo conceptu dissolat rationi, ac Deum dedecet velle innocentem in æternum cruciare, aut obligare hominem vel ad peccandum, vel ad gehennam, ideo nequit Deus id velle, a Creaturis citra præjudicium suæ bonitatis, & clementiæ. Potest quidem ratione supremi domini hominem annihilare, quia ex suo conceptu hoc non fert saviem: sicut enim posuit hominem non creare, ita potest libere dare illi esse, v. gr. per decem annos, & non amplius, atque adeo potest illum annihilare; At in æternum torquere Innocentem videtur sapere saviem.

IV. Censeo tamen primo, possibilem esse casum positum a de Lugo disp. 5. n. 30. in quo obligetur homo vel ad peccandum, vel ad acceptandas penas æternas; videlicet si quis existens in morali incederet in periculum mortis a Tyranno infligendæ, quam evadere non posset, nisi negando Fidem, & simul invincibiliter putaret, non posse peccatum remitti nisi per Sacramentum confessionis, quod tunc suscipere non posset, aut si putaret se non posse brevi illo tempore conari ad actum perfectæ contritionis: tunc enim teneretur vel fidem negare, vel mortem subire, & sic acceptare Gehennam; esto illam re vera non esset subiturus, eo quod actus ille peccatissimus amoris Deo, quo vellet potius mortem, & gehennam subire, quam peccare, omnino deleat peccatum præteritum; sicuti in casu conscientie perplexæ, qui putat, tam peccare, si v. gr. ægrotum deserat, quam si omittat sacrum audire, eligendo peccatum minus, re vera non peccaret: quamvis credat se peccare, cum non detur peccatum sine libertate ad illud vitandum.

Censeo 2. quod in casu adducto, licet homo revera non subiret Gehennam, si non peccaret, & deederet; obligetur tamen potius mortem, & Gehennam acceptare, quam fidem negare; atque adeo peccaret, si negaret fidem ad Gehennam evadendam. Ita D. Thomas quodlib. 1. art. 9. Et in 4. dist. 17. qu. 2. art. 3. cum Capreolo contra nonnullos putantes, hominem in hoc casu non peccare negando fidem, eo quod non possit homo obligari ad recusandum medium necessarium ad suam æternam salutem.

Prob. ex Angelico, quia tenetur homo Deum diligere super omnia, & Dei offensam super omnia odire; ergo tenetur magis amplecti quod sibi, quam quod Deo displicet; atque adeo tenetur amplecti pa-

nas æternas, quæ nocent sibi, præ quavis culpa, quæ displicet Deo. Neque est verum, quod in hoc casu negatio Fidei definit esse peccatum, posito quod sit medium necessarium ad obtinendam æternam salutem. Nam negare Fidem est intrinsece malum, nec potest cohonestari, nisi quando concurreret cum malo majori; non est autem malum majus hominem subire penas æternas, quam negare fidem, ac transgredi Legem Divinam; cum illud sit malum creaturæ, hoc Dei; ergo non definit esse peccatum formale, & offensæ Dei negatio ista Fidei per hoc, quod sit medium hic, & nunc necessarium ad vitandam Gehennam, & ad æternam salutem obtinendam.

Dices 1. Pena æterna separat hominem a summo bono, & a fine ultimo; ergo nunquam est eligibilis, non fecus ac culpa.

Confirm. Pena æterna trahit secum infinita peccata patrandi in inferno; ergo non est præligibilis præ una tantum culpa.

Resp. cum Angelico de malo q. 1. art. 5. peiorem esse separationem a Deo per culpam, quam per penam æternam, quia illa separat nos a Deo separatione, quæ opponitur fruiioni summi boni; Culpæ vero separat separatione, quæ opponitur unioni Charitatis, quæ quis vult bonum ipsius Dei Deo; & ideo peccatum tollit a Deo rationem ultimi finis, pena vero æterna solum tollit a creatura possessionem ultimi finis; Unde nequit eligi culpa ad evadendam penam æternam.

Ad confirmationem: quamvis in inferno innumera peccata committenda sint, questio tamen hæc procedit de pena æterna secundum se, supponendo quod Deus sit impediturus alia peccata. Deinde peccata illa in Inferno, si non sint libera physice, non habent rationem culpæ; si sint libera cum sola morali necessitate, possunt ea non poni; Unde præligenda est ea necessitas moralis ad peccandum, quæ certe non est peccatum, quam ipsum peccatum.

Dices 2. Sæpe Deus ob amorem erga aliquem permittit ejus peccatum, ut medium conducat ad ejus salutem; ergo majus bonum est salvari, quam culpam vitare; sicut quando quis permittit aliquem in foveam cadere, ut inveniat thesaurum, inquantum dicitur ex amore erga illum permittere lapsum innocentem in foveam, quia majus bonum est thesaurum, quam vitatio lapsus innocui in foveam.

Resp. Creaturam non posse præferre bo-

num suum Bono Dei, atque adeo non potest præferre vitatorem Gehennæ negationi Fidei, quæ est Dei offensæ. Potest quidem Deus ex amore creaturæ permittere ejus peccatum, quod est malum ipsius Dei, ordinando illud ad bonum creaturæ; sed hoc nequit creatura. Dum autem Deus ordinat peccatum ad salutem creaturæ, ostendit esse majus bonum creaturæ æternam salutem, quam vitatorem culpæ, sicut est majus bonum inventio thesauri, quam vitatio lapsus. malum enim, quod habet ex peccato creatura, compensatur abunde ex gratia, & gloria æterna: Quia tamen est majus bonum Dei vitatio peccati, quam Beatitude creaturæ, ideo quamvis possit Deus permittere peccatum ad salutem creaturæ, non potest tamen creatura vel peccatum ad vitandam miseriæ æternam.

V. Quod attinet ad attritionem, communiter concedunt, motivum talis actus non solum esse seditionem peccati, & Gehennam, sed etiam penas temporales, dummodo lumine supernaturali cognoscantur ut iniuste a Deo culpam vindice. Et ratio est, tum quia Trident. sess. 14. cap. 4. dicit attritionem concipi ex Gehennæ, & penarum metu; tum etiam quia Concilium ibi laudat timorem Niniuitarum, qui erat de Urbis subversione, atque adeo de pena temporali, & ad Penitentiam salutarem illos disposuit. Quare sicut possumus spe supernaturali a Deo sperare tum vitam æternam, tum bona temporalia ad illam conducentia; ita timore supernaturali possumus timere tum gehennam, tum penas temporales Purgatorii, & hujus vite tanquam infligendas a Deo vindice, & sic ex earum metu concipere supernaturalem dolorem de peccatis: & eadem ratione possumus etiam dolorem supernaturalem concipere de peccatis ex motivo acquiritur Beatitude supernaturali.

VI. Dubitatur solum, An hujusmodi attritio sit actus honestus? Contendunt enim Bajani, & Jansenistæ, actum hunc non esse rectum, quia per illum homo magis abhorret a pena, quam a culpa. Etenim propter quod unumquodque tale, & illud magis; ergo si propter metum gehennæ detestamur peccata, magis odio habemus gehennam, quam peccatum. Quia tamen hæc in re confixa est propositio ab Alex. VIII. num. 10. Intentio, quæ quis detestatur malum, & prosequitur bonum more, ut casum abineat gloriam, non est recta, nec Deo placens. 13. quæ habet: Quisquis etiam æ-

terna mercedis intuitu Deo famulatur, Charitate se carnerit, vitio non caret, quoties intuitu licet Beatiitudinis operatur. 14. dicens: *Timor Gehennæ non est supernaturalis*. ac 15. dicens: *Auſtinitio, quæ Gehennæ, & pœnæ metu concipitur, sine dilectione benevolentie Dei propriæ se, non est bonus motus, & supernaturalis*. Ratio horum omnium est, primo quia in Scripturis hic timor laudatur; ergo est rectus, & honestus, necnon supernaturalis, si procedat a compingitio supernaturali. Lux enim 12. dicitur: *Timete eum, qui postquam occiderit, potest mittere in Gehennam*. Præterea Trid. sess. 14. cap. 4. hujusmodi attritionem vocat *Donum Dei, & impulsus Spiritus Sancti*: addique, illam disponere ad Gratiâ in Sacramento impetrandam; ergo est actus supernaturalis, atque adeo non est vitiosus. Et ratio ulterior est, quia si timere pœnas, & propter illas cavere culpam esset malum, male a Deo, & a Judice creato imponderetur pœnæ delinquentibus; cum idcirco imponatur, ut a peccatis ob earum metum retrahantur. quomodo enim posset esse honesta pœnæ impositio, si ejus finis esset malus? Non est igitur actus vitiosus Attritio, quia homo ob metum gehennæ, ac pœnarum peccata detestatur.

Confirm. Qui dolet de peccatis ex metu Gehennæ, ponit medium a Deo institutum ad vitanda, & detestanda peccata; ergo recte, & honeste operatur. Quod si attritio ex metu pœnarum concepta est honesta, a fortiori erit honesta attritio concepta ex motivo Beatiitudinis acquirendæ; quia, ut notat Cassianus, hoc secundum motivum est nobilissimum; sicut nobilior est mercenarius, qui movetur intuitu mercedis, quam servus, qui movetur intuitu pœnæ.

Neque obstat id, quod obijcitur, quod scilicet per attritionem magis odio habeatur Gehenna, quam peccatum. Nam quavis ad detestandum peccatum magis moveat Gehenna, quam peccati sorditas, non per hoc Gehenna præfertur peccato tanquam majus malum: & quavis hoc actu attritionis magis odio habeatur Gehenna, quam peccatum, non sequitur, quod non possit alio actu magis odio haberi peccatum, quam Gehenna attingendo peccati odibilitatem, quam habet, ut est offensæ Dei; unde non sequitur, quod illa attritio non sit honesta. Sicuti qui odit Filium propter Patrem, quamvis eo actu magis odio ha-

beat Patrem, quam Filium, non per hoc præfert Filium Patri, nec inde sequitur, quod non possit alio actu odisse magis Filium, quam Patrem.

Neque ex actu attritionis infertur, quod si non daretur Gehenna, homo vellet peccare; sicut si quis obtemperet Regi propter mercedem, non sequitur, quod deficiente mercede nolle illi obtemperare; ergo neque ex hoc capite attritio desinit esse actus honestus.

Dices: Quæ sunt ex metu, sunt involuntaria secundum quid, ita ut operans sentiat repugnantiam ad operandum, & ab ea operatione abstinere, si abesse metus, ut docet D. Tho. 1.2. q. 6. art. 7. ergo qui ex metu Gehennæ odit peccatum, eo animo odit, ut illud non odisset, si abesset Gehenna.

Recp. tunc metum reddere operationem mixtam involuntario, quando operatio solum ratione metus communiter, & rationabiliter ponitur; ut est ver. gr. projectio mercium ob metum naufragii, quæ solum ponitur ratione metus: contra vero si operatio cessante metus communiter, & rationabiliter non ponitur, tunc metus non reddit operationem illam secundum quid involuntariam: Sic qui projicit venenum ob metum mortis, non dicitur projicere cum ulla involuntarietate. nam etiam si metus mortis cessaret, non proinde venenum sumeret. In casu nostro detestatio peccati, etiam cessante metu Gehennæ, communiter, & rationabiliter ponitur ex alio motivo, videlicet aut ex turpitudine peccati, aut ex motivo Dei offensæ; ergo detestatio peccati ex metu Gehennæ non debet dici secundum quid involuntaria, includens amorem peccati in hypothese, quod abesset Gehenna; in quo casu certe attritio esset inhonesta.

VI. Notandum tamen, quod attritio concepta ex turpitudine peccati, nisi attingat peccati odibilitatem lumine supernaturali, videlicet quia est Dei offensæ, vel quia reddit hominem moraliter malum, & indispotum ad finem ultimum supernaturalem, non est supernaturalis, neque ad justificationem in Sacramento Pœnitentiæ disponit. constat enim ex propositione 57. damnata ab Innoc. XI. hujusmodi attritionem debere esse supernaturalem, dispositio enim & forma debent esse in eodem ordine; ergo attritio disponens ad Gratiâ supernaturalem debet esse supernaturalis. Dubitatur, num attritio sit supernaturalis, si

doleat v. g. de furto propter oppositionem, quam habet cum virtute Iustitiæ supernaturali perducen- te ad Beatitudinem supernaturalem, etiam si non attingatur peccatum prout De- i offensâ? Affirmant communis cum Amico disp. 3. sect. 3. contra nonnullos putantes, attritionem sufficientem ad Sacramentum Penitentiae debere oriri a desiderio, & spe veniæ, ut docet Trident. & idcirco moveri debere a turpitudine peccati, ut est Dei offensâ; quorum opinio in praxi sequenda.

ARTICULUS II.

Utrum Contritio perfecta sit forma iustificans?

VII. Dicendum cum D. Th. Scoto, me contra Vasquezum s. 1. disp. 103. Meratium, & alios Recentiores, contritionem supernaturalem, & dilectionem Dei super omnia non esse de facto causam formalem nostræ Iustificationis, sed solum esse ultimam dispositionem ad gratiam; quicquid sit, num possit in alio ordine actus, aut habitus charitatis esse forma iustificans; quod admissum in de gratia disp. 4. qu. 8.

Prob. Conclusio 1. quia in Scripturis contritioni promittitur Iustificatio; ergo Iustificatio consequitur ad contritionem; atque adeo contritio non est ipsa forma iustificans, sed solum disponit ad illam, aliter promissio esset vana, ut patet. Antecedens probatur. dicitur enim Isaïz 1. *Convertimini ad me, & ego convertar ad vos.* Jeremïz 12. *Si conversa fuerit gens illa, convertar & Ego.* Præterea Trid. sess. 6. cap. 6. enumerat inter actus disponentes ad iustificationem extra Sacramentum Timorem, spem, dilectionem, & odium peccati: ac deinde cap. 7. dicit: *Hanc dispositionem Iustificatio ipsa consequitur;* ergo contritio non est forma iustificans. Similiter sess. 14. cap. 4. dicit, contritionem præparare ad remissionem peccatorum; ubi loquitur de contritione, quæ necessaria fuit omni tempore, atque adeo de contritione perfecta.

Prob. etiam ratione, quia contritio neque physice, neque moraliter expellit peccatum formaliter; ergo non est causa formalis nostræ iustificationis. Antecedens probatur. non enim expellit peccatum physice, ut docent communiter contra Vasquez, quia si contritio physice peccatum expelle-

ret tamquam forma impossibilis, ea posita, non requireretur novum beneficium ad expulsiorem peccati; quod tamen est falsum, cum dicatur Isaïz 3. *Revertatur ad Dominum, & miserabitur eius.* & Jeremïz 11. *Si conversa fuerit gens illa, convertar ego, & miserabor.* Ex quibus aliisque locis Suarius disp. 4. de Incar. sect. 8. putat non posse sine temeritate negari, quod iustificatio sit beneficium speciale collatum peccatori condilinctum a gratia contritionis.

Neque contritio expellit peccatum moraliter, seu tamquam forma moralis, & condigne satisfactoria; cum non possit iustus, nedum peccator, condigne pro mortali satisfacere. Neque contritio est forma moralis meritoria de condigno gratiæ; tum quia nequit contritio peccatoris mereri gratiam de condigno, ut omnes docent; tum etiam quia si illam mereretur, non contritio, sed gratia consequens formaliter iustificaret. Hinc Trident. sess. 6. cap. 8. dicit, Peccatores *gratis Iustificari*, quia absque prævio merito condigno; & cap. 7. dicit, causam efficientem nostræ iustificationis esse Deum misericordem, qui *gratis abluat, & sanctificat.*

Neque dicas, quod Deus iustificet gratuito, quia gratis dat auxilia necessaria ad contritionem. Nam, ut bene Suarius lib. 7. de Gratia cap. 14. si iustificatio dici posset gratuita, & non ex meritis, præcise quia auxilia ad contritionem dantur gratis, sequeretur, quod etiam augmentum gratiæ, & gloria deberent dici gratuita, & non ex meritis, quia etiam auxilia ad obtinendum augmentum gratiæ, & gloriam dantur gratis; quod tamen est falsum, quia augmentum gratiæ, & gloriam iustus meretur de condigno.

VIII. Obijc. 1. Contritio, & amor Dei super omnia tollit voluntariam aversionem a Deo propriam peccati habitualis; ergo tollit etiam formaliter peccatum, quod sine voluntarietate consistere non potest. Antecedens patet, quia omnis amor est conversio ad amatum, atque adeo tollit aversionem ab illo.

Confirm. Homo per dilectionem fit Deo conjunctissimus; Amor quippe est unitivus; ergo nequit diligens Deum esse aversus a Deo per peccatum. hinc Joan. 9. dicitur; *Qui manet in charitate, in Deo manet, & Deus in eo.* Et ratio ulterior est, quia videtur alienum a bonitate Divina, quod non diligat diligentes se, sed odio habeat.

Resp.

Resp. Argumentum probare nimis. Probat enim, quod etiam amor Dei naturalis deleat peccatum formaliter, cum tollat aversionem voluntariam peccati habitualis; quod tamen nemo dixerit. Quare recolendum, quod peccatum habituale non perfectet moraliter in habituali voluntaria aversione a Deo, sed in reatu odii Divini, ac pœnæ æternæ constituto per negationem condonationis, & condignæ satisfactionis. Unde diximus, quod sicut sine retractione potest peccatum remitti ac deleri; ita vice versa posita retractione, ac contritione potest non remitti, nec deleri; Sic in humanis quamvis delectet de suo delicto qui Regem offendit, non eatenus necessario delictum condonatur. In forma dist. antecedens: Contritio tollit voluntariam aversionem habitualem peccati physicam, concedo; morale constitutum per reatum odii Divini, nego antecedens, & consequentiam.

Ad confirm. Quamvis amor sit unio affectiva cum amato, non semper amor est mutuum, aut involvens amicitiam, seu mutuum jus ad amorem: unde stare potest quod creatura Deum amet, quin redametur, aut sit amica.

Neque dicas, quod amans Deum ab illo necessario redametur per hoc, quod Deus velit illi hoc maximum bonum, nempe dilectionem Dei supernaturalem; unde habetur mutuus amor, & amicitia; quod non contingit in humanis.

Nam contra est, quia sicut quando Deus vult peccatori actum Fidei, aut spei supernaturalem, non dicitur amare illum amore amicitie, sed benevolentie, quia non vult peccatori hæc bona cum complacentia in persona; ita pariter quando vult peccatori contritionem, seu amorem supernaturalem; vult enim hoc bonum non ex complacentia personæ, sed ex sua Misericordia, non respiciendo dignitatem, aut meritum recipientis, sed indigentiam, ac miseriam, cui vult optulari.

Ad illud Joan. 9. dicendum, verum esse, quod Deus nanciat in eo, qui manet in charitate, in sensu tamen causali, non in sensu formali, quatenus dilectio Dei est causa, seu ultima dispositio ad gratiam, cum promissio Deus amantibus se redamatum, idque ex sua Misericordia, cum non teneatur deponere iram erga peccatorem, donec exhibeatur condigna satisfactio. Hinc licet alienum sit a Divina Misericordia, quod odio habeat diligentes se, quatenus

de facto misericorditer vult illos redimere, & suam amicitiam conferre; non est tamen alienum a sua bonitate, ita scilicet ut non possit non remittere peccatum, quamvis ametur. Vel dicas, textum laudatum D. Jo. intelligendum esse de charitate radicali, hoc est de gratia, quæ radicatur habitum charitatis, non vero de charitate actuali. possum enim in Sacris Bibliis nomine charitatis venire ipsa gratia habitualis, ut mox dicemus.

IX. Obje. 2. Jacob. 2. dicitur homo ex operibus justificari; ergo saltem per opus præstantissimum, nempe per dilectionem Dei supernaturalem formaliter justificatur; cum ex Apost. plenitudo legis sit dilectio.

Confirm. 1. quia dilectioni Dei compentur omnia prædicata gratiæ; ergo formaliter justificat. Prob. antecedens: prædicata gratiæ sunt reddere hominem amicum, filium Dei adoptivum, & heredem delendo peccata; quæ omnia ad huc charitatis compentunt. dicitur enim Joan. 4. *Si quis diligis me, mandata mea servabis, & Pater meus diligit eum.* 1. Joan. 2. *Omnis qui facit Justitiam, ex ipso natus est.* & cap. 3. *Fidei te, qualem charitatem dedit nobis Deus, ut Filii Dei nominemur, & simus.* 1. Petri 4. *Charitas operis multitudinem peccatorum,* & Bernardus: *perfecta Charitas perfecta est sanctitas.*

Confirm. 2. Contritio, & amor Dei super omnia est impossibilis cum mortali: Perfecta enim conversio ad Deum est impossibilis cum aversione ab eodem, ergo justificat formaliter, ac delet mortale.

Resp. in eo sensu hominem ex operibus justificari, in quo ad Rom. 5. dicitur; *Justificati ex Fide;* quatenus per Fidem, & dilectionem disponimur ad justificationem. Hinc ad Galatas 2. dicitur: *Non justificatur homo ex operibus,* quia scilicet a nullo actu justificatur formaliter.

Ad 1. confirm. nego antec. Textus illi sacrorum Bibliorum intelligendi sunt in sensu causali, non formali. Quod ex eo patet, quia diligenti promittitur dilectio, & justificatio; ergo justificatio consequitur, & realiter distinguitur a dilectione, & contritione; aliter promissio esset inanis: frustra enim promittitur id, quod necari non potest; Atqui si justificatio identificaretur cum contritione, & dilectione, peccatori diligenti denegari non posset justificatio; erga frustra promitteretur.

Dein-

Deinde Charitas, qua Filii Dei nominamur, & sumus, non est charitas actualis, sed radicalis, nempe ipsa gratia radicans habitum, & actum charitatis, quæ sæpe in Scripturis vocatur nomine charitatis. Similiter sicut Eleemosyna dicitur extinguere peccatum causaliter seu dispositive, non formaliter; ita charitas dicitur operire multitudinem peccatorum.

Ad 1. Actus Fidei supernaturalis, quo quis eredit se esse in gratia, cum sit essentialiter verus, est essentialiter impossibilis cum peccato, & non per hoc justificat formaliter; ergo a fortiori nec contritio, quæ non essentialiter, sed solum in præsentí providentia est impossibilis cum peccato. In forma dist. antec. contritio est impossibilis cum peccato ratione sui, nego; ratione gratiæ, quam secum trahit in præsentí providentia, conc. antec. & nego consequ. Ad probationem dico, per contritionem hominem esse conversum ad Deum physice, seu conversione facti, per peccatum esse aversum moraliter, seu aversione juris. Quare sicut potest per Adversarios cum reatu odii Divini conjungi actus amoris Dei naturalis, ita etiam conjungi potest contritio, & dilectio supernaturalis.

X. Objic. 3. Actus charitatis est perfectior habitu charitatis, & Gratia; sed habitus Charitatis formaliter justificat, saltem si supponatur identificatus cum gratia; ergo etiam actus charitatis, & contritio. Antecedens probatur, quia finis est perfectior iis, quæ sunt ad finem; sed habitus charitatis, & gratia, sive identificentur, sive distinguantur inter se, sunt in ordine ad amorem supernaturalem, tanquam ad finem; ergo amor est perfectior habitu charitatis, & gratia.

Confirm. 1. quia operatio virtutis est perfectior ipsa virtute; Unde Philosophus 1. Ethic. 9. docet, felicitatem non consistere in virtute, sed in actu virtutis: in Olympicis enim non coronantur fortissimi, qui possunt certare, sed qui certant. Similiter postiora generatione sunt priora perfectione, ut homo præstat pueri, & puer embryone; ergo actus charitatis præstat habitum, & gratia.

Confirm. 2. quia ex Philosopho 1. Metaph. 9. actus præminet potentie; melius enim est videre, quam posse videre, bene agere, quam posse bene agere; sicut in malis peius est v. gr. blasphemare, quam posse blasphemare; ergo actus charitatis est

perfectior habitu, & gratia, atque adeo formaliter justificat.

Resp. nego antecedens: ad prob. distinguunt Maurus majorem dicendo, quod solum finis adequatus (nempe in casu nostro collectio omnium actuum charitatis) sit perfectior iis, quæ sunt ad finem, non vero finis inadecuatus, ut sunt singuli actus charitatis; sicut collectio omnium fructuum præstat arbori, non vero singuli fructus. Resp. equidem secundo, distinguendam esse in actu virtutis duplicem bonitatem, videl. moralem, & physicam. Bonitas moralis actus procul dubio præstat potentie, & in hoc sensu Philosophus dixit: melius est bene agere, quam posse bene agere, & peius est blasphemare, quam posse blasphemare: neque in alio sensu. D. Th. prima secundæ q. 71. art. 3. præstat actum potentie, ut advertit Vasquez. Et ratio est, quia ex iis, quæ in nostra potestate sunt, laudandi sumus, aut vituperandi; cum autem actus liber sit magis in potestate nostra, quam habitus, aut potentia, sumus enim domini nostrorum actuum immediate, habitum vero non nisi mediate, quatenus scilicet sumus domini actuum, a quibus illi generantur, ideo bonitas moralis actus præstat habitui. At bonitas, & perfectio physica, & enitativa actus non potest esse perfectior habitu, & potentia, cum nullus effectus sit perfectior sua causa adæquata. Neque ex eo, quod actus dicatur complementum, & finis potentie, ideo dici debet perfectior. Nam, ut advertit Angelicus prima secundæ q. 33. art. 3. finis dupliciter accipi potest, primo prout importat id, cuius gratia, seu propter quod aliquid est, & hujusmodi finis perfectior est iis, quæ sunt ad finem. Secundo dicitur finis id, quod supervenit, & compler, sicut rectum dicitur finis domus, cum tamen non rectum, sed habitatio sit finis, cuius gratia est domus: sic etiam accidentia dicuntur finis substantiæ, quia illam complent; & eodem modo ex Philosopho 10. Ethic. 4. delectatio dicitur finis operationis. In hoc itaque sensu operatio est finis potentie, quatenus illam complet: ex quo non sequitur, quod actus præstat potentie; sicut accidentia non præstant substantiæ, nec passionem præstant essentia, quam accessione sua complet.

Quando autem Philosophus videtur dicere, quod operatio sit finis primo modo, hoc est cuius gratia relate ad potentiam, tunc non loquitur de operatione ut sejuncta,

cia, sed ut copulata cum potentia, ita ut finis sit ipsa potentia operans, quæ certe perfectior est sola potentia; sic Arbor cum fructu perfectior, & eligibilior est sola arbore, sed non ideo fructus est perfectior arbore; nam finis arboris cujus gratia non est solus fructus, sed arbor fructificans; sic etiam finis hominis cujus gratia non est felicitas formalis, sed homo felix. Quare sicut felicitas est bonum complete adveniens homini, & tamen non homo ad ipsam: sed ipsa ad hominem ordinatur; & sicut delectatio est completa operationis; & tamen delectatio est propter operationem, non e contra; ita in casu nostro operatio est completa virtutis, & potentie: operatio tamen est propter virtutem, & potentiam, non e contra.

In forma dist. antec. actus charitatis est perfectior habitu moraliter, concedo; physice, nego antecedens, & consequentiam. Ad prob. dist. maj. finis est perfectior iis, quæ sunt ad finem, si nomine finis veniat id cujus gratia, concedo; si veniat ultimum complementum, nego maj. & distincta min. nego consequentiam.

Ad primam confirm. recurrit eadem responsio. Ad id, quod dicitur, posteriora generatione esse priora perfectione: tunc est verum, quando priora antecedunt ut via, & medium ad posteriora, non ut principium, & causa. Flos, quia est via ad fructum, est imperfectior fructu; arbor vero, quæ est causa, est perfectior; & ideo potentia, quæ est causa operationis, præstat operationi, quamvis hæc generatione sit posterior.

Ad secundam: Aristoteles comparat potentiam determinatam ad non agendum cum ipsa operatione, quando dicit operationem præstare potentie: præstat enim amare Deum, quam posse amare, & nunquam illum amare: si tamen comparetur actus amoris transiens, & momentaneus cum potentia disposita ad plures actus amoris eliciendos, hæc est præligibilior, sicut est præligibilior arbor singulis fructibus.

Adde, posse duo ita se habere, ut unum sit nobilior, & magis amabile, quippe habens majorem bonitatem absolutam, alterum vero sit utilis, & magis amandum, quippe majorem bonitatem respectivam: Sic musca, utpote vivens, est nobilior quam folium, non tamen utilis, & eligibilior: sic aurum est nobilior pane, sed ab esuriente hic est eligibilior: & Christus Dominus de Juda

non dixit, Melius erat, si natus non fuisset, Sed, melius erat illi, quia absolute præstat, quod fuerit natus; illi tamen non fuit utile, non quidem spectato Dei beneficio, sed spectata culpa sua: Sic in casu nostro virtus est nobilior operatione: hæc tamen est utilis, atque adeo eligibilior, & magis amanda, licet non magis amabilis, nisi tantum spectata bonitate morali. Ex quibus omnibus fit, actum charitatis, & contritionem non ideo iustificare formaliter quia habitus charitatis formaliter iustificat, si cum Gratia identificatur: Probabiliter tamen puto, habitum charitatis distinguere realiter a Gratia, & non iustificare formaliter.

ARTICULUS III.

Num possit dari Sacramentum Pœnitentie validum, & informe ex defectu doloris illimitati.

XI. Sacramentum dicitur esse validum, quoties habet omnia ejus constitutiva; dicitur autem esse formatum, si conjungatur cum Gratia infusione; dicitur vero informe, si habeat impedimentum ad infusionem Gratie: sic Sacramentum baptismi cum mortali non retractato est validum, & informe; & eadem est ratio de aliis Sacramentis, quorum constitutiva consistere possunt cum mortali non retractato, quod unice est obex Gratie. Dubitatur solum de Sacramento Pœnitentie, Num possit esse validum, & informe, quia de hoc tantum Sacramento dubitari potest, an ejus constitutiva consistere possint cum mortali non retractato. Qui enim putant, ad constituendum hoc Sacramentum requiri dolorem illimitatum cadentem super omnia peccata commissa, docent, dari non posse Sacramentum Pœnitentie validum, & informe, cum dolor ille illimitatus constitutivus Sacramenti sit impossibilis cum mortali non retractato, ut patet: Contra vero qui putant, ad constitutionem Sacramenti sufficere dolorem limitatum de aliquo peccato ex motivo specialis turpitudinis, docent consequenter, dari posse hoc Sacramentum validum, & informe, quia cum dolore limitato de uno tantum peccato commisso consistere potest perseverantia moralis alterius peccati, atque adeo impedimentum ad infusionem Gratie.

XII. Dico equidem cum hæc secunda sen-

sententia, dari posse Sacramentum Pœnitentia-
re validum, & informe ex defectu dolo-
ris illimitati. Ita Suárez, Valentia, Lugo
disp. 14. sect. 6. cum D. Th. in 4. dist.
17. q. 3. art. 4. Caietano, Durando, &
fere omnibus antiquis, teste Dicaſtillo disp.
6. sect. 5. (quamvis ante Tridentinum alii
aliter illud admitterent) contra Vázquez,
Coninck, Layman, Fagundes, Amicum
disp. 12. sect. 6.

Prob. Si dari possent omnia constitutiva
huius Sacramenti, nempe dolor, confessio,
& Absolutio, cum impedimento ad infu-
sionem Gratiæ, dari posset Sacramentum
Pœnitentia- re validum, & informe; sed pos-
sunt dari omnia hæc constitutiva cum im-
pedimento ad Gratiæ ex defectu doloris
se extendentis ad omnia mortalia commissa;
ergo dari potest ex hoc capite Sacramentum
Pœnitentia- re validum, & informe.

Prob. min. si Sortes commiserit duo pec-
cata, v. g. furti, & homicidii, & solum
doleat de furto ex turpitudine speciali il-
lius, quatenus scilicet opponitur virtuti in-
fuse iustitiæ, inculpabiliter omitiendo do-
lorem de peccato homicidii, aut sacrilegii,
vel quia illius non recordatur, vel quia
non advertit ad obligationem dolendi de
illo, in tali casu habetur dolor, confessio,
& absolutio, atque adeo omnia constitutiva
Sacramenti, cum obice ad Gratiæ ex de-
fectu inculpabili doloris illimitati; ergo.

Quod autem dolor ille limitatus ex mo-
tivo particulari sufficiat ad constitutionem
Sacramenti Pœnitentia- re, prob. tum ex Trid.
sess. 14. cap. 4. ubi docet, Attritionem
sufficientem ad Sacramentum esse illam,
quæ vel ex turpitudine peccati considera-
tione, vel ex Gehennæ, & penarum me-
tu communiter concipitur, dummodo vo-
luntatem peccandi excludat cum spe ve-
niæ: tum etiam quia si quis ex revelatio-
ne sciât, se non commisisse nisi peccatum
A, & de illo doleat ex ejus turpitudine
speciali, procul dubio ponit dolorem suffi-
cientem ad Sacramentum, nec videtur ne-
gari posse, ut advertit Dicaſtillo; ergo ad
valorem Sacramenti universum sufficit dol-
or ex motivo particulari. E ratio a prio-
ri est, quia sicut nemo tenetur ad dolen-
dum de peccatis remissis, ita a fortiori nec
de peccatis non commissis; ergo qui unum
tantum peccatum commisit, de illo tantum
tenetur dolere, atque adeo sufficienter de
illo dololet ex motivo particulari.

Confirm. Tam requiritur ex Triden. ad
Sacramentum Pœnitentia- re confessio omnium

mortalium, quam dolor omnium; atque
sufficit confessio integra formaliter, etiam
si non sit materialiter integra, quando Pœ-
nitens vel est oblitus alicujus mortalium, vel
ex rationabili causa non tenetur illud hic
& nunc confiteri; ergo sufficit etiam per
accidens dolor formaliter integer, etiam si
non sit integer materialiter, seu omnium
mortalium commissorum, quando Pœnitens
alicujus est invincibiliter oblitus.

Confirm. 2. Potuit Christus Dominus ita
instituire Sacramentum Pœnitentia- re, ut ef-
fet validum per dolorem limitatum cum
proposito illimitato non peccandi de cete-
ro; Si dicatur autem, quod ita illud insti-
tuerit, ratiocinamur conformius verbis
Triden. conformius etiam ad institutio-
nem reliquorum Sacramentorum, quæ pos-
sunt esse valida, & informia; conformius
denum Divinæ benignitati, quæ sic non
obligat nos ad iterum confitendum pecca-
tum, quod seculi clavibus subjecimus cum
dolore limitato, nec privat nos fructu illius
Sacramenti invincibiliter informis, quando
per attritionem de illo peccato non retra-
ctato, aut saltem per contritionem deinde
reviviscit; ergo dicendum, quod ita de
facto hoc Sacramentum instituerit. Præ-
sertim quia institutum est instar Judicii;
in Judicio autem forensi nulla habetur ra-
tio de delictis oblitis; ergo nec dolor de
oblitis spectat ad constitutionem huius Sa-
cramenti.

Probatum iterum conclusio, quia si quis
ante Baptismum commiserit peccatum A,
& post Baptismum cum fitione susce-
ptum committat peccatum B, & deinde
accedat ad Sacramentum Pœnitentia- re cum
dolore de peccato B qua tali, puta quia est
hominis Christiani, oblitus invincibili-
ter peccati A ante Baptismum commis-
si, tunc haberentur omnia constitutiva Sa-
cramenti cum obice ad Gratiæ; ergo da-
retur Sacramentum validum, & informe.
Probatum antecedens: si quid deesset ad
constitutionem Sacramenti, maxime effet
dolor de peccato ante baptismum; sed hic
dolor non constituit Sacramentum pœni-
tentia- re; ergo nullum constitutum desidera-
retur. Prob. minor: peccatum ante bap-
tismum non est materia remota Sacramenti
pœnitentia- re; ergo dolor de illo non est ma-
teria proxima; atque adeo non constituit.
universum enim quod non est materia re-
motæ relate ad aliquod Sacramentum, nec
est materia proxima quodcumque circa il-
lud versatur: v. g. quia vinum non est ma-
ter-

teria remota baptismi, nec ablutio vini est materia proxima, & in Sacramento Pœnitentiæ quia peccatum ante baptismum non est materia remota, nec confessionalis peccati est materia proxima; unde si quis confiteretur ea peccata, talis confessio non esset pars Sacramenti; ergo nec dolor de peccatis ante baptismum.

Confirmatur: Dolor de peccato ante baptismum non est sensibilis, neque ratione sui, ut patet; neque ratione confessionis, seu per accidens, quia ejus confessio est impertinens ad hoc Sacramentum; ergo talis dolor non potest constituere Sacramentum, quippe quod essentialiter est signum sensibile.

Neque dicas, dolorem de peccato ante baptismum fieri sensibilem per confessionem externam peccatorum post baptismum, qua significatur internus dolor requisitus, atque adeo dolor etiam de peccatis ante baptismum.

Nam contra est, quia potest aliquis invincibiliter putare, quod nullum peccatum ante baptismum commiserit, & idcirco dolere tantum de peccatis post baptismum, quatenus hominis Christiani sunt, & hoc expresse in confessione explicare; in quo casu talis confessio nullatenus redderet sensibilem dolorem de peccatis ante baptismum: omnino autem gratis dicitur, quod dolor requisitus ad constituendum hoc Sacramentum debeat esse ex motivo universalis comprehendente etiam peccata, quæ non sunt in conscientia.

XIII. Objic. 1. ex Vasqu. Omnis dolor, qui constituit Sacramentum Pœnitentiæ, debet esse dispositio ad Gratiâ; ergo talis dolor debet esse illimitatus extendens se ad omnia peccata commissa, quamvis oblita; atque adeo repugnat Sacramentum pœnitentiæ validum, & informe. Antecedens probatur, quia Concilia nunquam distinguunt inter dolorem, qui fit pars, seu constituit Sacramentum, & dolorem qui fit dispositio ad Gratiâ. Immo Trid. sess. 14. cap. 4. eandem Pœnitentiâ, quam prius assignavit ut dispositionem necessariam ad Gratiâ in baptismo, deinde assignat ut partem in Sacramento Pœnitentiæ.

Confirm. 1. Trid. loco laudato dicit, attritionem constitutivam hujus Sacramenti debere excludere voluntatem peccandi; non dicit autem, quod voluntas peccandi excludi debeat ab eo, qui attrahitur, sed ab ipsa attritione, seu dolore: atqui attritio non potest excludere virtualiter voluntatem pec-

candi de cætero, nisi concipiatur ex motivo universalis, unde virtualiter detestetur omnia peccata, & consequenter simul sit dispositio ad Gratiâ; ergo dolor constitutivus hujus Sacramenti debet simul esse dispositio ad Gratiâ. Minor patet, quia si attritio concipiatur ex motivo particulari, solum virtualiter includit voluntatem non peccandi amplius eodem peccato.

Confirm. 2. quia Trident. sess. 14. cap. 3. & can. 4. tres tantum actus recenset, qui sunt quasi materia Sacramenti Pœnitentiæ, nempe confessionem, contritionem, & satisfactionem, nulla facta mentione de proposito; ergo ex Trid. propositum non peccandi de cætero non debet esse formale, seu actus distinctus a contritione; atque adeo contritio debet virtualiter hujusmodi propositum continere; sed non contineret, nisi procederet ex motivo universalis, unde sit dispositio ad gratiam; ergo contritio quæ constituit Sacramentum, debet etiam esse dispositio ad gratiam; atque adeo repugnat Sacramentum hoc validum, & informe.

Confirm. ult. quia Trident. sess. laudata cap. 4. dicit, contritionem non solum esse cessationem a peccato, & vitæ novæ propositum, sed veteris etiam odium continere, juxta illud: *Projicite a vobis omnes iniquitates vestras*; ergo dolor constituens hoc Sacramentum debet esse illimitatus. Præterea ibidem Trident. docet, contritionem esse dolorem, ac detestationem de peccato commisso cum proposito non peccandi de cætero; ergo sicut propositum debet esse illimitatum, ita & dolor. Denique cap. 5. docet, peccata, quæ diligenter cogitanti non occurrunt, intelligi inclusa in confessione: pro iis enim fideliter cum Propheta dicimus: *Ab oculis meis munda me*. Atqui non possunt peccata oblita intelligi inclusa in confessione, nisi dolor etiam ad illa se extendat; ergo ex Trid. ad valorem hujus Sacramenti requiritur dolor de peccatis etiam oblitis, unde nequit esse validum, & informe.

XIV. Ut tot autoritatibus Trid. fiat satis, præmitto sequentes propositiones.

Prima propositio: ad validitatem hujus Sacramenti non requiritur dolor ex motivo universalissimo se extendente ad omnia omnino peccata, etiam remissa, aut non commissa. Prob. Qui sciret duo tantum peccata commisisse post ultimam confessionem, v. g. furti, & sacrilegii, & de singulis doleret ex motivo turpitudinis propriæ, hic valde & fru-

& fructuose Sacramentum susciperet; ergo non requiritur dolor ex motivo universalissimo; immo nec ex motivo universalis simul attingente omnia peccata commissa. Antecedens patet, tum quia teste Dicastillo non videtur negari posse, quod valide, & fructuose Sacramentum recipiat, qui sciens duo tantum peccata post ultimam confessionem commisit, de utroque ex motivo propriæ turpitudinis doleret; siquidem hic poneret dolorem a Trid. requisitum, vid. ex turpitudine peccati: tum etiam quia dolor ex motivo universalissimo se extendente etiam ad peccata remissa, aut non commissa impertinenter se habet ad Sacramentum, sicut etiam ad virtutem Penitentiae, cujus est ex D. Greg. commissa plangere, & plangenda non amplius committere.

Neque dicas, propositum debere esse universalissimum; ergo etiam dolorem. Nam Dicastillus disp. 12. num. 122. probabiliter putat, sufficere propositum limitatum virtualiter inclusum in dolore limitato; sicut in confessione venialium non requiritur propositum universale, sed sufficit propositum non committendi ea venialia, quæ cum dolore clavibus subiiciuntur. Equidem tamen cum communiore censeo, requiri propositum illimitatum, cum Trident. dicat, requiri propositum non peccandi de cætero, quod sonat illimitatum propositum non peccandi amplius ullo peccato gravi; aliter cum dolore, & proposito limitato relæge ad furtum v. gr. & cum complacentia de alio peccato, puta homicidii, haberi posset Sacramentum validum, & informe; (sicut potest Sacramentum Baptismi esse validum, & informe in eo, qui illud suscipit cum complacentia in aliquo peccato) quod tamen nemo dixerit. Ratio autem, cur propositum debeat esse illimitatum, non vero dolor, est, tum quia Trident. restringit dolorem ad peccata commissa, quin restringat propositum; dicit enim, contritionem esse dolorem de peccato commisso cum proposito non peccandi de cætero: tum etiam quia hoc spectat ad virtutem penitentiae, ex D. Gregorio, plangere tantum commissa, & nihil amplius plangendum committere: Tum demum quia dolor ex sua natura est limitatus ad commissa; quis enim doleat de non commissa? Secus vero propositum. Unde fit, quod qui confitetur vel sola venialia, vel aliquod mortale, doletque ex motivo particulari, debeat simul habere propositum formale non peccandi de cætero,

seu non committendi ullum aliud mortale; cum propositum hoc universale ex Trid. requiratur, & non includatur virtualiter in dolore ex motivo particulari.

Secunda propositio. Ad fructum huius Sacramenti requiritur dolor de omnibus mortalibus commissis, etiam oblitis; esto non requiratur dolor ex ullo motivo universalis, iuxta dicta in propositione antecedente. Probatur: sine retractatione omnium mortalium in præsentii providencia non infunditur Gracia; cum peccatum non retractatum sit obex ad illam; ergo ad fructum Sacramenti requiritur dolor de omnibus mortalibus commissis, etiam si invincibiliter oblitis.

Tertia propositio. Dolor de peccatis invincibiliter oblitis, quamvis requiratur ad fructum, non requiritur tamen ad valorem Sacramenti. Probatur, quia ad valorem sufficit dolor ex turpitudine peccati, qui stare potest sine dolore de peccatis oblitis; Nemo autem tenetur compensare debitum, aut implere votum oblitum; ergo nec dolere de peccato oblitio. Et sane nemo tenetur dolere de peccatis remissis; (esto si memorie occurrant, iuxta probabilem sententiam debeat homo habere de illis aliquam displicentiam) ergo a fortiori nec tenetur dolere de oblitis; præsertim quia vel dolor de oblitis esset absolutus, & est impossibilis, ac imprudens, vel esset conditionatus, & est insufficiens.

Dices: Homo teneretur dolere de mortalibus ex motivo universalis comprehendente etiam oblitis, ne exponat Sacramentum periculo frustrationis. Respondeo, esse moraliter certum, quod sufficiat dolor limitatus, quando est moraliter certum, quod nullum detur peccatum oblitum; cum in hoc nullus, aut fere nullus Author discrepet; unde in tali casu licitum est adhibere hunc dolorem, quia periculum frustrandi Sacramentum est remotissimum, quod cavere non tenemur. Ex propositione enim 3. ab Alex. VIII. proscripta constat licitum esse universum uti opinione probabilissima, atque adeo etiam moraliter certa, omnia tutiore, solumque illicitum est in materia Sacramentorum uti opinione probabilis, omnia tutiore; ut constat ex prima thesi ab Innoc. XI. confixa. Cæterum, esto nunquam liceat uti dolore limitato in hoc Sacramentum; hinc solum fit, sententiam hanc non esse prædictæ probabilem, non vero non esse probabilem speculative; sicut ex gr. in suscipiendo Ordine Sacro est speculative probabile.

babile, quod sufficit contra hunc moralem materiam, citò non sit probabile practice; quatenus probabile est, Sacramentum tunc valde suscipi, citò non liceat materiam dumtaxat probabilem adhibere, ne Sacramentum exponatur periculo frustrationis.

Quarta propositio. Neque omnis dolor, qui est dispositio ad Gratiâ in hoc Sacramento, est simul constitutivus Sacramenti, neque omnis dolor qui constituit, est simul dispositio ad gratiam. Probatur prima pars: Adultus, qui ante Baptismum commisit peccatum furti v. gr. & deinde illius oblitus absque ullo dolore suscipit Sacramentum Baptismi, si deinde committat v. gr. sacrilegium, & accedat ad Sacramentum Pœnitentiæ tum cum dolore furti ex motivo particulari, tum cum dolore homicidii etiam ex motivo particulari, haberet dolorem, qui est dispositio ad gratiam in Sacramento Pœnitentiæ recipiendam, & tamen dolor ille furti non esset pars huius Sacramenti; (sicut confessio peccati ante baptismum non est pars Sacramenti Pœnitentiæ) ergo non omnis dolor, qui disponit ad gratiam in Sacramento Pœnitentiæ, illud constituit.

Confirm. ex Dicastillo, quia si quis ob rationabilem causam omittat in confessione peccatum A, puta incestum, de illo tamen doleat ex motivo particulari; sicut etiam de peccatis, quæ subijciuntur clavibus; in tali casu dolor ille internus de incestu est dispositio ad gratiam, non tamen est pars Sacramenti; cum non fiat sensibilis per confessionem.

Secunda pars propositionis constat ex dictis; potest enim dari dolor v. g. furti ex motivo particulari absque dolore sacrilegii oblitus; in quo casu dolor furti constituit Sacramentum, & non est dispositio ad gratiam; ergo non omnis dolor, qui est pars Sacramenti, disponit ad gratiam. His præmissis.

XV. Resp. ad argumentum Vasquii. Distinguo antecedens: omnis dolor, qui est pars Sacramenti, est etiam dispositio ad Gratiâ per se loquendo, concedo; per accidens, nego antec. & consequ. Sicut enim Sacramenta v. gr. per se conferunt gratiam, per accidens non conferunt, si subiectum sit indigne dispositum; ita attritio de peccatis, quæ sunt in conscientia, concepta ex motivo particulari per se disponit ad Gratiâ in Sacramento, per accidens vero non disponit, si detur aliud peccatum oblitum non retractatum. Ad probationem: Conci-

lia non distinguunt inter dolorem, qui se pars Sacramenti, & qui sit dispositio ad gratiam, quia per se loquendo dolor simul est pars, & dispositio; & ideo præscindunt a dolore, qui per accidens vel est pars, & non disponit, vel disponit, & non est pars, ut est dolor v. gr. de peccatis ante baptismum.

Ad 1. confirm. Trid. docet solum, quod attritio, quæ excludit omnem voluntatem peccandi, sit pars huius Sacramenti, non tamen negat, quod etiam constituit Sacramentum attritio, quæ sit ex motivo particulari, & non excludat omnem voluntatem peccandi; sicut docet solum, quod Sacramentum constituat attritio concepta ex metu gehennæ, & pœnaram, non tamen negat, quod etiam constituat attritio concepta ex spe gloriæ. Quare nego, quod attritio debeat excludere omnem voluntatem peccandi; cum in omnium sententia attritio concepta ex motivo particulari, si superaddatur propositum non amplius peccandi, & nullum aliud sit peccatum in anima non retractatum, sit pars Sacramenti, & disponat ad Gratiâ; ergo si per accidens sit in anima aliud peccatum oblitum non retractatum, constituit Sacramentum validum, & informe.

Adde: Etiam attritio deberet excludere omnem voluntatem peccandi, adhuc attritio posset esse ex motivo particulari. Nam qui dolet de peccato commisso post baptismum ex motivo, quod sit hominis Christiani, eo ipso vi talis doloris excludit omnem voluntatem peccandi in posterum; sic etiam qui invincibiliter putat, primum peccatum a se commissum esse jam condonatum, & dolet de secundo propter malitiam reincidentis, hic dolor non se extendit ad retractandum primum peccatum, & tamen virtualiter excludit omnem voluntatem peccandi.

Ad 2. Tridentinum non negat, posse materiam huius Sacramenti quatuor actibus integrari, dolore scilicet, proposito formali, confessione, & satisfactione; aliter propositum deberet necessario esse virtuale inclusum in dolore; quod nemo dixerit. Quare solum anathematizatur can. 4. qui negant requiri eos tres actus, contritionem, confessionem, satisfactionem.

Ad ult. Contritio debet continere odium veteris vitæ, hoc est odium peccatorum, quæ sunt in conscientia, & non apparent renissa, quin debeat detestari aut peccata renissa, aut oblita.

Ne-

Neque dicas, ad valorem Sacramenti requiri detestationem omnium communiorum etiam obliorum. nam sic requireretur etiam dolor de peccatis commissis ante baptismum, atque adeo illæ peccata essent materia remota hujus Sacramenti; quod falsum est.

Ad id, quod additur: ostendimus, quod solum propositum debeat esse illimitatum, non vero dolor. Denique peccata obliora ex Trid. intelliguntur inclusa in confessione, si de eis doleamus. Hinc tamen non fit, quod si de eis non doleamus, Sacramentum Pœnitentiæ non possit esse validum.

XVI. Obijc. 2. ex Coninck apud Lugo. Qui vult Sacramentum Pœnitentiæ suscipere, debet intendere serio reconciliationem cum Deo; sed seria voluntas reconciliationis includit virtualiter, & implicite aversionem ab omni mortali, quæ sufficit ad fructum Sacramenti; ergo repugnat Sacramentum esse validum, & instructum. Probatur minor, quia universum amor efficacis alienius boni est virtualiter odium mali oppositi, ut propterea actus dilectionis Dei super omnia sit virtualiter dolor omnium peccatorum, etiam obliorum; ergo intentio seria, & efficax reconciliationis cum Deo includit virtualiter odium omnium peccatorum etiam obliorum, quæ tali reconciliationi opponuntur.

Confirm. quia non potest valide suscipi Sacramentum Pœnitentiæ, nisi cum spe veniæ; sed spes veniæ consistere nequit sine dolore, saltem implicito, omnium commissorum; ergo ut prius.

Resp. cum Lugo, & Dicast. per instantiam: qui in articulo mortis vellet justificari per contritionem, aut per baptismum, certe haberet seriam voluntatem reconciliationis, & implicite aversionem ab omni peccato; ergo præcise per hanc voluntatem reconciliationis justificaretur, etiam si non poneretur contritio, aut baptismus; quod nemo dixerit. Et ratio est, quia dupliciter potest unus actus continere alterum virtualiter. Primo imperative, seu per modum imperii, & causæ, per hoc scilicet quod voluntas ex motivo formali actus imperantis determinatur ad actum imperatum, quamvis actus imperans non contineat æquivalenter perfectionem actus imperati: sic metus gehennæ imperative continet actum contritionis, ad quem determinat: scilicet beatitudinis, cum sit desiderium efficacis æternæ gloriæ, imperative continet observantiam præceptorum, susceptionem

Pars VIII.

baptismi, &c. Et hoc pacto in casu nostro desiderium reconciliationis virtualiter continet dolorem de peccatis commissis, quatenus determinat voluntatem ad actum doloris.

Secundo unus actus continet alium virtualiter per hoc, quod æquivalenter contineat perfectiones illius, quatenus scilicet ex eodem motivo formali unus actus voluntas est disposita, & determinata ad alium ponendum, si adsint requisita: sic amor Dei virtualiter continet detestacionem peccatorum, quia ex eodem motivo formali Bonitatis Divinæ, qua homo diligit Deum, est dispositus ad dolendum de peccato, si memoriæ occurrat: sic etiam dolor de peccato A ex motivo universalis affectu in tota sua latitudine, v.g. ex odio gehennæ, virtualiter determinat ad dolendum de peccato B, si memoriæ occurrat.

In casu nostro, voluntas reconciliationis non continet hoc pacto virtualiter dolorem de peccatis, quia hic dolor concipitur ex motivo distincto; sed solum continet dolorem virtualiter per modum imperii determinando ad illum; aliter talis voluntas absque ullo dolore formali posset constituere Sacramentum: quod nemo dixerit; ergo voluntas reconciliationis non sufficit ad fructum Sacramenti, si conjungatur cum dolore de uno tantum peccato; quod est in conscientia, absque dolore de obliis.

In forma nego min. Ad probationem distinguo antecedens: Amor efficacis boni est virtualiter odium efficacis mali oppositi, si circa idem objectum formale versetur amor boni, & odium, ad quod determinat, concedo; si per modum imperii causet tale odium, quod procedat ex alio motivo formali, nego antecedens, & consequentiam.

Ad confirm. recurrit eadem responsio. Spes veniæ non est dolor formalis, sed solum per modum imperii determinat ad dolorem; unde neque est virtualiter dolor obliorum; atque adeo cum tali spe consistere potest Sacramentum validum, & informe ex defectu doloris illimitati.

XVII. Obijc. 3. Impossibile est Sacramentum esse validum, si cum dolore limitato non annexatur propositum illimitatum non peccandi de cetero, ortum ex motivo supernaturali; sed si datur hoc propositum universale, eo ipso datur dolor virtualis omnium peccatorum; ergo datur quod requiritur ad fructum Sacramenti. Probatur

R

DI-

minor: dolor ex motivo universalis virtualiter includit propositum universale; ergo vice versa propositum ex motivo universalis includit etiam virtualiter dolorem universale, & illimitatum.

Confirm. Si posset hoc Sacramentum esse validum, & informe, non esset vera forma absolutoria. Sacerdos enim non conferret gratiam, atque adeo re vera non aboleret.

Resp. argumentum probare nimis. probat enim, quod sicut juxta probabilissimam sententiam Sacramentum constitui potest cum solo dolore sine proposito formali conditionis; (tum quia ex Trid. cap. 3. & can. 4. tres, non quatuor adus pœnitentis de se integant materiam hujus Sacramenti; tum etiam quia ex eodem Trid. cap. 4. Atritio, quæ excludit voluntatem peccandi, atque adeo quæ implicite propositum includit, sufficit in hoc Sacramentum) ita constitui potest cum solo proposito formali absque ullo formali dolore: quod tamen nemo dixerit. si enim ne ipse quidem amor Dei super omnia sine dolore formali constituere potest hoc Sacramentum, a fortiori nec solum propositum includens virtualiter dolorem. In forma, transmissa majore, quam negat Dicalillo putans sufficere propositum particulare, dummodo absit complacentia de alio peccato, nego min. Ad probationem; nego consequentiam: præsertim quia, ut notat Lugo num. 56. bene stare potest, quod quis proponat nunquam amplius peccare, quin doleat, sed potius habeat complacentiam de peccato præterito: sic senex facile proponit castitatem servare, quin doleat de peccatis contra castitatem: sic etiam si quis doleat de peccato post baptismum commissum, aut post ingressum in Religionem, vi hujus doloris proponit nunquam se commissurum peccatum, quod sit hominis christiani, vel Religiosi, quin per hoc virtualiter doleat de peccatis antea commissis.

Neque replices, quod si quis ex motivo universalissimo, puta bonitatis Divinæ, aut gehennæ, proponeret se nunquam peccaturum, saltem in tali casu cum dolore limitato unius tantum peccati, quod est in conscientia, & invincibili oblivione alterius, Sacramentum esset validum, & formatum, propter virtutalem dolorem de illo peccato obliato inclusum in proposito isto ex motivo universalissimo.

Nam nego sequelam, quia, ut diximus, si sufficeret dolor virtualis de peccatis com-

missis inclusus in formali proposito, sequeretur, quod sicut sufficit in Sacramento dolor formalis ex motivo universalis cum solo proposito incluso in tali dolore, atque adeo absque proposito formali; ita viceversa sufficeret propositum formale ex motivo universalis cum solo dolore virtuali in eo incluso, absque ullo dolore formali; quod nemo dixerit. Deinde dato, & non concessio, quod Sacramentum esset validum, & formatum in casu adducto, non propterea non posset dari Sacramentum validum, & informe, si propositum se extenderet quidem ad omnia peccata futura, sed non esset dolor virtualis omnium commissorum; ut si quis oblitus peccatorum ante baptismum doleat de peccatis post baptismum ex motivo, quia sunt hominis Christiani, unde proponat cavere in posterum peccata hominis Christiani; in quo casu hujusmodi propositum non contineret virtutalem dolorem peccatorum ante baptismum.

Ad confirm. sicut forma absolutoria est vera, quando quis exponit in confessione solum peccata remissa, aut si accedit cum contritione; quia facit sensum, Confesso Gratiam, quæ absolvet, saltem in actu primo: ita in casu nostro est vera, quia sic sensus, confesso Gratiam, nisi sit obex; & quantum est in me absolvo, nisi ex parte tua sit impedimentum: sicut forma baptismi facit sensum, Ego ablui animam Gratia sanctificante, nisi detur obex; & ideo est vera, etiam si baptismus sit validus, & informis.

XVIII. Difficultas est, Utrum possit dolor esse limitatus, etiam si procedat ex motivo universalis: ex. gr. Utrum possit quis detestari peccatum furti ex motivo contritionis, seu quia displicet Deo summe bono, aut ex metu gehennæ, quin simul virtualiter detestetur sacrilegium, eo quod motivum illud universale non attingat universaliter, & in tota sua latitudine, seu ex toto corde, sed restricte, & cum efficacia remissa? subtiliter in utramque partem Doctores ratiocinantur. Equidem in de Fide disp. 4. in celebri illa questione, Utrum discretens culpabiliter unum Articulum fidei, possit alium credere fide Divina, quæ non sit ex toto corde, sententiam affirmativam sensui probabiliorum cum Lugo disp. 5. sect. 6. Matrimonio disp. 48. sect. 5. Sicut enim potest quis ex. gr. velle stipem erogare ex hoc motivo, quia Deo placet, quin simul velit jejunare; quod Deo placet; quia scilicet hoc motivum

vum utrique commune, & universale, non attingitur virtualiter, & in tota latitudine, & cum omni efficacia: ita potest quis detestari furtum, quia displicet Deo, vel quia parit gehennam, quin simul detestetur sacrilegium: & ex amore iustitiæ potest quis velle restituere decem, quin velit restituere mille. Et eodem modo potest velle Deo credere aliquod mysterium, puta Resurrectionem mortuorum, quin velit credere Trinitatem, si non credat ex toto corde, quamvis utrumque mysterium eodem modo repræsentetur credibile, ut de facto Zacharias culpabiliter discredidit dictis Angeli revelantis conceptionem Joannis Baptiste, etiam si alia fidei mysteria crederet: sic pariter potest quis ex motivo contritionis dolere de mortalibus, quia Deo displicent, quin dolcat de venialibus; ergo potest etiam ex motivo contritionis, aut ex metu gehennæ detestari unum mortale, non aliud; quod fuisse ostendit Ripalda disp. 138. art. 1. contra Suarez disp. 3. de Pœnitentia sect. 8. & nos etiam diximus in de Justicia disp. 1. qu. 3. ar. 2.

Ex dictis sequitur, Sacramentum validum, & informe haberi posse, etiam si quis confiteatur solum venialia: si enim doleat de venialibus ex motivo particulari, pura de mendaciis, & invincibiliter sit oblitus furci mortalis, hujusmodi Sacramentum poterit esse validum, & informe ex defectu doloris illimitati.

XIX. Queritur demum, Utrum ex alio capite, quam ex defectu doloris illimitati, possit Sacramentum Pœnitentiæ esse validum, & informe? Putant nonnulli primo esse validum, & informe, si detur dolor de omnibus commissis sine proposito non peccandi de cætero. Sed contra est, quia ex Trident. ad valorem requiritur hujusmodi propositum saltem virtuale; præterquam quod qui vellet aliud peccatum committere, jam non haberet dolorem de omnibus commissis, quia non haberet dolorem de hoc ipso peccato, quod tunc committeret.

Secundo alii illud admittunt, si dolor sit naturalis: sed ex propositione 57. Innoc. XI. Attritio naturalis non sufficit; & cum hæc thesif proscripta sit illimitata, dicendum, quod attritio naturalis non solum non sufficiat ad fructum, sed neque ad valorem Sacramenti.

Tertio alii cum Hurt. apud Dicast. num. 101. docent esse validum, & informe, si

desit actus Fidei, & Spei; quippe quin non ad valorem, sed ad fructum requiruntur. Sed contra est, quia ad attritionem supernaturalem semper præcedit fides, & spes; quod si possent aliquando invincibiliter non præcedere, non est cur negentur fructus Sacramenti, si dantur omnia ejus constitutiva.

Alii quarto putant posse id oriri ex defectu absolutionis universalis, ut si confessorius velit absolvere solum a non reservatis, remittendo Pœnitentiam ad Superiorem ob reservata. Sed contra est, quia si confessorius habet animum conferendi Sacramentum a Christo institutum, habet implicite voluntatem conferendi gratiam, quæ absolvat etiam a reservatis indirecte, relinquendo onus comparandi superiori; si vero voluntas non absolvendi a reservatis prævaleat, Sacramentum non conficitur, nec ullatenus datur absolutio a non reservatis.

Alii quinto putarunt esse validum, & informe, si invincibiliter desit dolor, vel si dolor sit inefficax, vel si sit solum putatus. Hæc tamen post Trident. non subsistunt. Ex hac tamen opinione varietate colligi potest, possibilitatem Sacramenti Pœnitentiæ validi, & informis esse moraliter certam, cum communissime DD. fere omnes tempora admiserint usque ad Vasquez tempora, ut notat Dicast. n. 84. quamvis diversis modis illud comminiscerentur.

Dices 1. Quare non deberet dici Sacramentum Pœnitentiæ validum, & informe illud, quod recipitur a Christifidei, qui culpabiliter nunquam elicit actum fidei formalis de Deo uno, & Remuneratore, cum dolore tamen de omnibus mortalibus ex motivo supernaturali, puta Gehennæ? Etenim in tali casu haberentur omnia constitutiva Sacramenti, atque adeo Sacramentum esset validum; non haberetur tamen gratia a sacramento causata, quia sine fide illa formali, seu sine actu fidei ex motivo primæ veritatis revelantis existentiam Dei unius, & Remuneratoris, nemo potest justificari, juxta illud Apost. ad Hebr. 11. *Sine fide autem impossibile est placere Deo*: atque adeo Sacramentum non esset formatum.

Respond. in hoc casu Sacramentum non fore validum ex defectu doloris supernaturalis. cum enim ex Tridentino sess. 7. cap. 7. *Fides sit humana salutis initium, & radix justificationis*; non confectur in presenti providentia auxilium supernaturale ad

elicandos actus supernaturales, antequam elicitus sit actus fidei formalis, ut ostendimus in de gratia disp. p. qu. 7. art. 1. Aliter si ante actum fidei posset homo eliceret dolorem v. g. supernaturalem, per hunc mereretur de congruo alia auxilia supernaturalia, quibus ad justificationem disponeretur, unde initium salutis esset huiusmodi dolor, & non actus fidei. Docent quidem communiter, quod antecedenter ad actum fidei supernaturalem datur auxilium supernaturale, quo libere ponatur pia affectio ad fidem; sic enim fides est meritoria de congruo, & initium salutis. Docet etiam Lugo contra Communiorem, ut diximus loco laudato, quod antecedenter ad piam affectionem ad fidem datur a Deo infidelibus auxilium supernaturale, quo ponatur oratio, & petatur illustratio Spiritus Sancti ad veram fidem amplectendam, eo quod videatur isthæc oratio ad ipsam fidem pertinere, tanquam proxima dispositio ad illam; nemo tamen docuit, quod antecedenter ad fidem datur a Deo infidelibus auxilia supernaturalia ad ponendos alios actus virtutum. Propterea dolor de peccatis etiam ex motivo vitandi gehennam non est supernaturalis, ubi non præcessit actus fidei formalis, atque adeo non est constitutivus Sacramenti Penitentiae.

Quibus adde, quod cito possit dari huiusmodi dolor supernaturalis, non præmissa actu fidei formali, non per hoc Sacramentum illud Penitentiae elicit validum; quandoquidem licet non deficeret Sacramenti valor ex defectu constitutivi, deficeret tamen ex defectu requisiti essentialis; non secus ac deficit valor Sacramenti, deficiente intentione suscipientis, quæ est requisitum essentialis, non constitutivum. Quod autem essentialiter requiratur ad valorem Sacramenti penitentiae, non solum quod præmissum fuerit Sacramentum baptismi, sed etiam quod præmissa fuerit fides formalis, quæ necessaria est necessitate mediæ ad salutem, non videtur revocari posse in dubium; cum Trideur. sess. 6. cap. 6. loquens de dispositione ad justificationem, ad quam Sacramentum Penitentiae ordinatur, dicat: *De hac dispositione scripsimus etiam, Accedentem ad Deum oportet credere, quia est, & quod inquirantibus se remuneratur sit.*

Dices 2. Quare non debeat dici Sacramentum Penitentiae validum, & informe illud, quod suscipitur cum sola attritione naturali? hæc enim quamvis ad fructum Sacramenti non sufficiat, videtur tamen ad

eiusdem valorem satis esse, ut docent Cano, Ledesma, Soto, Sylvestre, Paludanus, Cajetanus, Capreolus, Covarruvias, Victoria, & alii plurimi, & graves doctores apud Henric. l. 1. de Pen. cap. 16. num. 2. l. d. Sicut enim Sacramentum Penitentiae constituitur potest Confessione naturali, necnon absolute vi naturali posita, ita dici potest, quod constituitur etiam attritione posita vi naturali, quamvis non possit ista ad gratiam disponere. Et in hoc tantum sensu Cardenas putat proscriptam esse ab Innoc. XI. thém illam 57. quæ habet: *Probabile est fuisse Attritionem naturalem, modo honestam*: proscritur quippe solum, quod sufficit ad fructum Sacramenti, prout olim docuerunt Pitigianus, Soto, Cabrera, Cano, & alii apud Dianam p. 3. tr. 4. ref. 13. non vero ad valorem; cum hæc sententia videatur esse ipsius D. Tho. in 4. dist. 13. q. 3. art. 4. ubi habet: *Confessio potest esse in eo, qui non est contritus; & quamvis tunc non recipiat absolutionis fructum, tamen recte nate fideione percipere incipit, sicut etiam est in aliis Sacramentis; unde non tenetur iterare Confessionem qui fideione accedit, sed tenetur postmodum fideionem suam confiteri*. Non potest autem Angelicus intelligi, quod valide Sacramentum suscipiat, qui caret quacumque contritione, sive perfecta, sive etiam imperfecta, hoc est attritione, ut patet. Neque potest intelligi, quod non recipiat fructum, si careat contritione perfecta, habeat tamen imperfectam, seu attritionem supernaturalem, ut etiam est perspicuum; ergo debet intelligi, quod valide Sacramentum suscipiat, & sine fructu, si careat contritione sive perfecta, sive imperfecta supernaturali, dummodo habeat attritionem naturalem.

Respond. Attritionem naturalem non sufficere ad valorem Sacramenti, atque adeo non posse dari Sacramentum Penitentiae validum, & informe per hoc, quod penitens ad illud accedat cum sola attritione naturali. Ratio doctrinæ est, quia Florentinum, & Tridentinum docent, dolorem requisitum ad valorem Sacramenti disponere ad fructum; atque adeo si attritio naturalis non disponit ad gratiam, neque Sacramentum constituit. Trid. sess. 14. cap. 4. loquens de contritione, quam dixerat esse partem Sacramenti, dicit, *Eam disponere ad gratiam in Sacramento Penitentiae imperfectionem*. & cap. 3. dicit attritionem, quæ est pars Sacramenti, ad plenam, & perfectam remissionem ex Dei institutione requiri,

ri. & cap. 4. docet, *Donum Dei esse, & Spiritus Sancti impulsus*. Hinc puto, quod Thesis illa 57. proscripta ab Innoc. XI. intelligenda sit tam de sufficientia attritionis naturalis relate ad fructum, quam relate ad valorem Sacramenti. cum enim loquatur universaliter, & non sit ratio, cur debeat intelligi restrictè solum in ordine ad fructum, dicendum quod in omni universaliter intelligenda sit, ut proinde neque sufficiat ad fructum, neque ad valorem: quicquid olim ante Tridentinum non pauci putarint, sive quod ad valorem, sive etiam quod ad fructum sufficeret, ut videre est apud Dianam loco citato. Quod attingit ad D. Thomam, dico intelligendum esse juxta nostram sententiam, quod videlicet Sacramentum valide, & sine fructu suscipiatur, qui accedit sine contritione solum imperfecta universaliter de omnibus peccatis commissis, dummodo non careat attritione supernaturali de aliquibus peccatis ex motivo propriæ turpitudinis cognite lumine supernaturali, ut dicentis oppositionem cum virtutibus supernaturalibus ad æternam gloriam perducenibus. Hæc sufficiat innuisse; qui plura velit hac de re, consulat in Trutina Theologica iam typis a me data expositionem Thesis 57. ab Innoc. XI. confixæ; necnon qui ibidem dicuntur de Sacramento Pœnitentiæ valido, & informi in ordine ad proximum in expositione primæ Thesis ab eodem Pontifice proscriptæ num. 18.

ARTICULUS IV.

Utrum attritio sufficiat in Sacramento Pœnitentiæ, etiamsi quæcumque Dei dilectionem excludat.

XX. **M**ultiplex est hac in re sententia. Prima quorundam gravium Antiquorum cum Magistro Alensi Bonav. Okamo, Gabriel, requirement contritionem, ita ut illa habeat vim justificandi, & absolutio Sacerdotis non remittat peccata, sed solum declaret ea esse remissa, & Pœnitentem exoneret ab obligatione subjiciendi ea clavibus. Verum cum certum nunc sit ex Trident. absolutiorem Sacerdotis non declarare peccata esse remissa, sed ea remittere, ideo auctoritas istorum DD. nullatenus favet Lovaniensibus, qui cum Christiano Lupo Haverfando de la verdure, & aliis requirunt etiam contritionem, & pro hac sententia laudant e Thomam

Part. VIII.

setanum, Victoriam, Contenson, & ex DD. Soc. Toletum, Comitolium, Pallavicinum.

Secunda sententia cum Corduba, Soto, Navarro requirit contritionem saltem exultatam. Tertia post Trid. communissima docet, attritionem sufficere ex solo metu Gehennæ conceptam. Innumeros pro hac sententia laudat auctores Gormaz, ita ut nonnulli oppositam doceant esse improbabilem, & Tridentino repugnantem; quia tamen nonnulli acriter contendebant, attritionem absque aliquali Dei dilectione non sufficere, idcirco Alex. VII. die 5. Maii 1667. sub pena Excommunic. prohibuit, ne quis censura ulla notaret, aut opinionem id affirmantem, cum Sylvio, Pallavicino, & aliis apud Haunol. n. 985. aut negantem cum communi Theol. apud Lugo disp. 5. sec. 9.

XXI. Dicendum itaque primo, sufficere attritionem ex mero metu Gehennæ conceptam, quin requiratur aut perfecta contritio, aut contritio putata in Sacramento Pœnitentiæ.

Probatur, quia Trident. sess. 14. cap. 3. dicit, esse partem Sacramenti Pœnitentiæ contritionem, nempe illam, quam cap. 4. dividit in perfectam, quæ procedit ex motivo charitatis, & imperfectam, quæ ex gehennæ, ac penarum metu concipitur; additque eam esse donum Dei, Spiritus Sancti impulsus, & ad Dei Gratiam in Sacramento impetrandam disponere. Neque potest intelligi, quod loquatur Tridentinum de dispositione remota. Nam hanc habet attritio etiam extra Sacramentum; ergo intelligi debet de dispositione proxima: atque adeo attritio in Sacramento est ultima dispositio ad Gratiam. & idcirco dicimus, hominem in Sacramento ex attrito fieri contritum, quatenus eodem modo disponit ad gratiam attritio cum Sacramento, quam contritio.

Probatur etiam ratione, quia si requireretur contritio perfecta ad Sacramentum conficiendum, frustraretur hoc Sacramentum sine suo, qui est Deo peccatorem reconciliare, semper enim supponeret Peccatorem Deo reconciliatum per contritionem: unde Sacramentum Pœnitentiæ non esset mortuorum, sed vivorum, & Sacerdos non haberet potestatem dimittendi peccata, sed solum declarandi ea esse remissa.

Confirm. quia Pontifices in Sacris Canonibus discrete asserunt, morientium salutem a Sacerdotum absolutione pendere, quod

non esset verum, si in Sacramento requiretur contritio; quippe quæ sufficiens est ad salutem, etiam iuncta absolutione. Julius Papa in Can. *Si Presbyter* 26. q. 3. habet: *Si Presbyter penitentiam morientibus denegaveris, reus eris animarum.* & Celestinus Can. sequenti: *Penitentiam morientibus denegare, quid aliud est, quam morientis mortem addere, ejusque animam sua crudelitate occidere?*

Confirm. 2. quia si requiretur contritio perfecta, Lex gratiæ esset difficilior, quam Lex Mosaicæ, aut naturæ. In iis enim ad salutem sufficiebat contritio, & in Lege gratiæ præter contritionem requiretur confessio.

Hinc fit, quod neque requiratur contritio existimata, seu attritio, quæ præter contritio. Nam si attritio sufficit, frustra requiritur, quod existimetur contritio; si non sufficit, non potest existimatio falsa, efficere, quod sufficiat.

Neque dicas, requiri, quod attritio salutem existimetur contritio, quia in negotio nostræ salutis adhibere debemus media omnino certa; non est autem omnino certum, quod attritio cognita sufficiat, cum graves auctores apud Suarezium disp. 22. de penitentia sect. 1. id negent. Nam contra est, quia in negotio salutis æternæ non debemus procurare certitudinem metaphysicam, sed moralem. Aliiter quilibet deberet ponere contritionem intensissimam, quam potest, prout nonnulli docuerunt in Sacramento Penitentia requiri: rursus deberet contritiones intensissimas ad maiorem certitudinem iterare: deberet etiam confessiones quoad poterit iterare; quod esset onus importabile, redderetque viam salutis imperviam. Quare sufficit universim sequi opinionem interprobabiles probabilissimam seu moraliter certam, quamvis non sit tutissima materialiter, ut constat ex propositione tertia ab Alex. VIII. confixa: est autem probabilissimum, & moraliter certum, quod sufficiat attritio cognita; ergo non requiritur contritio in Sacramento Penitentia, ne putata quidem; quod etiam verum est in articulo mortis, ut docent communis: cum enim in eo articulo teneatur quilibet elicere actum amoris Dei super omnia, vi talis actus habetur omnis certitudo moraliter possibilis de salute obtinenda præter certitudinem moralem de sufficientia attritionis in Sacramento.

Obijc. Patres Conc. Tridentini, de se Pallavicino lib. 12. cap. 10. in decreto de

Attritione noluerunt apponi ea verba, quibus significabatur attritionem sufficere ad Sacramenti constitutionem, idque ad instantiam Episcopi Tudecani admonentis variare Doctores circa sufficientiam attritionis; ergo non fuit de mente Concilii, quod attritio sufficiat.

Respond. cum Platelio n. 63r. noluisse Tridentinum damnare sententiam Scoti constituentis essentiam Sacramenti Penitentia in sola absolutione, & ideo noluisse, quod apponeretur ea verba, quibus significabatur attritionem constituere Sacramentum: deinde transmissio, quod nihil voluerit expresse definire circa sufficientiam attritionis in Sacramento, non proinde fit, quod ex rationibus adductis, & ex verbis laudatis Tridentini non deducatur dilucide, quod ea sufficiat.

XXII. Remanet solum difficultas, An præter attritionem requiratur ad validitatem Sacramenti Penitentia aliquis Dei dilectio, quæ explicatur vel per hoc, quod actus doloris concipiatur ob utrumque motivum contritionis simul, & attritionis seu bonitatis divinæ, & penarum, unde deficiat a contritione perfecta, & purissima de se sufficiente ad justificationem extra Sacramentum; vel per hoc, quod præter attritionem detur quædam dilectio Dei remissa, & non ex toto corde, ut ad justificationem requiratur.

Quod non sufficiat attritio sine aliquali dilectione Dei, probat Pallavic. primo ex Script. dicitur enim Prima Joan. 3. *Qui non diligit, manet in morte.* & prima ad Corinth. 13. *Sine Charitate nihil sum.* Secundo ex Trident. scs. 6. cap. 6. ubi Peccatores dicuntur ad justificationem disponi, dum Deum tanquam omnis Iustitiæ fontem diligere incipiunt, ac propterea moventur adversus peccata per odium, & detestationem; ergo de testatio oriri debet ex prævia dilectione. Et idem Trid. cap. 7. habet: *Fides sine Spe, & Charitate viam æternam præstare non potest.* Tertio ex PP. & Angelico, qui passim aliquam dilectionem exigunt ad justificationem. Augustinus lib. de vera, & falsa Penitentia cap. 17. habet: *Sine amore Dei nemo unquam gratiam invenit, nec veniam consecutus est.* Angelicus in 4. dist. 17. q. 3. art. 4. dicit, Confessionem non valere sine Charitate, quæ est principium merendi. Quarto demum ratione: tum quia Deus nunquam confert habitum fidei infusum, nisi præcedat actus Fidei, nec habitum spei, nisi præcedat actus

ctus Spei; ergo neque habetum Charitatis, & gratiam, nisi præcedat actus Charitatis: tum etiam, quia sicut in humanis offensio Principis non videtur ad ejus amicitiam obtinendam dispositus, si petat veniam, dicendo illam petere ob metum vindictæ, non ob displicentiam de ejus averseione, & inimicitia; ita nec videtur congrue dispositus peccator ad veniam a Deo obtinendam, si delectat tantum ex metu penarum, & non ex motivo charitatis.

XXIII. Dicendum tamen secundo cum fere communissima apud Lugo loco citato, sufficere in Sacramento attritionem ex mero gehennæ metu conceptam, absque alia Dei dilectione.

Prob. Si requireretur aliquis alia dilectio, semper haberetur justificatio per hanc dilectionem ante Sacramentum; unde recurrerent, quæ diximus contra primam sententiam; quæ requirit contritionem perfectam. Probat sequela, quia sive dilectio sit debilis, hoc est remissa, sive sit intensa, semper est ejusdem speciei, atque adeo semper sufficit ad justificationem. Dicitur enim dilectio esse ex toto corde, & non ex corde diviso, non per hoc quod sit intensa, sed per hoc quod Deum præferat cuivis creaturæ: Præterea sive dilectio procedat ex solo motivo charitatis, sive etiam ex penarum metu; semper vera dilectio est, atque adeo ante Sacramenti susceptionem justificat.

Ad primam rationem in contrarium multipliciter respondet Haunoldus n. 989. Sufficere nobis dicere, ea Scripturæ loca intelligi posse de charitate habituali, non de actuali; Aliter infantes post baptismum essent in morte.

Ad secundam. Tridentinum, dum exigit, quod peccatores diligere incipiant, ut ad justificationem in Sacramento disponantur, solum requirit amorem Dei inchoatum, qui includitur in proposito servandi in posterum ejus mandata. Quis enim neget, hujusmodi propositum esse aliqualem, & inchoatum Dei amorem? cum enim inter præcepta detur præceptum dilectionis, qui proposuit servare omnia præcepta, proponit etiam servare præceptum dilectionis, atque adeo inchoate, & in causa Deum diligere. Præterea ipsum odium peccati, quomvis ex mero motivo penarum, est aliquis Dei dilectio, & charitas inchoata. Adde, posse etiam dici, quod Deum diligere incipiamus per actum spei prævium ad attritionem, amando illum amore concupiscentiæ, quatenus bonum no-

bis, non amore benevolentie, quatenus bonum in se; quod spectat ad charitatem. Præterquamquod Trident. ibi enumerat actus, qui solent justificationem præire, non vero qui præeunt necessario; aliter timor Divinæ Justitiæ, qui ibi etiam recensetur, esset essentialiter ad justificationem prærequiritus; quod nemo dixerit, cum sola dilectio perfecta absque prævio timore in omnium sententia sufficiat. Ad id, quod additur: Trid. docens fidem sine spe, & charitate præire non posse vitam æternam, loquitur de charitate habituali; aliter infantes salvari non possent.

Ad tertiam. Aug. & alii PP. interpretandi sunt de amore inchoato, qui includitur in proposito servandi omnia præcepta, aut in actu spei. Angelicus vero, ut notat Esparza, ibi loquitur de confessione, quatenus est meritoria gloriæ; & ideo dicit, ad merendum hoc præmium nihil valere sine charitate, & gratia.

Ad quartam: prærequiritur actus Fidei, & spei ad infusionem Fidei, & spei habitualis, quia per fidem Deus exercet suum magisterium, & instruit hominem de fine supernaturali, & de mediis ad illum; per spem vero erigit animum ad media ponenda, ut finem supernaturalem arduum, sed probabiliter ex Divina misericordia futurum homo consequatur. At ad infundendam charitatem habituales, & Gratiam Deus solum extra Sacramentum prærequirit charitatem actuale; in Sacramento tamen ex meritis Christi contentus est de pura attritione, aliter nihil conferrent Christi merita, nisi defectum aliquem in nobis supplerent.

Ad id, quod additur: verum est, quod nec Principis, nec Dei veniam mereatur, qui positive dicitur, nihil morari ejus offensionem, sed solum vindictam metuere; cum hic actus sit injuriosus, & peccaminosus: Qui tamen absolute dicit offensionem detestari ob metum penarum, ponit actum honestum; & quamvis hoc actu non sit congrue dispositus ad veniam a Principe obtinendam, sicut nec a Deo extra Sacramentum, est tamen dispositus ad illam a Deo obtinendam ex meritis Christi in Sacramento: quod fuisse prosequitur Esparza q. 80. de Pen.

XXIV. Difficultas demum est, num liceat possumus in Sacramento Patientiæ adhibere attritionem ex mero metu Gehennæ conceptam, absque illa aliqui Dei dilectione, quam continentur Adversarii di-

stintam a proposito non peccandi de cetero?

Videtur enim, quod non: quia in iis, quæ spectant ad valorem Sacramenti, non possumus uti opinione probabiliori, omiſſa tutiore; Hæc autem opinio de ſufficiencia attritionis ex mero metu videtur eſſe ſolum probabilis; cum ex prohibitione laudata Alex. VII. non poſſit oppoſita ſententia cenſurari: ergo non licet illam in praxim deducere, omiſſa tutiore.

XXV. Dicendum tamen tertio, licitum eſſe hanc attritionem in Sacramento adhibere.

Prob. Si non liceret adhibere attritionem ex mero Gehennæ metu, quia attritio involvens aliqualem Dei dilectionem eſt tutior, neque liceret hanc attritionem cum aliquali dilectione adhibere, quia tutior eſt contritio perfecta, præſertim intenſiſſima: Sequela non admittitur, quia non tenemus univerſam ad tutius, ſed ad moraliter certum; immo ſufficit probabiliffimum ex poſitione 3. Alexandri VII. conſequentis theſim illam: *Non licet ſequi opinionem vel inter probabiles probabiliffimam*; ergo neque id, unde ſequitur. Eſt autem moraliter certa opinio de ſufficiencia attritionis ex mero metu, ſpectata locutione Tridentini, auctoritate communiffima Theologorum, & ratione, quam adduximus ab intrinſeco.

Neque dicas, pugnare hæc duo, hanc opinionem eſſe moraliter certam, & oppoſitam eſſe probabilem ſaltem ab extrinſeco, ut videtur colligi ex eo decreto Alex. VII. prohibentis, ne ulla cenſura inuratur.

Nam, ut advertit Terillus q. 22. n. 70. & Patcl. to. 5. n. 715. quando probabilitas unius partis eſt valde excedens, poteſt perſtingere ad aliquam moralem certitudinem, quin tamen deturbet ſententiam oppoſitam ab aliqua tenui probabilitate; ſiquidem moralis certitudo non conſiſtit in indiviſibili, ut certitudo metaphyſica, aut phyſica, & ideo bene fiat, quod noſtra opinio ſit moraliter certa, & oppoſita habeat tennem aliquam probabilitatem. Sic moraliter certum eſt, non requiri in contritione determinatum gradum intenſionis, multo minus quod ſit intenſiſſima, aut ſaltem magis intenſa, quam quilibet alius dolor hic, & nunc exiſtens in voluntate: nec requiri, quod de ſingulis peccatis ſingulæ contritiones eliciantur, nec in contritione requiri certam durationem; quamvis pro-

his, & ſimilibus ſentenciis plures graves DD. adducantur a Dicact. diſp. 2. & aliis paſſim: Unde aliquam habent ſaltem ab extrinſeco tennem probabilitatem.

Deinde etiam tranſmiſſo, quod opinio de ſufficiencia attritionis ſit ſolum probabilis; adhuc Vaſquez 1. 2. diſp. 63. Sanchez, Salas, Pontius, Saloniſ, & alii putant, licitum eſſe illam adhibere in Sacramento; quia conſent, ſolum in Sacramentis conferendis, ut habet propoſitio prima proſcripta ab Innoc. XI. non vero in Sacramentis ſuſcipiendis, illicitum eſſe uti opinione probabiliori, relicta tutiore. Et diſparitas eſt, quia intantum non licet uti opinione probabiliori minus tuta in Sacramentis conferendis, non quia illis irrogatur injuria, ſeu quia peccatur contra Religionem, ſi eorum conſtitutiva ponantur juxta probabilem opinionem, atque adeo prudenter; ſed quia peccatur contra charitatem conferendo remedium probabile, & incertum, omiſſo certo; qui autem ſuſcipit Sacramentum, poteſt cedere juri ſuo, & eſſe contentus de Sacramento probabili, & idcirco non peccat ſuſcipiendo Sacramentum juxta opinionem probabilem minus tutam. Equidem tamen cenſeo cum Suario tomo 3. in tertiam partem diſp. 16. & aliis communius, peccari non ſolum contra Charitatem, ſed etiam contra Religionem, ſeu contra reverentiam Sacramentis debitam, ſi conferantur juxta opinionem probabilem minus tutam; atque adeo illicitum eſſe non ſolum in conferendis, ſed etiam in ſuſcipiendis Sacramentis hujusmodi opinionem ſequi, eo quod in utroque caſu exponeretur Sacramentum periculo fruſtrationis. Addo tamen cum eodem Suario loco citato, licitum eſſe adhibere in Sacramento attritionem, omiſſa contritione, quia quamvis quæſitio ſit inter DD. num attritio ſufficiat ad fructum Sacramenti, extra controverſiam tamen eſt, quod ſufficiat ad valorem, unde non exponitur Sacramentum periculo fruſtrationis, atque adeo non irrogatur illi injuria: Immo, ut notat idem Suarius, licet dubitetur, an attritio ſufficiat ad fructum Sacramenti, opinio tamen, quod ſufficiat, eſt præſcripta, ac moraliter certa, unde nec Sacramentum, nec fructus Sacramenti eſt mere probabilis, & incertus. Vide quæ hac de re fuſe dixi in expoſitione Theſis 15. conſixæ ab Alex. VIII. in Trutina Theſium conſixarum.

ARTICULUS V.

Expenduntur plurima de doloze, ac proposito ad Sacramentum Pœnitentiæ requisitis.

XXVI. Dicendum 1. Dolorem ad Sacramentum Pœnitentiæ requisitum debere esse formalem; quin sufficiat virtualis inclusus in amore Dei super omnia. Ita communissime post Trident. contra Sotum, Sylvestrum, Rosellam, & alios apud Tambur. Ratio est, tum quia verba Trid. requirentis contritionem fumentum sunt in sensu proprio, nisi quid obstat: tum etiam quia par est, ut notat August. quod qui peccando delectationem formalem expertus est, ad remissionem se disponat experiendo formalem dolorem, ac mœrorem. Non sufficit tamen, quod quis doceat de carentia sui doloris, quia hic dolor non est dolor de peccato, prout a Trident. requiritur. Porro hic dolor etiam requiritur in confessione venialium, ut docent communissime, quia ex Trident. dolor est pars Sacramenti. Ad justificationem autem extra Sacramentum probabiliter sufficit tam contritio includens virtualiter amorem Dei super omnia, quam amor Dei super omnia, includens virtualiter dolorem; de utroque enim actu seorsum sepe fit mentio in Scripturis. Joan. 14. *Qui diligit, diligitur a Patre meo.* 1. Joan. 4. *Omnia, qui diligit, ex Deo natus est.* & Iſaï 30. *Cum ingemueris, tunc salvis eris.* & Psal. 50. *Cor contritum, & humiliatum Deus non despicies.*

XXVII. Dico secundo: Probabile est ex Lugo, Dicast., Arriaga disp. 37. sect. 3. contra Vasquez, & Bonac., posse unum dolorem ad plura Sacramenta sufficere, dummodo faciat unum moraliter cum aliis Sacramenti partibus, & non longo tempore præcedat. Ratio est tum praxis; sepe enim post absolutionem collatam Pœnitens adit novum peccatum, & iterum confertur absolutio, quin confessarii regulariter solliciti sint de novo dolore; esto consultius sit Pœnitentem ad novum dolorem excitare: tum etiam quia univèrsim potest eadem esse materia proxima plurium Sacramentorum; sicut idem Christus est in qualibet hostia; & eadem satisfactio potest esse materia duplicis Sacramenti, ergo etiam idem dolor.

Neque dicas, quod sicut non potest ea-

dem confessio ad plura Sacramenta deferre, ita nec idem dolor. Nam ex Lugo disparitas est, quia Sacramentum Pœnitentiæ institutum est per modum Iudicii; in Iudicio autem non profertur nova sententia sine nova accusatione, & novo processu, eo quod iudex jam fit functus munere suo; ergo etiam in Iudicio Sacramentali requiritur nova confessio, ut possit nova absolutio conferri; At non est, quod requiratur novus dolor; quippe qui non deservit ad formam iudicalem externam, sed ad reconciliationem, & remissionem, & per hoc quod non revocetur, potest moraliter conjungi cum nova confessione, quæ fiat v. gr. die sequenti ad dolorem, ut docet Lugo, & Tamb. imò etiam post tres, aut quatuor dies, juxta aliorum sententiam. Addeque Arriaga, etiam post longum tempus posse cum absolutione moraliter conjungi; quod ex eo probat, quia si quis confessionem petat, & sensibus destituatur, potest Sacerdos etiam post mensem adveniens illum absolvere; sicut etiam in iudiciis humanis solet sententia proferri multo post processum formatum. Quia tamen in Sacramentis administrandis non est licitum uti opinione probabili minus certa, ideo hujusmodi opiniones non debent in praxim reduci, nisi sint probabilissimæ, seu moraliter certæ, quas scilicet aut fere communis DD. consensus, aut fidelium praxis approbat; sicut diximus ex Lugo, fidelium praxim approbare, quod si Pœnitens itatim post absolutionem novum peccatum confiteatur, confessarii non sint solliciti de novo dolore.

XXVIII. Dico 3. Dolor ad Sacramentum requisitus non debet necessariò elici ex intentione Confessionis. Arriaga dicit, hanc esse sententiam certam, & hunc esse modum connaturalem ponendi dolorem; siquidem ideo ponitur confessio, quia præcelsit dolor, & non e contra; ac proinde si quis audiens concionem conteratur, nihil cogitans de confessione, potest deinde absque novo dolore confiteri, ut notat Reginaldus lib. 5. n. 54.

Neque dicas, actiones Sacramentales debere fieri ex intentione ponendi Sacramentum. Nam hoc est verum de actionibus, quæ ponuntur a ministro, non ab aliis; sic qui conficit panem, ponit species Sacramentales, quin debeat eas ponere ex intentione, quod Eucharistiam constituent; sic etiam satisfactio non debet poni ex intentione ponendi pœnitentiam impositam a confessario.

Ne-

Neque replices, confessionem debere poni ex intentione suscipiendi Sacramentum, quin sufficiat, quod historice narrentur peccata confessario; ergo idem dicendum de dolore. Nam ex natura iudicii accusatio ordinari debet ad sententiam judicalem, & ideo consilio mere historice non sufficit; dolor tamen ex natura iudicii non debet ad absolutionem referri. Adde ex Arriaga, dolorem naturæ suæ dicere aliquem ordinem ad confessionem, cum contritio includat votum confessionis; Unde non est necesse, quod explicite ex intentione confessionis ponatur; secus vero confessio, quæ ut spectet ad Sacramentum, debet esse dolorosa, & ideo non sufficit mere historice sine ordine ad Sacramentum. Praxis etiam fidelium videtur esse, ut sæpe dolor præteritus ad Sacramentum recipiendum referatur, ut confessio ab eo dolore moraliter informetur; ergo non est necesse, quod dolor ex intentione Confessionis ponatur.

XXIX. Dico ult. Propositum non peccandi de cætero non requiritur univcrsum, quod sit formale, seu distinctum ab actu doloris, sed sufficit virtuale in eo actu inclusum, idque tam in justificatione extra Sacramentum, quam in Sacramento. Ita Vasquez, Navarrus, Medina contra Suarezium disp. 4. sect. 3. Bell. Canum.

Quod non requiratur propositum formale ad justificationem extra Sacramentum, constat, quia Scripturæ nullam faciunt huius propositi mentionem. Ezech. 33. *Convertimini ad me, & agite pœnitentiam ab omnibus iniquitatibus vestris, & non erit in ruinam vobis iniquitas.* David iustificatus est, 2. Regum 12. statim ac dixit, *Peccavi Domino.* ubi Augustinus. hom. 41. ait: *Tres syllabæ sunt, Peccavi, sed his tribus syllabis flamma sacrificii coram Deo ascendit in celum.* Et Chrysostomus. hom. 9. *Dic, inquit, peccatum; & salvasti peccatum; quod etiam innuit David Psal. 31. dicens, confitebor &c. & tu remisisti.* Similiter in conversione Filii Prodigii Lucæ 15. & Publicani Lucæ 18. nulla fit mentio de proposito.

Quod vero nec requiratur propositum formale in Sacramento, constat etiam, quia Trid. sess. 14. can. 4. solum tres actus Pœnitentis enumerat, tanquam partes Pœnitentiæ constitutivas, nempe Contritionem, Confessionem, & Satisfactionem. & cap. 4. explicans naturam contritionis dicit, esse dolorem, ac detestationem de pecca-

to commissio cum proposito non peccandi de cætero; ubi ostendit, eodem actu utrumque haberi, nempe dolorem, & propositum, atque adeo propositum posse esse inclusum in actu doloris, non secus ac includitur votum Pœnitentiæ. Neque dicas, quod si sufficit dolor formalis, & propositum virtuale, posset vice versa sufficere propositum formale cum dolore virtuali. Nam non semper propositum non peccandi de cætero stat cum displicentia de peccatis præteritis, ut diximus articulo 3. Deinde Triden. expresse requirit dolorem, quin requirat expresse propositum. Quare ut diximus articulo 3. laudato, tunc locum requirit propositum formale universale, quando dolor est limitatus, seu ex motivo particulari, quia in tali dolore non includitur virtualiter propositum illimitatum.

QUÆSTIO III.

De Confessione.

AD hanc secundam partem materiæ proximæ Sacramenti Pœnitentiæ innumera quæstiones spectant, quas Theologi morales discutunt; expediemus hic præcipuas, videl. An detur obligatio explicandi circumstantias peccatorum aggravantes intra eandem speciem? aut explicandi complicem peccati, quando non potest aliter peccati species explicari? An detur obligatio confitendi peccata dubia? An peccatum fictionis in instanti baptismi commissum spectet ad hoc Sacramentum, sicut etiam an sit materia sufficiens peccatum pure putatum? An debeat numerus, & individuatio peccatorum explicari, & quomodo peccata numero multiplicentur?

ARTICULUS I.

Num. detur obligatio confitendi circumstantias: mater aggravantes, & peccati complicem?

I. EX divino præcepto confessio debet esse integra, si minus materialiter, saltem formaliter. Dicitur materialiter integra, quando integra materia confessionis subiicitur clavibus, explicando omnia mortalia commissæ: dicitur integra formaliter, quando clavibus subiunguntur ea omnia, quæ spectant ad formam Sacramen-

ti; esto non exponantur omnia, quæ spectant ad materiam; quod accidit, quando aliquid mortale reticetur, vel ex oblivione, vel ex rationabili causa. Certum est ex Tridenzino, ad integritatem materialem spectare, quod numerus, & species peccatorum explicentur: Difficultas tamen est, an etiam peccatorum circumstantiæ sint explicandæ? Alique autem ex circumstantiis dicuntur mutare speciem peccati, alia vero intra eandem speciem aggravare peccatum: mutant speciem ex D. Thoma in 4. dist. 16. q. 3. art. 2. quæ habent specialem repugnantiam cum rationis dictamine, ut proinde regulariter diversis virtutibus opponantur; sicut furtum sacrilegum non solum opponitur virtuti iustitiæ, sed etiam Religioni, & Adulterium non solum est contra castitatem, sed etiam contra iustitiam: Dicitur vero circumstantia peccatum aggravare intra eandem speciem, si non opponatur diversæ virtuti; sicut est major quantitas furti, duratio, vel intensio actus &c.

II. Dico nunc 1. explicandas in confessione ita circumstantias mutantes peccati speciem. Ita Triden. sess. 14. cap. 5.

Prob. ratione ab eodem Triden. adducta, quia nisi hujusmodi circumstantiæ explicarentur, nec a Penitentibus integre exponerentur peccata, nec ea iudicibus innotescerent; unde non possent isti recte de gravitate criminum judicare, & penam congruam imponere. Hinc fit, quod qui confessus est peccatum, oblitus alicujus circumstantiæ speciem mutantis, si deinde recorderetur, debet illam clavisibus subjicere.

Difficultas solum est, an possit hæc circumstantia tunc explicari, nulla facta mentione peccati jam clavisibus subjecti? Ad quod respondendum cum Suario disp. 21. sect. 1. quod si possit ea circumstantia explicari, nulla facta mentione de peccato, non oporteat repetere confessionem ejus peccati; secus vero si id non possit: ex. gr. si habens votum castitatis fornicatus est, & deinde oblitus voti explicavit solum in confessione fornicationem, satis est quod nulla facta mentione fornicationis, dicat deinde, violavi semel quoddam votum. Et ratio est, quia fractio voti non est ratio generica continens sub se plures species peccatorum; unde sufficiens explicatur illa species olim prætermissa: At si quis occiderit v. g. Clericum, & solum confessus est homicidium, non potest deinde ex-

plicare circumstantiam persone sacræ occise, nisi iterum dicendo, occidi personam sacram. Nam si diceret, commisi sacrilegium, non explicaret speciem sacrilegii, quod est ratio generica ad species diversas.

Dubatur etiam, utrum ille, qui habens votum castitatis fornicatus est, possit explicare prima vice circumstantiam illam voti tanquam novum peccatum, dicendo, fornicatus sum, & violavi quoddam votum? Negant hoc communiter, quia significaretur commissum esse duplex physice peccatum; cum revera fuerit unum physice, & duplex moraliter. Quando tamen confessus est fornicationem oblitus voti, potest deinde solum dicere, fregi quoddam votum, quia sic præcideret, utrum hæc voti violatio esset novum peccatum, an circumstantia peccati.

III. Dico 2. non datur obligatio explicandi circumstantias notabiliter aggravantes. Ita D. Th. in 4. dist. 16. qu. 3. a. 2. quæst. 5. Bon. Sylvester, Navarrus, Valentia, Lugo, & alii communiter contra Suarez, Conink, Sâ, Amicum, Gonetum disp. 10. art. 3. aliosque plures.

Prob. de hac obligatione non constare; immo potius constat oppositum; ergo ea non datur. Probatur antecedens: in tantum per Adversarios de hac obligatione constaret, quia Triden. sess. 14. cap. 5. exponens materiam remotam hujus Sacramenti dicit, aperienda esse peccata, & circumstantias mutantes speciem, ut confessarius recte de gravitate criminum censere possit, & penam congruam imponere. Sed ex hac ipsa doctrina Triden. eruitur oppositum. Nam in materia dogmatica propositiones præcise æquivalent exclusivis: v. g. si Triden. solum diceret confitenda esse mortalia certa, & præcideret a venialibus, vel a mortalibus dubiis, nos ad hæc non teneremur; ergo cum solum loquatur de circumstantiis mutantibus speciem, & præcindat a notabiliter aggravantibus, non tenemur eas clavisibus subjicere.

Neque obstat, quod Trid. dicat, circumstantias mutantes speciem esse aperiendas, ut imponatur poena consona gravitati delicti, quæ ratio videtur militare etiam pro circumstantiis aggravantibus. Nam Trid. interpretandum est, quod loquatur de gravitate substantiali delicti, non de accidentali spectante ad circumstantiam: Quod ostenditur primo, quia aliter ejus doctrina esset manca, dum solum dicit circumstantias mutantes speciem esse aperiendas: Secundo

do quia Concilium loco laudato docet, nihil aliud a peccatoribus exigi, quam quod species, & numerum peccatorum exponant: unde positive excludit circumstantias, quae non spectant ad speciem, vel numerum; sic si ordine Regio recensenda essent omnia Regni animalia quoad speciem, vel numerum, non esset recensenda eorum qualitas, aut moles, & aetas &c. quae sunt circumstantiae. Tercio quia aliter essent etiam aperiendae circumstantiae notabiliter alleviantes; v. gr. si quis occidat uxorem in adulterio deprehensam, quae circumstantia adeo peccatum alleviat, ut leges civiles hoc uxoricidium non puniant. Neque dicas, circumstantias alleviantes non esse aperiendas, quia deservirent ad excusationem. Nam si homicidium non sit plene deliberatum, ut pertingat ad mortale, in omnium sententia id est explicandum in confessione, quamvis excusetur delictum; ergo etiam circumstantiae alleviantes notabiliter deberent exponi, quamvis delictum excusetur, si subsisteret doctrina Adversariorum, quod explicandum sit quodcumque notabiliter variat Iudicium confessorii.

Confirm. quia si teneremur ad circumstantias notabiliter aggravantes, confesio esset conscientiarum carnisca: daretur enim ansa scrupulis innumeris, cum non facile cognosci possit, quanam circumstantiae ita notabiliter aggravent, ut teneamur eas confiteri, quanam vero non aggravent notabiliter. Quis enim dignoscat, ad quam intensiorem, & durationem perungere debeat actus, ut haec circumstantia sit explicanda? Unde quilibet censeret, se obligari ad declarandas quasvisque circumstantias; quod est moraliter impossibile. Dicendum itaque, sufficere, quod confessorio interroganti de aliqua circumstantia notabiliter aggravante, v. g. de quantitate furti, teneamur respondere, non secus ac teneremur respondere interroganti de consuetudine peccati, ut constet ex propositione 58. ab Inn. XI. confixa; habet enim confessorius jns interrogandi quaecumque spectant ad recte iudicandum, & medendum. Quare sicut nemo dixerit, nos teneri ad confitendam consuetudinem peccati, quia consuetudo peccati non est peccatum, & Tridentinum dicit, nihil aliud a Penitentibus exigi, quam quod mortalia confiteantur quoad speciem, & numerum; esto teneamur interroganti de consuetudine respondere: Ita quia nec circumstantiae peccati sunt peccatum, (ut magnitudo ho-

minis non est homo) sed accidentia moralia peccati, ideo nec teneamur ad illas aperiendas, licet teneamur interroganti de illis respondere.

IV. Objic. 1. In confessione explicandus est etiam actus externus, quamvis non sit novum peccatum distinctum ab interno; idque quia variatur Iudicium confessorii, si actui interno superaddatur externus; sed magis variatur Iudicium confessorii ex circumstantia notabiliter aggravante; ergo haec etiam est explicanda.

Confirm. quia aliter qui incestum commisit cum consanguinea in primo gradu lineae rectae, sufficienter explicaret peccatum, dicendo, Commisi incestum, eo quod in probabili sententia omnia peccata incestus sunt ejusdem speciei; & tamen quis non videat notabilem hanc deformitatem supra deformitatem incestus cum alijni in quarto?

Resp. actum externum non esse circumstantiam actus, sed actus individuationem, & substantiam; & ideo est explicandus, cum sit explicandus peccatorum numerus secundum eorum individuationem, si notabilem deformitatem importet: ut propterea damnata sit Propositio 25. ab Alexandro VII. dicens, sufficere, quod qui commisit copulam cum soluta, dicat in confessione, Commisi peccatum grave contra castitatem cum soluta, non explicando copulam. Individuatio enim hujus peccati fert specialem deformitatem supra deformitatem tactus, aut osculi cum eadem soluta. Quod autem actus externus non sit circumstantia peccati sed peccatum, constat, quia ex Augustino peccatum est *dictum, factum, concupitum contra legem aeternam*; ergo ex Augustino etiam actus externus, quo aliquid dicitur, aut fit contra Divinam voluntatem, est peccatum; esto non sit novum peccatum distinctum a peccato interno, nec superaddat per se novum demeritum demerito actus interni; quidquid sit, an superaddat novam malitiam moralem.

Utrum autem qui uno ictu v. g. occidit decem homines, aut uno actu voluit occidere 1000. sufficienter explicet peccati individuationem dicendo, Occidi, & volui occidere plures, non explicando numerum obsectorum determinatum; Probabilis affirmant: & ratio est, quia quamvis ordo ad haec objecta spectet ad individuationem talis actus; illa tamen individuat non fert specialem deformitatem, ut fert v. g. copula cum soluta, sed de materiali videtur

se habere pluralitas illa objectorum; quod a posteriori patet. Nam qui in confessione dicit coram pluribus se detraxisse, non solet explicare istorum numerum, nec a confessario solet interrogari.

Ad confirm. Vera esset sequela, si sufficeret ea opinio, quod omnes incestus sint ejusdem speciei; quia tamen communus docent, esse solum ejusdem speciei subalternæ, non infimæ, atque adeo specie differre incestum in primo gradu ab aliis propter incomparabilem violationem pietatis, ideo juxta hanc veriorum sententiam apud Dianam parte 3. tract. 4. resolu. 67. explicandus est incestus in primo gradu.

V. Objic. 2. ex Goneto. Furtum 100. aureorum moraliter æquivalere 100. furtis unius aurei, non secus ac furtum rei sacræ æquivalere duobus specie peccatis contra Justitiam, & contra Religionem; ergo sicut explicanda est multiplicitas specifica peccatorum, quæ in uno actu continentur, ita etiam numerica; cum ex Trident. tam species, quam numerus peccatorum explicanda sint, atque adeo etiam circumstantiæ aggravantes.

Confirm. quia aliter qui omnia æraria expiasset, sufficeret explicare peccatum dicendo, commisi furtum grave: non secus ac si unum aureum furatus esset: quod non videtur admittendum, quia magis variæ Judicium confessarii furtum illud myriadam aureorum, quam furtum unius aurei in Ecclesia; sed circumstantia ista loci sacri, utpote mutans speciem, est explicanda; ergo a fortiori illa notabilissime aggravans.

Resp. Argumentum probare nimis, quod scilicet etiam circumstantiæ alleviantes sint explicandæ, & quod etiam intensio, ac duratio actus, quamvis non notabilis; cum etiam actus durans per duo instantia v. gr. æquivaleret duobus peccatis durantibus per unum instant.

Directe nego antecedens, quod scilicet circumstantia illa furti 100. aureorum moraliter multiplicet numerice furtum, ita ut illud æquivaleret 100. furtis unius aurei. Sicut enim magnitudo, duratio, & alia accidentia hominis non sunt homo, ita nec magnitudo & duratio peccati est peccatum. Hoc autem ex eo fit manifestum, quia si quis furatus sit 1000. & unum aureos, in omnium sententia sufficiens explicat hoc peccatum dicendo, Furatus sum 1000. aureos circiter, quia ille excessus unius aurei super mille non est notabilis: contra vero si

quis commiserit 1000. & unum furtum unius aurei, non potest in confessione dicere, commisi mille furtum circiter; quia numerus explicandus est determinate, quando potest sic explicari; ergo falsum est, quod furtum 1000. aureorum contineat moraliter 1000. furtum unius aurei: At furtum rei sacræ vere moraliter continet duo peccata specie diversa contra Justitiam, & contra Religionem; unde licet circumstantia ista mutans speciem sit explicanda, non tamen circumstantia aggravans.

Sciendum tamen, Valentiam, & alios putare, quod magnitudo furti sit explicanda, non quia est circumstantia aggravans, sed quia constituit hanc furti individuationem, quæ præterit specialem deformationem, sicut diximus de copula cum soluta. Sed communiter cum Angelico docent, quantitatem furti spectare ad circumstantiam. Hæc enim habet prima secundæ q. 7. art. 3. ad tertium: *Condicio causa, ex qua substantia actus dependet, non dicitur circumstantia, sed aliqua conditio adinventa, sicut in objecto non dicitur circumstantia furti quod sit alienum; hoc enim pertinet ad substantiam furti, sed quod sit magnum, vel parvum.* Quare sicut in omnium sententia intensio actus major, vel minor est circumstantia, ita furtum majus, vel minus, non vero individuat peccati.

Ad confirm. concedo sequelam, & nego esse absonam. circumstantia enim aggravans variat Judicium confessarii solum in ordine ad accidentia peccati, non in ordine ad substantiam, sicut variat circumstantia mutans speciem; & ideo quamvis circumstantia aggravans possit esse extensive major, semper tamen circumstantia mutans speciem est major intensive: sicut intensive præstat unus palmus substantiæ ignis immenso calori, qui solum intra lineam accidentis potest esse major, atque adeo veluti extensive.

VI. Objic. ult. Hæc sententia negans hanc obligationem est mere probabilis, non moraliter certa; in materia autem Sacramentorum non licet sequi opinionem probabilem, omnia tutiore; ergo saltem prætere non subsistit hæc sententia.

Resp. etiam dato, quod non solum in Sacramentis conferendis, ut habet prima propositio ab Inn. XI. confixa, sed etiam in suscipiendis, ut cum communiori diximus art. 4. quæst. antecedentis, illicitum sit sequi opinionem probabilem minus tutam de valore Sacramenti; at præsens opinio non

non spectat ad valorem, seu ad materiam proximam, vel formam Sacramenti, sed solum ad materiam remotam; ut proinde non exponatur periculo frustrationis Sacramentum, si ea non subsistat; ergo sufficit quod hæc opinio sit solide probabilis, ut possimus eam practice sequi. Idemque dicas de opinione probabiliori, quod non debeat obligatio confitendi peccata negative dubia, aut complices peccati, & similibus.

VII. Quæres tamen hic, num re vera debeat obligatio aperiendi peccati complices, quando non potest aliter peccati species explicari? Certum quidem est, citra necessitatem non posse complices cum ejus infamia manifestari. Quare si potest commodè alius confessarius haberi, cui complex non sit cognitus, debet pœnitens illum adire, ne proximum infamet. Quod si non possit alius haberi confessarius, censetur probabilis esse, quod non solum possit, sed etiam debeat complex manifestari, si non possit aliter peccati species explicari. Ita communius cum Angelico. Ratio est, quia Pœnitens tenetur manifestare peccatum, etiam cum propria infamia; ergo multo magis cum aliena; siquidem multo plus requiritur ad obligandum aliquem, ut infamet se ipsum, quam ut alios infamet; cum igitur bonum confessionis materialiter integrè tantum sit, ut propter illud Christus obligaverit fideles ad subeundam infamiam propriam; multo magis censendum est eos obligasse ad manifestandum crimen alienum, si non possit aliter poni confessio materialiter integra.

Confirmo. Quoties datur iusta causa manifestandi crimen alterius, hujusmodi manifestatio non est infamatio formalis, nec peccaminosa; sed hoc habetur in casu nostro; ergo non datur ratio excusans a manifestando complice. Minor probatur, tum quia ex institutione Sacramenti Pœnitentia oritur iusta causa manifestandi criminis etiam propria; tum quia hoc Sacramentum est per modum iudicii: In iudicio autem licitum est manifestare socium criminis, quia jurisdictio iudicis cadit super peccatum, ut est in se, & peccatum, quod involvit complices, ex se est tale, ut ipsum manifestet; tum demum quia in hoc consistit utilitas Pœnitentis, quod integrè peccatum manifestet, ut possit a confessario adjuvari ad illud vitandum in posterum.

Dices 1. In concursu duorum præceptorum prævalet quod est præstantius; sed in-

famare complices est materia præstantioris præcepti, quam sit integritas materialis confessionis, cum illud sit juris naturalis, hoc juris positivi; ergo si simul concurrant, servandum est præceptum de non infamando proximum magis, quam præceptum de integritate materiali confessionis.

Resp. in re præsentí infamationem proximi non esse formalem, sed materialem; unde non dicuntur concurrere duo præcepta, naturale, & positivum, sed ex circumstantiis mutari materia præcepti naturalis. Non enim præceptum naturale est de non infamando proximum ex causa rationabili, ac præponderante, sed de non infamando illum sine causa sufficiente.

Dices 2. Si Confessor esset revelatur peccatum complices auditum in confessione, Pœnitens non teneretur tale peccatum aperi, ne proximus infametur; ergo neque debet explicare universim peccatum complices, ne hic apud confessarium infametur.

Respondeo, hoc idem argumentum fieri posse de peccato proprio, atque adeo cum nimis probet, nihil probat. Quare disparitas est, quia tunc infamia illa proximi non sequitur immediate ex integritate confessionis, sed ex abusu ejusdem; unde tenetur Pœnitens illi malo occurrere. Addit Lugo apud Platel. n. 783. contra Suarez, quod si non possit peccatum explicari, nisi manifestando crimen etiam non complices, adhuc possit, ac debeat infamari apud Confessarium; ut si quis v. g. occiderit sororem gravidam, quam Confessarius scit non esse conjugatam. Ratio ex Lugo est, quia periculum invalide confitendi, & per hoc incurrendi grave damnum spirituale, prævalere debet cuicumque infamationi non complices.

ARTICULUS II.

Num deat obligatio confitendi peccata dubia?

Difficultas est tam de peccato dubio positive, quam negative. Dicitur peccatum positive, seu opinative dubium in duplici sensu. Primo si probabiliter sit commissum. Secundo si probabiliter, vel probabilius non sit commissum. Verum antonomastice peccatum positive dubium significat solum peccatum, quod probabiliter non est commissum: & ideo absolute dici solet, quod non sit materia necessaria confitendi.

fessionis. Dubium vero negativum, seu suspensionis habetur, quando aut pro neutra parte stat ratio ulla probabilis: ut quod alia sint paria, aut imparia; vel si pro utraque parte dentur motiva ad assensum, intellectus tamen neutri parti præbere potest assensum prudentem; ut si Petrus testetur mortem alicujus, & Paulus ejusdem veracitatis illam neget.

VIII. Dico nunc 1. Peccatum positive dubium sumptum pro peccato, quod probabiliter non est commissum, aut non fuit mortale, non est materia necessaria Sacramenti Pœnitentiæ. Ita communiter; præsertim si probabilius sit non fuisse commissum, nec detur solida probabilitas in oppositum.

Prob. Qui conformatur se judicio probabilis, prudenter, & honeste operatur; ergo qui probabiliter, & a fortiori si probabilius judicat se non peccasse, & honeste, & prudenter operatur, conformando se huic judicio, ac gerendo se perinde, ac si non peccasset; ergo non tenetur hujusmodi peccatum clavibus subicere.

Confirm. In judicio forensi qui probabiliter non deliquit, non damnatur; immo nec damnatur reus in quæro dubio suspensio, an deliquerit; in materia præsumitur reus, donec probetur; ergo idem dicendum in judicio sacramentali, quod est institutum instar judicii forensis, nec discrepant, nisi in iis, in quibus constat Christum Dominum voluisse ea differre.

Dices: Si judicetur probabiliter se non peccasse non teneretur confiteri, nec teneretur ad contritionem in articulo mortis; Sequela non videtur admitrenda, quia aliter exponeret se periculo damnationis; ergo nec id unde sequitur; cum ea peccata debeamus subicere clavibus, de quibus tenemur conteri. contritio enim intantum justificat, inquantum est votum Pœnitentiæ.

Resp. ad securitatem salutis æternæ sufficere, quod homo in articulo mortis eliciat, prout tenetur, actus Fidei, Spei, & charitatis, & quod confiteatur peccata certa, sic enim indirecte tolluntur etiam vi Sacramenti, nedum vi actus charitatis, tum peccata oblita, tum quæ probabiliter non sunt commissa, etiam in confessione solum ille attritionem adhibeat; cum ex dictis quæstione antecedenti probabilissimum sit, & moraliter certum, posse etiam in articulo mortis licite attritionem adhiberi in Sacramento Pœnitentiæ; præsertim

si h. eliciantur actus Fidei, Spei, & Charitatis, ad quos homo independentem a Sacramento tenetur. Quare nego, sequelam esse absontam, aut hominem exponi periculo damnationis, si non coneratur directe in articulo mortis de peccato, quod probabiliter non commisit. Adde, quod sic homo tenetur in articulo mortis conteri in confusio etiam de peccatis oblitis, & de peccatis, quæ sunt in conscientia scrupulosa, hoc est de quibus imprudenter dubitat, quin tamen ea teneatur subicere clavibus; ita pariter de peccato probabiliter, & positive dubio. Et ratio a priori est, quia plus requiritur ad assecutionem, & assecurationem salutis, quam ad conficiendum Sacramentum. Assecutio salutis dependet tantum ab eo quod est, non ab eo quod apparet; unde si vera sit peccatum in anima, & non appareat, salus non obtinetur; Sacramenti vero confessio dependet ab eo quod apparet, unde si peccatum non appareat, sed sit oblitum; quamvis re vera sit in anima, adhuc Sacramentum conficitur, & indirecte illud remittitur; Idemque dicas de peccato, quod probabiliter non est commissum, aut quod est in conscientia scrupulosa.

IX. Dico 2. Peccatum positive, seu opinative dubium sumptum pro peccato, quod probabiliter est commissum, ita ut non detur solida probabilitas in oppositum, est materia necessaria Sacramenti Pœnitentiæ. Ita etiam communis: & juxta hunc sensum interpretandi sunt DD. præsertim antiqui, qui absolute nulla facta distinctione docent, peccatum dubium esse materiam necessariam confessionis.

Prob. Quilibet in operationibus suis tenetur se accommodare judicio probabilis, seu prudenti, cum raro admodum haberi possit in agilibus evidentiæ: ergo sicut est immunis ab obligatione confitendi peccatum, qui probabiliter judicat se non peccasse, ita tenetur confiteri, & gerere se tanquam peccatorem, qui probabiliter judicat se peccasse, quoties nulla est probabilitas de opposito.

De hoc dubio, sicut etiam de dubio prædicto pratico intelligenda est Regula illa Juris: *In dubio minor pars eligitur est.* quæ coherere debet cum alia: *In dubio melior est conditio possidentis.* Etenim si probabilis est legem esse latam, votum esse emissum, Petrum esse tuum parentem, etiam si de his omnibus non detur evidentiæ, adhuc ea lege, & voto obligamur, & Petro

tro

ro tanquam Pœnitenti debetur obsequium; quia huiusmodi probabilitas excludens probabilitatem in oppositum est quedam evidentia moralis respectiva, seu respectu operantis, sufficiens ad illum obligandum, aut deobligandum; sicut Rusticus teneatur credere mytheria a Parocho proposita ob similem evidentiam moralem respectivam. Quando vero datur probabilitas etiam in oppositum, aut dubium est mere negativum, tunc curret Regula illa: In dubio melior est conditio possidentis.

X. Dico 3. Peccatum negative, seu suspensive dubium non est materia necessaria Confessionis. Ita ex antiquis Paludanus, D. Antoninus, Tabiena apud Henriquez lib. 8. de Eucharistia cap. 45. in glossa littera P, qui aperte docent, solum in dubio positivo (quando scilicet quis probabiliter putat se peccasse) dari obligationem confitendi, non vero in dubio negativo, seu quando utrinque datur probabilitas de peccato commisso. Sicut enim in his casibus homo non teneatur ad votum, nec ad obtemperandum Legi, ita nec ad confessionem peccati. Ad 10. alios Auctores pro hac sententia adducunt Moya, Diana p. 10. tract. 12. resol. 7. Haunoldus de Pœnitentia cap. 8. inter quos sunt Lessius, Layman, Conink, Sa, Præpositus, Martinonius, Amicus, Leander. Plures etiam DD. Romani, & Complutenses de hoc consulti, & Revisores Societatis apud Tambur. l. 2. Meth. Conf. cap. 1. §. 3. Quamvis autem Sanchez lib. 1. cap. 10. num. 66. ad 30. Auctores pro contraria sententia referat, dicatque illam esse communissimam antiquorum; nihilominus si bene advertatur, D. Antoninus, Paludanus, Tabiena loquuntur solum, ut diximus, de peccato positivo dubio: Alii vero non distinguunt inter dubium positivum, & negativum, intelligendi sunt, quod solum loquuntur de illo dubio positivo; cum ex Trident. mox laudando, & ratione probabilissimum sit, non dari obligationem confitendi peccatum negative dubium.

Prob. 1. ex Trident. sess. 14. cap. 5. & can. 7. ubi aperte docet, nihil aliud a Pœnitentibus exigi, quam ut confiteantur moralia, quorum memoriam habent, quorum meminerint, quorum habent conscientiam, &c. Atqui his verbis excluditur obligatio confitendi peccata negative dubia; ergo. Probatur minor: dum Tridentinum docet, explicanda solum esse peccata, quorum habemus memoriam, & conscientiam, ex-

cludit obligationem confitendi peccata, de quibus non habetur memoria, nec conscientia; sed de peccatis negative dubiis dici non potest, quod habeatur memoria, aut conscientia; ergo.

Neque dicas, de peccatis dubiis haberi memoriam, & conscientiam dubiam. nam verba Conciliorum sumenda sunt in sensu proprio & usitato, nisi quid obiter; atqui habere memoriam, vel conscientiam, absolute prolaturum, in sensu usitato significat habere memoriam, vel conscientiam certam; ergo non potest in casu nostro intelligi de memoria, & conscientia cum addito, hoc est dubia, seu scrupulosa: Sicut quia esse album absolute prolaturum significat esse fere totum album, ideo non potest de Æthiope dici absolute, quod sit album, sed solum cum addito, videlicet albus secundum dentes. Quod autem habere memoriam, seu meminisse absolute prolaturum significat habere memoriam certam, ex eo patet, quia nemo dixerit posse se jurare, quod meminerit, seu habeat memoriam de eo, de quo dubitat, licet jurare possit, quod de eo habeat memoriam dubiam. Etenim dubitare non est meminisse: cum meminisse sit quoddam scire, ut notat Plato apud Caramuelem lib. 3. disp. 4. Similiter habere conscientiam de re aliqua est habere illius scientiam, juxta illud Bernardi: *Quid est conscientia, nisi cordis scientia?* Adde: vel nomine conscientie Trident. intelligit conscientiam certam tantum, & habemus intentum, quod non debemus fateri peccatum dubium, de quo non habetur conscientia certa; vel intelligit conscientiam genericam, ut comprehendentem omne genus conscientie, nempe certæ, probabilis, dubiæ, scrupulose, & hoc dici non potest, quia deberemus confiteri etiam peccata, de quibus habemus conscientiam scrupulosam, seu dubium imprudens, & peccata, de quibus habemus conscientiam probabilem, seu quæ probabiliter non commisimus; quod nemo dixerit.

Prob. 2. conclusio ratione, quia Christus Dominus instituit Sacramentum Pœnitentiæ per modum iudicii, adeo ut in omnibus iudiciis Sacramentale, & forense conveniant, in quibus non constet voluisse ea discrepare; (ut quodidem sit accusator, & Reus, &c.) atqui in iudicio Forensi nulla habetur ratio delicti negative dubii: quamvis enim Reus ad aliquam penam extraordinariam damnetur, quando reus est po-

positive dubius, seu quando dantur iudicia vehementia de reatu; At quando reatus est negative dubius, nulli pœnz damnatur Reus; ergo neque in iudicio sacramentali.

Confirm. Iudicium Forense esset irrationabile, si damnalet Reum suspensive dubium; ergo etiam iudicium Sacramentale; atque adeo licet potuisset Christus, quatenus Supremus Dominus, obligare nos ad confessionem peccati dubii, non potuit tamen de potestate ordinaria, volens in Sacramento Pœnitentiæ iudicium exerceri. Antecedens patet, tum quia omnia iura clamant, Reum dubium esse absolvendum; In dubio cavendum esse Reo; In obscuris quod minimum esse est sequendum: tum etiam quia in iudicio servanda est iustitiæ lex, quæ non patitur pro delicto dubio infligi pœnam certam; cum hæc illi non commensuretur. Quare sicut in æquali dubio homo non tenetur ad votum, nec ad onus legis, ut docent communius ex D. Antonino, Paludano, Tabiena loco citato, ita nec ad confessionem peccati. Et ratio potissima est, quia in dubio melior est conditio Libertatis possidentis.

XI. Neque dicas cum Azorio, hanc regulam juris, *In dubio melior est conditio possidentis*, solum esse veram in materia iustitiæ, non vero aliarum virtutum. Etenim si possideatur v. gr. pecunia a Petro, & in dubio teneatur illam restituere, Mundus esset scrupulis, & litibus plenus, & dominia rerum essent semper incerta; unde in bonum publicum statuta est Lex usufructus, & præscriptionis, ratione cuius possessor bonæ fidei potest rem possellam tanquam propriam retinere, etiamsi confurgat dubium, an ea sit aliena; & ideo in materia iustitiæ melior est conditio possidentis: contra vero in materia legis, voti, pœnz, &c. tutor pars sequenda est; & ideo pro homicidio dubio incurritur irregularitas, quia, ut habet Pontifex in cap. *Ad autenticam*, In dubio tutor pars est sequenda.

Nam contra est, quia sicut in dubio an damnificaveris, etiam per Adversarios non tenetis restituere, seu damnum compensare, quia quamvis non restituendo exponas te periculo transgrediendi materialiter obligationem iustitiæ, non peccas tamen formaliter, si formes dictamen conscientie per principia reflexa dicens, Neminem in dubio tenet: Ita pariter in dubio an voceris, an peccaveris, & in materia alia-

Pars VIII.

rum virtutum; unde regula illa juris est universalis in materia omnium virtutum, ut docent communissime. Et ratio a priori est, quia possessor bonæ fidei, si superveniat dubium, & adhibita diligentia non possit illud deponere, non est deturbandus a sua possessione; Atqui tam possidetur bona fide pecunia, quam libertas, & innocentia; ergo sicut in dubio an quis damnificaverit, non tenetur restituere, ita in dubio an voceris, an peccaveris, non tenetur servare votum, aut peccatum confiteri.

Et ratio ulterior est, quia idem est iudicium fori interni, ac externi, quoties externum non nititur in falsa presumptione; Sed forum externum semper fert iudicium, & sententiam in favorem possidentis in quacunque materia, puta in materia Legis, voti, censuræ; ergo etiam in foro interno.

Verum quidem est, quod in bonum publicum detur lex Usucapionis, & præscriptionis; hæc tamen lex non facit ad rem nostram; nam per talem legem non potest retineri tanquam propria res aliena, quæ possideretur, nisi post lapsum tot annorum, quibus elapsis retineri potest, etiamsi certo coniter, quod res fuerit aliena. At ante lapsum illorum annorum in dubio res possella retineri potest, præcisè quia in dubio melior est conditio possidentis; quod si certo moraliter coniter rem esse alienam, restituenda est.

Ad id, quod dicitur de irregularitate; certum est universum, quod sicut in dubio censuræ nemo censendus est censuratus, ita in dubio irregularitatis nemo censendus est irregularis, quia in dubio melior est conditio possidentis. In dubio vero homicidii advertunt communis DD. non imponi irregularitatem, si dubitetur de peccato gravi; sed imponi, si certum sit peccatum grave, & dubitetur nunc ex tali actione graviter peccaminosa, an aliunde secuta sit mors occisi, ut patet consideranti textum Canonicum; & quia consultius est in dubio sequi partem tutiorem, ideo Pontifex rationabiliter imponit pœnam irregularitatis pro hoc peccato gravi, de quo dubitatur, an traxerit post se mortem secutam. Hinc paritas retorquetur: non incurritur enim irregularitas, quando patrans homicidium negative dubitat, an graviter peccaverit; ergo neque incurritur onus confitendi peccatum, quando dubitatur negative, an sit commissum.

S

XII.

XII. Objic. 1. contra secundam conclusionem: Si quis possideat rem aliquam bona fide, & superveniat probabilitas, quod ea sit aliena; immo si probabilius sit, quod sit aliena, quam propria, neque in foro externo, neque in interno deturbandus est a sua possessione, quia prævalet jus certum possessionis juri incepto, quod oritur ex probabilitate, quod ea res sit aliena, ut docent communis; ergo pariter si detur probabilitas, quod quis peccaverit, neque obligandus est ad confitendum hujusmodi peccatum positive dubium.

Respond. concessio antecedente, distinguo consequens: si detur probabilitas, quod peccatum fuerit commissum absque probabilitate in oppositum, ita ut ea probabilitas faciat certitudinem moralem respectivam, ut explicavimus in conclusione, nego; secus, concedo consequentiam. Et eodem modo si detur moralis certitudo respectiva, quod res, quæ possidetur, sit aliena, ea restituida est.

XIII. Objic. 2. contra tertiam ex Moya, qui postquam per triginta annos docuisset in Scholis, non dari obligationem confitendi peccata negative dubia, palinodiam cecinit tract. 3. disp. 1. q. 5. ex vi hujus argumenti: Potuit Christus Dominus ita Sacramentum Pœnitentie instituere, ut daretur hæc obligatio; Atque de facto ita institutum est; ergo datur hæc obligatio. Minor probatur ex communi Catholicorum sensu, & traditione a tempore Apostolorum hæcenus continuata, ratione cujus præceptum confitendi peccata dubia, tanquam inconcussum dogma, non tam probatur, quam supposuerunt DD. Ut enim ait Augustinus lib. 4. contra Donatistas: *Quod universa tenet Ecclesia, nec Conciliorum infirmitas, sed semper retentum est, non nisi auctoritate Apostolica tractum vellestime creditur*. Hæcenus Moya. Adde Leandrum, ac Tamburinum, quamvis pronos in opinionibus benignas, ut notat Diana parte 10. tract. 12. resol. 2. pronissimus & ipse in eisdem, obligationem hanc ex praxi Ecclesie declaratam non aulos fuisse inficiari: Adverteque Tamburinus, omnia alia argumenta hanc obligationem suadentia erudite solvi a Lugo, Layman, Præposito, Diana, eam tamen ab eis asseri unice ex praxi Ecclesie, & consensu DD. qui negari non potest. Sanchez enim lib. 1. summe cap. 10. num. 66. ad 40. DD. referre id sentientes.

Neque dici potest cum Caramuele, hanc

Ecclesie praxim esse timoratorum, qui sicut libere & ex pietate confitentur venialia, ita etiam peccata dubia; unde a multis DD. ea obligatio, & praxis obligatoria negatur.

Nam Regula ad dignoscendum, utrum aliqua praxis sit obligatoria, est inspicere, an sit de re ardua, an constanter ab omnibus observetur, an timoratis scandalum pariat inobservantia; & si hæc omnia concurrant, (ut videntur in casu nostro concurrere) dicendum, praxim esse obligatoriam; cujusmodi est v. g. praxis respondendi Confessario interroganti de consuetudine peccati, praxis præmittendi communioni confessionem peccatorum in prima confessione oblatorum, praxis abstinenti a laeticiis in Quadragesima, praxis jejunandi in pervigilio Pentecostes, Festi D. Laurentii, Omnium Sanctorum, &c.

Resp. Argumentum esset efficax, si constaret de hac praxi, & de consensu DD. in sensu Adversariorum. Contendo tamen cum Marcantio apud Dianam loco laudato, praxim, & consensum DD. esse solum de peccato dubio positive, quando scilicet probabile est, peccatum esse commissum absque probabilitate in oppositum, non vero de dubio negativo; sicut neque est de dubio positivo, quando scilicet probabile est, peccatum non esse commissum. D. Antoninus, Paludanus, Tabiena, & plerique Recentiores, qui distinguunt inter hoc triplex genus peccati dubii, aperte docent, nullam dari obligationem confitendi peccata negative dubia. Alii DD. antiqui fatentur quidem absolute dari obligationem aperienti peccata dubia. Verum, sicut Adversarii optime distinguunt, & docent DD. antiquos non esse intelligendos de peccato dubio positive, quod scilicet probabiliter sit commissum; Ita nos rationabiliter dicimus, propter auctoritatem Tridentini, & tot DD. & ob rationes conclusionis, antiquos non esse intelligendos de peccato dubio negative, sed de dubio positive, quando scilicet probabiliter est commissum. Quare nego minorem. Ad probat. dicendum, vel non dari eam praxim relate ad peccatum negative dubium, vel si datur, ea est ex devotione aliquorum, aut ex ignorantia, si putetur ea praxis obligatoria; sicut dicendum ab omnibus de praxi confitendi venialia.

XIV. Objic. 3. Omnia mortalia etiam dubia sunt materia necessaria contritionis; ergo etiam confessionis. Probatur consequentia, quia Christus Dominus per illa verba

Joan.

Joan. 20. *Quorum remisistis, &c.* constituit Sacerdotes Vicarios Dei in absolvendis peccatis, adeo ut omnia peccata, quæ olim tenebantur homines ad Deum ipsum immediate deferre, teneantur nunc deferre ad Tribunal Sacerdotum, per quos unica peccata remittuntur vi Sacramenti sive in re, sive in voto suscepti; ergo sicut olim etiam peccata dubia erant ad Deum per contritionem deferenda, ita nunc ad Tribunal Sacerdotum.

Confirm. Sacerdotes a Christo Domino non solum constituti sunt Judices, sed etiam Medici; atqui medico etiam morbi, & vulnera dubia exponenda sunt, quia ut loquitur Trident. *Vulnus quod ignoratur, medicina non curat; ergo ut prius.*

Resp. Argumentum probare nimis, vid. etiam peccatum positive dubium, quod scilicet probabiliter non est commissum, esse materiam necessariam confessionis; quia hoc etiam est materia necessaria contritionis: Directe dico, verum quidem esse, quod unice vi Sacramenti aut in re, aut in voto suscepti mortalia deleantur; At sicut peccata oblita, & positive dubia, quæ probabiliter non sunt commissæ, delentur vi clavium indirecte, ita etiam peccata dubia negative. Dicimus enim, majorem esse obligationem ad salutem affecurandam per contritionem, quam ad Sacramentum conficiendum, quia salutis affectus pendet ab eo quod est; unde etiam a peccato oblito impeditur; Sacramentum vero pendet ab eo quod apparet; unde non impeditur ejus fructus ex defectu confessionis peccati obliti, aut negative dubii.

Ad confirm. Similiter argumentum probat nimis, quod scilicet etiam peccatum positive dubium, seu probabiliter non commissum exponendum sit. Idcirco autem etiam vulnera positive dubia Medico aperiuntur, quia si vere infecta sunt, non possunt aliter nisi pharmaco curari: contra vero peccatum dubium negative, sicut peccatum oblito, deleri potest independentem a Sacramento per contritionem; ergo non fuit necesse, quod homines ad ea aperienda in confessione obligarentur. Potuit quidem Christus ex Supremitate domini hanc obligationem imponere, tum relate ad peccata dubia negative, tum positive; quia tamen hæc obligatio est contra consuetum modum operandi humanum, & contra leges omnium Judiciorum, ideo ponit ea presumenda, nisi aperte constet de illa.

XV. Objic. ultimo ex Sanchez. In dubio tutior pars est eligenda, ubi possessio non faver dubitanti; & ideo in dubio v. g. an quis confessus sit peccatum certe commissum, in omnium sententia tenetur illud confiteri: Atqui etiam in dubio an sit commissum peccatum, possessio non faver dubitanti; ergo etiam in hoc dubio peccatum clavibus subjiciendum est. Probatur minor, quia in hoc casu possidet præceptum confessionis; præsertim quia ex praxi Ecclesie hoc præceptum est etiam de peccatis dubiis.

Confirm. 1. quia tunc in dubio melior est conditio possidentis, quando dubitans obligaretur ad aliquid excedens limites dubii, puta si dubitans de peccato obligaretur ad confitendum illud, non ut dubium, sed ut certum; hoc tamen non haberetur in casu, quia solum ut dubium aperiendum est, & ut tale punitur; ergo.

Confirm. 2. quia lex, quamvis videatur pœnalis, & odiosa, amplianda est tanquam favorabilis, quando respicit favorem agnitionis, & vitiationem peccatorum, ut ostendit Sanchez lib. 1. disp. 3. Atqui Lex confessionis est hujusmodi, cum lata sit tanquam suavisimum pharmacum ad præcavenda peccata; ergo fidei Medicis etiam morbi dubii detegendi sunt in favorem salutis corporis, ita confessarii peccata dubia in favorem salutis animæ.

Confirm. demum, quia ex Tridentino aperienda sunt peccata, prout sunt in conscientia, exceptis venialibus; ergo cum peccata dubia sint in conscientia, & non sint venialia, aperienda sunt in confessione.

Resp. manifestum esse, quod in casu nostro possessio faveat dubitanti, hoc est possessio stet pro libertate, non pro præcepto. Universim enim pro ea parte stat possessio, quæ antecedenter præsupponitur, ac proinde transfert rationabiliter alteri onus probandi oppositum: sic in celebri exemplo, si quis die Jovis dubitet, an sit elapsa media nox, non tenetur abstinere ab esu carniæ, quia possessio stat pro libertate, quæ antecedit obligationem subsequenter; contra vero si quis dubitet die Saturni, an sit elapsa media nox, non potest carnes comedere, quia possessio stat pro præcepto, quod antecedit; Atqui in casu nostro antecedit libertas, & consequenter probanda est, non presumenda obligatio subjiciendi clavibus peccatum dubium; (sicut e contra si peccatum sit certum, & dubitetur an sit confessum, obligatio antecedit, & ideo

confitendum est) ergo in dubio an sit commissum peccatum, libertas possidet; & quia melior est conditio possidentis, ideo non datur obligatio confitendi. Quod autem ad praxim Ecclesiæ spectat, jam secinius satis.

Ad primam confir. nego minorem. hæc enim ipsa obligatio aperiendi peccata dubia, ut dubia, excedit limites dubii. Nam delictum dubium est immune a quovis onere in quolibet Tribunali; ergo obligatio confitendi peccata dubia, ut dubia, cum sit onerosa, excedit limites dubii.

Ad secundam; si doctrina subsisteret, quælibet lex esset amplianda, cum quælibet respiciat bonum commune, atque adeo sit aliquo modo favorabilis. Quare illa dicitur lex odiosa, & restringenda, quæ fert onus; illa favorabilis, & amplianda, quæ fert privilegium, aut gratiam. In casu nostro confessio peccati est onus, quamvis hoc onus ordinetur ad bonum animæ; ergo huiusmodi lex est restringenda ad peccata certa: Et sicut Medicus non debet exponi morbi dubii, nec morbi leves, sed probabiles; ita non ex obligatione, sed ex pietate exponuntur confessorio peccata dubia, & venialia: Præsertim quia nullum datur discrimen salutis æternæ ob peccatum dubium, si homo de illo conteratur, aut si alia peccata certa confiteatur, ita ut peccatum dubium remittatur indirecte, si forte fuerit commissum.

Ad tertiam: Trident. nusquam dicit, appetenda esse peccata, prout sunt in conscientia; sed dicit, nihil aliud a peccatoribus exigi, quam ut peccata confiteantur, quorum conscientiam habent, atque adeo peccata certa; unde excluditur obligatio confitendi peccata dubia: & diserte deinde docet, non dari obligationem confitendi venialia.

XVI. Gravis est hic difficultas, Num peccatum explicatum in confessione, ut dubium, si deinde deprehendatur certum, iterum clavibus subiiciendum sit ut certum? Cardinalis de Lugo non audeat hanc obligationem negare: putat tamen saltem speculative probabile esse, quod non detur: & prædicæ etiam hanc obligationem negant Rosella, Leander de Sacra. 5. d. 5. quæst. 27. Bresserus de conf. l. 4. c. 12. Tambur. lib. 2. Confes. cap. 1. §. 4. Arriaga, & alii apud Mendo in statera discept. 10. qu. 6. Ratio, quam promovet Lugo, est, quia qui confitetur se peccasse decies circiter, quamvis sub dubio taceatur peccatum decimum, & undecimum, nihilominus si de-

prehendat deinde se undecies peccasse, non tenetur ex praxi Ecclesiæ iterum peccatum illud undecimum confiteri; ergo neque in casu.

Confirm. quia qui dicit, peccavi ad summum decies, æquivalenter dicit, peccavi novies, & dubito de decimo. Atqui si deprehendat deinde, re vera se decies peccasse, non tenetur iterum peccatum illud decimum confiteri, ut docent communiter ex praxi Ecclesiæ; quidquid nonnulli repugnant; ergo neque in casu. Addit Arriaga, hanc opinionem non esse in praxi rejiciendam, neque vi rationis, quæ nulla est, nec ex sensu DD. quia DD. qui quæstionem hæc in propriis terminis attigerunt, & eam obligationem imponunt, non sunt nisi Turrianus, & Thomas Sanchez; Diana vero solum refert horum verba, nihil addendo de proprio. Et ratio a priori est, quia quando quis exponit peccatum dubium, satisfacit obligationi exponendi peccatum, prout est in conscientia, & ab eo absolvitur directe, non vero indirecte, ut de peccatis oblitis; ergo nulla superest obligatio. Quod etiam confirmatur paritate iudicii Forensis, in quo sententia lata de crimine dubio, aut probabilis est decretoria; sic etiam data absoluteione a censuris dubiis, vel dispensatione super irregularitate, aut voto dubio, nulla reviviscit obligatio, si deinde deprehendatur horum certitudo: ergo etiam in casu.

Verum in praxi non videtur recedendum a sententia hanc obligationem agnoscentem ex ipsa praxi Ecclesiæ, & usu Fidelium: siquidem inter libros prohibitos recensetur Manuale Regularium Francisci Pellizarii, donec nonnullæ opiniones deleantur; inter quas tract. 5. cap. 3. n. 56. est hæc, quod non detur huiusmodi obligatio. Quamvis autem per hanc prohibitionem sanctam a Sacra Congregatione non eatenus censetur damnata a Pontifice hæc sententia; quia tamen authoritas Cardinalium est magni ponderis, non est ab ea recedendum, nisi urgeat validissima ratio in contrarium, quæ illam expugnet.

ARTICULUS III.

An peccatum fictionis in instanti Baptismi sit materia Confessionis? Et quid de peccato pure putato?

XVII. **P**eccatum fictionis in instanti Baptismi dupliciter potest

est contingere. Primo quidem si fictio opponatur substantiæ Sacramenti, ut quando quis simulat susceptionem baptismi, quem non intendit suscipere. Secundo si opponatur effectui Sacramenti, puta Gratia, ut quando quis vult suscipere Sacramentum, sed simul ob aliquod mortale est indispositus ad gratiam suscipiendam. Prior dicitur fictio intentionis, quia fingitur intentio suscipiendi baptismum; Posterior dicitur fictio dispositionis. Certum est, quod si peccatum fictionis sit contrarium substantiæ Sacramenti baptismi, nullatenus illud spectet ad Sacramentum Pœnitentiæ; cum non sit peccatum hominis Christiani; Si vero fictio sit dispositionis, hæc pariter potest dupliciter contingere, videlicet negative, & positive. est enim negative indispositus ad gratiam, qui vult suscipere baptismum, sed habet in anima peccatum, quod invincibiliter non retrahat; & huiusmodi peccatum cum fuerit commissum ante baptismum, neque poterit esse materia Sacramenti Pœnitentiæ. Dicitur vero positive indispositus ad Gratiam, qui in eo ipso instanti, quo suscipit baptismum, committit aliquid mortale; & de hoc peccato procedit quæstio.

Rursus peccatum fictionis positivæ potest esse vel antecedens Baptismum, vel consequens, vel concomitans, prout explicavimus in de Sacramentis disp. 2. qu. ult. n. 8. ubi diximus probabile esse, quod peccatum fictionis antecedentis unice per Baptismum tollatur: quia tamen probabile etiam est, quod sit materia Sacramenti Pœnitentiæ; idcirco nunc loquendo de quocunque peccato fictionis positivæ, pono sequentem assertionem.

XVIII. Dico cum communiori apud Lugo disp. 16. peccatum quodcunque fictionis positivæ in instanti baptismi commissum esse materiam confessionis.

Prob. Peccatum commissum in instanti baptismi est peccatum hominis Christiani, & subditi Ecclesiæ; sed peccatum hominis Christiani pertinet ad Sacramentum Pœnitentiæ; ergo hoc peccatum est materia confessionis. Probat major, quia baptismus in instanti, quo suscipitur, facit hominem Christianum, membrum Christi, & Ecclesiæ; sicut gratia, quando primo est, facit hominem Deo gratum, amicum, filium, & heredem.

Confirm. In instanti, quo quis emittit professionem Religiosam, sit Religiosus, & si tunc peccaret contra castitatem, esset

sacrilegus; ergo a pari in instanti, quo quis suscipit baptismum, sit Christianus, quique peccata, utpote hominis Christiani, ad Tribunal Confessionis pertinent. Hinc si peccatum tempore antecessit baptismum, & non perseveraret usque ad instantem susceptionis baptismi, non deleatur per Sacramentum Pœnitentiæ, secus vero si usque ad illud instans perseveraret.

XIX. Objic. 1. Trident. sess. 14. cap. 2. loquens de baptizatis ait: *si se postea crimine aliquo contaminaverim, &c. ante hoc Tribunal tanquam reos sibi voluit.* Ergo solum ad Tribunal Pœnitentiæ spectant peccata post baptismum commissæ, non vero commissæ in instanti baptismi.

Confirm. quia aliter si quis cum veniali susciperet baptismum, & statim decederet, non posset recta ad cælum advolare, si peccatum illud non remitteretur per baptismum.

Resp. Trid. loqui de relabentibus in nova peccata post baptismum; quia solum hic casus est usualis, & Concilium non erat sollicitum de quæstione ista speculativa, ac minime practica; tradebat enim ibi doctrinam usui accommodatam, & non merx speculationi. Nam ut bene advertit Suarius disp. 28. & Lugo disp. 16. hic casus, de quo disputatur, moraliter in proximum reduci non potest, cum non sit moraliter possibile, quod aliquis duret in aliquo actuali consensu pro toto eo tempore, quo perficitur Baptismus, quin etiam post Baptismum perfectum aliquandiu in eodem statu duret.

Adde ex eodem Lugo, verbum illud Trident. *Pœtea* sumendum esse negative, hoc est non prius, non vero positive, excludendo ipsum instans, quo baptismus perficitur: sic dicere solemus, ante solis ortum sunt tenebræ, non vero postea; ante usum rationis homo non peccat, postea vero peccat. Ubi ly, *postea*, sumitur negative. Nam etiam in eo primo instanti, quo sol oritur, desunt tenebræ, & in eo instanti, quo acquiritur usus rationis, potest homo peccare. Quod autem sic sumendum sit ly, *postea*, constat, quia Trident. cap. 5. ejusdem sess. habet, Christum reliquisse Sacerdotes sui Vicarios tanquam Præfides, & Judices, ad quos omnia mortalia crimina deferantur, in quæ Christi Fideles ceciderint; Ubi satis ostendit, peccata commissæ in instanti baptismi, utpote peccata Christianidelium, esse ad Sacerdotes deicienda.

Ad confirm. concedo sequelam. quando
S 3 cum

enim dicimus, baptizatum, si statim moriatur, recta ad Cœlum migrare, intelligendum est, modo ne aliquod peccatum in eo instanti commiserit, vel immediate post.

XX. Objic. 1. Per baptismum applicatur Christi sanguis ad solvendum, & extinguendum omne debitum jam contractum usque ad illud tempus; ergo includi debet peccatum in eo instanti commissum: Non secus ac si Rex remittat alicui quodcumque debet usque ad hanc diem, remittit etiam debitum hac ipsa die contractum.

Confirm. quia si Martyr in ipso instanti Martyrii committat veniale, per baptismum sanguinis deletur; aliter decineri deberet in Purgatorio, contra sensum communem Ecclesiæ; ergo etiam baptismus fluminis delet peccata in eo instanti commissæ: atque adeo hæc non sunt materia Confessionis.

Resp. negando, Baptisma esse institutum ad solvendum debitum, quod contractum, dum illud suscipitur, licet potuisset ita institui. Triden. enim docet, omnia peccata, quæ committunt Christiani fideles, pertinere ad Pœnitentiæ Tribunal; Peccatum autem, quod committitur in instanti baptismi, vere committitur a Christiano fidele; ergo non pertinet ad Sacramentum baptismi, sed Pœnitentiæ; Præsertim quia Baptismus delere non potest peccata personalia, nisi prævia eorum retractatione; Peccatum autem in instanti baptismi commissum retractari in eo instanti non potest; ergo non potest per baptismum deleri.

Ad confirm. dico cum Lugo, instans Martyrii non esse illud, quo Martyr mortem acceptat, vel accipit vulnus lethale, sed esse illud instans, quo Martyrium consummatur per mortem, seu primum instans mortis; quo certe Martyr peccare non potest, cum non amplius vivat. Illi autem instanti, & Martyrio per mortem consummato concessum est privilegium illud remissionis æquæque omnium peccatorum, etiam quoad penam, ob penas, quas subit Martyr profundendo vitam pro fide; quod privilegium non est concessum baptismi fluminis, sicut nec baptismi fluminis. Quis enim neget, posse aliquem post perfectum actum amoris Dei statim decedere, & ad penas Purgatorii detrudi, si non plene per illum actum amoris satisfecit pro suis culpis?

XXI. Quod attinet ad peccatum pure putatum, certum est, esse materiam necessariam

Confessionis, seu debere in Confessione explicari. Solum quaeritur, An sit materia sufficiens, hoc est an valide, & fructuose Sacramentum Pœnitentiæ suscipiatur, si illud solum peccatum manifestetur?

Negant nonnulli putantes, quod si deficiat materia remota, nempe peccatum vere commissum, deficiat etiam materia proxima hujus Sacramenti, nempe dolor, & Confessio de peccato vere commissio, atque adeo deficiat etiam Sacramentum, ejusque fructus.

Dicendum tamen cum communiori Recentiorum, peccatum pure putatum probabiliter esse materiam sufficientem Sacramenti Pœnitentiæ.

Prob. Potuit procul dubio sic institui Pœnitentiæ Sacramentum, ut dolor de peccato pure putato sufficeret ad ejus valorem, & fructum: quod autem ita de facto institutum sit, ex eo suadetur, quia institutum est per modum judicii, & in omnibus judicium Sacramentale convenit cum forensi, in quibus non constat Christum voluisse ea differre; Atqui in judicio forensi datur vera accusatio, & ferur valida sententia etiam de delicto pure putato; ergo peccatum pure putatum est materia sufficiens Sacramenti Pœnitentiæ.

Confirm. quia non est verisimile, Christum Dominum voluisse privare innocentem Sacramento, ejusque fructu, dum exponit peccata putata, & suæ obligationi satisfacit; quando non privat Reum exponentem peccata vere commissæ; Aliter Innocenti obesset sua Innocentia; ergo ut prius.

Dices 1. In Sacramento Baptismi non sufficit ablutio vera aquæ putatæ; neque in Eucharistia vinum putatum; nec in Sacramento Pœnitentiæ absolutio Sacerdotis putati; ergo neque sufficit dolor vere de peccato putato.

Resp. concessio antecedente, nego consequentiam. Constat enim, Christum Dominum voluisse in baptismo abluionem aquæ naturalis, juxta illud: *Nisi quis renatus*, &c. Constat etiam, voluisse Eucharistiam confici ex pane, & vino vero, utpote institutam per modum refectionis spiritualis: Constat demum, abolutionem debere esse ab habente potestatem ordinis, & jurisdictionis; aliter sententia absolutoria non esset vera, sed apparens. Contra vero probabile est, ut ostendimus, quod Christus Dominus contentus fuerit in Sacramento Pœnitentiæ de dolore vero peccati putati.

Di-

Dices 2. formam absolutoriam non esse veram, si nullum detur peccatum remittendum; ergo si peccatum sit putatum, Sacramentum non conficitur.

Resp. sicut forma baptismi est vera, non solum secundum significationem naturalem, sed etiam secundum sacramentalem, quando quis acceditur contritione ad baptismum, in quo casu nulla macula deletur in actu secundo; (idemque proportionaliter dicas de baptismo suscepto a B. Virgine ab omni labe immuni, de Extrema unctione, &c.) ita forma absolutoria est vera, etiam si nullum peccatum in actu secundo deletur. Et ratio est, quia significatum forme Sacramentalis est, quod conferatur gratia, quæ de se est eterna peccati, si illud reperiret, aut si non daretur obex; unde sufficit, quod solum in actu primo gratia Sacramentalis peccatum deleat. Hinc Suarius. tomo 2. in 3. p. disp. 18. sect. 3. putat cum Alberto, Sylvestro, Canisio, & aliis, Deiparam suscepisse Sacramentum Extreme Unctionis, quia formula illa, Remittat tibi Deus, si quid peccasti, significat: Conferat tibi Deus Gratiam sufficientem ad delendam omnem maculam, quæ per sensus contrahi solet. Immo Albertus Magnus apud Canisium l. 1. de B. Virgine cap. 9. & alii apud Raynaudam in Dipht. Marianis putant, Deiparam suscepisse etiam Sacramentum Pœnitentiæ, confitendo sive incongruitatem suam ad Maternitatem Dei, sive culpam levem conditionaliter commissam, & ut possibilem apprehensam, juxta illud Bernardi: *Bona mentis est ibi culpam agnoscere, ubi culpa non est*; potest quippe forma absolutoria esse vera, quamvis in actu secundo nullum peccatum deletur.

Dices 3. si sufficeret materia remota putata, nempe peccatum, sufficeret etiam materia proxima putata, nempe dolor supernaturalis putatus; quod nemo dixerit.

Resp. nego consequentiam: ex rationibus enim conclusionis probabile est, sufficere materiam remotam putatam, & rationabiliter nomen peccati usurpari, prout amplectitur etiam peccatum putatum. Dolor tamen supernaturalis non potest esse putatus, ut constat ex propositione 57. confixa ab Inno. XI. Et ratio est, quia dispositio, & forma debent esse in eodem ordine: cum autem dolor disponat ad gratiam supernaturalem, debet & ipse esse supernaturalis; atque adeo non sufficit, quod sit pure putatus.

ARTICULUS IV.

Quomodo explicandus sit numerus Peccatorum?
Et quomodo peccata numerice multiplicentur?

XXII. Certum est ex Trident. explicandum esse numerum peccatorum, quippe qui multum variat judicium, quod ferri debet de statu Pœnitentis, unde non sufficit explicare consuetudinem peccandi, & tempus, quo talis consuetudo duravit, quando ferri potest certum judicium de numero peccatorum, ut docent communissime: quidquid olim in contrarium dixerint Cajetanus, & Navarrus. Et ratio est, quia consuetudo peccandi tam habetur ab eo qui decies, quam ab eo, qui centies singulis hebdomadis peccat. Quare quando non potest haberi certus numerus peccatorum, explicandus est saltem in confuso, dicendo v. gr. bis, vel ter per diem, aut per hebdomadam patratum esse hujus speciei peccatum.

Vasquez tamen, & Coninck docent, incogitationibus morosis valde frequentibus non esse adigendos Pœnitentes ad numerum explicandum, quia facile in ea supputatione facienda erratur notabiliter, præsertim a Rusticis, & scrupulosis: unde putat Coninck satis esse dicere, sæpius per diem, aut quasi continue, prout dabatur occasio, se desiderasse peccare in ea peccati specie. Quæ Doctrina admittenda est, quando non potest facile aliquis circiter numerus peccatorum per diem, aut per hebdomadam determinari; Aliiter non datur ratio, cur hic numerus non explicetur.

XXIII. Difficulus est, quomodo actus numerice multiplicentur? Illud certum est, actum internum non multiplicari, nisi interrumpatur: si enim motus ex Philosopho non multiplicatur, sed dicitur unus, si non interrumpatur, a fortiori actus internus, qui idem perseveret; unde advertit Suarius disp. 22. sect. 5. quod si idem actus voluntatis duret circa idem objectum, quamvis circa illud videamur aliquando plures reflexiones facere, ac veluti denuo actum inchoare, confitendum tamen ut unum numero peccatum.

Certum etiam est, quod si actus internus interrumpatur cum expressa voluntate desistendi ab illo, tunc peccata multiplicentur numerice, si novus actus succedat; cum nec phyſice, nec moraliter cum illo primo a-

At hic continetur . Circa alias interruptiones est difficultas .

Dico equidem : si interruptio ab actu interno peccaminoso non fiat per expressam voluntatem desistendi ab illo , sed vel per distractionem , vel per negotium , vel per somnum , tunc actus interni physice multiplicantur , ut patet . Verum si ea interruptio duret tempore notabili , multiplicentur etiam moraliter , ita ut debeat numerus peccatorum resultans in confessione explicari ; si vero interruptio duret brevi tempore , tunc probabile est , quod docet Suarius loco laudato cum aliis , debere etiam in confessione explicari numerum ex illis interruptionibus resultantem . Ratio est , quia illa peccata vere sunt distincta numero , & habent suas malitias morales numero distinctas , cum hæc distinctio non pendeat a brevitate , vel longitudine interruptionis .

Dixi tamen , hanc Suarii Doctrinam esse probabilem , quia multi docent oppositum ; tum quia istæ breves interruptiones ex natura sua sunt tales , aut non possint facile adverti ; tum etiam quia quando sunt inelaborate , vix variant morale iudicium circa illum actum . Unde colligit Coninck disp. 7. scilicet . 7. satis esse in confessione dicere , se magna dici parte , aut quasi per totum diem de re illa cogitasse . Hoc enim intelligitur secundum communem modum agendi , qui solet esse , ut huiusmodi cogitationes occurrentibus negotiis interruptantur .

XXIV. Quod attinet ad multiplicationem numericam peccatorum exteriorum ; certum est , quod si ea omnino interruptantur per cessationem ab omni actu interno , & externo , ac deinde similis actus committatur , tunc peccata numero multiplicentur . Ratio est , quia tunc illi actus sunt omnino discreti , cum nihil sit , cum quo continentur . Verum circa alias interruptiones est non levis difficultas .

Dico equidem 1. Si actus interior interruptatur , sed continetur exterior , peccata non multiplicantur numero . Ita Suarez , Vasquez , & alii ; Tum quia illi duo actus interni uniuntur in uno actu externo ; Tum etiam quia prior actus internus voluntatis manet virtualiter in actu externo ; quare censetur unus moraliter cum novo actu interno superveniente .

Dico 2. Si actus exterior interruptatur per successionem alterius actus exterioris ordinati ad eundem finem , qui tamen actus externi non sunt mali per se , sed so-

lum ex intentione finis (ut parare arma , exire domo , &c. in eo qui vult occidere inimicum ,) neque tunc multiplicantur numero peccata . Ratio est , quia omnes illæ extrinsecæ actiones solum physice distinguuntur , moraliter tamen sunt unum , cum participant eandem malitiam finis , ad quem ordinantur .

Dico ult. Si actus externi inter se subordinati , & sibi invicem succedentes sint mali malitia ejusdem speciei cum malitia finis , ad quem ordinantur ; (ut sunt plura vulnera in ordine ad hominem interficiendum , oscula , & tactus in ordine ad fornicationem) tunc , si actus ultimus consumetur , nempe occiso , fornicatio , sufficit hunc tantum explicare in confessione . Ratio est , quia omnes illi actus pravii ad hunc ultimum ordinantur , & ex illis unum numero peccatum consummatum componitur ; unde moraliter singuli sunt partes componentes unum actum totalem . Hoc tamen Suarius , & Vasquez contra Navarrum intelligunt solum de actibus antecedentibus , non vero de consequentibus , qui non videntur ad illum actum jam consummatum pertinere , unde debent in confessione explicari . Verum sententia Navarræ , & aliorum non videtur improbabilis , quia actus consequentes censentur complementum operis essentialiter tantum , & non integraliter consummati .

Dices : si verum esset , quod peccata interna non multiplicentur numerice , quando continentur in eodem actu externo , sequeretur , quod peccatum non restituendi esset unum moraliter , quantumcumque dureret , quia omnes voluntates non restituendi continentur pariter in eadem externa omissione debite restitutionis .

Resp. Vasquium , Gabrielem , Navarrum concedere sequelam : communius tamen cum Suario , & Bonacina putant , peccatum non restituendi multiplicari numerice per interruptionem , & iterationem internarum voluntatum non restituendi ; vel per hoc quod quis iterum utatur re aliena ; præsertim si per usum atteratur ; vel per hoc , quod quis voluntarie reddat se impotentem ad restituendum ; vel si appareat , novum damnum emergere creditori ex omissione restitutionis . Ratio est , quia huiusmodi actus non videntur contineri præcise in voluntate priori non restituendi .

XXV. Dubitatur hic , quot peccata committat , qui pluribus una vice successive

ad

administat in mortali Sacramentum Pœnitentiæ, aut Eucharistiæ. Quod attinet ad Sacramentum Pœnitentiæ, communis docent contra nonnullos apud Dianam parte quinta tract. 14. Resol. 56. quod tot peccata committantur, quot absolutiones conferuntur, quia unumquodque Sacramentum Pœnitentiæ per se est completum; unde sicut qui successive plures fornicationes committit, debet numerum explicare; ita qui successive plura Sacramenta Pœnitentiæ, aut baptismi &c. conficit in mortali: Contra vero probabiliter unum peccatum committit, qui pluribus Sacramentum Eucharistiæ in mortali administat, quia tunc non conficit Sacramentum. Immo probabile est, quod docet Vasquez cum aliis contra Granadum, & Faustum apud eundem Dianam, hunc non peccare mortaliter, eo quod Sacramentum nec consecriat, nec suscipiat, sed solum tangat; sicut non peccasset mortaliter, qui in mortali osculatus fuisset pedes Christi Domini, dum degeret in terris.

ARTICULUS V.

Utrum subjiciendus sit clavibus effectus proveniens ex peccato commisso, non secus ac actus externus peccaminosus.

XXVI. EX communissima Doctorum sententia, & ex Ecclesiæ praxi constat, non solum peccata interna, sed etiam externa aperienda esse in confessione; ut supra diximus num. 4. Proinde qui furatus est v. gr. non explicat sufficienter peccatum suum dicendo, Volui furari, quamvis enim actus exterior non sit formaliter liber, & ideo non addat novum meritum, aut demeritum actui interno; nihilominus ab actu interno peccaminoso actus externus denominatur vere peccatum, & displicens Deo; unde Deus non solum prohibet voluntatem furandi, sed ipsum etiam furtum, quandoquidem peccatum internum, & externum sunt unum formale peccatum, & censentur esse una actio in genere moris. Et ratio ulterior est, quia fere semper actus externus notabiliter mutat statum peccati, & peccatoris, atque adeo de se variat iudicium in foro sacramentali; etenim quando actus externus coniungitur cum interno, hic fere semper est intensior, diuturnior, & efficacior, reddens hominem proclivorem ad relabendum; & sæpe etiam ad peccatum externum con-

trahitur censura, irregularitas, onus restitutionis, & alia id genus; propterea ejus cognitio est necessaria in hoc tribunali, quod ad medelam animarum institutum est.

XXVII. Dubitatur tamen, Num præter actum externum clavibus etiam subjiciendus sit effectus proveniens ex peccato commisso, pro quando non potest amplius evitari? E. gr. Si quis percussit, aut mandavit percuti lethaliter Petrum, vel illi venenum propinavit, ita ut non possit deinde amplius mors impediri, quæritur, an mors deinde secuta ita sit effectus peccati volutus in causa, ut sit etiam novum peccatum aperiendum in confessione? Similiter si prævideas homicidium in ebrietate patrandum, sufficitne in Confessione aperire ebrietatem cum prævisione, aut etiam intentione homicidii, an vero debet etiam aperiri homicidium secutum, non secus ac præter peccatum internum debet etiam actus externus manifestari? Quamvis neque actus externus, neque effectus ex peccato secutus, pro quando non potest amplius impediri, addant novam malitiam peccato interno, cum non addant novam libertatem, quæ est fundamentum bonitatis, & malitiæ moralis, ut docet D. Th. in 4. dist. 17. qu. 2. Suar. tr. 2. de Relig. l. 3. de Juram. c. 7. Vasq. p. 12. d. 127. dicens hoc esse contra controversiam.

Prima sententia cum Sanchez lib. 9. de Matrim. disp. 45. num. 3. Soto, Ledesma, Palao tr. 2. d. 1. p. 3. & aliis putat, eodem modo aperiendum esse in confessione effectum ex causa voluntaria secutum, pro quando impediri non potest, ac actum exterio-rem. Quare, inquit Sotus in 4. dist. 12. q. 1. ubi quis percussit Petrum, & statim confesus est hanc percussione, si deinde sequatur mors, tenetur iterum homicidium faceri. Et ratio videtur esse, tum quia talis effectus est veluti complementum peccati antecedentis, non secus ac actus externus est complementum interni, atque adeo tanquam peccatum confitendum est; tum etiam quia in foro externo punitur v. gr. per irregularitatem, per censuras &c. ergo si- gnum est esse peccatum, atque adeo confitendum.

Secunda sententia docet, hujusmodi effectus, pro quando vitari non possunt, non esse peccata, ut proinde non vocentur peccata, sicut vocantur peccata actus externi peccaminosi, sed dicantur esse effectus peccati; & ideo satis esse in confessione co-
rum

rum dumtaxat causam aperire. Ita Vasq. p. 2. disp. 94. c. 4. n. 16. Bonac. de Legib. disp. 2. qu. 4. p. 4. Laym. & alii apud Dianam p. 1. tr. 7. ref. 74. & apud Merollam disp. 2. cap. 1. nu. 36. Et ratio radicalis est, quia nemo dicitur peccare, pro quando actus impediri non potest; aliter peccatum non esset liberum; ergo huiusmodi effectus, pro quando impediri non possunt, nullatenus habent rationem peccati, æque adeo non sunt in confessione aperiendi. In tantum actus externi, licet non habeant propriam, & formalem libertatem, sunt tamen vere peccata in confessione aperienda, quia pro quando ponuntur, vitari possunt, & sic libere ponuntur; at effectus isti, pro quando ponuntur, vitari non possunt; ergo nullatenus induunt rationem peccati in Confessione aperiendi.

Tertia sententia cum Azor. & aliis apud Sanch. l. 1. Sum. c. 16. n. 46. docet, quod huiusmodi peccati effectus tunc sint aperiendi in Confessione, quando proveniunt antequam per pœnitentiam retractata sit voluntas illa prava præterita, vi cuius in sua causa voliti sunt; Quia tunc faciunt unum peccatum moraliter cum voluntate illa præterita, non secus ac actus externus peccaminosus cum interno. Quod si voluntas præterita per pœnitentiam sit interrupta, tunc nullo modo censeri debent peccata, atque adeo nec clavibus subjicienda. Probabiles autem omnes tres istas sententias idem Sanch. loco citato: huic tamen ultimæ videtur propius adherendum.

XXVIII. Dico itaque primo cum Sanch. lib. 9. de Matr. disp. 45. n. 39. Henr. Corduba, Soto, & aliis. Si voluntas præterita, v. gr. patrandi homicidium veneno propinato, retractetur per pœnitentiam, antequam mors sequatur, huiusmodi effectus non habet rationem peccati.

Probat, quia hic effectus, puta mors per venenum causata, non potest dici voluntarius, juxta systema conclusionis; ergo non habet rationem peccati, quod essentialiter debet esse voluntarium, ac liberum. Antecedens probatur: causa præterita, nempe venenum jam propinatum, esse fuerit olim voluntaria, non est tamen voluntaria, quando sequitur homicidium, cum supponatur jam per pœnitentiam retractata; ergo quamvis hic effectus procedat ex causa olim voluntaria, non oritur tamen ex causa hic, & nunc voluntaria, atque adeo nec ipse est voluntarius.

Confirm. Qui mandat Procuratori, ut nomine suo contrahat matrimonium, si revocet mandatum, & antequam ad notitiam Procuratoris ea revocatio perveniat, iste matrimonium contrahat nomine Principalis, profecto hic contractus, quamvis procedat a causa olim voluntarie posita, voluntarius tamen non est, unde Matrimonium non est validum, ut notat Sanch. lib. 2. disp. 11. ergo idem in casu, potest enim causa in ratione voluntarii revocari, quamvis effectus inde sequatur naturaliter, perinde ac si revocata non esset.

XXIX. Inferitur hinc primo, effectus ortos a prava voluntate præterita jam retractata non esse subjiciendos clavibus post confessionem de causa illis data. Ita Fagundes, Salas, Becan. Henr. & alii apud Dianam p. 3. tr. 6. ref. 52. & Merollam loco citato nu. 47. Etenim cum huiusmodi effectus non habeant rationem voluntarii, nec rationem peccati, ut ostendimus; sequitur, quod non habeant malitiam in Confessione aperiendam; Siquidem malitia, quæ præcessit in causa olim voluntaria, jam in Confessione explicata fuit.

Inferitur secundo cum Sanch. lib. 1. c. 16. nu. 16. contra Azorium, & Palaum, probabile esse, quod huiusmodi effectus nec sint subjiciendi clavibus, si solum præcesserit interna retractatio prave voluntatis præteritæ, etiam si non præcesserit confessio. Ratio est eadem, quia isti effectus in casu nostro, cum non sint voluntarii, non habent rationem peccati, unde non continent malitiam in Confessione aperiendam; quamvis tutius sit eos aperire, ut ex illis clarius innoscat prior culpa. Quinimo Bonacina de leg. disp. 2. q. 4. p. 4. nu. 26. & alii communis docent, confitendos omnino esse, quando ad illos consequitur censura, irregularitas, aut onus restitutionis, quæ omnia actum dumtaxat externum consummatum comitantur. Nihilominus non est improbabile quod docent Henr. lib. 5. nu. 5. lit. H. Tabiena, & alii apud Dianam loco laudato contra Vasq. Azorium, nullam censuram secuto effectum incurri, quando voluntas prava antecederet sit retractata. Etenim cum censura sit pœna medicinalis ordinata ad infringendam contumaciam, si voluntas prava, antequam sequatur effectus, retractetur, non habet amplius contumacia; unde nec incurritur censura. Incurritur tamen in omnium sententia irregularitas, & onus restitutionis, secuto huiusmodi effectus, esse præcesserit

rit retractatio voluntatis prave præterite, immo etiam præcesserit confesio.

XXX. Dico 1. Si voluntas præterita prava non fuerit retractata, antequam effectus, puta homicidium, sequatur post venenum propinatum, tale homicidium, quamvis non possit amplius impedi, adhuc est vere peccatum externum, aut saltem complementum peccati externi, participans malitiam per extrinsecam denominationem a causa præterita. Ita Suar. Becan. Sanch. Henr. Salas, & alii apud eundem Merollam n. 40. ex D. Th. 2. 2. q. 79. art. 3. ad 3.

Probatur, quia ad rationem peccati non requiritur actualis libertas, sed satis est, quod actus maneat moraliter liber, vel habitualiter, quatenus non est retractatus, vel virtualiter, quatenus operatur per causam appositam; atqui totum hoc habet homicidium, quando post venenum propinatum non est retractata prava voluntas præterita; ergo huiusmodi homicidium habet rationem peccati externi. Major probatur, quia in communi hominum sensu dicitur v. g. voluntarie omittere recitationem Horarum, qui projicit Breviarium, etiam si non possit deinde illas recitare, dummodo voluntatem pravam non retractarit. Similiter dicitur voluntarie peccare peccato externo fomi, qui dormit contra præceptum domini indicens vigiliam, etiam si non possit deinde amplius vigilare; ergo huiusmodi effectus habent vere rationem peccati externi per malitiam extrinsecè derivatam a causa voluntaria moraliter perseverante in ratione voluntarii per non retractationem; non secus ac actus externus habet veram rationem peccati externi per malitiam extrinsecè derivatam a peccato interno.

Confirm. quia projiciens Breviarium, ne possit horas recitare, non incurrit censuram impositam pro omissione recitationis horarum, tunc quando Breviarium projicit, sed in instanti mediæ noctis, quando peccatum consummatur; atqui censura non incurritur nisi propter peccatum; ergo omisso recitationis, quamvis post projectionem Brevarii sit necessaria, adhuc tamen habet veram rationem peccati ob voluntarietatem in sua causa moraliter perseverantem per non retractationem.

XXXI. Inferitur hinc, quod huiusmodi effectus promanantes a voluntate prava non retractata, sive positivi sint, ut homicidium, sive negativi, ut omisso recitationis Horarum, quamvis non possit amplius impedi, adhuc clavibus subjiciendi sunt, non

secus ac peccata externa. Ita Sanch. Tanneris, Salas, Soto, Becanus contra Vasquez loco citato, Sayr. Herreram apud eundem Dianam p. 3. tr. 6. ref. 52. Ratio est, quia aliter fere nunquam teneremur confiteri v. gr. occisionem, aut effectum secutum contra castitatem, &c. sed satis esset aperire in Confessione causam his effectibus datam; quod videtur esse contra sensum fidelium, ac Doctorum; quidquid in contrarium doceat Vasquez ibidem apud Dianam p. 1. tr. 7. ref. 74. putans hos effectus manifestari a fidelibus in confessione, vel quia credunt eos esse peccata, vel ut luculentius peccatum manifestet.

Confirm. 1. quia si quis emissâ sagittâ interficeret hominem, potest solum confiteri jaculationem sagittæ animo occidendi, & præscindere ab homicidio, immo potest etiam illud negare citra mortale; quod tamen videtur absolum. Et ratio a priori est, quia ut aliquid in se vere, & formaliter sit peccatum, atque adeo in confessione aperiendum, non est opus, quod sit in se, & directe volitum, sed sufficit, si sit saltem indirecte, & in sua causa voluntarium.

Confirm. 2. quia ideo in omnium sententia actus externus peccaminosus est subjiciendus clavibus, quia habet veram rationem peccati, quamvis per denominationem ab actu interno peccaminoso, cum quo moraliter conjungitur; sicut etiam quia per hoc quod actu interno superaddatur externus, notabiliter variatur iudicium confessorii in ordine ad statum peccati, & peccatoris, ut diximus initio hujus articuli, ac demum quia sæpe actus externus est obnoxius censuræ, irregularitati, oneri restitutionis, &c. atqui hæc omnia pariter militant in effectu peccaminoso proveniente ex prava voluntate præterita non retractata; ergo pariter effectus hic peccaminosus est subjiciendus clavibus.

QUÆSTIO IV.

De Satisfactione Sacramentali.

DE Satisfactione multa inquirunt Theologi morales, quæ paucis hic complectemur, querendo prius ea, quæ spectant ad satisfactionem extrasacramentalem; Deinde quæ ad Sacramentalem.

ARTICULUS I.

*Quid sit Satisfactio, & quamvis ejus
Conditiones?*

I. **D**efinitur ab Angelico in 4. disp. 15. satisfactio, quod sit quedam injuriæ illatæ recompensatio. Apud Theologos tamen nomine satisfactionis antonomastice venit compensatio injuriæ Deo irrogatæ per peccatum. Dupliciter tamen possumus pro peccatis satisfacere, primo quoad culpam, & de hac disputatur in de Incarnatione, secundo quoad penam, quæ remanet luenda pro mortalibus, aut venialibus jam remissis, & ista satisfactio aut potest a nobis præstari extra Sacramentum per opera satisfactoria ex opere operantis, aut ex opere operato per satisfactiones Christi applicatas nobis vel per Indulgentias, vel per sacrificium Eucharisticum, vel virtute clavium exequendo penitentiam in Sacramento a Confessario injunctam, quæ est pars integralis Sacramenti Pœnitentiæ. Quod possumus etiam extra Sacramentum condigne satisfacere pro pena temporali peccatis debita, constat tum ex Trident. sess. 14. can. 13. tum ex proscriptione 77. Theob. Bani, quæ habet: *Satisfactiones laboriosæ justificarum non valent expiare de condigno penam temporalem restantem post culpam condonatum: tum demum quia si potest justus per opera supernaturalia mereri de condigno vitam æternam, a fortiori poterit satisfacere de condigno pro pena temporali alterius vitæ, quæ ingressum ad gloriam remouetur. Sicut autem meritum justus habet solam proportionem Geometricam, non Arithmeticam cum præmio vitæ æternæ; ita justus satisfactio proportionem habet pariter Geometricam cum pena Purgatorii debita culpa, pro qua satisfacit; eo quod solvatur a Filio Dei adoptivo non tamquam in carcere, & coactæ, sed sponte tanquam in palæstra pugnando.*

II. Quamvis autem extra Sacramentum non applicentur nobis Christi satisfactiones, quando per opera nostra ex opere operantis satisfacimus; nihilominus jure merito in Trident. sess. 14. cap. 8. dicimur in Christo satisfacere & tum quia vi meritum Christi conferuntur nobis auxilia ad ponendam hæc opera satisfactoria; tum etiam quia intuitu meritum Christi acceptantur a Deo pro debito penæ satisfactiones a nobis præstitæ. Etenim, ut notat de Lugo, Ju-

dex habet jus ad exigendam penam, quam ille vult imponere, quin teneatur acceptare penam, quam reus sponte sua subit, etiam si esset hæc acerbior pena debita; Siquidem delinquentis est penam pati, Judicis vero illam taxare. Hinc Trident. loco laudato habet: *Omnis gloriatio nostra in Christo est, in quo vivimus, in quo meremur, in quo satisfacimus, facientes fructus dignos Pœnitentiæ, qui ex illo vim habent, ab illo offeruntur, & per illum acceptantur a Patre.* Ex quo sequitur, quod satisfaciæ iustus de rigore justitiæ vindicativæ quoad æqualitatem solutionis, solvendo tantum, quantum debet de pena, non ramen quoad modum solutionis, quia necessarius fuit favor ex parte Judicis, qui nostra opera in satisfactionem acceptaret, cum posset exigere penas a se infligendas; ubi autem favor, & gratia admiscetur, non habetur totaliter justitiæ rigor.

III. Ut autem satisfactio ista extrasacramentalis sit condigna, plures conditiones requiruntur. Prima est, quod ponatur ab homine in statu gratiæ. Ita communicer contra nonnullos apud Lugo disp. 24. sect. 2. Et ratio est, quia sicut nemo potest in Christo mereri, nisi vivat in Christo, ira nec potest in Christo satisfacere; quandoquidem sicut opus meritum non habet proportionem cum vita æterna, nisi eleveur a gratia; ita nec opus satisfactorium habet proportionem cum pena alterius vitæ, nisi ab eadem gratia eleveur, debet enim esse Deo gratus homo, tam ut ejus opera acceptentur ad præmium, quam ut acceptentur ad placandum Deum, & ad compensandam penam debitam per castigationem voluntariam. Confirm. quia, ut modo diximus ex Lugo, opera nostra, ut sint satisfactoria, debent a Deo in ordine ad talem finem acceptari; Deus autem opera peccatoris non acceptat. dicitur enim Proverb. 15. *Viam impiorum abominabiles Domino.* & prima ad Cor. 13. *Si distribueris omnem substantiam meam in cibis pauperum, & tradideris corpus meum, ita ut ardeam, charitatem autem non habueris, nihil mihi prodest.* Porro sicut ex majori gratia crescit valor meriti, ut docent communius, ita etiam valor satisfactionis, major enim personæ dignitas confert ad utrumque.

IV. Secunda conditio est, ut opus sit penale. Propterea Trident. sess. 14. c. 8. opera satisfactoria appellat penas, additque, nos satisfaciendo pati pro peccatis; aliter non haberetur congrua recompensatio pro in.

injuria, quoad reatum residuum pœnæ temporalis. Non videtur tamen negandum, quod omne opus bonum sit aliquatenus pœnale, ut prout quodlibet opus bonum, & quia honestum, sit meritorium, & quia pœnale sit satisfactorium. Et ratio est, quia omne opus bonum aliquam habet difficultatem, unde etiam penalitatem. Virtus enim est circa arduum, & difficile, & idcirco dantur habitus virtuosus ad superandam difficultatem, quæ in exercitio actuum reperitur; difficile autem dicitur esse illud, quod vel dolore fit, vel temporis longitudine; sicut facile dicitur esse, quod vel sine dolore fit, vel brevi.

Neque obstat, quod valde virtuosus suavitatem potius sentiant in exercitio virtutis, quam penam. Nam gaudium illud spirituale, quod ex amoris vehementia experitur virtuosus in exercitio virtutis, non tollit, quomodo sentiat penam aliquam, licet levem, dum privat se bono delectabili ob amorem honesti; hæc autem diminutio pœnæ, quæ tunc habetur orta ex promptitudine voluntatis libenter operantis circa honestum, non minuit satisfactionem, sed potius illam augeat, ut notat Angelicus loco laudato, & solum minuit satisfactionem diminutio penalitatis, quæ habetur ex parte ipsius actus. Et ratio est, quia quamvis actus qui honestus sit meritorius, & quia pœnalis sit satisfactorius, nihilominus crescente honestate actus, etiam si non crescat, sed potius decrescat penalitas, adhuc crescit satisfactio; quia magis Deus placatur ab actu honestiore, licet minus pœnali, quam a magis pœnali, & minus honesto; & idcirco ex communi Theologorum doctrina magis est satisfactoria elemosyna, quam jejuniū, quamvis hoc sit magis cruciativum; & confessio religiosa ex D. Th. 2. 2. qu. 189. art. 3. ad 3. affert secum expiationem totius pœnæ temporalis debite propter actionis excellentiam, quamvis formaliter parum habeat penalitatis. Sic etiam magis satisfaciunt homines per actum charitatis, quam per actum humilitatis, quia dignitas actus in ordine ad satisfaciendum non defumitur ex nuda pœna, sed ex pœna laudabili; cum autem major sit laudabilitas pœnæ in actu charitatis, citò minus meretur, quam in actu humilitatis, major per illum actum habetur satisfactio. Quare per omnes omnino actus supernaturales honestos habetur sua satisfactio orta ex aliqua molestia, quæ in ejus exercitio habetur, saltem ob carentiam boni delectabi-

lis cum eo actu impossibilis; & ideo Trident. loco citato quamvis docuerit satisfactionem fieri per pœnas, addit tamen can. 13. eam universim fieri non solum jejuniis, orationibus, & elemosinis, sed etiam aliis pietatis operibus; quia scilicet pietatis opera in hac vita non carent pœnalitate sua.

V. Tertia conditio est, ut opus satisfactorium ex actu bono, & honesto procedat. quomodo enim potest placari Deus per opus aut sibi ingratum, aut sibi non gratum? In tantum potest satisfactio Sacramentalis ex malo, aut indifferente sine posita sufficere ad implendum præceptum Confessionis, & elevari ex opere operato ad satisfaciendum, quoties homo ratione peccati mortalis non est incapax talis effectus, puta si ob finem solum venialiter malum, v. g. ob vanam gloriam, det elemosynam a Confessario impositam, quia sicut ad satisfaciendum aliis præceptis, puta audiendi Missam, jejunandi, non requiritur, quod hæc ponantur ex fine bono, ita ad satisfaciendum præcepto Confessionis; quinimodo etiam in statu peccati mortalis potest his præceptis satisfieri; & sicut potest v. g. absolutio Sacramentalis ex fine mortaliter malo collata a Sacerdote elevari ex opere operato ad causandam gratiam in penitente, quia elevatur, quatenus est actio a Christo Domino assumpta, atque adeo quatenus est bona; sicut etiam quando elevatur contractus matrimonialis peccaminosus; & quando elevatur voluntas conferendi Ordines Sacros, etiam si simoniaca, &c. ita elevari potest ad causandum effectum satisfactionis ex opere operato opus satisfactorium impositum a Confessario, quamvis ex fine venialiter malo ponatur. nam si poneretur ex fine mortaliter malo, non causaret gratiam ex opere operato ex incapacitate subiecti, & probabiliter nec causaret remissionem pœnæ ex indispotione subiecti. Ad quando opus satisfactorium ponitur extra Sacramentum, cum causet effectum ex opere operantis dumtaxat, idcirco si ponatur ex fine malo, cum non placeat Deo, neque placat Deum, neque ullo pacto satisfaciunt.

VI. Dubitatur hic primo, an opus satisfactorium debeat poni ex intentione satisfaciendi, ut satisfaciatur? Ad quod respondendum cum communi contra Henricum, & alios apud Lugo d. 24. n. 43. negative. Ratio est, quia sicut ad meritum non requiritur intentio merendi, & satis est, quod vi sua opus meritorium a-

ptum

peum fit movere Deum ad remunerationem, ut moveat ad illam infallibiliter dandam, posita promissione divina; ita pariformiter satis est, quod opus satisfactorium aptum fit placare Deum, ut satisfaciatur infallibiliter, posita divina acceptatione; atque adeo non requiritur intentio satisfaciendi per illud: Sicut docent communiter, nec requiri intentionem satisfaciendi, quando ponitur opus præceptum, eo quod ea præcisa, ponitur quicquid a legislatore præcipitur; atque adeo præcepto satisficit: quicquid sit, an satisficitur cum intentione non satisfaciendi; in quo Doctores variant; eo quod videatur in tali casu non poni opus eo modo quopossit legislatori morem gerere; sicut nec videtur placare Deum offensum, qui ponit opus satisfactorium animo non satisfaciendi per illud.

VII. Dubitatur 2. an possimus satisfacere etiam per penas, & flagella a Deo nobis inflicta, & quæ necessario patimur, etiam non perseverante actu interno libero, quo ea libenter acceptamus, & patienter toleramus? Et sane quod ex divina erga nos clementia satisfacimus per huiusmodi penas, & flagella, constat ex Tridentino sess. 14. cap. 9. ubi habet: *Decet præterea, tantam esse divine munificentia largitatem, ut non solum penis a nobis pro peccato vindicamus susceptis, aut Sacerdotis arbitrio pro mensura delicti impositis; sed etiam (quod maximum amoris argumentum est) temporalibus flagellis a Deo inflictis, & a nobis patienter toleratis apud Deum Patrem per Christum Jesum satisfacere valeamus.* Præterea quod non solum per actum internum, sed etiam per ipsa flagella externa habeatur satisfactio, docent communiter contra nonnullos apud eundem Lugo; aliter non esset, cur adeo Tridentinum efferret divinam munificentiam, & amorem in hac satisfactioe, si ea tota consummaretur in sola patientia, & actu interno. Quare sicut satisfacimus non solum per actus internos, sed etiam per ipsa flagella, quando sponte a nobis suscipiuntur; ita etiam quando necessarii ea patimur, & a Deo infliguntur, dummodo patienter ea toleremus. Esto autem actus externus non addat novum meritum supra actum internum, juxta communem Theologorum contra Ripaldam disp. 68. sect. 5. unde solum occasionaliter, & per accidens magis meretur, qui superaddit actum externum actui interno, quatenus intensior solet esse, & diuturnior actus internus, quando debet superare difficulta-

tes quæ interponuntur, ubi in actum externum prodiret: nihilominus communiter etiam Theologi docent cum Lugo disp. 14. sect. 4. quod actus externus addat novam satisfactionem actui interno. magis enim Deum placat cæteris paribus qui vult jejunare, & simul jejuna, ac qui solum vult jejunare. Et ratio est, quia æquitas postulat, ut reus pœnæ non crucietur his, ac propterea qui sustinuit flagella libenter, non solum ratione actus interni, sed etiam ratione pœnarum externarum extinguit reatum pœnæ: contra vero cæteris paribus non videtur dignus novo præmio, qui voluntati jejunandi superaddit jejunium, quippe quod nullatenus est liberum, nisi in causa, atque adeo non exigit novam retributionem, cum non addat novum obsequium erga præmiantem.

VIII. Putant nonnulli cum Medina tr. 3. q. 5. Vasquez, & aliis apud Dicalit. disp. 13. dub. 6. quod nos per patientiam internam satisfaciamus, per flagella vero externa a Deo nobis inflicta, & patienter tolerata solum satisfaciamur; non secus ac in Purgatorio anime satisfaciuntur, non satisfaciunt, quia post mortem *Tempus non eris amplius*, ut habetur Apoc. 10. ideit merendi, ac satisfaciendi. satisfactio enim requirit proportionem arithmetica inter pœnam, quæ subitur, ac debitum pœnæ, satisfactio vero proportionem Geometricam. Sed adversus hanc sententiam recurrit, quod Trident. non potuisset adeo efferre munificentiam, & amorem Dei per hoc, quod in ordine ad satisfactionem admittit flagella a Deo nobis inflicta, & patienter tolerata, perinde ac si sponte illa subiremus, si per flagella externa solum satisfaceremus, & non satisfacere. Ratio autem, cur congruum sit, ut ea in satisfactionem admittat, est ex Angelico in 4. dist. 15. qu. p. ar. 4. quæst. 2. quia per hoc quod flagella necessaria libere acceptentur, sunt quodammodo propria, ut proinde Deus illa respiciat, perinde ac si ea a nobis libere assumerentur ad satisfaciendum. Hæc sunt verba Angelici: *Recompensatio offense præterita possit fieri & ab eo, qui offendit, & ab alio; quando fit ab alio, ea vindicationis magis, quam satisfactionis rationem habet; unde si flagella, quæ pro peccatis a Deo infliguntur, siam aliquo modo ipsius patientis, ratione satisfactionis accipiunt; sunt autem ipsius, in quantum ea acceptat ad purificationem peccatorum, eis mens patienter; si autem ratio eis per impatientiam diffensat,*

1000,

tunc non efficiuntur aliquo modo ipsius, & ideo non habent rationem satisfactionis, sed vindicationis tantum.

IX. Utrum autem per flagella, sive a Deo inflicta, sive sponte suscepta, satisfaciamus, etiam non perseverante saltem virtualiter actu interno libero, quo illa acceptantur? Admittendum videtur cum Lugo loco citato num. 78. contra Dicastillum loco citato num. 80. quia sicut voluntarie v. g. dicitur occidere inimicum, qui propinat illi venenum, quamvis deinde, quando inimicus moritur, non perseveret voluntas illa prava occidendi illum; ita voluntarie dicitur flagella externa pati, qui aut sponte suscipit, aut libere acceptat quæ a Deo infinguntur, quamvis hic actus internus deinde non perseveret, quando cruciatur: Per hoc autem, quod hujusmodi flagella per acceptance[m] fiant quodammodo propria, ac voluntaria, etiam non perseverante actu interno, congruum est, ut Deus etiam illa admittat in satisfactionem: non fecus ac ex sua munificencia admittit flagella externa nobis necessaria per hoc, quod ea acceptemus, & patienter toleremus, dum actus hic internus perseverat.

Confirm. ex Lugo, quia qui ex præcepto confessorii tenetur humi cubare per totam noctem, si post somnum inchoatum ab aliis in molli culcitra reponatur, tenetur deinde altera nocte humi cubare; idque non solum in medicinam spiritualem ad carnem macerandam, ut putat Dicastillo, sed etiam in satisfactionem sacramentalem; ergo vere satisfaciunt per cubationem illam cruciativam, dum dormit, & actus internus patienter illam tolerans non perseverat.

X. Ex quibus fit 1. posse in penitentiam imponi a confessorio ægritudines, carcerem, aut alias penas necessarias; eo quod dum patienter tolerantur, elevari possunt ad causandam ex opere operato pœnæ remissionem, non solum dum virtualiter actus internus patientiæ perseverat, per hoc quod impatientia comprimitur, sed etiam dum perseverat habitualiter, ut in somno. Propterea confessorius post absolutionem addit ea verba: *Quicquid patienter sustinueris, fit tibi in remissionem peccatorum*, quia scilicet flagella omnia patienter deinde tolerata conferunt ad satisfaciendum pro peccatis in ea confessione detectis.

XI. Fit a. posse a confessorio in Penitentiam imponi opus alias præceptum, puta auditionem Missæ die festo, aut jejunium

Quadragesimale; Non solum quia ex novo præcepto confessorii fit illud magis laudabile, magis meritorium, ac magis satisfactorium; redditurque penitenti magis onerosum, cum ex ejus omissione duplex peccatum in confessione explicandum committatur, ut notat Lugo disp. 25. n. 67. alterum contra virtutem propriam, puta contra Religionem, aut Temperantiam, alterum contra virtutem Penitentiam omitendo satisfactionem debitam, immo etiam contra reverentiam Sacramento debitam, mutilando illud: Sed etiam quia si possunt elevari ad satisfaciendum ex opere operato virtute clavium flagella ipsa externa nobis necessaria, dummodo patienter tolerantur, & acceptentur, a fortiori elevari possunt opera solum moraliter nobis necessaria, videlicet opera aliunde præcepta.

ARTICULUS II.

De Penitentia a Confessorio injungenda.

XII. **D** Ubitatur 1. quomodo, & qualem penitentiam injungere debeat Confessorius.

Resp. certum esse, quod per se loquendo teneatur confessorius imponere penitentiam peccatis congruam. Hæc enim habet Trid. sess. 14. cap. 8. *Debent Sacerdotes Dei, quantum Spiritus, & prudentia suggererit, pro qualitate criminum, & penitentium facultate convenientes satisfactiones injungere; ne si forte peccatis connivent, & indulgentius cum penitentibus agant, levissima quadam opera pro gravissimis delictis injungendo, alienorum peccatorum participes efficiantur*; quæ postrema verba indicant obligationem esse gravem. Et sane in judicio humanis peccat graviter Judex, si pro atrocibus delictis levem penam injungat, ergo a fortiori in judicio Sacramentali.

Addæ, communius docere contra Amicum, Lugo, Dianam, etiam pro venialibus, aut pro mortalibus remissis imponendam esse sub gravi aliquam congruam satisfactionem, ne mutilum reddatur Sacramentum absque hac parte integrali; quamvis si omitatur a penitente integra penitentia levis imposita pro venialibus, puta unum Miserere, communius doceant, quod ob materiæ parvitatem non nisi venialiter peccetur. Et disparitas videtur esse, quia si confessorius penitentiam pro venialibus non injungat, videtur injuriam irrogare Sacramento reddendo illud mutilum, cum pos-

sit facillime ejus integritatem curare; At penitens negligendo levem penitentiam non videtur gravem injuriam Sacramento irrogare, eo quod ad illam negligendam non videatur induci ex ullo Sacramenti contemptu, sed ex quadam officiositate, quæ in materia levi non pertingit ad gravem culpam. Immo si penitens omittat gravem penitentiam impositam pro culpis levibus, aut pro mortalibus remissis, probabile est, ut sentit Martinus Perez disp. 37. sect. 1. contra Lugo disp. 25. sect. 5. quod solum venialiter peccet, eo quod confessorius non potest ad ullam penitentiam obligare penitentem, nisi ratione culpe clavibus subjectæ: quare cum peccata venialia, aut mortalia remissa non trahant reatum penæ gravis sub gravi ponendæ, eo quod pena excederet culpam, sequitur, quod ad illam penitens non obligetur sub gravi. Ex alio capite etiam nec tenetur sub gravi implere penitentiam levem impositam pro mortalibus, quia quamvis mortalitatem inducant de se gravem obligationem luendi penam a confessorio imponendam, nihilominus parvitas materiæ excusare videtur a mortali, non solum quando parvitas materiæ est pars penitentis impositæ; de quo non dubitatur; sed etiam paritate rationis, quando est penitentia totalis, ut communis docent eum Suar. Con. Lugo apud eundem Perez.

XIII. Excusatur Confessorius ab imponenda gravi pena pro culpis gravibus, Primo si eam physice non possit penitens exequi, in quo casu eundem, ut per elemosinas satisfaciatur. Quod si sensibus sit destitutus, potest confessorius absque impositione penitentis illum absolvere. Secundo si penitens non possit exequi illam moraliter, hoc est absque gravi difficultate. Immo quando creditur probabiliter, quod penitentiam gravem non sit impleturus, non est ei imponenda, quia in hoc Sacramento, ut notat Suar. disp. 38. sect. 9. magis spectatur salus penitentis, ejusque emendatio, quam satisfactio pro pena; & ut advertit Con. disp. 10. dub. 8. præstat exponere penitentem periculolucendi gravem penam in Purgatorio, quam exponere illum culpe gravi, quam committeret omitendo gravem penitentiam injunctam. Quare ad vitandum malum gravius, indulgere potest confessorius aliquid imbecillitati penitentis, quia non solum debet munus iudicis erga illum exercere, sed etiam Medici spiritualis. Tertio potest Confessorius ab

onere penitentis satisfactoriæ (non tamen ab onere penitentis medicinalis, ac præservativæ) eximere penitentem, si imponat illi lucrationem Indulgentiæ plenariæ, per quam tollitur omnis reatus penæ, atque adeo tollitur materia, propter quam penitentia imponi debet, ac propterea Sacramentum non dicitur remanere mutilum; præsertim quia ipsa voluntas lucrandi indulgentiam, & positio operum ad id requisitorum integritatem Sacramentum; Et ideo Bonifacius VIII. ut refert Glossa in extravag. *Antiquorum* de Penitentia, & remissionibus, reprehendit confessorios, qui lucraturus Indulgentiam Anni Sancti aliam penitentiam imponebant.

Hinc aliqui putant, posse penitentiam a confessorio impositam, si non sit medicinalis, sed satisfactoria, ab ipsomet penitente in lucrationem plenariæ indulgentiæ commutari; quod tamen Valentia putat absurdissimum, eo quod nunquam Penitens ad ullam penitentiam obligaretur, eum innumeræ suppetant Indulgentiæ lucranda. Equidem tamen censo cum Fill. Rodr. & aliis apud Dianam p. 5. tr. 12. ref. 3. probabile esse, quod lucrans Indulgentiam plenariam eximatur ab onere implendi penitentiam satisfactoriam, non tamen medicalem: & quia penitentia, quæ solent imponi, ut advertit Suarius, utpote valde leves præ illis, quæ juxta Canones Penitenciales imponebantur olim pro foro externo, sunt medicinales potius, quam satisfactoriæ, ideoque raro admodum ab onere penitentis impositæ liberatur penitens ob plenariam indulgentiam, quam lucratur. Neque obstat, quod dixit Lugo, videlicet pharmacum a Medico non præcipi, sed solum cadere sub consilium. Nam ex usu Ecclesiæ, & communi fidei, ac Doctrinæ sensu Christus Dominus dedit Sacerdoti potestatem præcipiendi non solum penam, quatenus Juxta est, sed etiam pharmacum, quatenus est Medicus: unde ad penitentiam Medicalem penitens omnino tenetur.

XIV. Utrum autem confessorius excusetur aliquando ab imponenda gravi penitentia culpis debita per hoc, quod addat illa verba: *Quicquid boni feceris, & mali sustinueris, si tibi in remissionem peccatorum*; affirmant nonnulli apud Dia. p. 3. tr. 4. ref. 97. putantes, elevari posse virtute clavium ad satisfaciendum ex opere operato etiam opera, quæ a confessorio non præcipiuntur, ut advertit Suar. disp. 38. sect.

sect. 3. ita ut non liget confessarius, seu obliget ad hæc opera determinata, sed obliget ut opera bona, quæ libenter facit penitens ad hunc finem, faciat ut vi Sacramenti proficiat ad satisfaciendum ex opere operato; quo posito, elevatur quicquid boni facturus est penitens; non quidem in perpetuum, quod videtur absonum, sed quousque plene satisfiat pro peccatis in ea confessione expensis, ut admittit idem Suar. l. c. sect. 6. Communius tamen id negant, putantes formulam illam esse deprecatoriam, non judicalem; aliter Tridentinum non deterruisset gravibus illis verbis Confessarios imponentes pro culpis gravissimis levissima quædam opera, si sufficeret addere formulam istam: & dato quod hæc formula sufficeret pro imponenda penitentia satisfactoria, non proinde sufficit pro imponenda medicinali, ac præservativa.

XV. Dubitatur 1. An penitens teneatur Penitentiam acceptare, & implere? Nonnulli cum Navar. Soró, Fabio apud Dianam p. 2. tr. 15. ref. 52. putarunt, posse penitentem circa mortale velle in Purgatorio lucere penas peccatis debitas. Communiter tamen hæc sententia post Tridentinum rejicitur. Vasq. & Victoria putant esse contra fidem. Suarius esse temerariam; alii periculosa, & improbabilis: confessarius enim injungit penitentiam, ex Tridentino; ergo penitens tenetur illam exequi, & imperata facere. Præterquamquod judicium Sacramentale esset mutilum, si deficeret satisfactio. Quinimo si transmittatur, quod sic posset penitens eximi a penitentia satisfactoria, non proinde fieret, quod posset eximi a præservativa, qualis esse solet quæ communiter imponitur, ut diximus ex Suario. Diximus etiam, ad penitentiam levem nonnisi sub levi teneri, & probabiliter etiam si pro culpis gravibus ea sit imposta. Probabiliter etiam potest confessarius velle penitentem obligare ad gravem penitentiam tantum sub levi, non secus ac potest probabiliter aliquis ex voto tantum sub levi obligare se ad aliquid grave; Ita Medina, & Suar. disp. 38. sect. 7. Cæterum sicuti nemo potest implementationem voti diu differre, ita nec penitentiam injunctam; debetque per se ipsum implere, ut constat ex thesi 15. proscripta ab Alex. VII. Non est tamen obligatio eam implendi in statu gratiæ, ut docent Lugo, & Perez disp. 17. sect. 4. esto in tali casu privetur penitens

non solum augmento gratiæ, sed etiam remissione penæ, cum Dei inimicus non sit idoneum subiectum, cui pena remittatur. Hic tamen effectus remissionis penæ probabiliter, recedente fictione, reviviscit. Suarez putat, esse saltem veniale penitentiam implere in statu peccati, eo quod recipiatur indigne pars Sacramenti, & ponatur obex ejus effectui. Verum sicut non est veniale audire sacrum præceptum in statu peccati mortalis, quamvis tunc ponatur obex effectui sacrificii, nec est veniale interesse cum mortali benedictioni Pontificis, quando conferuntur Indulgentiæ, quamvis ponatur obex consimili effectui: ita in casu nostro: & licet probabile sit, quod satisfactio Sacramentalis causet etiam ex opere operato augmentum gratiæ, quia tamen hoc non est certum, ideo communiter docent, non esse mortale, ponere obicem huic probabili augmento gratiæ sanctificantis.

XVI. Dubitatur 3. An possit Confessarius penitentiam ab alio impositam commutare, non auditis peccatis, propter quæ fuit imposta? Quod penitens non possit auctoritate propria penitentiam commutare in opus evidenter præstantius, docent communius contra nonnullos apud Dia. p. 3. tr. 4. ref. 53. quibus ipse adsupplatur. Et ratio est, quia rem a superiore præceptam nequit subditus commutare, ut constat in aliis præceptis. Ideo potest vovens commutare sibi votum in aliquid melius, quia obligatio voti oritur ex propria voluntate voventis intendentis ponere aliquid Deo gratum: quare si ponat aliquid Deo gratius, voti obligationem non violat. Etenim ex cap. pervenis de jurjurando, promissum non infringis qui illud commutat in melius: At obligatio præcepti oritur ex voluntate superioris, cui non satisfis, nisi ponendo quod ipse præcipit. Nec in casu nostro virtute clavium elevatur ad satisfaciendum ex opere operato, nisi opus illud, quod confessarius vult elevare; Sicut nec Indulgentias lucratur, qui non ponit opera injuncta, quamvis ponat præstantiora.

Deinde quod æqualis Confessarius possit penitentiam ab alio impositam commutare etiam in minorem, audita confessione eorundem peccatorum, docent communiter contra nonnullos, quia potest reus velle stare sententiæ alterius Judicis. Neque hinc sequitur, quod prius Sacramentum reddatur mutilum, quia satisfactio a novo confessario imposita utrumque Sacramen-

tum integritat tollendo debitum pœnæ, sicut integrum remanet Sacramentum, quando per Indulgentias totaliter deletur pœnæ reatus. Neque fit injuria priori confessorio, quia hoc Sacramentum non ordinatur in bonum Judicis, sed in bonum pœnitentis, qui non adit novum Judicem per modum appellationis, sed per modum novi judicii æqualis præcedenti, cum possit idem judicium in bonum pœnitentis tam ab eodem, quam ab alio æquali Confessorio iterum initiari.

Admittitur etiam a Vasquez, Henr. Nav. posse Sacerdotem inferiorem commutare pariter pœnitentiam a superiore impositam pro reservatis: non secus ac potest Inferior habens potestatem commutandi vota non reservata, postquam superior commutavit votum reservatum in mœritiam non reservatam, istam commutare, eo quod de se non sit reservata; solum enim absolutio peccatorum reservatur superiori, non veto commutatio pœnitentiæ. Quamvis autem hoc sit probabile, communius tamen, & probabilius docent oppositum cum Suariorum, Lugo, Perez, quia idcirco peccata reservantur, ut possit superior saniora consilia, & magis congruas pœnitentias imponere; propterea non videntur posse istæ deinde commutari nisi per eundem, aut per alium succedentem in eodem gradu, atque adeo in tribunali æquali. Et idcirco simplex Sacerdos, quamvis possit absolvere a peccatis mortalibus jam remissis, non tamen potest pœnitentiam propter illa impositam a confessorio commutare. His præmissis,

XVII. Ad dubium propositum communiter respondent, non posse secundum confessorium, non audita confessione eorundem peccatorum, pœnitentiam a primo impositam commutare, cum non possit qua Juxta ferre judicium, incognita causa; nec possit qua Medicus curare vulnera, quæ non cognoscit. Non pauci tamen cum Toletis, Sa, Henr. & aliis apud Dianam par. 2. tr. 15. ref. 53. putant, ad rite ferendam sententiam sufficere, quod ex præsentis statu pœnitentis, & ex ipsa pœnitentia imposita habeatur consula quædam notitia peccatorum, propter quæ fuit imposita, ut possit commutari. Sicut enim quando confessorius diu audit pœnitentem, ut possit legitimam sententiam ferre, non est opus, quod tunc distincte recorderetur singulorum peccatorum, quæ distincte pœnitens exposuit, sed sufficit, quod consulam habeat eorum notitiam;

ita in casu nostro sufficit consimilis confusa notitia peccatorum, quin debeant ea iterum distincte recenseri. Et quod hæc sententia sit sufficienter probabilis, ostendit ipsa praxis confessoriorum, ut habet Diana l. c. Saltem videtur sufficere, quod præcipua peccata, & consilium quendam eorum numerum pœnitens recolar, ut possit apte pœnitentia commutari. Et procul dubio in Sacramento Confessionis ea commutanda est, cum id spectet ad potestatem clavium, & ad tribunal Sacramentale. Immo idem Confessorius, si velit pœnitentiam a se injunctam commutare, cum actum jurisdictionis exerceat, non potest id efficere extra confessionem, nisi ita illa præcellerit, ut ob brevitetatem temporis hæc commutatio cum illa sententia absolutoria moraliter conjungatur: censetur autem cum illa conjungi moraliter, si fiat post mediam horam, per Megalam: intra triiduum, vel hebdomadam, per Henr. Ledesma, & alios apud Dianam p. 2. tr. 15. ref. 53. & juxta Vasquez q. 99. a. 2. dub. 3. & Mæratium apud Perez, si fiat, quodcumque perseverat in Confessorio memoria causæ præcedentis, & status ipsius pœnitentis; sicut enim satisfactio post longum tempus posita potest integrare Sacramentum præteritum, ut ratiocinatur Lugo disp. 25. n. 112. ita potest commutatio pœnitentiæ post longum tempus fieri, & spectare ad idem judicium præteritum, si perseveret in Confessorio sufficiens cognitio illius causæ.

XVIII. Dubit. 4. An satisfactio sacramentalis conferat ex opere operato augmentum gratiæ sanctificantis, præter remissionem pœnæ? Quod pœnæ remissionem conferat ex opere operato, majorem, vel minorem, juxta dispositionem subiecti, docent communiter ex Tridentino dicente sess. 14. cap. 3. tres partes Sacramenti Pœnitentiæ, vid. Contritionem, Confessionem, & Satisfactionem requiri ad plenam, ac perfectam peccatorum remissionem. cum enim non requiratur satisfactio ad remissionem culpæ, sequitur, quod requiratur ad remissionem pœnæ. Quod conferat etiam ex opere operato augmentum gratiæ, docent probabiliter Suar. disp. 38. sect. 2. Cajet., Soto, & alii contra Lugo, Coninck, Præpositum. Ratio est primo, quia satisfactio est pars Sacramenti; ergo causat gratiam, quam significat, non secus ac omnes alix partes Sacramenti: secundo quia satisfactio non solum imponitur in vindictam,

ad

ad quod requiritur, ut ex opere operato causet penę remissionem, sed etiam imponitur ad curationem, & medicinam, ad quod requiritur, quod causet exigentiam auxiliorum actualium ad non relabendum, seu gratiam Sacramentalem propriam Sacramenti penitentię; atque in omnibus Sacramentis gratia propria Sacramentalis, seu exigentia auxiliorum actualium in ordine ad effectus proprios cuiuscunque Sacramenti non aliter causetur, nisi per hoc, quod causetur gratia sanctificans exigens ex Divino extrinseco decreto huiusmodi auxilia, ut diximus in tractatu de Sacramentis disp. 2. quæst. 5. ergo satisfactio Sacramentalis præter remissionem penę causet etiam ex opere operato augmentum gratię exigentis auxilia actualia ad non relabendum. Quod videtur docere aperte Angelicus q. 90. ar. 2. ad 2. dicens: *Satisfactio confert gratiam, prout est in proposito, & auget eam prout est in executione*. Nec puto esse ad rem interpretationem Adversariorum, quod scilicet D. Th. solum velit, per satisfactionem haberi perfectum effectum gratię, seu liberationem totalem a reatu peccati. Hinc fit, quod sicut reliqua Sacramenta sicut suscepta, sublata per penitentiam obice, probabiliter reviviscunt, (ut diximus in de Sacramentis disp. 3. qu. 3. ar. 2.) etiam ipsum Sacramentum Eucharistię, dummodo suscipiatur cum fidei negatıva, & inculpabili, non vero positiva, & culpabili; ita satisfactio Sacramentalis, utpote pars Sacramenti, si ponatur in statu peccati mortalis, probabiliter etiam sublata per penitentiam culpa, reviviscit, & causet ex opere operato augmentum illud gratię, quod prius non potuit causare ob impedimentum culpę non retractatę.

QUÆSTIO V.

De forma Absolutoria Sacramenti Penitentię.

I Quamvis in iudicio forensi scripto, notibus, aut aliis signis præter verba, sententia absolutoria ferri possit; in foro tamen Sacramentali solum verbis ferri debet, ut constet ex antiquissima Ecclesię traditione, & praxi; necnon ex Florentino, quod in Decreto Eugenii hæc habet: *Forma huius Sacramenti sunt verba absolutionis, quę Sacerdos profert, dum dicit; Ego te absolvo* - sicut etiam eruitur

ex confixa Thesi a Clemente VIII. anno 602. quod scilicet liceat per litteras, seu internum Confessorio absenti peccata Sacramentaliter confiteri, & ab eodem absente absolutionem obtinere, ut fufe ostendi exponendo hanc Thesim in Appendice Trutinę Theologicę Thesium damnatarum. Hinc fit, Sacerdotem mutum valide absolvere non posse, quamvis absolvi possit Penitens mutus.

II. Dubitatur tamen 1. Quznam verba essentialiter pertineant ad formam Sacramentalem? Ad quod dicendum cum communiori contra nonnullos apud Lugo disp. 13. sect. 1. cum Martino Perez, & aliis, ad valorem Sacramenti spectare ea tantum verba *Absolvo Te*, non vero illa *A peccatis tuis*; quamvis circa mortale hæc omitti non possint, tum ob Ecclesię consuetudinem, quę censetur graviter obligatoria; tum etiam quia illicitum est in conferendis Sacramentis sequi opinionem probabilem de illorum valore, omıssa tutiore. Particula illa *Ego* sufficienter includitur, & implicitè continetur in ly *absolvo*, unde circa mortale omitti potest; sicut etiam circa mortale omitti possunt verba illa, *In nomine Patris, &c.* quia quamvis nonnulli putent ea ad valorem formę pertinere; nihilominus, ut notat Martinus Perez disp. 18. sect. 3. est moraliter certum, quod ad valorem Sacramenti non requirantur: non est autem illicitum sequi sententiam moraliter certam de valore Sacramenti, omıssa tutiore, ut in eadem Trutina Theologica ostendi exponendo primam Thesim ab Innoc. XI. confixam. Nec datur præceptum, ut innuit D. Th. 3. p. q. 84. art. 3. ad 3., nec consuetudo graviter obligans addendi isthęc verba; imo D. Th. ibidem dicit, invocationem Trinitatis relinqui arbitrio Sacerdotis; cum ex verbis Christi, *Quorum remisistis peccata, &c.* non eruat necessitas talis invocationis. Denique preces illę præfixę, quę habentur in Rituali Romano, *Miserere tui, &c.* & quę consequuntur, *Passio Domini nostri, &c.* ex Tridentino laudabiliter adiunguntur, & ad hanc integram formam protestandam Paulus V. hortatur; omitti tamen possunt ex rationabili causa, præsertim in multitudine contentium, ut passim committuntur illę preces, *Miserere tui &c.* & *Indulgentiam, absolutionem &c.* ac forma incipitur ab illis verbis, *Dominus noster Jesus Christus, &c.* ut præmittatur absolutioni a peccatis absolutio a Censuris, si for-

te penitens occultam aliquam censuram incurrit.

III. Probatur nunc, quod essentialiter ad formam Sacramenti spectent verba illa *Abfolvo Te*; quia universum forma Sacramentalis debet significare effectum, quem causat; atqui circumscriptis his verbis, non significatur effectus causatus vi Sacramenti Penitentiae; ergo essentialiter haec verba ad formam absolutiorem requiruntur. Quod vero non requiratur essentialiter verba illa, *A peccatis tuis*, ostenditur, quia sensus horum verborum implicite continetur in verbis illis *Abfolvo te* prolati in talibus circumstantiis: Ad eum modum quo si in iudicio forensi post accusationem de homicidio dicat Iudex, *Abfolvo te*, fit sensus, quod absolvat ab homicidio, de quo reus criminabatur. Praeterea quia, ut advertit Suarez, verbum, *Abfolvo*, quamvis possit etiam significare absolutionem a censuris, a poenis, a vinculis, absolute tamen prolatum, & anonomastice significat absolutionem a peccatis. Quare sicut non est de essentia formae absolutoriae ly *Ego*, quia implicite continetur in ly *Abfolvo*, ita nec spectant ad valorem Sacramenti verba illa *A peccatis tuis*, quia in talibus circumstantiis includuntur implicite in verbis illis, *Abfolvo Te*.

IV. Dices 1. Particula illa *Te* est de essentia formae, ut docent communiter contra Sotum apud Haunoldum, etiam si ex circumstantiis significetur, quod absolvat qui est praesens; ergo etiam sunt de essentia illa verba, *A peccatis tuis*, etiam si ex circumstantiis significetur, quod absolutio fit potius a peccatis, quam a censuris, aut aliis vinculis.

Resp. nego consequ. Disparitas ex Lugo est, quia ly *Abfolvo* de se significat solum personam primam, quae absolvit, non vero personam, quae absolvitur; forma autem Sacramentalis significare debet de se, & non ex circumstantiis effectum, quem causat; & ideo nisi exprimat personam, quae absolvitur, nempe ly *Te*, forma Sacramentalis non habet suam significationem completam, unde non est valida: At haec verba *Abfolvo Te* anonomastice significant absolutionem a peccatis; & ideo etiam si non exprimat ly *A peccatis tuis*, adhuc forma habet de se significationem completam. Quare distinguendum est inter propositionem mutilam, seu incompletam, & propositionem completam, ac aequivocam: ly *Abfolvo* est propositio mu-

tilla, non habens de se independentem a circumstantiis significationem completam, & ideo non sufficit: Aliter si sufficeret, quod circumstantiae compleant significationem verborum, sequeretur, quod si Penitens diceret Sacerdoti, Vis me absolovere a peccatis meis? & ille responderet, Etiam, vel Ita, seu Volo, etiam haec verba sufficerent; quod tamen communissime negatur: esto quidam recentior apud Haunoldum id admisit. Sicut enim non sufficiunt nutus sine verbis, ita nec sufficiunt verba, quae de se non significant effectum, quem causant, nec habent independentem a circumstantiis significationem completam: Contra vero ly *Abfolvo te* non est propositio incompleta, sed completa, licet aequivoca, potens de se significare absolutionem sive a peccatis, sive a Censuris, sive ab aliis poenis, aut vinculis; sicut haec propositio, Gallus cantat, est completa, sed aequivoca. Potest autem forma Sacramentalis de se completa, quando est aequivoca, ex circumstantiis determinari ad hanc potius, quam aliam significationem; Sicut etiam determinari potest ab intentione praefertis, ut diximus ex Angelico in de Sacramentis disp. 1. quaest. 1. art. 5.

V. Dices 2. Invocatio Trinitatis est de essentia Baptismi; ergo etiam est de essentia Sacramenti Penitentiae: atque adeo ad valorem formae absolutoriae spectant etiam verba illa, *In nomine Patris, &c.*

Resp. nego consequentiam. Disparitas est, quia Christus Dominus voluit, ad essentiam Baptismi, quod est Sacramentum fidei, spectare invocationem explicitam Sanctissimae Trinitatis, cujus fides necessaria est ingredienti Ecclesiam a Dei Filio incarnato edificatam. Hoc tamen non praecipit in Sacramento Penitentiae; & ideo solum dixit Joan. 20. *Quorum remiseritis peccata, remittuntur eis*. Aliud autem est discrimen inter haec verba *A peccatis tuis*, & haec alia *In nomine Patris*, &c. quod illa, quamvis implicite contenta in ly *Abfolvo te*, se habeant tanquam partes integrantes formam absolutionis, unde consuetudo adiungendi illa censetur graviter obligatoria: contra vero invocatio Trinitatis nullatenus requiritur ad significandum effectum Sacramenti Penitentiae; & ideo consuetudo adiungendi hanc invocationem non censetur graviter obligatoria. Et quamvis tam ly *Ego* implicite contineatur in ly *Abfolvo*, quam ly *A peccatis tuis* impli-

pli-

placite contineatur ratione circumstantiarum in ly *Absolve te*; nihilominus consuetudo exprimens verbum illud *Ego*, non censetur graviter obligatoria, ut notat Platelius num. 807. tum quia omisso illius verbi *Ego* non reddit propositionem æquivocam, sicut reddit illam æquivocam omisso illorum verborum, *A peccatis tuis*, independentem a circumstantiis; tum etiam quia absque hoc verbo *Ego* non exponitur Sacramentum periculo frustrationis: contra vero absque verbis illis *A peccatis tuis*, cum solum probabile sit, & non moraliter certum, quod hæc verba ad essentiam Sacramenti non pertineant. Non vacat tamen veniali culpa invocationem Trinitatis omittere, ut communius sentiunt Doctores apud eundem Platelium: ubi enim Angelicus loc. cit. dixit, quod ea relinquatur arbitrio Sacerdotis, solum fit sensus, quod ad valorem Sacramenti Penitentiae non spectat, sicut spectat ad valorem Baptismi. Quod autem diximus de forma absolutoria, qua utuntur Latini, dicendum proportionaliter de forma, qua utuntur Graeci, quæ impræsentiatum est, ut notat Platelius num. 803. *Habeo te venia donatum*, seu *Habeo te absolutum*, &c. quamvis olim præmitterent per modum deprecationis, non per modum absolutionis, ut docet Arcudius l. 14. c. 3. formam illam: *Domine Jhu Christe, qui dedisti nobis potestatem, absolvo hunc a peccatis suis*.

VI. Ex dictis solvitur difficultas illa, quando non causetur effectus Sacramenti Penitentiae, nempe gratia peccati remissiva? Vasquez, & Henriquez opinantur, quod si proferantur hæc tantum verba, *Ego te absolvo*, in fine prolationis horum verborum causetur effectus Sacramenti; si vero addantur verba illa *a peccatis tuis*, effectus non causetur ante finem horum verborum, quippe quæ implicite in primis verbis continentur, & quando exprimuntur, debent effectum causare, quem causarent, si solum implicite continerentur. Verius tamen censeo dicendum cum Lugo disp. 13. sect. 1. quod semper in fine prolationis verborum illorum, *Absolve te*, causetur gratia, in hypothese, quod hæc tantum verba essentialiter ad formam Sacramenti pertineant. Et ratio est, quia forma Sacramentorum statim ac est essentialiter completa, causat effectum suum, nec potest licite Minister Sacramentorum suspendere talem effectum. Verum quidem est, quod si Sacerdos dicat, *Ego a pec-*

catis tuis te absolvo, concurrerent ad effectum Sacramenti illa verba, a peccatis tuis, eo quod ad significationem essentialem spectent, & non sit completus sensus substantialis formæ, atqueam illa proferantur: At quando dicitur, *Ego te absolvo a peccatis tuis*, completus est sensus substantialis formæ, ut supponitur, atqueam proferatur ly a peccatis tuis: ergo quamvis hæc verba integre propositionem, & expresse significant, quod implicite a prioribus verbis significabatur, non per hoc debent ad effectum Sacramenti concurrere: sicut enim quando Sacerdos post sumptionem hostiæ sumit aliam particulam consecratam, hæc non causat novam gratiam, eo quod se habet ut pars integralis ejusdem Sacramenti, faciens unum moraliter cum priori comestione; ita in casu nostro. Idemque dicas de aliis formis Sacramentorum: ex. gr. si vera sit sententia communior, quod ad formam consecrationis Calicis essentialiter spectent solum prima illa verba, *Hic est calix sanguinis mei*, ponitur sanguis Christi sub speciebus vini in fine prolationis horum verborum; quia tamen controversa est inter Theologos, an etiam reliqua verba spectent ad essentiam formæ, idcirco incertum est, num sanguis Christi ponatur sub speciebus in fine totius formæ, quando dicitur, *in remissionem peccatorum*, ut contendunt plures Thomistæ apud Vasquez. Intencio autem Sacerdotis debet esse faciendi, quod Christus instituit, videlicet quod si Christus instituit, ut solum spectent ad essentiam formæ priora illa verba, & tunc calix consecratur, & quod reliqua verba solum spectent ad formæ integritatem, hoc ipsum debet Sacerdos intendere; sin voluerit, quod tota forma essentialiter spectet ad consecrationem calicis, intencio Sacerdotis non debet ab hac institutione Christi Domini discrepare, ut patet docet Lugo disp. 11. de Eucharistia sect. 4.

VII. Dubitatur 2. Quisnam sit sensus formæ absolutoriae? Ratio difficultatis est, quia quando quis exponit in Confessione peccata alias remissa per contritionem præviam, aut per aliam Confessionem, non videtur, quomodo verificari possit, quod absolvetur a peccatis, cum non possint amplius tolli peccata antecedenter sublata, ac remissa. D. Thom. q. 84. art. 3. ad 1. docet, per hæc verba, *Ego te absolvo*, significari, *Ego tibi Sacramentum absolutionis impendo*. Quia tamen rursus inquiri

potest, quomodo Sacramentum absolutionis imperari possit illi, qui non est amplius vinculis peccatorum ligatus post eorum remissionem, idcirco Lugo diss. 13. de Pœn. sect. 3. putat, sensum formæ juxta mentem Angelici esse, quod Sacerdos tanquam Dei Minister nomine ipsius Dei condonare peccatum, cedendo jure suo ad odium habendum, & puniendum peccatorum, & obligando se ad non odium habendum illum, nec puniendum pena æterna; cum autem possit idem iterum, iterumque se obligare ad rem eandem, ut paret in renovatione votorum, ratione cujus idem iterum votendo iterum obligat se ad illud ipsum, ad quod antecessenter erat obligatus; ideo nil mirum, quod peccatum semel remissum per contritionem peccatoris, iterum per absolutionem sacramentalem remittatur. In tantum enim in physicis quod est semel solum, non potest iterum solvi, in quantum objectum solutionis est mera sublatio vinculorum, quæ semel sublata non potest amplius tolli, quomodo enim potest secunda vice tolli, quod non supponitur amplius existens? Ad objectum absolutionis a peccatis non est mera sublatio peccatorum, seu reatus odii Divini, & pœnæ æternæ, sed est etiam obligatio in Deo ad non odium habendum, & puniendum peccatorum; ista autem obligatio, seu hoc vinculum potest iterari, non secus ac potest iterari vinculum, seu obligatio, quæ per votum contrahitur. Et idcirco sensus formæ absolutionis bene potest cadere in pœnitentem, quamvis per contritionem præviā, aut antecessentem confessionem eorundem peccatorum hæc supponantur remissa.

VIII. Non est autem rejicienda alia explicatio Suarii sect. 3. nu. 19. putantis, sensum formæ absolutionis esse, Ego confesso tibi gratiam de se peccati remissivam, seu juxta locutionem Angelici, Ego impendo tibi Sacramentum absolutionis conferens gratiam de se remissivam peccati. Quod verificatur, etiam quando peccata antecessenter sunt remissa, quia tunc etiam confertur gratia, quæ quantum est de se, expelleret peccatum, si adesset.

Necque dicas cum Lugo num. 71. in formis Sacramentorum distinguendam esse significationem, quam habent verba ex hominum institutione, ab ea, quam habent ex institutione Christi Domini. Est autem semper verificaretur sensus formæ absolutionis juxta institutionem Christi, si confertur gratia de se remissiva peccati, non

apparet tamen, quomodo possit verificari sensus ejusdem formæ juxta hominum institutionem, vi cujus significatur, quod pœnitens a peccatis absolvetur, quando revera non absolvetur, si antecessenter per contritionem, aut aliam confessionem a peccatorum vinculis reperitur solutus.

Nam contra est, quia difficultas in casu nostro solum habetur, quomodo verificetur forma juxta significationem Sacramentalem, quod remittantur peccata, quando peccata sunt jam per contritionem deleta; & huic difficultati satisfacimus tam juxta sententiam Lugonis, quam juxta sententiam Suarii, a quibus mens Angelici exponitur. Quod autem attinet ad significationem naturalem, seu quam habent verba ex hominum institutione, constat, quod ea verificetur, etiam si peccata antecessenter fuerint per contritionem deleta; quia in judicio forensi dari potest iterum, iterumque sententia absolutoria super iisdem delictis, ut proinde qui deliquit, per iteratam absolutionem ex novo titulo debeat haberi tanquam carens omni reatu; unde bene verificatur forma absolutoria juxta sensum naturalem in foro Sacramentali per hoc, quod Sacerdos dicat illum absolvere a peccatis, quamvis antecessenter remissis; & verificatur etiam eadem forma juxta sensum Sacramentalem per hoc, quod confertur gratia, quantum est de se, eorundem peccatorum remissiva, ac deletiva, ut proinde ea deleat, si non reperirentur deleta. Idemque dicas de baptismo collato B. Virgini immuni ab originali; verificata enim fuit forma baptismi juxta sensum naturalem per hoc, quod baptizans abluerit B. Virginem; & verificata fuit eadem forma juxta sensum Sacramentalem per hoc, quod vi baptismi collata fuit B. Virgini gratia de se extensiva maculæ originalis, & quæ peccatum originale deleffet, si in ea illud reperisset.

Addo, quod relate ad mortalia, quæ prius per contritionem delentur, bene etiam dici possit, quod per absolutionem sacramentalem remittantur, quatenus contritio non potest illa delere, nisi prout est votum confessionis, & confessio, atque adeo absolutio facit unum moraliter cum contritione, unde utrique effectus remissionis tribuitur; contritioni quidem, prout est votum confessionis, ac veluti radicaliter, complete vero ipsi absolutioni: Ad eum modum, quo quando per promissionem pecuniarum aliquis ac carcere liberatur, ipsa so-

lutio pecuniae facit unum moraliter cum ea promissione, & causam liberationis e carcere complet. Atque hæc satis sint de Sacramento Penitentiae, prout spectat ad Scholasticam Theologiam; reliqua ulterius

discutiuntur in Morali; sicut etiam de aliis Sacramentis in specie. Sit itaque totius Theologici Cursus ad usum Tyronum elucubrati.

(*Sed oh ubi Aeternitatis!*)

F I N I S.

L. D. & B. V. sine labe Concepta.

THESES. PROPUGNATÆ

EX HOC TRACTATU

DE PŒNITENTIA.

I. Pœnitentiz nomen tam pro Virtute, quam pro Sacramento Pœnitentiz usurpatur; spectant quippe hujus virtutis actus ad Sacramenti constitutionem, & utrumque ad peccati remissionem conducit. Quodcumque est materia remota hujus Sacramenti, est pariter objectum materiale hujus Virtutis, seu id, circa quod actus Pœnitentiz verificari possunt ex motivo proprio illius; & non e converso: potest enim Pœnitentia virtus circa originale verificari per actus odii, detestationis, ac displicentiz, quin illud sit materia remota Sacramenti Pœnitentiz, cum nequeat actus retractationis, seu contritionis cadere supra originale; posset tamen culpa originalis in alia providentia esse materia remota hujus Sacramenti, ac per illud deleri, si ad ejus constitutionem sufficeret merus dolor de culpa contracta.

II. Peccatum habituale, quia tale, est objectum materiale Pœnitentiz, non tamen omne id per quod peccatum habituale ab æquali distinguitur, nempe negatio condonationis, & condignæ satisfactionis. Putamus enim, habituale peccatum adæquate reponi in peccato actuali præterito moraliter perseverante a reatu odii divini, & pœnæ æternæ, constituto per utramque negationem condonationis, & satisfactionis condignæ. Nequit illud in ulla qualitate morbida consistere, aut in habitu vicioso ex præteritis culpis relicto, aut in mera deputazione, seu obligatione ad pœnam. Nec adæquate reponi potest in privatione gratiæ, cum debeat etiam per peccatum præteritum constitui, ne dicamus diversum esse peccatum, quod committitur, ab eo quod remittitur; Immo præter gratiæ carentiam in subiecto apto requiritur etiam, quod ea a peccato præterito dependeat; unde fit, gratiæ carentiam in subiecto idoneo separari posse a peccato habituali, non secus ac carentia lucis in aere separari potest ab umbra, si scilicet ea non dependeat a corpore opaco. Admittimus quidem, constitui inadæquate peccatum habituale per carentiam gratiæ in subiecto capaci, secundum

conceptionem negativum excludentis inimicitiam cum Deo, sicut etiam per carentiam cuiuscumque alterius condonationis, & condignæ satisfactionis; impertinenter tamen se habet, quod hujusmodi carentia sit etiam privatio gratiæ ad mentem adversariorum, important scilicet etiam debitum habendi gratiam, cum in statu naturæ puræ etiam sine tali debito peccatum habituale per gratiæ carentiam inadæquate constituitur, & in statu elevationis etiam cum eo debito possit gratiæ carentia a peccato habituali sejungi, illo per extrinsecam condonationem sublato.

III. Peccatum originale non propagatur per traducem, sicut imbecillitas Parentis in filium transfunditur, sed per hoc quod voluntates posterorum Adæ, qui via generationis ordinariæ ab eo nascerentur, fuerint a Deo in voluntate Protoparentis inclusæ, non secus ac pupilli voluntas ex Reip. benigna dispositione in voluntate Tutoris includitur. Non constituitur autem originale per peccatum Adæ extrinsece posteris imputatum; Neque adæquate per gratiæ privationem, sed per peccatum protoplasti præteritum a nobis interpretative commissum, moraliter perseverans in reatu odii divini, ac pœnæ æternæ damni; Putamus enim, infantes cum originali decedentes nullatenus puniri pœna sensus, ac nullam, aut saltem micissimam habere tristitiam ex privatione visionis beatificæ: non posse tamen beatitudine naturali frui, quippe quæ cum reatu odii divini, & cum malitia culpæ nequit habere contubernium.

IV. Christus Dominus non solum ratione unionis hypostaticæ caruit debito proximo contrahendi originale, sed etiam caruit debito remoto, eo quod ab Adamo non descenderit via generationis ordinariæ, & ut loquitur Augustinus, secundum rationem feminalem, sed solum secundum corpulentam substantiam. Deipara tamen, etsi hoc debito remoto non caruerit, caruit certe nedum culpa originali, sed etiam debito proximo illam incurrendi, ratione suæ Maternitatis, cui plenitudo gratiæ debe-

ba-

batur; ut proinde non poterit citra injuriam in Adæ voluntate, tanquam tutoris, ejus voluntas includi, quæ sapientia, & gratia longissime illum superabat. Angelicus, ubi dixit, omnes præter solum Christum incurrisse in originale, solum voluit, ut ipse Cajetanus testatur, omnes præter Christum habuisse debitum remotum in illud incurrendi, sicut leges illæ universim latæ, In dolore paries, In pulverem reverteris, solum denotant, omnibus inesse remotum debitum ea incurrendi, non vero debitum proximum, aut ipsum actum secundum, cum B. Virgo nec pepererit in dolore, nec in pulverem sit conversa.

V. Peccati venialis quidditas non reponitur in eo quod sit contra consilia, non contra præcepta, aut in eo, quod sit præter, non contra legem, vel in eo quod sit contra media, seu Creaturas, non contra finem ultimum, seu Deum; sed in hoc, quod sit transgressio legis leviter obligantis sub interminatione alicujus divinæ indignationis compatibilis cum Divina amicitia, ac pœnæ temporalis; ubi mortale est transgressio legis graviter obligantis sub comminatione odii divini, ac pœnæ æternæ, propterea habituale veniale proportionaliter ad mortale constituitur per veniale actuale præteritum perseverans moraliter in reatu aliqualis divinæ indignationis, ac pœnæ temporalis constituto per negationem condonationis, & condignæ satisfactionis. In Inferno veniale non punitur æternum per accidens ob conjunctionem cum mortali, & a fortiori non est æterna in Inferno pœna residua ex peccato sive mortali, sive veniali jam remisso.

VI. Nullum de facto peccatum est irremissibile per Pœnitentiam: peccatum autem essentialiter irremissibile omnino repugnat, etiamsi dicatur irremissibilitatem haurire, non ex magnitudine malitiæ, sed ex connexionione intentionali cum divino decreto de non remittendo ullo peccato: etiam vel decretum de hoc ipso peccato essentialiter irremissibili, aut irremissibili loqueretur, & esset indignum Deo, vel non, & peccata cum eo connexa ne accidentalem quidem haberent irremissibilitatem, aut irremissibilitatem.

VII. In presenti providentia nequit peccatum sine Pœnitentia remitti: de potentia tamen absoluta remitti potest citra re-

tractationem, aut quemvis alium actum peccatoris. Potest pariter peccatum in alia providentia citra infusionem gratiæ extrinsece condonari, prout contigisset in statu puræ naturæ, in quo prima radix potentiarum, & operationum naturalium ad affectionem beatitudinis naturalis disponendum esset ipsa animæ substantia, non secus ac in statu elevationis prima radix potentiarum, & operationum supernaturalium ad affectionem beatitudinis supernaturalis disponendum est ipsa gratia, quæ licet per peccatum amittatur, per remissionem tamen culpæ non est necesse, quod restituatur.

VIII. Peccatum de potentia absoluta remitti potest in eo ipso instanti, quo fit, scilicet per extrinsecam condonationem; in quo casu peccans esset solum maculatus macula facti, non macula juris. Verum probabiliter hæc ipsa remissio fieri potest per infusionem gratiæ præsentis ordinis essentialiter incompatibilis cum inimicitia divina; unde fit, peccatum actuale cum hac gratia componi posse, non secus ac peccatum habituale componi potest cum gratia alterius ordinis, quæ solum sit natura supernaturalis, seu prima radix habituum, & actuum supernaturalium, quam olim diximus non repugnare. Potest etiam homo per extrinsecam formam sanctificari, quatenus potest per extrinsecam Dei pronissionem habere jus ad amorem Dei amabilem, & gloriam, atque ita fieri amicus, ac filius Dei adoptivus, & hæres vitæ æternæ.

IX. Possunt denique divinitus peccata divisibiliter remitti, tum quoad se, tum quoad reatus consequentes; potest quippe unum peccatum sine alio condonari, & remissio reatu odii, potest Deus retinere jus ad exterminandum, & puniendum peccatorem in æternum pœna damni, & sensus, sicut etiam retento jure ad odium, remittere potest reatum pœnæ æternæ sensus, quamvis non damni.

X. Venialium remissio non habetur formaliter, aut per gratiam secundum se sumptam, aut per gratiam, ut collatam ex intentione defensi illa, aut per gratiam, ut habentem hanc individuationem, seu modificationem; sed delentur vel per extrinsecam condonationem, vel per gratiam ut essentialiter dependentem a decreto talis venialis condonativo, si gratia hujusmodi supponatur possibilis, vel per condignam satisfactionem a iusto præstitam, vel per Christi.

Christi satisfactiones nobis applicatas, sive in Sacramentis, sive etiam in exercitio actuum supernaturalium. Probabiliter autem non solum contritio iusti, sed etiam attritio, & quilibet actus supernaturalis meritorius potest esse condigna satisfactio pro venialibus, ita tamen ut ad satisfaciendum pro venialibus gravioribus requirantur aut plures actus supernaturales, aut intensiores, aut diuturniores.

XI. Sacramentalia vinctulo illo comprehensa, *Orans, ieiunans, edens, confessus, datus, benedicens*, non delent venialia ex opere operato, cum de hac divina institutione non constat: quare ex Ecclesiae traditione multum conferunt ad remissionem venialium per hoc, quod excitant pios motus, aut ratione sui, ut Oratio dominica, aut ex orationibus Ecclesiae, ut aqua lustralis, aut ex pauperum orationibus, ut elemosyna. Probabiliter venialia quoad culpam delentur post mortem illico, si alicuius actus contritionis, seu dilectionis Dei super omnia elicitur a iusto cum illis decedente.

XII. Merita per Pœnitentiam reviviscunt non solum quoad premium accidentale, aut quoad partem dumtaxat gratiae, sed etiam quoad totam gratiam perditam per peccatum: Peccata tamen per relapsum non redeunt; immo nec redire possunt, si plene ac perfecte fuerint remissa: In eo dumtaxat sensu possent redire, quatenus remitti possent sub conditione, quin iterum peccetur, in quo casu condonatio reatum remotum non eraceret. In praesenti providentia peccata formaliter delentur a priori ad infusionem Gratiae per applicationem satisfactionum Christi Domini, cum quo tamen stat, quod Gratia sit unica causa formalis, qua homo ex iniusto fit iustus.

XIII. Habitus Pœnitentiae, quamvis per se malum praesupponat, adhuc est virtus. Pœnitentia dogmatica, seu prout sumitur in Sacris Bibliis, & Conciliis, est virtus generalis, seu aggregatum omnium virtutum sub ea ratione generica, quod possint elicere dolorem de peccato ex proprio uniuscujusque motivo. Datur etiam Virtus Pœnitentiae specialis ab aliis omnibus distincta, quae tamen non est virtus reflexa, nec purae fugae. Admittimus quidem possibilem actum purae fugae, virtutem tamen purae fugae censuimus repugnare.

XIV. Objectum formale Pœnitentiae, prout est virtus specialis, non est peccatum ut vindicabile, nec jus Dei laesum ut repa-

rabile, nec bonum pacis cum Deo, sed peccatum ut retrahendum, & expiandum; seu honestas, quae in his actibus relucet. Facilitas, quam post iteratos Pœnitentiae actus supernaturales experimur ad consimiles eliciendos, non est tribuenda Virtuti per se infusae quantumvis intense, sed virtuti Pœnitentiae ex frequentatis illis actibus acquisitae, quae tamen non est supernaturalis, seu per accidens infusa, sed naturalis.

XV. Virtutem Pœnitentiae infusam in iis omnibus Creaturis rationalibus est reperire, in quibus inest gratia sanctificans, & simul capaces sunt alicujus actus primarii talis virtutis. Fuit proinde in Protoparentibus in statu innocentiae, & in Angelis viatoribus: est etiam in Beatis, & in Angelis comprehensoribus, & probabiliter etiam in Deipara; necnon in Humanitate Christi Domini; quippe quae si antecederet ad Unionem hypostaticam fuisset separata a Verbo, peccare potuisset; unde capax est doloris de peccato sibi seorsim, non tamen in sensu composito Unionis, possibili.

XVI. Sacramentum Pœnitentiae instar aliorum constituitur materia, & forma tantum paribus essentialibus; est autem materia essentialiter ad constitutionem Sacramenti requisita Contritio, & Confessio, & solum ad integritatem spectat satisfactio: Forma vero est Absolutio. Contritio perfecta detestari debet culpam etiam supra gehennam: fieri nequit, quod Deus summe clemens adigat hominem vel ad gehennam subeundam, vel ad peccandum; possibile tamen est casus, in quo ex errore putet homo alterutrum sibi eligendum, vel gehennam, vel peccatum: tunc autem deberet gehennam praeligere, utpote malum poenae, aliter non diligeret Deum super omnia. Attritio ex gehennae, & poenarum metu concepta est actus honestus, quamvis enim eo actu magis odio habeatur gehenna, quam peccatum, non proinde illa odio habeatur tanquam malum majus.

XVII. Contritio perfecta, necnon actus dilectionis Dei super omnia, non iustificat formaliter, sed sunt ultima dispositio ad gratiam; propterea impossibilitatem cum mortali non habent ratione sui, sed concomitanter ratione gratiae, cui ancillantur. Dari potest Sacramentum Pœnitentiae validum, & informe ex defectu doloris extensivi, cadentis scilicet super omnia mortalia commissa: quicquid sit, utrum dolor pos-

sit esse limitatus, etiamsi attingat motivum universale, per hoc quod non attingat illud universaliter, & in omni sua latitudine? Hinc fit, dari posse dolorem, qui Sacramentum constituat, & non sit ultima dispositio ad gratiam, sicut e converso dari potest dolor, qui ultimo ad gratiam disponat, & Sacramentum non constituat.

XVIII. Ad valorem Sacramenti non sufficit dolor virtualis inclusus in amore Dei super omnia; Nec dolor de carentia doloris; sufficit tamen propositum virtuale non peccandi de cetero, aut etiam in dolore illimitato. Attritio supernaturalis sufficit ad valorem, & fructum, etiamsi dilectionem Dei formalem non admisceat: inchoata illa dilectio, quæ ex Tridentino solet in hoc Sacramento justificationem anteire, sufficienter habetur aut per propositum non peccandi de cetero, aut etiam per actum speciei, quin requiratur illa aliqualis dilectio, quæ importat aut attritionem procedentem ex utroque motivo Bonitatis divinæ, & gehennæ, aut dilectionem aliquam debilem, & remissam, quæ non sit ex toto corde, prout ad justificationem extra Sacramentum requiritur.

XIX. Non datur onus explicandi in Confessione circumstantias peccatorum aggravantes, ut nec alleviantes, sed solum mutant species. Peccatum positive dubium sumptum pro peccato, quod probabiliter est commissum, ita ut nulla detur probabilitas de opposito, sed habeatur de eo quædam evidentiæ moralis respectiva, est materia necessaria Confessionis, secus vero peccatum

positive dubium sumptum pro peccato, quod probabiliter, aut probabilius non est commissum, sicut nec peccatum suspensive, seu negative dubium. Peccatum fictionis in instanti baptismi commissum non est materia remota Sacramenti Pœnitentiæ, si fictio opponatur substantiæ Sacramenti per hoc, quod simulatur baptismi suscepio; si vero fictio opponatur Gratiæ, & sit fictio non intentionis, sed dispositionis, cum sit peccatum hominis Christiani, spectat ad Sacramentum Pœnitentiæ. Peccatum pure putatum, cum debeat clavibus subijci, probabiliter est materia sufficiens ad valorem, & fructum hujus Sacramenti.

XX. Tenetur Pœnitens acceptare, & exequi Pœnitentias a Confessario ut Judice, & Medico impositas: & quamvis probabiliter possit lucrando Indulgentias eximi ab onere implendi pœnitentias satisfactorias, non tamen medicinales, & preservativas, quippe quæ etiam virtute clavium injunguntur. Absolutio Sacramentalis nequit solis nutibus conferri; immo nec vocibus, quæ de se independentes a circumstantiis non significant effectum Sacramentalem: quævis ex circumstantiis verba æquivoca determinari possint ad hoc potius, quam illud significandum. Hinc ad valorem hujus Sacramenti non sufficit solum verbum, Absolve, sufficit tamen dicere, Absolve te, ita ut ex circumstantiis significetur absolutio a peccatis potius, quam a censuris, aut aliis vinculis. Invocatio individux Trinitatis, quæ spectat ad valorem Baptismi, non spectat ad valorem Sacramenti Pœnitentiæ.

F I N I S.

I N.

I N D E X RERUM NOTABILIUM,

Quæ in hac postrema Parte DE POENITENTIA

Continentur.

*Prior numerus designat Disputationem, Secundus Questionem,
Tertius numerum Marginalem.*

A

Absolutio Sacerdotis inadæquate Sacramentum Poenitentiae constituit. *4. 1. 2.* Actus poenitentiae significant, & causant gratiam; non secus ac absolutio; et non Poenitens, sed solum Sacerdos dicitur peccata remittere. *4. 1. 3.*

Actus externus peccaminosus quare sit subijciendus clavibus? *4. 3. 4. & 26.* Subijcienda etiam est actus individuat, quæ præferret specialem deformitatem præ aliis eidem virtuti oppositis; qualis est v. g. copula cum soluta. *ibid.* Quamvis non debeat explicari numerus determinatus objectorum, ad quæ idem actus peccaminosus dicit ordinem. *ibid.*

Adoptio de se quid ferat? *2. 4. 2.* Adoptio Divina haberi divinitus potest per formam extrinsecam; ea tamen esset minus perfecta, quam adoptio, quæ defectu habetur per gratiam intrinsecam. *2. 4. 3.*

Amicitia consistit in mutuo jure ad amorem, inimicitia tamen non consistit in mutuo jure ad odium. *2. 4. 2.*

Amor Dei super omnia non justificat formaliter, sed est ultima dispositio ad gratiam justificantem formaliter. *4. 2. 7.*

Attritionem esse actum honestum luculenter ostenditur. *4. 2. 5.* Ex quoniam motivo ea debeat procedere, ut ad justificationem in Sacramento disponat? *ibid.* Si concipiatur ex mero metu gehennæ, absque ulla formali Dei dilectione, adhuc sufficit in Sacramento Poenitentiae. *4. 2. 22. Et licet ea adhibetur. 4. 2. 25.* Vide Tridentinum.

Attritio iusti num sit venialium deletiva? *2. 7. 2.*

C

Censura probabiliter non incurritur, si voluntas prava fuerit retractata, quando sequitur effectus, pro quo est imposita.

4. 3. 22. Circumstantiæ mutantes speciem necessario explicandæ sunt in confessione; non tamen circumstantiæ mere aggravantes malitiam peccati. *4. 3. 3.*

Condonatio peccati mere extrinseca non repugnat. *2. 3. 2.* Condonationis objectum quodnam sit? *2. 1. 14.*

Condonari peccatum potest in eo ipso instanti, quo fit, tum per condonationem extrinsecam, tum etiam per gratiam intrinsecam. *2. 5. 2.*

Complex peccati aperiendus est in Confessione, si non possit aliter peccati species explicari. *4. 3. 7. Immo etiam* persona, quæ est peccati objectum, licet non sit complex. *ibid.*

Contritio iusti esse potest condigna satisfactio pro veniali, atque adeo formaliter ejus deletiva. *2. 7. 5.*

Contritio in quonam discriminetur ab Attritione? *4. 2. 1.* Quomodo ferat odium peccati supra penas æternas? *4. 2. 3.* Ea non est forma justificans formaliter; sicut nec actus dilectionis Dei super omnia. *4. 2. 7.* Num possit procedere ex motivo alterius attributi divini a bonitate, ut possit esse ultima dispositio ad gratiam? *4. 2. 22.*

D

Decretum de non remittendo ullo prius peccato revelari potest, non tamen contra-

R E R U M.

contemni; deberet quippe huiusmodi contemptus esse essentialiter irreversibilis; quod [repugnat. 2. 1. 5. Similiter](#) decretum de non destruenda ulla Dei visione videri non potest; non secus ac decretum de non concurrendo ad ullam visionem Dei. [ibid.](#)

Dolor, qui in Sacramento Pœnitentiæ dispositus ad gratiam, non semper est pars Sacramenti; & dolor, qui est pars, non semper disponit ad gratiam. [4. 2. 14.](#)

Dolor constitutivus Sacramenti Pœnitentiæ debet esse formalis, quin sufficiat virtualis inclusus in proposito non peccandi de cætero; quinvis sufficiat propositum virtuale inclusum in dolore ex motivo universalis. [4. 2. 12. & 4. 2. 32.](#) Huiusmodi dolor non debet elici ex intentione Confessionis. [4. 2. 13.](#) Num, & quando possit idem dolor sufficere ad plura Sacramenta Pœnitentiæ constituenda? [4. 2. 37.](#)

Dolor ex motivo universalis potest cadere supra unum peccatum, quin catenus se extendat virtualiter ad alia; si scilicet motivum universale non attingatur universaliter. [4. 2. 18.](#)

In dubijs quondam melior est conditio possidentis; quando vero tutior pars est eligenda? [4. 3. 11.](#)

Eucharistia Sacramentum, si pluribus administretur a Sacerdote in statu peccati mortalis, an, & quot mortalia committantur? Et an eadem sit ratio de administratione Sacramenti Pœnitentiæ? [4. 3. 35.](#)
Effectus peccati an sit clavibus subiciendus; puta mors ex veneno proinato? [4. 3. 32.](#)

Facilitas ad consimiles actus eliciendos orta ex frequentatis actibus supernaturales Pœnitentiæ, aut alterius virtutis non est tribuenda habitui supernaturali per accidens acquisito, sed habitui naturali, qui ex iis actibus gignitur. [3. 6. 4.](#)

Fomes in actu primo quare in Deipara, sicut etiam in Christo D. dicatur extinctus, non vero ligatus, ut in nonnullis Sanctis. [1. 1. 11.](#)

Forma Sacramentorum æquivoca determinatur a circumstantiis ad debitam significationem; sicut etiam ab intentione profertentis. [4. 5. 4.](#)

Forma Sacramenti Pœnitentiæ quibus verbis essentialiter constituitur? [4. 1. 2.](#) Quondam causet effectum Sacramentalem? [4. 5. 6.](#) Et quoniam sit sensus formæ absolutæ? [5. 3. 7.](#)

Furti quantitas num sit explicanda in Confessione? [4. 3. 1.](#)

G

Gratia præsentis ordinis est impossibilis cum peccato habituali; probabiliter tamen componi potest cum mortali actuali. Possibilis tamen est gratia, quæ sit prima radix omnis supernaturalitatis, & sit composibilis cum peccato habituali. [3. 5. 1.](#)

Gratia infuso in Sacramenti mortuorum præsupponit pro priori naturæ signo delecta mortalia per applicationem satisfactionum Christi D. [3. 9. 3.](#)

H

Habitus vitiosus non constituit peccatum habituale. [1. 1. 3.](#)

I

Indulgentiæ Plenariæ lucratio num eximat pœnitentem ab onere Pœnitentiæ implendæ, si minus medicinalis, saltem satisfactionis? [4. 4. 3.](#)

Infantes decedentes cum originali non puniuntur æternæ poenæ sensus. [1. 2. 13.](#) Carent tamen felicitate naturali. [1. 3. 16.](#) Ubi nam erunt post diem iudicii? [ibid.](#)

Inimicitia non fert mutuum jus ad odium, sicut amicitia fert mutuum jus ad amorem. [2. 4. 2.](#)

Irregularitas non incurritur in dubio homicidii, si dubitetur de culpa gravi; secus vero si certa sit culpa gravis, & dubitetur, num mors secuta sit ex actione graviter peccaminosa. [4. 3. 11.](#)

M

MARIAM Virginem immunem fuisse ab originali, multis ostenditur. [1. 3. 7. Et](#) in hac sententia fuit ipse D. Thomas. [ibid.](#) Quinimmo fuit etiam immunis a debito proximo illud contrahendi; necnon a fomite in actu secundo; Fomes tamen in actu primo non fuit in ea ligatus, sed extinctus. [1. 2. 10.](#) Num ea suscepit Sacramenta Baptismi, Pœnitentiæ, & Extreme Unctionis? [4. 3. 21.](#)

Merita per peccatum mortificata per penitentiam reviviscunt. [2. 8. 1.](#) Et quidem quoad totam illam gratiam, quæ fuerat per peccatum perperita. [ibid.](#)

Matrimonium, si contrahatur per Procuratorem post revocationem mandati factum

I N D E X

Procuratori, est invalidum, quamvis revocatio non innoceat Procuratori. 4. 3. 18.
Medicinalis Pœnitentia injungitur a Confessario præceptive, non consultive, non secus ac satisfactoria. 4. 3. 2.
Morale esse quid sit? & in quo discriminetur ab esse physico in actu libero? 1. 1. 11.
Moralis essentia perseverare potest absque proprietatibus moralibus: non tamen essentia physica absque proprietatibus physicis. 1. 3. 6.

N

Negatio condonationis, & condignæ satisfactionis venit de formali, non de causali ad constitutionem peccati habitus. 1. 1. 7.

O

Objectum formale, & materiale Pœnitentia. V. Pœnitentia
Opinio Probabilis sufficit etiam ad proximum relate ad ea, quæ spectant ad materiam remotam Sacramenti Pœnitentia. 4. 3. 7.
Originale peccatum quomodo contrahatur? & per quid constituitur? 1. 2. 1. Defectio illud non est materia remota Sacramenti Pœnitentia; potuisset tamen esse in alia providentia. 1. 3. 7.

P

Peccati actualis malitia num consistat in positivo, an in negativo? 1. 3. 1.
Peccatum essentialiter irremissibile, sive ex magnitudine suæ malitiæ, sive etiam ex connexionem cum decreto de non remittendo ullo peccato, repugnat. 2. 1. 3.
Peccatum habituale per quid constituitur? 1. 1. 6.
Peccatum originale quomodo contrahatur? & per quid constituitur? 1. 2. 4. Infantes cum eo decedentes an puniantur pœna sensus? 1. 2. 13.
Peccatum fictionis in instanti baptismi commissum an sit materia remota Pœnitentia? 4. 3. 17.
Peccatum pure putatum probabiliter est materia sufficiens Sacramenti Pœnitentia. 4. 3. 21.
Peccatum positive dubium (quod scilicet probabiliter est commissum, quin deest probabilis ratio, quod non sit commissum) clavibus subiiciendum est; secus vero si probabiliter non est commissum; necnon

peccatum negative dubium. 4. 3. 10.
Peccatum explicatum ut dubium, si deinde deprehendatur ut certum, num debeat iterum clavibus subijci? 4. 3. 16.
Peccatum remitti divinitus potest absque prævia ejus retractatione. 2. 2. 2. Necnon per condonationem extrinsecam. 2. 3. 2. Remitti etiam potest, dum sit, non solum per extrinsecam condonationem, sed etiam per gratiam intrinsecam. 2. 5. 2.
Peccatum remitti potest divisibiliter quoad reatum, quatenus remitti potest reatus odii Divini, non remisso reatu pœnæ æternæ damni, & sensus. 2. 6. 2. Et viceversa, retento jure ad odium habendum peccatorem, potest Deus remittere reatum pœnæ æternæ sensus, non tamen pœnæ æternæ damni. 2. 6. 6.
Peccata remitti etiam possunt divisibiliter quoad se, quatenus potest divinitus unum peccatum sine alio remitti per condonationem extrinsecam, & forte etiam per gratiam alterius ordinis. 2. 6. 1.
Peccata in priori ad infusionem gratiæ delentur formaliter per applicationem satisfactionum Christi D. in Sacramentis mortuorum. 2. 9. 3.
Peccata remissa in præsentii providentia non redeunt per relapsum; immo nec possunt restituere, si condonatio sit absoluta, & plena; secus vero si sit conditionata. 2. 8. 8.
Peccatorum tam interiorum, quam exteriorum multiplicatio undenam habeatur? 4. 3. 23.
Peccator, dum peccat, non necessario odio habetur a Deo odio inimicitia, quamvis necessario peccatum odio habeatur odio abominationis. 2. 5. 1. In multorum tamen sententia etiam odium abominationis erga peccatum potest Deus suspendere. ibid.
Pœnitentia est virtus. 3. 1. 1. Pœnitentia dogmatica est virtus generalis, seu complexum omnium virtutum. 3. 3. 2. Datur etiam virtus Pœnitentia specialis, cujus formale objectum est honestas in retractandis, ac vindicandis Dei offensis. 3. 2. 3. Ea non est virtus pure fugæ. 3. 3. 2. Nec cit virtus pure reflexa. 3. 5. 2. Immo quamvis non repugnet actus pure fugæ, repugnat tamen universim Virtus pure fugæ. 3. 3. 5. Necnon virtus pure reflexa. 3. 3. 5. Pœnitentia objectum materiale quodnam sit? 1. 3. 1. Quodnam objectum formale? 3. 4. 1. Quodnam ejus subiectum? 3. 3. 1. Quam sint ejus actus? 1. 3. 1.
Pœnitentia virtus acquiritur ex frequentatis

adi-

R E R U M.

a. Sibus supernaturalibus Pœnitentiæ non est supernaturalis. **3. 6. 3.**
 Pœnitentiæ Sacramentum. V. Sacramentum.
 Pœnitentiæ a Confessario injungenda qualis esse debeat? **4. 4. 12.** An ea commutari possit in lacerationem plenariæ Indulgentiæ? **ibid.** An possit ab alio Confessario commutari, non auditis peccatis, propter quæ fuit imposta? **4. 4. 16.** Quem effectum causet ex opere operato? **4. 4. 18.**
 Traxis fidelium confitendi peccata dubia num ostendat obligationem a Christo D. impositionem de istorum Confessione? **4. 3. 13.**
 Privatio gratiæ non constituit peccatum habituale; quamvis illud inadæquate constituat carentiam gratiæ. **1. 1. 5.**
 Probabilitas aliqualis unius partis non pugnat cum certitudine morali partis oppositæ. **2. 4. 25.**
 Propositi non peccandi de cetero in Sacramento Pœnitentiæ non semper debet esse formale, & distinctum a dolore, sed solum quando dolor procedit ex motivo particulari. **4. 2. 32.**

Q

Qualitas morbida, seu morbosa quid sit? Et an ea constituat peccatum habituale? **1. 1. 1.**

R

Reditus peccatorum per relapsum. V. Peccata.
 Reviviscentia meritorum per Pœnitentiam. V. Merita.
 Retractatio peccati solum in præsentis providentia est necessaria, ut peccatum condonetur. **4. 2. 3.**
 Remissio peccati. V. Peccatum.

S

Sacramentum Pœnitentiæ constat tribus actibus Pœnitentiæ tanquam materia, & Absolutione tanquam forma; ita tamen ut Contritio, & Confessio essentialiter requirantur; Satisfactio vero sit solum pars integralis. **4. 1. 2.** Potest esse validum & informe ex defectu doloris illimitati, seu cadentis supra quodcumque mortale commissum. **4. 2. 12.** Utrum autem ex alio capite possit similiter esse validum & informe? **4. 2. 19.** Si Confessarius in statu peccati mortalis pluribus hoc Sacramentum

administret, quot peccata committit? **4. 3. 25.**
 Sacramentalia quomodo conferant ad venialium remissionem? **2. 2. 14.**
 Sancti, & iusti denominatio haberi divinitus potest per formam extrinsecam: esto perfectius denominatio isthæc habeatur per gratiam intrinsecam. **2. 4. 3.**
 Satisfactiones Christi D. applicatæ nobis in Sacramento delent formaliter peccatum in priori ad infusionem gratiæ. **2. 9. 2.** Diversimode causant effectum suum Christi Satisfactiones, ac Christi merita; illæ causant in genere causæ formalis, ista vero in genere causæ efficientis. **2. 9. 1.**
 Satisfactio quid sit; & quænam ejus conditiones? **4. 4. 1.** Opus satisfactorium debet esse penale, positum in statu gratiæ, & ex hinc honeste procedere; quin tamen poni debeat ex fine satisfaciendi. **ibid.** Quomodo per flagella nobis necessaria ex Divina largitate satisficiamus, etiam non perseverante actu interno, quo patienter illa toleramus? **4. 4. 7.** Flagella isthæc, nec non opus aliunde præceptum, possunt in penitentiam a Confessario imponi. **4. 4. 10.**
 Satisfactio Sacramentalis est pars integralis Sacramenti causans probabiliter ex opere operato non solum remissionem penæ, sed etiam gratiæ augmentum. **4. 1. 4.** Quando nam causet hujusmodi effectum? **4. 4. 18.**
 Satisfactiones in hac vita debent etiam esse satisfactiones; secus vero in alia. **1. 3. 7.**

T

Tridicentium quid definiat circa Attractionem in Sacramento? Etquare noverit in decreto apponi, quod Attritio sufficiat ad Sacramenti constitutionem? **4. 2. 12.**

V

Veniale peccatum quid sit; & in quo differat a mortali? **1. 3. 1.** Non puniuntur in Inferno per accedens in æternum ex conjunctione cum mortali. **1. 3. 4.** In præsentis providentia non remittuntur venialia citra gratiæ infusionem. **2. 2. 1.** Non delentur tamen formaliter per gratiam; sed multiplex datur forma illorum expulsiua, præsertim contritio iusti. **2. 2. 4.** Ad venialium remissionem quomodo conferant Sacramentalia? **2. 2. 14.** Quomodo post hanc vitam ea remittantur? **2. 2. 16.** Veniale habituale habet constitutiva uniformiter ad con-

INDEX RERUM.

- constitutiva peccati mortalis habitualis. 1.
 L. 11.
Verba, quæ essentialiter spectant ad constitutionem Sacramenti Pœnitentiæ, quænam sint? 4. 5. 2.
Verecundia cur non sit virtus, nisi secundum quid? 3. 1. 3.
Virtus Pœnitentiæ specialis debet admitti. 3. 2. 3. Ea primo & per se tendit ad malum, atque adeo ejus primarius actus est aversivus. 3. 3. 6.
Virtus puræ fugæ est impossibilis. 3. 3. 6.
 Quamvis non repugnet actus, qui sit puræ fugæ. 3. 3. 2.
Virtus pure reflexa pariter repugnat. 3. 5. 3.
Virtus acquisita ex frequentatis actibus supernaturalibus, ad eisdem facilitans, non est supernaturalis. 3. 6. 3.
Virtualiter unum actum contineri in alio, bifariam contingere potest. 4. 2. 16.

F I N I S.

I N-

INDEX

RERUM NOTABILIMUM,

Qua in octo hisce Universa Theologia Partibus continentur.

Primus numerus denotat hujus Operis Partem, alter Disputationem, Tertius Quaestionem, Postremus numerum Marginalem.

A

Actus charitatis, & contritionis non iustificanc formaliter. par. 3. disp. 4. qu. 8. num. 2.

Actus fidei divinx componi potest in eodem intellectu cum actu scientix, & cum actu opinionis; & divinitus cum visione beatifica ad idem obiectum terminata. 4. 3. 7. 1. Immo potest idem indivisibilis actus esse fidei, scientix, & opinionis. ib. 6.

Actus externi, & actus imperati, quamvis careant libertate formali, adhuc continent speciale bonitatem, aut malitiam moralem distinctam ab actu interno imperante. 2. 2. 4. 4. non tamen novum meritum, aut demeritum, nisi occasionaliter, & per accidens. ib. 5. *Cur* actus externi sint subijciendi clavibus; & an eadem sit ratio de effectu proveniente ab actu peccaminoso? 8. 4. 3. 27.

Actus honesti sunt essentialiter honesti, sicut inhonesti essentialiter sunt inhonesti. 2. 7. 2. 5.

Actus imperans est actus intellectus, presupposito actu voluntatis. 2. 7. 4. 2. Hujusmodi actus potest esse formaliter liber. ib. 3.

Actus liberi sunt essentialiter liberi. 2. 6. 4. 3.

Actus moralis indifferens in specie, & in individuo est possibilis. 2. 7. 3. 2.

Actus supernaturalis imperatus, si sit formaliter liber, potest etiam ab actu malo imperari; secus vero si sit necessarius. 2. 7. 5. 2.

Adamo non peccante Verbum incarnatum fuisset. 6. 3. 1. 2.

Adjuvatorium quo, & Adjuvatorium sine quo non, in quoniam sensu usurpentur à D. Augustino? 3. 3. 2. 9.

Admirationis actum quomodo Christus D. exercuerit? 6. 5. 4. 6.

Adoptio quid sit? 3. 4. 6. 8. In quo differat Pars VIII.

divina ab humana. ib. 13. & 3. 4. 2.

Adoratio erga Christi Humanitatem num debeat esse Latræ, an Hyperdulix? 6. 5. 4. 3. *Et* quomodo adoranda sint instrumenta passionis, imagines Christi, & Sanctorum? ib.

Adultus non damnatur sine proprio peccato personalis. 3. 1. 8. 10.

Aeternitas divina non reddit Deo realiter presentia ab æterno quæ sunt temporalia. 1. 4. 4. 3.

Amicitia in quoniam consistat; & quoniam sit amicitia inter Deum & hominem? 3. 4. 6. 2.

Amor charitatis in patria specie differt ab amore viz. 4. 6. 1. 8.

Amor Dei super omnia naturalis in natura lapsa est possibilis. 3. 5. 5. 1.

Analysis fidei. V. Fides.

Angelorum possibilitas ostenditur ratione naturali. 2. 3. 1. 2. Eorundem existentia videtur certa certitudine naturali. ib. 3.

De factis simplicibus non repugnat tamen Angelus compositus ex materia spiritali, & forma Angelica. 2. 3. 2. 2. Naturaliter sunt annihilabiles. ib. 3. 2. datur defectus diversitas tum specifica, tum numerica sub eadem specie Angelorum. ib. 5. 1. Immo repugnat natura creata numericè immultiplicabilis. ib. 3. Quid de multitudine, & de officio Angelorum? ib. 6. Eorum ubicatio est divisibilis. ib. 6. 1. Naturaliter possunt esse in duobus locis inadæquatis distis intra propriam spheram, & ab extremo in extremum sine medio intra eandem spheram transire. ib. 5. Possunt probabiliter Humanitatem assumere, & incarnari. 6. 4. 6. 12.

Angelorum species impressæ cum iisdem concreant, aliæ fuerunt particulares, aliæ universales. 1. 4. 4. Species impressæ universalissima repugnat. ib. 6. Nequit Angelus arcana cordium, & futura libera, nisi

V

nisi tantum conjecturaliter cognoscere. **2.**
4. 2. 2. Nec potest naturaliter attingere
 objecta quoad substantiam supernaturalia.
 ib. **7.** Quomodo fiat Angelorum locutio?
 ib. **4. 2.** Quomodo mentiri possint? ib. **3.**
 Quomodo Superiores Angeli illuminent
 inferiores? ib. **5.** Intellectus Angelicus
 cum propriis actibus identificatus repu-
 gnat. ib.
 Angelorum voluntas prædicta fuit in via in-
 numeris donis supernaturalibus. **3. 5. 1. 1.**
 Præstantiora tamen dona collata fuerunt
 Angelis superioribus. ib. **5.** Gratiæ ha-
 bitualem probabiliter habuerunt depen-
 denter a merito congruo. ib. **3.** Beatitu-
 dinem naturalem habuerunt propriam vie,
 non termini. ib. Quodnam fuerit pecca-
 tum dæmonum? ib. **7.** In primo instanti
 suæ creationis potuerunt physice peccare,
 non tamen moraliter. ib. **11.** Similiter po-
 tuerunt deinde de peccato dolere. ib. **3.**
2. Undenam proveniat dæmonum obstina-
 tio? ib. **5.** Ubinam, & quomodo ab i-
 gne cruciatur? ib. **4. 3.**
 Appetitus erga Beatitudinem. V. Beatitudo.
 Aseitas est ratio formalis constitutiva divi-
 næ essentia metaphysice consideratæ. **1.**
2. 2. 2.
 Assumptio in quo differat ab Incarnatione,
 & ab Unione Hypostatice? **6. 4. 3. 1.** As-
 sumere possunt simul plures Personæ ean-
 dem Humanitatem, & una plures. ib. **5.**
1. Assumi etiam potest a Deo natura ir-
 rationalis. ib. **6. 2.** Necnon sola materia,
 aut sola forma, etiam accidentalis. ib. **6.**
 Probabiliter potest Angelus humanitatem
 assumere, & incarnari. ib. **11.**
 Attributa divina nullatenus ex parte obje-
 cti distinguuntur inter se, & ab essentia.
1. 1. 3. 2. Intercedit tamen distinctio vir-
 tualis inter naturam, & personalitates.
1. 5. 2. 2.
 Atrocio est actus honestus. **8. 4. 2. 6.** In Sa-
 cramento debet esse supernaturalis. ib. **6.**
 Sufficit absque ulla dilectione formali. ib.
2. 2.
 Auxilium sufficiens ad salutem datur omni-
 bus adultis. **3. 3. 5. 2.** Parvulis etiam pro-
 vidit Deus de sufficiens remedio. ib. **6. 2.**
 Auxilium efficax confertur ex amore effica-
 ciz, & qua efficax secundum quid,
 non simpliciter. **3. 2. 3. 3.** Inefficax non
 potest conferri ut inefficax. **3. 2. 8. 2. V.**
 Gratia.
 Axioma illud, *Faciens quod in se fessit* &c. quo-
 modo intelligendum? **3. 1. 9. 2.**

B

Baptismus num valide conferatur infan-
 tibus intra uterum? **3. 7. 7. 1.**
 Beatitudo formalis non consistit in habitu,
 sed in actu. **2. 1. 2.** integratur etiam,
 & quidem principaliter, ex objecto beati-
 fico. ib. **3.** Consistit formaliter in opera-
 tione potentia intellectiva. ib. **2. 1. 1.** Visio
 Dei præstat Amori, & Intellectus Vo-
 luntati. ib. **4. 2.** Visio Dei potest divini-
 tus ab amore seungi, sed non e conver-
 so. **2. 1. 5. 1.** Videns Deum non potest il-
 lum odisse. ib. **8.** Potest tamen illi præ-
 ceptum imponi, ne Deum amet. ib. **20.**
 Divinitus visio componi potest cum po-
 tentia ad peccandum, imo etiam cum
 peccato habituali, & æquali, dummodo
 in posteriori natura conferatur. **2. 1. 6. 4.**
 Nequit formalis nostra beatitudo esse aut
 Visio increata, aut Visio a solo Deo pro-
 ducta. **2. 1. 7. 1.** Beatitudo est essentialiter
 perpetua, & attingens suam perpetua-
 tem. **2. 1. 8. 3.** Supernaturali beatitudini
 non repugnat temporaneitas, dummodo
 succedat beatitudo naturalis. ib. **6.** Ad
 objectum beatitudinis essentialiter specta-
 la Divina essentia, non Personalitates,
 aut attributa. **2. 1. 11. 2.**
 Beatitudo objectiva consistere nequit in ul-
 lo bono creato. **2. 2. 2. 5.** Beatitudinis ob-
 jectiva, seu Dei O. M. existentia de-
 monstrari potest quasi a priori ex conce-
 ptu cumuli omnium bonorum. **2. 2. 3.**
1.
 Beatitudinem appetit homo appetitu in-
 nato. **2. 2. 4. 1.** non tamen supernatura-
 lem. ib. **3.** Ad amorem beatitudinis appre-
 hensæ necessitatur voluntas etiam quoad
 exercitium. ib. **4.**
 Beatitudo sperari non potest ab eo, cui fa-
 cta est revelatio damnationis, si hæc an-
 tecedat actus liberos versantes circa ob-
 jectum Spei; secus vero si consequatur.
4. 5. 2. 3.
 Beatitudines, fructus, & dona Spiritus
 Sancti in quonam consistent, & an a vir-
 tutibus infusis distinguantur. **5. 1. 6. 1.**

C

Censuræ Theologicae, quæ a Theologis
 noxiis Theſibus injunguntur, quænam
 sint? **4. 3. 5. 3.**
 Character Sacramentalis quid sit? in qua-
 nam specie qualitatis reponatur? num si-
 gni-

RERUM GENERALIS.

gnificet naturaliter / Quomodo sit inde-
 lebilis / 7. 2. 6. 2.
 Charitas est virtutum omnium præstantissi-
 ma, etiam in genere physico. 4. 6. 3. 3.
 Ea augeatur etiam per actus habitus remissi-
 ores. 4. 6. 4. 2. Charitatis objectum for-
 male est Dei bonitas, etiam quæ tran-
 scendit per quancunque divinam per-
 fectionem. 4. 6. 1. 1.
 Charitatis actus non iustificat formaliter.
3. 4. 2. 2. Specie differt huiusmodi actus in
 patria, & in via. 4. 6. 1. 2.
 Charitatis habitus non potest influere in ac-
 tum amoris in instanti præcepti. 4. 6. 2.
3. realiter distinguitur a Gratia sanctifi-
 cante. 3. 4. 2. 2.
 Christi satisfactiones, & merita fuerunt va-
 loribus infinitis. 6. 1. 1. 2. Satisfactio fuit su-
 perabundans, & de toto rigore iustitiæ.
 ib. 6. 2.
 Christo impeccabilitas competit etiam ratio-
 ne Unionis Hypostaticæ. 6. 2. 1. 1. Quam-
 vis non repugnet Humanitas assumpta,
 quæ posse peccare in sensu diviso ab U-
 nione, repugnat tamen omnino Christum
 peccabilem. ib. 6. Incapax fuit præcepti
 preste dicti obligantis in conscientia. 6. 2.
2. 1. A præcepto mortis minus rigoroso
 potuit necessitari, non secus a præceptis
 naturalibus, libere tamen mortuus est. ib.
6. Fuit etiam physice liber ad actus inequa-
 lis perfectionis. ib. 3. 2. Eligendo autem
 minus perfectum nullam imperfectionem
 contrahebat, neque positivam, neque ne-
 gativam preste dictam. ib. 6. Quomodo
 Christi humana voluntas nunquam fuerit
 divinæ voluntati contraria / ib. 7.
 Christi impeccabilitas cum libertate ad sub-
 eundam mortem præceptam duplici via,
 rejectis aliis, conciliatur. 6. 2. 1. 1.
 Christi Sanctitas, & Scientia. V. Sanctitas.
 V. Scientia.
 Christi meritum relate ad Unionem hypo-
 staticam. 6. 3. 3. 1. Quid sibi, & nobis
 meruerit / ib. 13.
 Christi Sacerdotium, & Oratio, Adoratio,
 passiones, fomes peccati, potestas ad pa-
 tranda miracula, Dominium directum in
 temporalia. 6. 1. 4. 1.
 Christus in quantum homo non est filius
 Dei adoptivus, sed naturalis in sensu ac-
 commodo, & quidem solius Patris Aeter-
 ni. 6. 5. 2. 15. Nec est stricte Dei Servus,
 sed late. ib. 4. 9. Quidnam videat in Verbo
 clare, & distincte actu, quidnam ha-
 bitu / 2. 3. 1. 14. Opera iustorum ex con-
 iunctione cum Christo capite sunt magis

meritoria. 7. 3. 3. 12.
 Circumstantias aggravantes non tenemur
 clavibus subicere. 8. 4. 3. 3. Quid de peccati
 complice? ib. 7. Quid de peccatis dubiis?
 ib. 8. Quid de effectu proveniente
 ab actu peccaminoso? 8. 4. 3. 7.
 Clementem XI. esse verum Christi Vica-
 rium, & D. Petri successorem, est ob-
 jectum materiale fidei. 4. 2. 3. 1.
 Cognitio repræsentans clare, & distincte om-
 nia possibilis repugnat. 6. 1. 3. 7. Sicut
 etiam species impressa universalissima. 2.
4. 1. 6.
 Cognoscitivitas Divina rite ab Angelico de-
 monstratur ex ejus summa Immateriali-
 tate. 1. 3. 2. 1.
 Concupiscentia aliquando augeat volunta-
 rium, minuendo libertatem; aliquando
 voluntarium minuit. 2. 6. 2. 2.
 Condonatio peccati mere extrinseca non re-
 pugnat. 8. 2. 3. 2. Immo etiam denomina-
 tio iusti, & sancti haberi potest per for-
 mam extrinsecam. 8. 2. 4. 3.
 Contritio an possit procedere ex motivo al-
 terius Attributi a Bonitate Divina / 8. 4.
2. 3. An ferat odium peccati supra gehem-
 nam? ib. 3. An sit forma iustificans? ib.
7. An sit condigna satisfactio pro venia-
 libus? 8. 2. 7. 1.
 Creatura, quæ tantum obedientialiter sit a-
 ctiva, non implicat. 8. 2. 3. 2. Implicat ta-
 men creatura inelavabilis obedientialiter
 ad quodlibet non repugnans. ib. 8. Etiam
 si id oriretur ex connexione intentionali
 cum Divino decreto de nulla creatura
 elevanda. ib. 12.
 Creatura, de cujus possibilitate dubitatur,
 quandomodo positive debeat ostendi ejus
 possibilitas? 7. 2. 1. 8., & 8. 2. 10. 7.

D

Decretum prædeterminans evertit liber-
 tatem actus prædeterminati. 3. 3. 3. 2.
 Necnon decretum condeterminans. 3. 3. 3. 2.
 Decreta libera divina per quid constituuntur?
1. 4. 14. Quomodo ex parte objecti
 distinguatur ab actu voluntatis necessario
 terminatio ad creaturas Deo intrinseca,
 & contingens? ib. Deus unico simplicissimo
 Decreto omnia decernit in priori ad
 scientiam Visionis circa multipliciter
 signorum ex parte objecti. 3. 2. 4.
 Demonum peccatum, obstinatio, supple-
 cium. V. Angeli.
 Decipara quomodo caruerit etiam debito pro-
 ximo contrahendi originale? 6. 3. 3. 7. & 8.
1. 2. 6. Meruit de condigno Maternitatem,
 & de congruo Incarnationem. 6. 3. 4. 2.

V 2

In-

I N D E X

Influxu physice in Unionem Hypotheticam. **6.4.4.3.** Possibilis est qualitas supernaturalis, quæ sit instrumentum connaturale, quo eleveetur virtus materna ad Unionem producendam, & hujusmodi qualitas fuit in Deipara permanent. **ib. 5.** Quomodo ejus Matrimonium concilietur cum voto castitatis? **5.3.3.2.** Ejus matrimonium. **V. Dominium.**

Detestari quis potest unum mortale ex motivo omnibus communi, quin simul detestetur virtualiter alia. **4.4.3.8. & 5.1.3.6.**

Deus per immensitatem est formaliter in spatiis imaginariis. **1.1.4.1.** Ratione Aternitatis non habet sibi præsentia ab æterno realiter temporanea. **ib. 3.** Cognoscit possibilia in seipso, & in seipso. **1.3.3.2.** Bene potest amari amore concupiscentie. **1.3.3.1.7.** Comprehendi nequit ab intellectu creato. **1.3.3.2.** Non est in prædicamento substantie, quippe qui excludit compositionem ex genere & differentia. **1.1.4.2.** Caret potentia intellectiva per modum actus primi physici. **1.3.1.1.** Ejus intellectivitas quomodo ex summa immaterialitate demonstratur? **1.3.3.1.** Eiusdem Essentia metaphysica reponitur in prædicato Aternitatis. **1.1.3.3.** Attributa ex parte objecti nullatenus distinguuntur inter se, & ab essentia. **1.1.3.3.** Distinguuntur tamen virtualiter Personalitates a natura, & intellectus notionalis a voluntate notionali. **ib. 5.**

Dei existentia est per se nota quoad se, non quoad nos sub conceptu Dei, sed sub alio conceptu convertibili cum Deo. **1.1.1.2.** Ignorantia Dei invincibilis dari nequit per longum tempus. **ib. 7.** Demonstratur multipliciter Dei existentia a posteriori. **ib. 2.** Immo etiam quasi a priori ex conceptu entis optimi. **ib. 9.**

Dei Visio, Scientia, Voluntas. **V. Visio, Scientia, Decreta.**

Deus potest iustitiam presse dictam erga Creaturas exercere. **5.3.8.1.** obligando etiam suam potentiam extraordinariam. **ib. 13.**

Diaconatus quomodo a Græcis conferatur per solam manuum Episcopi impositionem, & an possit valide a Latinis ita conferri? **7.1.1.19.**

Dolor ad Sacramentum Pœnitentiæ requisitus quinam debeat esse? **8.4.3.3.6.** **V. Atritus.**

Dominiū an se extendat ad usus lege non permisso, & annullatos? **5.2.2.13.** An separetur ab Usufructu perpetuo, & sic

concilietur Matrimonium Deiparæ cum voto Castitatis. **5.3.3.3.** In instanti donationis est penes donatarium. **5.2.4.1.**

Dominium in solidum penes plures repugnat. **5.2.5.2.** Etiam postea concordia voluntatum, & rei replicatione. **5.3.6.1.**

Dona Spiritus Sancti cur sint septem; & an distinguantur a Virtutibus infusis? **5.1.1.7.**

E

Ecclesie auctoritas an sit motivum fidei divinæ? **4.1.4.13.**

Efficacia divinæ gratiæ. **V. Gratiæ efficax.**

Erroris alicujus speculativi actum, aut habitum Deus potest infundere. **4.1.2.1.** Immo potest in alia Providentia patrare miraculum in ejusdem erroris comprobationem. **4.1.2.12.**

Eucharistiam constituunt species Sacramentales, Christi Corpus, verba consecrationis, Intentio Ministri, unio physica corporis Christi cum speciebus. **2.4.1.2.** Sumptio neque est pars essentialis, neque integralis. **ib. 8.** Est unum specie Sacramentum ob unitatem finis; multiplicatur tamen numerice, ubi species Eucharisticæ moraliter multiplicantur. **2.4.1.1.** Non est necessaria necessitate mediæ ad salutem, aut ad perseverandum in gratia. **ib. 7.** Quænam sit ejus materia remota? **2.4.3.1.** Christus D. consecravit in azymo. **ib. 3.** Aqua immediate convertitur in sanguinem Christi. **ib. 4.** Ad essentiam Sacramenti solum spectat, quod verba proferantur enunciative, non recitative. **3.4.4.2.** Ex veritate formæ inferitur desinitio substantiæ panis, & vini sub speciebus. **ib. 6.** Christi corpus sub speciebus producit, non adducitur. **2.4.5.4.** Producitur etiam unio Christi sub speciebus, quæ non est moralis, sed physica. **2.4.6.2.** Quid importet præsentia Christi Sacramentalis? **7.4.7.3.** Probabiliter Christus in Eucharistia potest naturaliter agere, & pati, videre, & videri, gravitare, & moveri motu progressivo, perinde ac si haberet ubicationem circumscriptivam. **ib. 3.**

Eucharistiæ effectus quinam sint? **7.4.8.1.** Num causentur, quousque species Sacramentales sunt in stomacho? **ib. 3.** Num major gratia conferatur ab utraque specie panis, & vini, quam ab alterutra tantum? **ib. 2.** Per accidens potest Eucharistia primam gratiam causare. **2.4.7.2.** Suscepta cum fitione negativa probabiliter, sublato obice, reviviscit; focus vero si ficiō sit positiva. **7.3.3.11.**

Eu.

RERUM GENERALIS.

Eucharistia in quantum est Sacrificium. V. Sacrificium.

Evidentia in attestante simpliciter dicta coherere nequit cum actu fidei obscuræ. 4. 3. 3. 12.

F

Facienti quod in se est Deus non denegat gratiam suam, si tamen faciat quod in se est, adjuvans viribus supernaturalibus. 3. 1. 9. 2.

Fidei Divinæ objectum Attributionis est Deus sub ratione Deitatis. 4. 1. 1. 3. Objectum vero formale est Auctoritas Dei constata ex Attributo Sapientiae, & Veracitatis. ib. 9. Relate tamen ad locutiones promissorias constat etiam ex Fidelitate. ib. 16. Etiam revelatio divina est objectum formale parziale fidei. 4. 1. 3. 2. Quando creditur mysterium, credi debet saltem per modum principii, & credi potest, per modum Conclusionis, Divina Auctoritas, & revelatio. ib. 9.

Fidei Analysis quomodo habeatur? 4. 1. 4. 1. Ad credendum existentiam revelationis unicum motivum est ipsamet revelatio, non vero lumen fidei, aut Ecclesiae auctoritas. ib. 13.

Fidei objectum materiale proximum non est objectum revelabile, sed solum revelatum. 4. 2. 1. 1. Est etiam Conclusio Theologica illata ex duplici de fide, aut ex altera de fide, & altera sive metaphysice, sive physice, sive etiam moraliter certa; non vero si sit solum probabilis. 4. 2. 2. 2. quamvis adorari possit absolute hostia probabiliter consecrata. ib. 18. Pariter est objectum materiale fidei, Clementem XI. esse verum Christi Vicarium. 4. 2. 3. 1.

Fidei mysteria sunt evidenter credibilia, & credenda. 4. 3. 1. 2. Sunt etiam certissima, non tamen evidenter vera. ib. 7. Ad ea credenda quodnam iudicium de credibilitate prærequiritur? ib. 11. Prærequiritur etiam pia voluntas credendi, quæ sit intrinsece supernaturalis. 4. 3. 2. 2. Ista tamen imperari potest etiam ab actu leviter malo. ib. 9.

Fidei actus componi potest cum actu scientiæ de eodem objecto; immo etiam divinitus cum visione beatifica. 4. 3. 3. 1. potestque idem indivisibilis actus esse simul fidei Divinæ, & humanæ scientiæ, & opinionis. ib. 6.

Fidei certitudo tam subjectiva, quam objectiva major est, quam in actu scientiæ. 4. 3. 6. 5. Certitudine fidei nemo scire potest, se gratiam Dei esse consequutum. 4. 2.

Pars VIII.

2. 14. Ne divinitus quidem potest fides subesse falso. 4. 3. 6. 1.

Fidei obscuræ actus stare non potest cum evidentia in attestante simpliciter dicta. 4. 3. 3. 11. Potest fidei actus esse formaliter discursivus. 4. 3. 4. 2.

Fides habitualis non datur in damnatis, neque in Beatis, & a fortiori in Christo D. 4. 4. 1. 4. Hac fide destitutus hæreticus potest credere unum mysterium fide supernaturali minus perfecta, & aliud discredere. 4. 4. 3. 5. Fidei habitus facilitans ad actus fidei supernaturales est naturalis. 4. 4. 2. 3. Fidei necessitas, & supernaturalitas explicatur. 4. 3. 5. 2. Ad quid obliget præceptum fidei? ib. 2.

Filius in quantum talis accipit a Patre naturam fecundam, & ideo solum Verbum est filius, non vero Spiritus S. 2. 5. 4. 3.

Finis quid, & quomplex sit. 2. 2. 1. 1. Vis causativa finis est bonitas cognita. ib. 2. Causalitas finis est indistincta a causalitate causæ efficientis orta ex bono alliciente voluntatem. ib. 3. Tam fini Cui, quam fini Qui convenit ratio finis preesse dicti. ib. 5. Processus in infinitum in finibus repugnat. ib. 9.

Fomes peccati tam in Christo D., quam in Deipara fuit extrinsecus, non ligatus, ut in quibusdam aliis Sanctis. 6. 5. 4. 5.

Forma Consecratoria. V. Eucharistia.

Forma Sacramentis Penitentiae quibus verbis essentialiter constituatur; & quinam sit eorum sensus? 8. 4. 5. 1.

G

Gratia Theologicæ sumpta quid, & quomplex sit? 3. 1. 2. 2. Quinam Hæreticorum errores præcipui in hac materia. ib. 6. Per auxilia gratiæ Deus potest quancunque voluntatem emollire, ac obdurare: datur quippe necessitas metaphysica, ut quilibet voluntas sub infinitis vage auxiliis provideatur per scientiam mediam consensura, & sub infinitis dissensura. 3. 1. 2. 3.

Gratia auxiliatrix reponitur unice in actibus intellectus, & voluntatis. 3. 1. 3. 1. Non vero in præmociónem physica. ib. 2. Physice concurrat ad actus salutare. 3. 1. 4. 2. Non est tota ratio agendi. ib. 5. Connaturalius est intrinseca, non vero essentialiter; potest proinde actus salutaris prodire divinitus a voluntate adjecta extrinsece ab Omnipotentia specialiter assistente. ib. 10.

Gratia sufficiens ad salutem datur omnibus. V. 3. adul.

adultis. 3. 1. 5. 2. Parvulus etiam omnibus providit Deus de sufficienti remedio. 3. 1. 6. 2. Probabiliter valide baptismus confertur parvulis intra uterum, si physice possunt abluī; unde conferendus est illis sub conditione, si versentur in discrimine vitæ. 3. 1. 7. 2. Ad gratiam nequit homo viribus naturæ se disponere, neque positive, neque negative. 3. 1. 8. 4. Potest tamen indirecte, & remote. ib. 6.

Gratia efficax quomodo cohereat cum libertate arbitrii? 3. 3. 1. 5. An ea reponatur in collatione auxilii prævisi per scientiam mediam efficacis? 3. 3. 4. 4. Quid importet gratia efficax in actu primo, quid in actu secundo? 3. 3. 5. 1. Gratia efficax necessaria est, ut bona operatio ponatur, non vero ut possit poni. ib. 7.

Gratia habitualis iustificans quid importet physice? 3. 4. 1. 2. Quænam sit ejus essentia metaphysica? 3. 4. 2. 2. Non est participatio divinæ naturæ in suo esse reali, seu donatio Personæ Spiritus Sancti. 3. 4. 3. 4. Si tamen ita constitueretur, non proinde posset Creatura affecta tali gratia condigne pro mortali satisfacere. 3. 4. 4. 1. Gratia præsentis ordinis est essentialiter incompatibilis cum mortali. 3. 4. 5. 2. Possibilis tamen est gratia, quæ divinitus cum mortali cohereat. ib. 3. Independentem a boni favore extrinseco gratia reddit hominem Dei amicum, adoptivum, heredem, & justum. 3. 3. 6. 6. In priori ad infusionem gratiæ de facto deletur mortale formaliter per applicationem satisfactionum Christi D. ib. 14. Gratia realiter distinguitur ab habitu charitatis. 3. 4. 7. 2. Et a virtutibus moralibus infusis. 5. 1. 5. Potest homo in alio ordine sine gratia intrinseca per formam mere extrinsecam sanctificari. 3. 4. 9. 2. Et citra peccati reprobationem. ib.

H

Habitus acquisitus ex frequentatis actibus supernaturalibus facilitans ad eandem non est supernaturalis, sed naturalis. 4. 4. 2. 3. & 8. 3. 6. 3.

Habitus fidei, & spei subjectum. V. Fides, V. Spes.

Hæreticus culpabiliter discredens unum articulum fidei, potest alium credere fide supernaturali, quæ tamen esset minus perfecta, & non ex toto corde. 4. 4. 3. 5.

Humanitas assumpta peccare divinitus potest in sensu diviso ab Unione hypostatica, & a Visione beatifica. 6. 2. 4. 1. Quomodo adoranda sit? V. Adoratio. Christi Hu-

manitas, etiam dum est in Cælis, gratiam, miracula, & effectus omnes supernaturalis causat tanquam instrumentum divinitatis. 6. 5. 4. 10.

I

Iansenii quinque theses profigitæ. 2. 6. 8.

Idiomatum communicatio quid sit; & quomodo habeatur in Christo D. 6. 5. 1. 5.

Ignis tartarus quomodo demones cruciet? 2. 5. 4. 3.

Ignorantia quætriplex sit, & quomodo causet involuntarium? 2. 6. 2. 8.

Illatio a distributivo ad collectivum quandam tenet? 2. 1. 1. 1. 1.

Immensitas reponit Deum formaliter in spatiis imaginariis. 1. 1. 4. 1.

Immaterialitas quomodo inferat in Deo summam cognoscitivitatem? 1. 3. 2. 1.

Impeccabilitas nulli Creaturæ rationali potest competere. 2. 5. 2. 2.

Impeccabilitas Christi duplici via conciliatur cum libertate Christi in acceptatione mortis præceptæ. 6. 2. 5. 1.

Impedimentum rclæ ad actus liberos quodnam sit? 3. 2. 5. 5.

Incarnationis possibilis solum negative demonstrari potest. 6. 1. 1. 1. Eam Deus posuit ex quadam morali necessitate ad ponendum Optimum. 6. 1. 2. 5. Necessaria fuit ad condigne satisfaciendum pro mortali. 6. 1. 3. 1. Ejus præinitio fuit in priori ad scientiam visionis de peccato absolute futuro. 6. 3. 2. 6.

Infantes decedentes cum originali num puniantur pœna sensus? 8. 1. 2. 12. Num iisdem intra uterum existentibus valide ac licite baptismus confertur? 3. 1. 7. 2.

Infidelitas quætriplex sit? 4. 3. 5. 3. Infidèles, & barbari non carent gratia sufficienti ad fidem amplectendam, & ad salutem. 3. 1. 5. 2.

Infinitem caregorematicum universum repugnat. 2. 3. 1. 1.

Injuria quandam scienti, & volenti non confertur? 5. 4. 1. 2.

Intellectus notionalis a voluntate notionalis distinguitur in Deo ex parte objecti virtualiter; non tamen intellectus essentialis a voluntate essentiali. 1. 1. 3. 6.

Intellectus per modum actus primi physici non datur in Deo. 1. 3. 1. 2.

Intellectus inæquales æqualiter elevati inæqualiter Deum vident. 1. 2. 4. 10. Potest intellectus divini Deum videre absque lumine gloriæ intrinseco. 1. 2. 4. 7. Num

in-

RERUM GENERALIS.

intellectus dicendus sit causa principalis, an instrumentalis relate ad visionem Dei? ib. 4. Intellectus circa proprium objectum limitatus repugnat. 2. 5. 2. 3.

Irregularitas in dubio homicidii quondam incurritur? 8. 4. 3. 12.

Juris nomine quid veniat? 5. 2. 1. 1. Quid importet jux ex parte objecti? ib. 6. Quenam sint juris species? ib. 7.

Justificatio haberi potest in alio ordine per formam extrinsecam. 3. 4. 9. 2.

Justitia quid, & quoruplex sit? 5. 3. 1. 2. Num dicatur univoco de Commutativa, Distributiva, Legali, & Vindicativa? ib. 5. Ejus objectum materiale, & formale. 5. 3. 2. 1. Iterata solutio debiti non est actus justitiæ. 5. 3. 3. 1. An operatio a justitia præcepta debeat poni ex illius motivo? 5. 3. 4. 2.

Justitia exerceri potest inter filium, & parentes, inter servum, & dominum, & inter conjuges. 5. 3. 5. 2. Ipse Deus justitiam preesse dictam exercere potest erga Creaturam. 5. 3. 8. 1. Obligando etiam suam potentiam extraordinariam. ib. 13. Et creatura viculim exercere justitiam potest erga Deum. 5. 3. 6. 4. Necnon injustitiam. 5. 3. 7. 1. Et probabiliter quodvis peccatum est stricta injustitia erga Deum. ib. 5.

Justus non potest pro mortali condigne satisfacere. 6. 1. 3. 2. Nec potest peccatori de condigno mereri gratiam peccati absterivam. ib. 2. Potest tamen in alia providentia mereri de condigno alteri innocenti gratiam sanctificantem. 5. 4. 2. 1. Et sibi perseverantiam finalem. ib. 6. Non tamen reparationem post lapsum. ib. 5. Nisi tantum de congruo. 5. 5. 3. 5. Opera justorum redduntur magis meritoria ex conjunctione cum Christo capite. 7. 3. 3. 13.

L

Libertas arbitrii in quonam consistat? 2. 6. 3. 1. Quomodo illam evertat physica prædeterminatio? ib. 2. Libertas est actui essentialis. 2. 6. 4. 2. Pura omisso libera repugnat. 2. 6. 5. 2. Sicut etiam libertas pure contradictionis. ib. 11.

Libertas actus lãditur a decreto prædeterminante. 3. 3. 2. 2. Sicut etiam a Decreto comitante, & condecernante. 3. 3. 3. 2.

Libertas indifferenciæ necessaria est ad merendum, & demerendum. 2. 6. 6. 2.

Locutio materialis num licite usurpetur ad sigillum sacramentale custodiendum? 4. 1. 2. 3.

Lumen gloriæ relate ad Dei visionem est eadem ratio elevans, sed non est tota ratio agendi. 1. 2. 4. 3. Sine lumine intrinseco potest divinitus elevari intellectus ad Deum videndum. ib. 7. Si in duobus intellectibus inæqualibus infus æquale lumen, visio in utroque erit inæqualis. ib. 10.

M

Malum sub ratione mali nequit amari. 2. 6. 6. 2.

MAKIA. V. Deipara.

Materia spiritalis non repugnat. 2. 3. 2. 3. Materiale peccati nequit Deus prædehñre. 3. 2. 6. 3.

Materiæ parvitas num detur in simonia? & ubinam detur? 5. 4. 5. 8.

Maternitas Dei in quo consistat? V. Deipara.

Matrimonium, & professio religiosa metu levi injusto extorta num sint valida? 5. 4. 6. 6.

Maxima hæc videtur ineluctabilis, quod omne antecedens actum impossibile cum ejus omissione, & inimpedibile violentibertatem. 3. 2. 5. 5.

Mendacium est impossibile Deo, & omnino illicitum Creaturæ. 4. 1. 2. 17. Sicut etiam restrictio pure mentalis. ib. 22. Ex justa causa licita est restrictio non pure mentalis, & æquivoatio. Immo etiam ad custodiendum sigillum licitus est usus duplicis scientiæ, & locutio materialis. ib. 27.

Meritum sive condignum, sive congruum quid requirant ex parte merentis, quid ex parte operis, quid ex parte præmiantis? 5. 5. 1. 3. Quenam cadere possint sub meritum condignum? 5. 5. 2. 1. Quenam sub congruum? 5. 5. 3. 4. Qua ratione meritum augeatur? ib. 10.

Meritum Christi D. relate ad unionem hypostaticam. 6. 3. 3. 1. Quid sibi, & nobis Christus meruerit? ib. 13.

Meritum just. V. Justus.

Meritum Sanctorum Patrum, & Deiparæ relate ad Incarnationem suam congruum, & condigno tamen Deipara meruit Maternitatem. 6. 3. 4. 2.

Merita præterita quomodo per Pœnitentiam reviviscant? 8. 2. 8. 2. Demerita tamen in presenti providentia per relapsum non redeunt. ib. 7.

Metus non potest esse involuntarius directe. 2. 6. 2. 1. Quæ sunt ex metu sunt involuntaria secundum quid, sed magis voluntaria. ib. 3. Metus levis injustus. V. Matrimonium.

Miracula non sunt natura sua contestationes Divinae mentis . 4. 1. 2. 10. in praesentia tamen providentia assumpta sunt ad Divinam mentem contestandam; unde non possunt patrari ad comprobandum falsum; possunt tamen in alia providentia comprobare errorem aliquem speculativum. ib. 11.

Missae . V. Sacrificium .

Modus operandi sequitur modum essendi; & hinc repugnat substantia supernaturalis, cuius debita visio Dei . 1. 2. 2. 8.

Modus separabilis a suo subiecto non videtur repugnare . 6. 4. 6. 13.

Moralitas in actibus quid importat? 2. 7. 1. 1. Prima regula objectiva actuum moralium est lex aeterna Dei, non vero natura rationalis . ib. 4.

N

Naturae status multiplex . 3. 5. 1. 1. Est possibilis status purae naturae, etiam non integre . ib. 4. Num sit debilis natura lapsa, quam pura? 3. 5. 2. 1. Num deus necessitas gratiae in statu naturae lapsae ad veritates cognoscendas, & ad honeste operandum? 3. 5. 3. 1. Num ad totam legem servandam requiratur gratia Theologica? 3. 5. 4. 1. aut ad Deum diligendum, & ad perseverandum in gratia? 3. 5. 5. 2.

Necessitas antecedens est eversiva libertatis, non consequens . 1. 3. 4. 1.

Necessitas metaphysica non consistit in indivisibili, sed suscipit magis, & minus; sicut oppositio contradictoria . 4. 3. 6. 2.

Necessitas moralis ad ponendum Optimum non est deneganda Deo . 6. 2. 2. 5.

O

Oculus corporeus non est elevabilis ad Deum videndum . 1. 2. 3. 1.

Omissio pura libera repugnat . 2. 6. 5. 2.

Optimum de facto semper Deus posuit in iis, in quibus non est abire in infinitum; moraliter quippe ad Optimum necessitatur . 6. 1. 2. 1.

Oratio, & alia pia opera ante fidem non sunt supernaturalia . 3. 1. 8. 9.

Oravit Christus in hac vita, oraturque in Caelis, & probabiliter oratione proprie dicta . 6. 5. 4. 2.

Originale peccatum . V. Peccatum, & Deipara .

P

Per Arvitas materiae num datur in Simonia; & ubinam datur? 5. 4. 5. 8.

Passiones in Christo D. fuerunt propensiones . 6. 5. 4. 5.

Peccata Deus non praedefinit, neque quoad formale, neque quoad materiale; sed pure permittit . 3. 2. 6. 3.

Peccati malitia formalis consistit in positivo, non in negativo . 3. 2. 7. 2.

Peccatum pure Philosophicum repugnat . 2. 7. 1. 4.

Peccatum supernaturale in quo sensu sit possibile? 2. 6. 4. 6.

Peccatum quodcumque essentialiter irremissibile repugnat . 8. 2. 1. 1.

Peccatum Angelorum . V. Angeli .

Peccatum mortale est gravitatis simpliciter infinitae . 6. 1. 4. 1. Nequit pura creatura pro illo condigne satisfacere, etiam si esset finitae gravitatis . 6. 1. 3. 3. Esto gratia importaret donationem Personae Spiritus Sancti . 3. 4. 4. 1. Meretur omnem poenam etiam intensive infinitam . 6. 1. 3. 13.

Peccatum originale quid sit, & quomodo propagetur? 8. 1. 2. 1. Quare Deipara fuerit immunis etiam a debito proximo illud contrahendi . ib. 6. Infantes cum originali decedentes an puniantur poena sensus? ib. 12.

Peccatum veniale quid sit; & an puniatur per accidens in inferno in aeternum? 8. 2. 3. 1. An contritio sit condigna satisfactio pro veniali? 8. 2. 7. 5. V. Venialium remissio .

Peccati habitualis essentia in quo consistat? 8. 1. 1. 1.

Peccatum fictionis in instanti baptismi num sit materia Confessionis; & quid de peccato pure putato? 8. 4. 3. 11.

Peccatum quodcumque probabilius est stricta iniustitia erga Deum . 5. 3. 7. 5.

Peccatum mortale num possit remitti in instanti, quo sit, etiam per infusionem gratiae? 5. 1. 3. 9., & 8. 2. 5. 1. Defectus de facto in priori ad infusionem gratiae per applicationem satisfactionum Christi . 8. 2. 9. 2.

Peccata dubia num sint clavibus subicienda? 8. 4. 3. 8.

Peccati effectus num sit explicandus in Confessione? 8. 4. 3. 26.

Peccatorum numerus quomodo explicandus in Confessione; & qua ratione peccata numerice multiplicentur? 8. 4. 3. 22.

Peccata dimissa per relapsum non redeunt . 8. 2. 2.

RERUM GENERALIS.

8. 2. 8. 7. Possunt tamen in alia providentia redire. ib. 8.
 Peccati permissio potest esse effectus prædestinationis. 6. 3. 2. 8.
 Peccati remissio. V. Remissio.
 Permissio peccati quomodo fit actus benevolus Dei erga Reprobos? 3. 2. 6. 10.
 Perseverantia finalis non habetur sine speciali Dei auxilio. 1. 5. 5. 5. Num possit cadere sub merito? V. Meritum.
 Pia voluntas credendi ad fidem requisita debet esse supernaturalis. 4. 3. 2. 2. Imperari tamen potest ab actu leviter malo. ib. 9.
 Habitus influens in hunc actum non est virtus Theologica, sed Moralis. 4. 4. 1. 1.
 Pœnitentia est virtus. 8. 3. 1. 1. Et quidem specialis. 8. 3. 2. 3. Non tamen puræ fuge; quamvis ejus actus primarius sit puræ fuge. 8. 3. 3. 5. De ejus objecto formali. 8. 3. 4. 1. De subjecto. ib. 5. Probabiliter hæc virtus fuit in Deipara, & in Christo D. ib. 6. 4. 5. 4. Non est virtus pure reflexa. 8. 3. 5. 2. Quæ acquiritur ex frequentatis actibus supernaturalibus, non est supernaturalis. 8. 3. 6. 3.
 Pœnitentiæ Sacramentum constat materia, & forma tanquam partibus essentialibus. 8. 4. 1. 2. Potest esse validum, & informale. 8. 4. 2. 2. Sufficit ad illud Attritio citra ullam formalem dilectionem Dei. ib. 2. 2. De ejus forma. 8. 4. 5. 2. V. Circumstantiæ, Dolor.
 Pœnitentia a Confessorio qualis, & quomodo jungenda? 8. 4. 4. 2.
 Potentia obediencialis quodlibetis. 7. 2. 1. 8.
 Possibilis Deus cognoscit in seipso, & in seipso. 1. 3. 3. 1. Omnium possibilitium collectio repugnat. 2. 3. 5. 11.
 Prædestinat Deus omnes actus liberos honestos, & effectus necessarios. 3. 2. 1. 4.
 Prædictio actus liberi dirigi debet a Scientia media. ib. 6. In omni providentia videtur necessaria prædictio actus boni. 3. 2. 2. 2. Vi hujus prædictiois confertur auxilium efficax quæ efficax secundum quid, non simpliciter. 3. 2. 3. 5.
 Prædictio consensus liberi consequens ad Scientiam mediam non violat ejus libertatem. 3. 2. 4. 8. Secus vero prædictio antecedens in essendo, & consequens in operando. 3. 2. 5. 2.
 Prædictio num fiat ante, vel post prædicta merita absolute futura? 1. 4. 2. 2., & 6. 3. 2. 6.
 Prædeterminatio physica est eversiva libertatis. 3. 2. 5. 10, & 3. 2. 2. 1. Non videtur ef-

se de mente Angelici. ib. Ex illa videtur inferri quod peccatores non peccant, dum peccant; & quod Deus sit auctor peccati. ib.

Propositum in Sacramento Pœnitentiæ non semper debet esse formale. 8. 4. 2. 29.
 Providentia quid sit, & in quo consistat. 1. 4. 2. 1.

Q

Qualitas supernaturalis, quæ fit instrumentum connaturale, quo virtus Matera elevetur ad producendam Unionem hypostaticam, fuit in Deipara permanentem. 6. 4. 4. 5.
 Qualitas superna, qua Sacramenta elevantur ad causandam physice gratiam, non repugnat. 7. 2. 2. 1.

R

Remitti potest divinitus peccatum absque prævia retractatione. 8. 2. 2. 2. Necnon per condonationem mere extrinsecam. 8. 2. 3. 2. Immo etiam denominatio iusti, & sancti haberi potest per formam extrinsecam in alia providentia. 8. 2. 4. 3. Remitti etiam potest peccatum divinitus in instanti, quo fit, & ænequum fiat. 8. 2. 5. 1. Etiam per gratiam Sanctificationem. ib. 8., & 5. 1. 3. 6. Quomodo remitti possint peccata divisibiliter quoad suos reatus? 8. 2. 6. 1.
 Remissio venialium. V. Venialia.
 Reprobatio num sit ante, vel post prædicta demerita absolute futura? 1. 4. 2. 10.
 Restitutio duas habet radices. 5. 4. 5. 1. Discrimen inter illas. ib. 4. Onus restituendi ex injusta acceptione num requiratur culpam Theologicam? Et an ea debeat esse gravis, & externa? ib. 6. Quænam in hac re sit materia gravis? ib. 16. Res emptæ a fure num possit eidem restitui ad recuperandum pretium? ib. 17. Num restitui debeant, quæ blandis verbis, aut metu sunt extorta? 5. 4. 6. 1. Num debeat restitui pretium acceptum ob turpe facinus? 5. 4. 2. 1. Aut acceptum ob causam honestam, etiam debitam ex iustitia? ib. 8.

Restrictio pure mentalis est verum mendacium. 4. 1. 2. 22. Restrictione non pure mentali, & æquivocatione non licet uti citra causam iustam. ib. 23. Usus duplicis scientiæ, vid. communicabilis, & incommunicabilis, est etiam licitus ad sigillum custodiendum; sicut etiam locutus materialis. ib. 27.

Re-

Revelatio externa informata ab interna locutione Divina est partialis obiectum fidei Divinae. 4.1.3.2. V. Obiectum formale fidei.

S

Sacramenta antiquae legis quoniam fuerint? 7.1.1.3. Cur sint septem in lege gratiae? ib. 5. Constat hae rebus tanquam materia, & verbis tanquam forma. ib. 6. Intentio Ministri constituit de facto Sacramentum, quomvis potuerit esse requisitum essentiale. ib. 11. Res, & verba qualiter fuerint a Christo D. determinata? ib. 18. Num possit valide a Latinis conferri Diaconatus per solum manuum. Episcopi impositionem, prout confertur a Graecis? ib. 19. Quomodo Matrimonium clandestinum potuerit reddi invalidum ab Ecclesia? ib. 20. Quoniam mutatio materiae, & formae obicit valori Sacramenti? ib. 21.

Sacramentum quomodo definiatur? 7.1.2.3. Sacramenta antiqua univocantur cum novis, tum in ratione signi, tum in ratione causae. ib. 8.

Sacramenta possunt physice gratiam causare, tum Vi potentiae obediuntialis, tum per qualitatem supernaturalem inherentem, tum per Omnipotentiam specialiter inexistentem. 7.2.1.1. An etiam per Omnipotentiam specialiter assistentem? ib. 4. De facto gratiam causant, tum moraliter, tum physice. 7.2.3.1. Gratiam non causabant ex opere operato Sacramenta legis antiquae. 7.2.4.2. Nostra tamen Sacramenta non solum causant gratiam sanctificantem, sed etiam virtutes infusas, & gratiam propriam Sacramentalem. 7.2.5.1. Inaequaliter tamen pro inaequalitate Sacramenti, & dispositionis in subiecto. ib. 2. Causant etiam Characterem. V. Character.

Sacramenta novae legis immediate a Christo D. tanquam homine instituta sunt. 7.3.1.1. Num possit homini communicari potestas instituendi Sacramenta? ib. 6. Minister Sacramentorum quoniam de facto sit? 7.3.1.1. Quoniam, & qualis intentio requiratur in Ministro? ib. 4. De Ministri obligationibus. ib. 17. Cur non liceat in Sacramentis conferendis uti opinione probabili de eorum valore, relicta tutiore? ib. 19. Num dectur obligatio gravis servandi caeremonias, & ritus praescriptos? ib. 20.

Sacramenta vivorum possunt per accidens

causare primam gratiam. 7.2.7.2. Sacramenta sicte suscepta num subltro obice reviviscant? 7.3.3.3. Sacramentum Penitentiae potest esse validum, & informe. 8.4.2.12.

Sacramentorum subiectum quodnam sit, & quoniam intentio in eo requiratur? 7.3.3.1.

Sacramentalia quid sint, & an conferant ad venialium remissionem ex opere operato? 8.2.7.13.

Sacrificium quid, & quotuplex sit, & an sit de iure naturae? 7.5.1.1. Non spectat ad rationem Sacrificii immutatio physica victimae. ib. 7. Num in Sacrificio Mixto offerantur praeter Corpus, & Sanguinem Christi, species, & substantia panis & vini? ib. 11. qua ratione Christus sit principalis offerens? ib. 3. Sacrificii huius essentia in sola consecratione reponitur. 7.5.2.6. Utriusque speciei consecratio in praesenti providentia spectat ad essentiam Sacrificii. ib. 10. Quoniam sint effectus Sacrificii Eucharistici? An illud sit valoris infiniti in actu primo proximo? An liceat eulibet die Sabbati Sancti celebrare? 7.5.5.1.

Sanctitas Christi D. substantialis, & accidentalis. 6.5.2.2.

Sanguis Christi D. separatus a Corpore in triduo mortis fuit Verbo hypostatice unitus. 6.4.7.7.

Satisfacere non potest pura Creatura pro mortali de condigno. 6.1.4.2. Potest tamen pro veniali. 8.2.7.5.

Satisfactio Christi D. fuit valoris infiniti, & superabundans. 6.1.5.2. Necnon de toto rigore iustitiae. 6.1.6.2. Applicata nobis per Sacramenta delet formaliter mortalia in priori ad infusionem gratiae. 8.2.9.2.

Scientia simplicis intelligentiae est causa rerum, non scientia Visionis. 1.3.5.4. Per scientiam simplicis intelligentiae videt Deus possibilis in seipso, & in seipsis. 1.3.3.2. Per scientiam visionis quomodo videantur futura libera absoluta? 1.3.4.1.

Scientia media inflexa datur in Deo, non secus ac directa. 1.3.7.2. Per hanc videt Deus in seipsis futura libera conditionata infallibiliter. 1.3.6.8. Scientia infallibilis conditionatorum negati nullatenus potest in Deo. 1.3.6.3.

Scientia Christi D. multiplex. 6.5.3.2. In Verbo non videt Christus D. omnia possibilis clare, & distincte actu, sed habitu. ib. 6.

Simonia iniustitiam continet. 1.4.4.1. Sex

utur

RERUM GENERALIS.

titulis a labe simoniz excusari sepe potest acceptio rei temporalis occasione rei spiritualis. ib. 6.

Simplicitas in Deo excludit etiam compositionem ex genere & differentia; unde Deus non est in prædicamento substantiæ. 1. 1. 4. 9. Solutio debiti iterata non est actus iustitiæ. 5. 5. 3. 1.

Species impressa creata Dei non repugnat. 1. 1. 5. 1. Num ea cum lumine gloriæ possit identificari; & num de facto detur? ib. 8.

Species impressa universalissima repugnat. 2. 3. 1. 6. Species impressa in intellectu Angelorum. V. Angeli.

Spes secundum formalitatem desiderii habet pro formali objecto Dei bonitatem respectivam; secundum formalitatem erectionis animi habet Deum ut auxiliatorem. 4. 5. 1. 4. Objectum materiale Spei Theologicæ est beatitudo supernaturalis, & quicquid ad illam conducit; & in ordine ad illam speratur. 4. 5. 3. 2. Spei certitudo tam subjectiva, quam objectiva quomodo a fide participetur? 4. 5. 4. 2. Spei opponitur per excessum Præsumptio, per defectum desperatio. ib. 5.

Sperari potest beatitudo ab eo, cui facta est revelatio damnationis, si hæc consequatur ad actus liberos versantes circa objectum Spei; secus non potest. 4. 5. 2. 3.

Spei habitus datur in Beatis, necnon in Christo D. 4. 5. 5. 2. Destruitur hic habitus tam per actus spei oppositos, quam per infidelitatem; habitus vero fidei per solam infidelitatem destruitur. ib.

Spiritus Sancti dona cur sint septem; & an distinguantur a virtutibus infusus? 5. 1. 1. 5. De fructibus Spiritus Sancti. 5. 1. 6. 1.

Spiritus Sanctus cur non dicatur Filius? 1. 5. 4. 2. Non distingueretur a Filio, si ab illo non procederet. 1. 5. 6. 2. Ad denominationem filii adoptivi non se habet de formali, sed de casuali; non secus ac ad denominationem iusti. 3. 4. 3. 4. Procedit ex amore Divinæ essentiae, Personarum, & Creaturarum ut possibilem. 1. 5. 5. 9.

Status multiplex naturæ. V. Naturæ Status.

Subsistentia absoluta datur in Deo præter tres relativas. 6. 4. 2. 2.

Substantia supernaturalis, cui sit debita Dei visio, unde repugnet? 1. 2. 2. 4.

Substantia spiritualis, quæ non sit cognoscitiva, est impossibilis. 1. 3. 2. 9. Sicut etiam quæ non sit volitiva, & libera. ib. 12. Necnon substantia intellectiva creata cum propriis actibus identificata. 2. 3. 5. 2.

Supernaturalitas entis in quo consistat? 5. 1. 2. 2.

T

Theologia dumtaxat inter scientias demonstrat existentiam sui objecti, nempe Dei. 1. 1.

Theologica Conclusio. V. Fidei objectum materiale.

Timor Dei multiplex, Mundanus, Servilis, Initialis, Filialis. 4. 5. 1. 8.

D. Thomas ne quoad rem quidem prædeterminationem physicam agnovit. 3. 3. 2. 1. Immune ab Originali Deiparam docuit cum Patriarcha Dominico. 8. 1. 2. 7. Videatur admisisse in Christo D. solam libertatem a coactione, sed admisit etiam libertatem a necessitate. 2. 6. 6. 6. Valida ratiocinatione ostendit immaterialitatem esse radicem cognoscitivitatis. 1. 3. 2. 1.

Transubstantiatio Eucharistica quid ferat? 7. 4. 5. 1.

Trinitatis individuum mysterium propriis vocabulis est explicandum. 1. 5. 1. 1. Cur ejus prædicata notionalia sint quinque, Relationes vero quatuor, & Personæ tres? ib. Dux sunt Personæ Spirantes, sed unus est Spirator; Sicut tres Personæ creantes, sed unus Creator. ibid. Hypostasis idem sonat, ac Persona, & Suppositum olim denotabat substantiam. 1. 5. 2. 3. Num detur in Deo subsistentia absoluta præter tres relativas? ib. 5. Num actus notionales, nempe Generatio, & Spiratio activa, dici debeant liberi? ib. 6. Num Personalitates, ut præcise a natura, importent formaliter perfectionem? ib. 7. Datur inter naturam, & Personalitates distinctio virtualis ex parte objecti. 1. 5. 2. 2. Principium productivum Quo consistit formaliter in absoluto connotante relativum. 1. 5. 3. 3. Cur sola processio Verbi sit generatio? 1. 5. 4. 2. Verbum procedit ex cognitione omnium necessarium, non vero contingentium. 1. 5. 5. 2. Spiritus Sanctus non distingueretur a Filio, si ab illo non procederet. 1. 5. 6. 2.

Venialium remissio multifariam haberi potest. 8. 2. 7. 4. Probabiliter delentur per Contritionem tanquam per condignam satisfactionem; & per attritionem, aut alium actum supernaturalem, tanquam per proximam dispositionem ad eorum remissionem. ib. 5. Quomodo per Sacramentalia deleantur? ib. 14. Quomodo deleantur post mortem? ibid. 15. V. Peccatum veniale.

Verbum adæquate tum secundum naturam, tum secundum Personalitatem immediate terminat Unionem hypostaticam. 6. 4. 2. 6. Procedit ex cognitione omnium necessariorum, non vero contingentium. 1. 5. 5. 2. Quidam assumperit in Humanitate? 6. 4. 7. 2. Num dimiserit sanguinem a corpore separatum in triduo mortis? 6. 4. 4. 3. Verbo est intrinseca terminative unio hypostatica, quæ est subjective intrinseca Humanitati. 6. 1. 1. 3.

Verbum mentis quid sit? 2. 3. 4. 3. Visio Dei negative solum demonstrari potest, quod non repugnet. 1. 2. 1. 1. Ea nulli creaturæ est dehitæ; unde repugnat substantia supernaturalis. 1. 2. 2. 1. Idque evincitur, tum quia si esset possibilis, daretur de facto, tum quia modus operandi sequitur modum essendi. ibid. 8. Possibilis est visio Dei præcisive formaliter, qua videatur unum Attributum sine alio, & una Persona, non visa altera opposita. 1. 2. 6. 6. Quidnam defacto Beati videant in Verbo? ibid. 22. V. lumen gloriæ, & Beatitudo.

Visio Dei præstat amoris beatifico & intellectus voluntari. 2. 1. 4. 1. Stare divinitus potest Dei visio sine amore fructivo, non tamen e converso. 2. 1. 5. 1. Videns Deum nequit illum odisse. ib. 8. Est tamen capax præcepti, ne Deum diligat. ib. 10. Divinitus componi potest Dei visio cum potentia ad peccandum in sensu diviso, peccato scilicet impediendo Visionis. 2. 1. 6. 4. Necnon cum peccato visionis destructivo pro instanti sequenti. ib. 8. Componi etiam potest cum peccato habituali; immo etiam cum actuali, si visio ad illud consequatur; in quo tamen casu videns Deum sibi infernum non esset beatus, sed miserrimus. ib. 14. Dei visio solum naturaliter est indestruibilis. 3. 1. 9. 2.

Visio Dei essentialiter indestruibilis simplici-

ter repugnat, quamvis indestruibilis oriatur ex connexionione intentionali cum Divino decreto de nulla visione destructa. 2. 1. 10.

Virtutes per accidens infusæ quænam sint; & an dentur? 5. 1. 1.

Virtutes morales per se infusæ, tanquam gratiæ proprietates, infunduntur in anima per baptismum. 5. 1. 1. 2. Distinguntur realiter a virtutibus Theologicalibus, & a gratiæ. ibid. 5. Per quid discriminentur virtutes supernaturales a naturalibus, & Morales a Theologicalibus? 5. 1. 2. 3. An differant virtutes supernaturales a naturalibus ratione objecti formalis? ib. 7. Virtutes infusæ, earumque actus quomodo vitiis opponantur? 5. 2. 3. 1. An possit per accidens virtus influere in actum malum? 5. 1. 4. 1. An etiam possit lædere seipsam? ib. 8. Virtus etiam inferior imperare potest actum alterius virtutis, etiam superioris. 5. 1. 5. 4.

Virtus moralis pure fugæ non est possibilis, quamvis deatur actus pure fugæ, cuiusmodi est actus primarius Virtutis Penitentis. 8. 3. 3. 5.

Virtus pure reflexa est impossibilis, atque adeo de Penitentia non est huiusmodi. 8. 3. 5. 3.

Virtutes Cardinales, Beatitudines, & fructus Spiritus Sancti in quo consistant? 5. 1. 6. 1.

Unio hypostatica immediate terminatur ad naturam simul, & Personalitatem Verbi. 6. 4. 1. 6. Ea Verbo est intrinseca solum terminative, non subjective; & idcirco non est immutativa Verbi. 6. 1. 1. 3. In quo differat Unio ab Incarnatione, & Assumptione? 6. 4. 3. 1. Maxima est in ratione Unionis, & in ratione doni. ib. Unio præsentis ordinis sanctificat Humanitatem ut quo simul, & ut quod. Possibilis tamen est Unio, quæ solum sanctificet ut quo. ibid. 4. In hanc Unionem physice Deipara influxit, & quomodo. 6. 4. 4. 3.

Voluntarium quid sit, & in quo differat a volito? Num præstat voluntarium liberum voluntario necessario? ibid. 3. Num dari possit voluntarium sine omni actu voluntatis? ib. 8. V. Metus, Concupiscentia, Ignorantia.

Voluntas exercet libertatem pro instanti, quo operatur, non pro sequenti. 2. 6. 7. 2. Potest præcligere minus bonum in conflictu maioris, etiamsi efficacius propositi. 2. 6. 8. 6. Nequit amare malum sub

RERUM GENERALIS!

sub ratione mali . 2. 6. 9. 1. Potest tamen per se ferri in malum per actum puræ fugæ . 2. 6. 10. 2. , & 8. 3. 3. 5. Ad amandum bonum faciem præferre debet iudicium de tali bonitate , quin sufficiat sola boni apprehensio . 2. 6. 11. 2. Potest voluntas ex motivo universali delectari unum peccatum , quin alia detestetur virtualiter . 5. 1. 3. 5. , & 4. 4. 3. 6.

Voluntatis actus non possunt esse violenti , aut coacti . 2. 6. 1. 4. Potest tamen voluntas coactionem pati in actibus a se imperatis . ib. 7.

Voluntatis Divinæ infrustrabilitas optime

conciliatur cum libertate voluntatis creatæ , vi scientiæ mediæ . 3. 2. 1. 4.

Voluntas humana Christi D. nunquam fuit Divinæ voluntati contraria ; & qua ratione . 6. 2. 3. 7.

Ususfructus perpetuus an possit a dominio separari ? 5. 2. 3. 2.

Ususfructuarius , & Usuarius an sint domini partiales ? 5. 2. 1. 8.

Usus facti licitus in rebus unico usu consumptibilibus separari potest a dominio . 5. 2. 2. 2.

Usuræ injustitiam continent , & jure etiam naturæ prohibentur . 5. 4. 3. 2.

Esto autem hîc totius Operis

(*Sed oh ubi Æternitatis!*)

F I N I S .

L. D. & B. V. sine labe Concepta .



21.11.1977

TYPOGRAPHUS

IN hujus Operis commendationem hic animadvertit, anno 1712. illud Pata-vii primum in lucem prodiiſſe duobus tomis 4. comprehenſum. Prodiit pariter ex eadem Pata-vina Typographia idem Operis octo tomulis 12. Mox illud etiam Præge in Bohemia prælo mandatum fuit apud Gaſparem Vvuffin 4. cum privilegio Caſareo. Rurſus Colonia apud Franciſcum Metterninch octo tomulis 8. Atque demum excuſum nunc eſt Pata-vii duobus tomis 4. Tot editiones tam brevi habita plane demonſtrant, non ingratum illud accidiſſe Theologia Candidatis. Quinimmo ab ipſiſmet Proteſtantibus in pretio habitum tradunt Ephemerides Gallicana (qua inſcribuntur Memoires pour l'Hiſtoire &c. A Treuoux) anno 1716. pag. 2133. his verbis: De Prague: On a reimprime ici le Cours de Theologie du Pere Viva Jeſuite Neapolitain. la netete, & la ſolidite de cet Auteur le font eſtimer des Proteſtans memes. On l'imprime a Cologne (apud Franciſcum Metterninch octo tomulis 8. ut ibidem dicitur anno 1717. pag. 1201.) Trois editions en ſi peu de tems ſont pour le Livre un Eloge, qui ne peut etre ſuſpect.



